

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ

М. Шарипов, Д. Файзихўжаева

# МАНТИК

Ўқув дастурлари, дарсликлар ва ўқув қўлланмаларни  
қайта кўриб чиқши ва янгиларини яратиши бўйича  
Республика мувофиқлаштириш комиссияси томонидан  
ўқув қўлланма сифатида тавсия этилган

Фафур Фулом номидаги нашриёт-матбаа ижодий уйин  
Тошкент – 2004

87.4  
Ш26

*Масъул муҳаррир:* доцент А. Ўтамуродов

*Тақризчи:* Ўзбекистон ФА академиги, фалсафа фанлари доктори,  
профессор **М.М. Хайруллаев**

Ш-Ф  $\frac{1403000000 - 28}{M352(04) - 2004}$  катъий буюртма, 2004

ISBN 5-635-02233-2

© М.Шарипов, Д. Файзихўжаева.  
Faafur Fулом номидаги нашриёт-  
матбаа ижодий уйи, «ЎАЖБНТ»  
Маркази, 2004 й.

## КИРИШ

Мантиқ ўқувчи ва талабаларни тўғри фикрлашнинг қонун-коидалари ва мантиқий шакллари билан таништириш асосида «уларни мустақил фикрига эга бўлган баркамол инсонлар этиб тарбиялаш»<sup>1</sup>, уларда янги турмуш ва тафаккур тарзини карор топтиришга ва шу тарика «уларни янги ҳаёт, замон талабларига жавоб берадиган жамият қурилишининг фаол ва жўшқин иштирокчиларига айлантириш»<sup>2</sup>га хизмат қиласди.

Шуни айтиш керакки, мантиқ бўйича яратиладиган ўқув кўлланмаси янги мафкуравий асосга эга бўлиши билан бир қаторда ўзида мазкур илм соҳасида янги пайдо бўлган мавзуу ва масалаларни акс эттириши, ўқитиш жараёнида тўпланган илфор тажрибаларни умумлаштириши, янги педагогик технология элементларини мужассамлаштирган бўлиши керак.

Ана щундан келиб чиқиб, муаллифлар мазкур ўқув кўлланмада, биринчи навбатда, формал мантиқнинг ҳозирги пайтдаги ўзига хослигини белгилаб берадиган формаллашган тилини нисбатан чукурроқ ёритишига, унинг ёрдамида мулоҳазалар мантиғи ва предикатлар мантиғи системалари тўғрисида бошлангич маълумотлар беришига ҳаракат кирадилар. Бу, муаллифлар фикрича, маълум бир даражада анъанавий ва замонавий (символик) мантиқ орасидаги кейинги пайтда пайдо бўла бошлаган узилишни бартараф этиш йўлида кўйилган дастлабки қадамлардан бири бўлади.

Шунингдек, такдим этилаётган ўқув кўлланмада саволи ва жавоб, норма (меъёрий қоида), муаммо каби мантиқка кейинги пайтда кўшилган масалаларнинг ёритилишига ҳам алоҳида эътибор қаратилди. Дедуктив хулоса чиқариш мавзуси янги маълумотлар ҳисобига тўлдирилди. Индуктив хулоса чиқариш ва илмий назария масалаларига янгича ёндашиш амалга оширилди. Талабалар машқлар

<sup>1</sup> И.Каримов. Миллий истиклол мафкураси – халқ эътиқоди ва буюк келажакка ишончdir. «FIDOKOR» газетаси мухбири саволларига жавоблар. — Т., «Ўзбекистон», 2000, 11-бет.

<sup>2</sup> Ўша ерда, 19-бет.

Орқали эса миллат тафаккури ва мафкурасининг ҳамда умумбашарий маънавий қадриятларнинг илгор намуналарини акс эттиришга бўлган интилишни пайқаб олиши қийин эмас.

Ўқув кўлланма олий ўқув юртларининг нофалсафий мутахассисликлари бўйича таълим оладиган талабаларига мўлжалланган. Муаллифлар буни мантиқ бўйича янги ўқув адабиётини яратиш борасидаги дастлабки тажриба деб ҳисоблаб, уни мукаммаллаштиришга имкон берадиган танқидий фикр ва мулоҳазаларни мутахассислар ва талабалардан кутиб қолади.

## **МАНТИҚ ИЛМИНИНГ ПРЕДМЕТИ ВА АҲАМИЯТИ**

### **ТАФАККУР МАНТИҚ ИЛМИНИНГ ЎРГАНИШ ОБЪЕКТИ**

Келиб чиқишига кўра арабча бўлган “мантиқ” (грекча логика—logos) атамаси «фикр», «сўз», «ақл», «қонуният» каби маъноларга эга. Унинг кўпмаънолиги турли хил нарсаларни ифода қилишда ўз аксини топади. Хусусан, мантиқ сўзи, биринчидан, объектив олам қонуниятларини (масалан, «объектив мантиқ», «нарсалар мантиғи» каби ибораларда), иккинчидан, тафаккурнинг мавжуд бўлиш шакллари ва тараққиётини, шу жумладан, фикрлар ўртасидаги алоқадорликни характерлайдиган қонунқоидалар йифиндисини (масалан, «субъектив мантиқ» иборасида) ва учинчидан, тафаккур шакллари ва қонунларини ўрганувчи фанни ифода этишда ишлатилади.

Мантиқ илмининг ўрганиш объектини тафаккур ташкил этади. «Тафаккур» арабча сўз бўлиб, ўзбек тилидаги «фикрлаш», «ақлий билиш» сўzlарининг синоними сифатида кўлланилади. Тафаккур билишининг юқори босқичидир. Унинг моҳиятини яхшироқ тушуниш учун билиш жараёнида тутган ўрни, билишининг бошқа шакллари билан бўлган муносабатини аниклаб олиш зарур.

Билиш воқеликнинг, шу жумладан, онг ҳодисаларининг инсон миясида субъектив, идеал образлар шаклида акс этишидан иборат. Билиш жараёнининг асосини ва охириги мақсадини амалиёт ташкил этади. Барча ҳолларда билиш инсоннинг ҳаётий фаолияти билан ўёки бу даражада боғлиқ бўлган нарсаларни тушуниб этишга бўйсундирилган бўлади. Билиш жараёнини амалга оширас экан, кишилар ўз олдиларига маълум бир мақсадни қўядилар. Улар ўрганилиши лозим бўлган предметлар доираси, тадқиқот йўналиши, шакллари ва методларини белгилаб беради.

Билиш мураккаб, зиддиятли, турли хил даражаларда ва шаклларда амалга ошадиган жараёндир. Унинг дастлабки босқичини ҳиссий билиш – инсоннинг сезги органлари

ёрдамида билиши ташкил этади. Бу босқичда предмет ва ҳодисаларнинг ташки хусусиятлари ва муносабатлари, яъни уларнинг ташки томонида бевосита намоён бўладиган ва шунинг учун ҳам инсон бевосита сеза оладиган белгилари ҳақида маълумотлар олинади.

Ҳиссий билиш уч шаклда: сезги, идрок ва тасаввур шаклида амалга ошади. **Сезги** предметнинг бирорта ташки хусусиятини (масалан, рангини, шаклини, таъмини) акс эттирувчи яққол образдир. **Идрок** предметнинг яхлит яққол образи бўлиб, у мазкур предмет ҳақидаги турли хил сезгиларни синтез қилиш натижасида ҳосил бўлади. Алоҳида олинган сезгилардан фарқли ўларок, идрок берилган предметни бошқа предметлардан (масалан, олмани беҳидан, нокдан ва шу кабилардан) фарқ қилиш имконини беради. **Тасаввур** эса аввал идрок этилган предметнинг образини маълум бир сигналлар (берилган предмет билан маълум бир умумийликка эга бўлган) таъсирида мияда қайта ҳосил қилишдан ёки шу ва бошқа образлар негизида янги образ яратишдан иборат ҳиссий билиш шаклидир. Масалан, танишингизга ўхшаган кишини учратганда танишингизни эслайсиз ёки курмоқчи бўлган иморатингизни мавжуд иморатлар образлари ёрдамида яққол ҳис қиласиз.

Ҳиссий билишнинг барча шаклларига ҳос бўлган хусусиятлари қаторига қуйидагилар киради:

Биринчидан, ҳиссий билиш объектнинг (предметнинг ёки унинг бирорта хусусиятининг) субъектга (индивидудга, тўғрироғи, унинг сезги органларига) бевосита таъсир этишини тақозо этади. Тасаввур ҳам бундан истисно эмас. Унда образи қайта ҳосил этилаётган (ёки яратилаётган) предмет эмас, у билан боғлиқ бўлган бошқа предмет-сигнал таъсир этади.

Иккинчидан, ҳиссий билиш шакллари предметнинг ташки хусусиятлари ва муносабатларини акс эттиради.

Учинчидан, ҳиссий образ предметнинг яққол образидан иборат.

Тўртинчидан, ҳиссий билиш конкрет индивидлар томонидан амалга оширилганлиги учун ҳам ҳар бир алоҳида ҳолда конкрет инсоннинг сезиши қобилияти билан боғлиқ тарзда ўзига ҳос хусусиятга эга бўлади.

Бешинчидан, ҳиссий билиш билишнинг дастлабки ва зарурий босқичи ҳисобланади. Усиз билиш мавжуд бўла олмайди. Чунки инсон ташки олам билан ўзининг сезги органлари орқали боғланган. Билишнинг кейинги босқичи, бошқа барча шакллари сезгиларимиз берган маълумотларга таянади.

Бундан келиб чиқадиган хулоса шуки, ҳиссий билиш тафаккур билан узвий боғлиқ. Хусусан, назарий билимларнинг чинлиги охир-оқибатда эмпирик талқин қилиш йўли билан, яъни тажрибада бундай билимларнинг объектини қайд этиш орқали асосланади. Ўз навбатида, ҳиссий билиш, умуман олганда, акл томонидан бошқарилиб туради, билиш олдида турган вазифаларни бажаришга йўналтирилади, ижодий фантазия элементлари билан бойитилади. Масалан, гувоҳларнинг берган кўрсатмалари асосида жиноятчининг портрети (масалан, компьютер ёрдамида фотороботи) яратилади, яққол ҳис қилинади ва қилирилади.

Лекин, шунга қарамасдан, ҳиссий билиш ўз имкониятлари, чегарасига эга. У бизга алоҳида олинган предметлар (ёки предметлар тўплами), уларнинг ташқи белгилари ҳакида маълумот беради. Унда мавжуд предметлар ўртасидаги алоқадорлик (масалан, муз билан ҳавонинг ҳарорати ўртасидаги боғланиш) ўрганилмайди, предметларнинг умумий ва индивидуал, муҳим ва номухим, зарурый ва тасодифий хусусиятлари фарқ қилинмайди.

Бундан ташқари, баъзи ҳолларда ҳиссиётимиз бизни алдаб қўяди. Унинг асосий сабаблари инсон сезги аъзолари имкониятларининг чегараланганлиги ва шунингдек, предметнинг моҳиятини белгилайдиган муҳим хусусиятларнинг ҳаммавақт ҳам ташқаридан аник, равshan ифодалана бермаслигидан иборат. Масалан, узокдан сизга караб юриб келаётган кишини танишингизга ўхшатасиз, лекин яқинроқ келганда унинг бошқа киши эканлиги маълум бўлади. Бошқа бир мисол. Энди танишган кишингиз ҳакидаги дастлабки таассурот (бу асосан унинг ташқи томонидан кўринишига караб ҳосил қилинади) баъзан у билан мулоқотда бўлгандан кейин ўзгаради. Мана шу ўринда «Кийимиға караб кутиб олишади, ақлига караб кузатишади» деган мақолнинг ҳиссий билиш билан акл ўртасидаги ўзаро муносабатни, фарқни яхши ифода қилишини таъкидлаш лозим. Юқорида қайд этиб ўтилган холатлар тафаккурга бўлган эҳтиёжни, унинг билишда тутган ўрнини чукур англашга ёрдам беради.

Предмет ва ҳодисаларнинг моҳиятини тушунишга тафаккур ёрдамида эришилади. Тафаккур билишнинг юкори-рационал (лотинча *ratio* – акл) билиш босқичи бўлиб, унда предмет ва ҳодисаларнинг умумий, муҳим хусусиятлари аникланади, улар ўртасидаги ички, зарурый алоқалар, яъни конуний боғланишлар акс эттирилади. Тафаккур куйидаги асосий хусусиятларга эга:

1. Тафаккурда воқелик абстрактлашган ва умумлашган ҳолда инъикос қилинади. Ҳиссий билишдан фаркли ўлароқ, тафаккур бизга предметнинг номуҳим, иккинчи даражали (бу одатда билиш олдида турган вазифа билан белгиланади) белгиларидан абстрактлашган (фикран четлашган, мавҳумлашган) ҳолда, эътиборимизни унинг умумий, муҳим, такрорланиб турувчи хусусиятларига ва муносабатларига қаратишилизга имкон беради. Хусусан, турли кишиларга хос индивидуал белгиларни (хулқ-автор, темперамент, қизикиш ва шу кабилар) эътибордан четда қолдирган ҳолда улар учун умумий, муҳим белгиларни, масалан, мақсадга мувоғиқ ҳолда меҳнат қилиш, онга эга бўлиш, ижтимоий муносабатларга киришиш каби хислатларни ажратиб олиб, «инсон» тушунчасини ҳосил қилиш мумкин. Умумий белгиларни аниқлаш предметлар ўргасидаги муносабатларни, боғланиш усусларини ўрнатишни тақозо этади. Турли хил предметлар фикрлаш жараёнида ўхшаш ва муҳим белгиларига кўра синфларга бирлаштирилади ва шу тарика уларнинг моҳиятини тушуниш, уларни характерлайдиган қонуниятларни билиш имконияти туғилади. Масалан, юқорида келтирилган «инсон» тушунчасида барча кишилар битта мантикий синфга бирлаштирилиб, улар ўргасидаги муҳим боғланишлар (масалан, ижтимоий муносабатлар) билиб олинади.

2. Тафаккур борликни билвосита акс эттира олади. Унда янги билимлар тажрибага ҳар сафар бевосита мурожаат этмасдан, мавжуд билимларга таянган ҳолда ҳосил қилинади. Фикрлаш бунда предмет ва ҳодисалар ўргасидаги алоқадорликка асосланади. Масалан, боланинг хулқ-авторига қараб унинг қандай муҳитда тарбия олганлиги ҳакида фикр юритиш мумкин. Тафаккурнинг мазкур хусусияти, айниқса, хуросавий фикр ҳосил қилишда аниқ намоён бўлади.

3. Тафаккур инсоннинг ижодий фаолиятидан иборат. Унда билиш жараёни борликда реал аналогига эга бўлмаган нарсалар – юқори даражада идеаллашган обьектлар (масалан, абсолют қаттиқ жисм, идеал газ каби тушунчалар)ни яратиш, турли хил формал системаларни куриш билан кечади. Улар ёрдамида предмет ва ҳодисаларнинг энг мураккаб хусусиятларини ўрганиш, ҳодисаларни олдиндан кўриш, башоратлар қилиш имконияти вужудга келади.

4. Тафаккур тил билан узвий алоқада мавжуд. Фикр идеал ҳодисадир. У факат тилда – моддий ҳодисада (товуш тўлқинларида, график чизикларда) реаллашади, бошқа кишилар бевосита қабул қила оладиган, ҳис этадиган шаклга киради ва одамларнинг ўзаро фикр алмашиш воситасига айланади. Бошқача айтганда, тил фикрнинг бевосита воқе бўлиш шаклидир.

## ТАФАККУР ШАКЛИ ВА ТАФАККУР ҚОНУНИ ТУШУНЧАЛАРИ

Тафаккур уч хил шаклда: тушунча, ҳукм (мулоҳаза) ва хулоса чиқариш шаклида мавжуд.

**Тафаккур шакли** фикрнинг мазмунини ташкил этувчи элементларнинг боғланиш усули, унинг структураси (тузилиши)дир. Фикрлаш элементлари деганда, предметнинг фикрда ифода қилинган белгилари ҳақидаги ахборотлар тушунилади. Тафаккур шаклининг табиатини конкрет мисоллар ёрдамида кўриб чиқамиз.

Маълумки, айрим предметлар, уларнинг синфи (тўплами) кишилар тафаккурида турли хил мазмунга эга бўлган тушунчаларда акс эттирилади. Масалан, «давлат» тушунчасида ўзининг майдонига, аҳолисига, бошқарув воситаларига эга бўлган сиёсий ташкилот акс эттирилади. «Илмий назария» тушунчасида эса предметларнинг бирорта соҳасига оид бўлган ва улар ҳақида яхлит тасаввур берадиган, маълум бир метод ёрдамида курилган тушунчалар системаси ифода этилган. Мазмун жиҳатдан турли хил бўлган бу тушунчалар мантиқий шаклига кўра бир хилдир: ҳар иккаласида предмет унинг муҳим белгилари орқали фикр қилинган «ўз майдонига эгалиги», «аҳолисининг мавжудлиги», «бошқарув воситаларига эгалиги», «сиёсий ташкилотдан иборатлиги» давлатнинг муҳим хусусиятлари ҳисобланади. Худди шунингдек, «предметларнинг бирорта соҳасига алоқадорлиги», «предмет ҳақида яхлит тасаввур ҳосил қилишига имконият бериши», «маълум бир метод ёрдамида курилиши», «тушунчалар системаси шаклида бўлиши» илмий назариянинг муҳим белгилари ҳисобланади. Агар тушунча акс эттираётган предметни A билан, унда фикр қилинаётган муҳим белгиларни, яъни фикрлаш элементларини a, b, c,..., n билан белгиласак, тушунчанинг мантиқий структурасини A (a, b, c,..., n) шаклида символик тарзда ифодалаш мумкин.

Хукмларда предмет билан унинг хоссаси, предметлар ўргасидаги муносабатлар, предметнинг мавжуд бўлиш ёки бўймаслик факти ҳақидаги фикрлар тасдиқ ёки инкор шаклда ифода этилади. Масалан, «Темир—металл» деган ҳукмда предмет (темир) билан унинг хоссаси (металл эканлиги) ўргасидаги муносабат қайд этилган. «Ахлоқ ҳуқуқ билан узвий алоқада» деган ҳукмда иккита предмет (ахлоқ ва ҳуқуқ) ўргасидаги муносабат қайд этилган. Мазмун жиҳатдан турли хил бўлган бу ҳукмлар тузилишига кўра бир хилдир: уларда предмет ҳақидаги тушунча (S) билан предмет белгиси ҳақидаги тушунча (P) ўргасидаги муносабат қайд

этилган, яни Р нинг S га хослиги тасдиқланган. Умумий ҳолда ҳукмнинг мантикий структурасини (шаклини) S—P формуласи ёрдамида ифода этиш мумкин.

Хулоса чиқаришда ҳам юқоридагига ўхшаш ҳолларни кузатиш мумкин. Масалан,

“Дарахт – ўсимлик”.  
“Терак – дарахт”.

Демак, “Терак – ўсимлик”.

ёки

“Ҳар бир кимёвий элемент ўз атом оғирлигига эга”.

“Мис – кимёвий элемент”.

Демак, “Мис ўз атом оғирлигига эга” кабилар.

Бу хулоса чиқариш ҳоллари мазмуни бўйича турлича бўлишига қарамасдан, бир хил мантикий структурага эга. Ҳар иккаласида хулосани ташкил этувчи тушунчалар хулоса чиқариш учун асос бўлиб хизмат қилаётган ҳукмларда учинчи бир тушунча (биринчи мисолда – «дарахт», иккинчи мисолда – «кимёвий элемент» тушунчаси) орқали боғланган.

Юқоридаги келтирилган мисоллардан тафаккур шаклининг фикрнинг конкрет мазмунидан нисбатан мустақил ҳолда мавжуд бўлиши ва, демак, ўзига хос қонуниятларга эгалиги маълум бўлди. Шунинг учун ҳам мантиқда уни алоҳида ўрганиш предмети сифатида олиб қарашиб мумкин.

Тушунча, ҳукм (мулоҳаза) ва хулоса чиқариш тафаккурнинг ўйнерсал мантикий шакллари, унинг асосий структуравий элементлари ҳисобланади. Мухокама юритиш ана шулар ва уларнинг ўзаро алоқаларга киришиши натижасида вужудга келадиган бошқа мантикий структуralар (масалан, муаммо, гипотеза, назария, тоя ва шу кабилар)да амалга ошади.

Мухокама юритишда ишончли натижаларга эришишнинг зарурий шартлари қаторига фикрнинг чин бўлиши ва формал жиҳатдан тўғри қурилиши киради. Чин фикр ўзи ифода қилаётган предметга мувофиқ келувчи фикр ҳисобланади (масалан, «темир – металл»). Хато фикр предметга мос келмайдиган фикрdir (масалан, «темир – металл эмас»). Фикрнинг чин ёки хато бўлиши унинг мазмунига тегишли ҳусусиятларидир.

Фикрнинг чин бўлиши мантикий фикр юритишнинг зарурий шарти бўлса-да, ўз ҳолиша етарли эмас. Фикр мухокама юритиш жараёнида формал жиҳатдан тўғри қурилган ҳам бўлиши керак. Бу ҳусусият фикрнинг шаклига тааллуқли бўлиб, тафаккурда ҳосил бўладиган турли хил мантикий структуralарда содир бўладиган ҳар хил мантикий амалларда ўз аксини топади.

Фикрни тўғри қуришга тафаккур қонунлари талабла-рига риоя қилгандагина эришиш мумкин. **Тафаккур қонуни**

муҳокама юритиши жараённида фикрлар (фикрлаш элементлари) ўртасидаги мавжуд зарурий алоқалардан иборат. Тафаккур қонунлари мазмунидан келиб чиқадиган, муҳокамани тўғри қуриш учун зарур бўлган талаблар фикрнинг аник, изчил, етарли даражада асосланган бўлишидан иборат.

Муҳокамани тўғри қуриш билан боғлик талаблар ҳакида гапиргандга, биринчи навбатда, уларнинг муайян принциплар, қоидалар тарзида, яъни тўғри тафаккур принциплари сифатида амал қилишига эътибор бериш зарур. Мазкур қоидаларнинг бузилиши муҳокаманинг нотўғри қурилишига сабаб бўлади. Бунда, хусусан, чин фикрлардан хато холоса чиқиши (масалан, «Конун – риоя қилиш зарур бўлган ҳукукий ҳужжат», «Буйруқ қонун эмас», демак, «Буйруқ риоя қилиш зарур бўлган ҳукукий ҳужжат эмас») ёки хато қурилган муҳокамадан чин холоса чиқиши (масалан, «Барча моддий жисмлар – кимёвий элементлар», «Темир – моддий жисм», демак, «Темир – кимёвий элемент») мумкин.

Тафаккур кўп қиррали жараён бўлиб, уни турли хил томондан, хусусан, мазмунни ва шакли (структураси) бўйича, тайёр ҳолида ёки келиб чиқиши ва тараққиётида олиб ўрганиш мумкин. Буларнинг барчаси мантиқ илмининг вазифасини ташкил этади, унинг турлича методлардан фойдаланишига, ҳар хил йўналишларга ажралишига сабаб бўлади.

## ФОРМАЛ МАНТИҚНИНГ ПРЕДМЕТИ

Кенг маънода мантиқни **тафаккур шакллари ва қонунларини ўрганувчи фан**, деб аташ мумкин. Ҳозирги пайтда унинг формал мантиқ, диалектик мантиқ ва математик мантиқ каби йўналишлари фарқ қилинади. **Формал мантиқ** тафаккурнинг структурасини фикрнинг конкрет мазмунни ва тараққиётидан четлашган ҳолда, нисбатан мустакил равишда олиб ўрганади. Унинг дикқат марказида муҳокамани тўғри қуриш билан боғлик қоидалар ва мантиқий амаллар ётади.

Формал мантиқка тўғри тафаккур шакллари ва қонунларини ўрганувчи фалсафий фан, деб таъриф бериш мумкин.

Диалектик мантиқ, формал мантиқдан фарқли ўлароқ, тафаккурни унинг мазмунни ва шакли бирлигида ҳамда тараққиётида олиб ўрганади. Математик мантиқ эса тафаккурни математик методлар ёрдамида тадқиқ этади. У ҳозирги замон математикасининг муҳим йўналишларидан бири бўлиб,

тафаккурни мантикий хисоблаш деб аталадиган юкори даражада абстрактлашган ва формаллашган системада таҳлил қиласи.

Биз ўрганадиган фан формал мантиқ<sup>1</sup> бўлиб, у хозирги пайтда ўзининг маҳсус формаллашган тилига, тўғри муҳокама юритиш учун зарур бўлган самарали мантикий методлари ва усусларига, концептуал воситаларига эга. У тафаккурни ўрганувчи бошқа фанлар, хусусан, фалсафа, психология, физиология билан ҳамкорлик қиласи ҳамда илмий билимлар системасида ўзининг муносабиб ўрнига эга. Айниқса, унинг билиш методи сифатидаги аҳамияти катта.

## МАНТИҚНИ ЎРГАНИШНИНГ АҲАМИЯТИ

Тафаккур шакллари ва қонунларини ўрганиш, улардан онгли равишда фойдаланиш фикрлаш маданиятини ўстиради, хусусан, фикрни тўғри қуриш малакасини ривожлантиради; баҳс юритишда ўзининг ва бошқаларнинг фикрига танқидий муносабатда бўлишига, сұхбатдошининг мулоҳазаларидаги хатоларни очиб ташлашга ёрдам беради.

Муҳокамани тўғри қуришга, формал зиддиятлар, хатоларга йўл қўймасликка эришиш, айтиш мумкини, ўзига хос санъат – мантиқ санъати хисобланади. Бу санъатнинг назарий асосларини чукур эгаллаган кишигина унинг имкониятларини амалий муҳокама юритишда намойиш кила олади. Шу ўринда буюк мутафаккир Форобийнинг мантиқ илмининг аҳамияти ҳақида билдирган қўйидаги фикрларининг алоҳида эътиборга лойиқ эканлигини таъкидлаш зарур. У шундай ёзади: «Бизнинг мақсадимиз ақлни, хатога йўл қўйиш мумкин бўлган барча ҳолларда, тўғри тафаккурга етаклайдиган, унинг ёрдамида ҳар сафар хулоса чиқараётганда адашишга қарши эҳтиёт чораларини кўрсатадиган санъатни – мантиқ санъатини ўрганишdir. Унинг асосий қонун-қоидаларининг ақлга бўлган муносабати грамматика санъати қоидаларининг тилга бўлган муносабатига ўхшаш; худди грамматика кишиларнинг тилини тўғрилаш эҳтиёжи сабабли яратилгани, унга хизмат килиши зарур бўлгани сингари, мантиқ ҳам тафаккур жараёнини яхши амалга ошириш мақсадида хатога йўл қўйиш мумкин бўлган барча ҳолларда ақлни тўғирлаб туради»<sup>2</sup>.

Унинг таълим соҳасидаги вазифалари ҳам жиддийдир. Ўқув жараёнининг самарадорлиги маълум бир даражада ишлатиладиган

<sup>1</sup> Формал мантиқ баъзан умумий ма-нтиқ деб ҳам юритилади. Классик ва ноклассик мантиклар унинг тараққиётининг асосий йўналишлари хисобланади.

<sup>2</sup> Аль-Фараби. Вводный трактат в логику // Материалы по истории прогрессивной общественно-философской мысли в Узбекистане. Ташкент, 1976, с.128.

тушунчаларнинг, терминларнинг аниқ бўлишига, муаммоларнинг мантиқан тўғри кўйилиши ва ҳал қилинишига, мавжуд гипотезалар структурасини тўғри таҳлил қила олишга, аргументлаш коидаларидан тўғри фойдаланишга боғлик.

Фан учун формал мантиқ мураккаб муаммоларни ечиш воситасини беради. Бундай воситалар, одатда, илмий назариянинг структурасини ўрганишда, унда ишлатиладиган формализмнинг моҳиятини тушунтириб беришда, формал зиддиятлар бўлса, уларни аниқлашда муҳим аҳамиятга эга.

### **Машклар**

1.Кўйидаги муроҳазалар асосида тафаккурнинг муҳим хусусиятларини тушунтириб беринг:

- 1.1.Куч – билим ва тафаккурда (И.Каримов).
- 1.2.Бизнинг бутун кадр-кимматимиз тафаккурда жамланган (Б.Паскаль).
- 1.3.Тафаккур сезгидан қандайдир дастлабки турткини олмаса, ҳеч қандай ғоялар, фикрлар, аклий жараёнлар юзага келмайди (Ж.Эдвардс).
- 1.4.Ҳеч нима инсон тафаккуридек эркин бўлолмайди (Д.Юм).
- 1.5.Ақлни ўстирмок учун ҳадеб ўқийвермай, кўпроқ фикрлаш керак (Р.Декарт).
- 1.6.Цивилизациянинг буюк вазифаси – одамни фикрлашга ўргатишдир (Т.Эдисон).

1.7.Ақл хиссиётнинг кўзини очади (Р.Роллан).  
1.8.Ақл муроҳаза юритиш, англаш хусусиятига, яъни сабаб ва оқибатни узвий боғлаш, «нима учун» деган саволга жавоб бериш, тасодифларни аниқлаш, конунциятларни очиш, янги хусусиятларнинг янги шароитларга мослигини белгилаш, воқеалар занжирининг боши ва ниҳоясини топиш хусусиятига эга (Ж.Фабр).

2. Кўйидаги фикрларнинг қандай мантикий шаклга эга эканлигини аниқланг:

- 2.1.Хуқукий демократик давлат ва фуқаролик жамияти, ғоя, миллий истиқтол мафкураси, мафкуравий бўшлиқ, сиёсат ва давлат курилиши.
- 2.2.Мафкура котиб қолган ақидалар йигиндиси эмас (И.Каримов).
- 2.3.Она тили – бу миллатнинг руҳидир (И.Каримов).
- 2.4.Инсонга фойда келтирмайдиган инсон – ўлиқидир (Юсуф Хос Ҳожиб).
- 2.5.Жуфт сонлар иккига колдиқсиз бўлинади.

**Саккиз – жуфт сон.**

Демак, саккиз иккига колдиқсиз бўлинади.

2.6.Ҳозирги пайтда рўй бераётган айрим салбий ҳолатлар, ножўя ҳатти-харакатлар, ёвуз ишлар, аввало, мафкуравий бўшлиқ туфайли содир бўлмоқда. Нега деганда, ҳали ҳаётий тажрибага эга бўлмаган, ок-корани таниб улгурмаган ёшлар ҳар турли таъсирларга берилувчан бўлади (И.Каримов).

3. Кўйидаги фикрларнинг формал жиҳатдан тўғри ёки ҳато курилганини аниқланг:

3.1. «Саройбон чиқиши билан Мирзо Абдуллатиф нам киприкларини пирпиратиб Али Күшчига юзланди. Овози аллақандай ногирон титраб:

– Сохиби карам Мавлоно! – деди. – Мен сиздан зойича кўрмогингизни сўраган эдим. Кўрдингизму?..

– Кечиртайсиз, шахзода, – деди Али Күшчи оҳиста. – Камина тунов куни икror бўлган эдим: илми ножумдан бехабармен...

– Юлдузлар ҳолатини билган аллома илми ножумдан ҳам боҳабар бўлмоғи даркор...

– Надоматлар бўлғайким...

– Йўқ! Сиз биласиз! Маним пешанамга нелар ёзилган, салтанатнинг тақдири не бўлур – барини биласиз. Ва лекин айтмоқни истамайсиз (О.Ёкубов. Улуғбек хазинаси. З-нашри. Т., 1989, 398 – 399-бетлар).

3.2.Ака-укалар бир-бирларини ҳурматлаши керак.

Н.ва М. бир-бирини ҳурматлайди.

Демак, Н. ва М. – ака-укалар.

3.3.Дин қадриятдир.

Зардустийлик – дин.

Демак, зардустийлик қадриятдир.

4. Куйидаги мулоҳазалар асосида мантиқ илмининг предметини тушунишиб беринг:

4.1. Мантиқ инсоннинг аклида мавжуд бўлган тушунчалардан у ҳосил қилмоқчи бўлган тушунчаларга ўтиш усусларини ўрганувчи фандир (Ибн Сино).

4.2. Мантиқнинг чегаралари унинг ҳар кандай тафаккурнинг факат формал коидаларини баён этувчи ва катъий равишда исботловчи фан эканлиги билан аниқ белгиланади (И.Кант. Соч.в шести томах, т.3. М., 1964, с.83).

4.3. Мантиқни тафаккур ҳақидаги, унинг таърифлари ва қонунлари тўғрисидаи фан деб айтишимиз мумкин, факат бунда тафаккур энг умумий моҳият ёки стихия бўлиб, унда фоя мантиқий шаклда намоён бўлади. Фоя формал тафаккур эмас, балки ўз таърифлари ва қонунларини тайёр ҳолда топмайдиган, аксинча, уларни ўзи яратадиган ва уларнинг тараққиётидан ташкил топадиган яхлитлик кўринишидаги тафаккурдир (Гегель. Энциклопедия философских наук. Т.1. Наука логики. М., 1974, с.107).

4.4. Мухокамаларимизни яхшилашнинг ягона воситаси уларни, худди математиклардаги сингари яққол хис килинадиган, ҳатоларимизни ўз кўзимиз билан топадиган ва одамлар ўртасида баҳс чиқиб қолса, «Келинг, хисоблаб чиқамиз», деб айта оладиган кўринишга келтиришдир; ана шунда ҳеч бир расмиятчиликсиз кимнинг ҳақ эканлитини кўриш мумкин бўлади (Г.В.Лейбниц. Цитата по: Стяжкин Н.И. Формирование математической логики. М., 1967, с. 217).

5. Куйидаги мулоҳазалар асосида мантиқ илмининг аҳамиятини тушунишиб беринг:

5.1. Демократик жамиятда болалар, умуман, ҳар бир инсон эркин фикрлайдиган этиб тарбияланади (И.Каримов).

5.2. Мантиқ тафаккур кишиларининг тангриси (Л.Фейхтвангер).

5.3. Хато – бор-йўғи нотўғри муҳокама юритишнинг оқибати, холос (К.Боуви).

5.4. Бизнинг бутун фазилатимиз фикрлаш кобилиятимиз борлигига. Шундай экан, тўғри фикрлашга интилайлик (Б.Паскаль).

5.5. Ҳақиқатнинг нима экани, не нарсанинг ҳақиқатга яқин эканлиги, ниманинг ёлғонлиги, ҳақиқат ва ёлғоннинг қандай хиллари борлиги мантиқ ёрдамида аниқланади (Ибн Сино).

5.6. Ҳақиқатни танлаган зотлар:

Ўлим билмас, завол топмасдир («Авесто»дан).

5.7. Энг аянчли кишилар янглиш фикрловчи кишилар эмас, балки хеч бир тайинли, изчил фикри йўқ, мулоҳазалари узук-юлук, бир-бирига боғланмаган тушунчаларга эга бўлган одамлардир (Н.Г.Чернишевский).

#### *Takrorlaish учун саволлар*

1. Тафаккурнинг асосий хусусиятлари нималардан иборат?
2. Тафаккур шакли нима?
3. Тафаккур қонуни нима?
4. Формал мантиқ нимани ўрганади?
5. Формал мантиқ тафаккурни ўрганувчи бошқа фанлар билан қандай муносабатда?
6. Формал мантиқни ўрганиш қандай аҳамиятга эга?

## **МАНТИҚ ФАНИ РИВОЖЛАНИШИНГ АСОСИЙ БОСҚИЧЛАРИ**

### **ҚАДИМГИ ДУНЁДА МАНТИҚ ИЛМИНИНГ ШАКЛЛАНИШИ ВА РИВОЖЛАНИШИ**

Хар бир фан каби мантиқ илми ҳам ўзининг шаклланиш ва ривожланиш тарихига эга. Мантиққа оид дастлабки анъаналар Қадимги Шарқ мамлакатларида, хусусан, Хиндистон, Хитойда вужудга келди. Уларнинг шаклланишига нотиклик санъати, математика илмининг ривожланиши ва шу кабилар катта тасир кўрсатди. Шуни айтиш керакки, Қадимги дунёда Аристотелгача бўлган даврда мантиқ фалсафа тарқибida мавжуд бўлган мустақил фан сифатида шаклланмаган.

Қадимги Хиндистонда мантиқ илмининг ривожланиши уч даврни ўз ичига олади: 1 – илк будда мантиғи (эр. ав. VI–V асрлар); 2 – нъяя, вайшешика мактабларининг мантикий таълимоти (эр. III–V асрлари); 3 – будда мантиғининг ривожланган даври (эр. VI–VIII асрлари).

Ҳинд мантиқшунослари баҳс-мунозарада нима исботланяпти ва қандай исботланяпти, деган масалани ажратиб кўрсатишган. Улар исботлашнинг элементларини (тезис, асос, мисол, бир хиллик, ҳар хиллик, бевосита ҳиссий қабуллаш, хулоса, авторитет ва шу кабиларни) батафсил таҳлил этганлар. Нъяя мактабининг вакиллари хулоса чиқариш масаласини ўрганишга катта ҳисса кўшдилар. Шунингдек, улар беш қисмдан иборат силлогизм структурасини яратдилар:

1. Тезис (тепаликда олов бор).
2. Асос (тепаликдан тутун чиқяпти).
3. Мисол (қаерда тутун бўлса, шу ерда олов бор).
4. Шу ҳолатга нисбатан кўллаш (бу тепаликда тутун бор).
5. Хулоса (демак, бу тепаликда олов бор).

Қадимги ҳинд мантиқшунослари Дигнага, Ҷармакирти ва уларнинг шогирдлари томонидан тушунча, ҳукм, айниқса, хулоса чиқариш билан боғлиқ масалалар кенгрюқ, чукурроқ таҳлил қилинди. Дигнага хулоса чиқаришда мантикий асосга хос бўлган уч хусусиятни кўрсатиб ўтади: мантикий асос

хулоса чиқариш обьекти билан боғлиқ бўлади, бир турдаги обьектлар билан боғлиқ бўлади, ҳар турдаги обьектлар билан боғлиқ бўлмайди. Бу хулоса чиқаришнинг асосий шартлари бўлиб, уларнинг бузилиши мантикий хатоларга олиб келади. Ҷхармакирти хулоса чиқаришнинг «ўзи учун» ва «бошқалар учун» турларини, шунингдек, муҳокамада учрайдиган мантикий хатоларни батафсил ўрганганди.

Кадимги Хинди斯顿даги шаклланган мантиқ анъаналари Кадимги Гречияда мантиқ илмининг пайдо бўлишига таъсир кўрсатган.

Кадимги грек фалсафасида мантиқ масалалари, дастлаб, Пармениднинг «Табиат тўғрисида» асарида, Элейлик Зеноннинг апорияларида, Гераклит таълимотида у ёки бу даражада кўриб чиқилган. Аристотелгача бўлган мантикий таълимотлар ичida Демокритнинг мантикий таълимоти, Сократнинг индуктив методи ва Платоннинг диалектикаси, дикқатга сазовордир.

Демокрит (эр. ав. 460–370 й.й.) мантикий таълимотида фикрнинг чинлиги масаласи муҳим ўрин тутади. У кўпроқ индукция ва аналогияни ўрганишга эътибор беради, ҳақиқатни билиш учун якка буюмларни кузатиш, ҳис килиш орқали умумлаштириш зарур, деб таъкидлайди. Ҳукмни субъект ва предикатнинг ўзаро алоқасидан иборат, деб таърифлайди. У етарли асос қонунини онтологик асосда тушунтиради. Демокритнинг мантикий таълимоти кейинчалик Аристотель ва Ф.Бэкон таълимотларига сезиларли таъсир кўрсатган.

Сократ (эр. ав. 469–399 й.й.) таълимотига кўра буюмларнинг моҳиятини билиб бўлмайди. Инсон, аввало, ўз-ўзини билиши керак. Билим умумийлик тўғрисидаги тушунчадир. Ҳақиқатни аниклаш учун ўзига хос усул даркор. Бу усул воситасида ўрганилаётган буюм ҳақида умумий тушунча хосил килинади ва шу тушунчага асосланиб буюм ҳақида фикр юритилади. Ҳақиқатни аниклаш учун мухолиф фикридаги зиддиятлар ўрганилади. Предмет ҳақидаги тушунчалар зиддиятли бўлса, демак, билим юзаки бўлади. Сократ ҳақиқатни аниклашда индукция ва дефинициядан фойдаланишини тавсия этади.

Индукция – кундалик ҳаётдаги якка мисоллар асосида умумий тушунчаларни ҳосил қилиш усулидир. Дефиниция баҳс жараёнида тушунчаларни таърифлашдан иборат. Бу усулни Сократ «майевтика» деб атайди.

Платон (эр. ав. 427–347 й.й.) устози Сократнинг, умумий тушунчалар буюмларнинг моҳиятини ифодалайди, деган фикрини давом эттиради. У умумий тушунчаларни буюм-

лардан ва инсонлардан ажралган мутлақ ғоялар сифатида талқин қиласи, уларни бирламчи деб билади. У ҳукмни тафаккурнинг асосий элементи деб ҳисоблайди. Ҳукм эга ва кесимнинг бирлигидан иборат бўлиб, тасдиқ ёки инкор маънони билдиради. Агар ҳукмда бирлашиши мумкин бўлмаган тушунчалар бирлаштирилса, у хато бўлади.

**Платон** ҳукмларни ташкил этувчи тушунчаларни пирамида шаклида тасвиirlайди. Пирамиданинг учига эзгулик тушунчасини қўяди. Борлик, ўзгариш, сукунат, айният, тафовут тушунчаларини энг универсал тушунчалар, деб таърифлайди. Чин билимга интуиция орқали эришилади. Платон дефиниция масаласига катта эътибор берган, яқин жинс ва тур белгисини кўрсатиш орқали таърифлаш усулини, тушунчаларни дихотомик бўлишни билган.

Платон тўғри тафаккурнинг асосий қонунларини таърифлаб бермаган бўлса ҳам уларнинг моҳиятини тушунган. Масалан, контрадиктор тушунчалар, ҳукмлар, бир вактда бир хил муносабатда бир буюмга нисбатан чин бўла олмаслигини таъкидлаган. «Евтидем» диалогидаги «Бир нарсанинг ҳам бўлиши, ҳам бўлмаслиги мумкин эмас», деган фикри унинг нозидлик қонунини билганилигидан далолат беради.

Мантиқ илмининг алоҳида фан сифатида шаклланиши **Аристотелнинг** номи билан боғлик. У биринчи бўлиб мантиқ илми ўрганадиган масалалар доирасини аниклаб берди. Аристотелнинг «Категориялар», «Талқин ҳақида», «Биринчи аналитика», «Иккинчи аналитика», «Софистик раддиялар ҳақида», «Топика» номли асарлари бевосита мантиқ масалаларига багишлиланган. Унинг «Риторика», «Поэтика» асарлари ҳам мантиқий таълимотининг муҳим таркибий қисмлари ҳисобланади. «Метафизика», «Рух ҳақида» асарларида эса мантиқ масалалари маълум даражада баён қилинган.

Аристотель мантиқни «маълум билимлардан номаълум билимларни аникловчи», «чин фикрни хато фикрдан ажратувчи» фан сифатида таърифлайди. Мантиқнинг вазифаси чин фикрни, ҳақиқатни аниклашdir, деб таъкидлайди.

Мутафаккир ҳақиқатнинг мавжудлигини, объектив характерини эътироф этган ҳолда, «билимларимизнинг воқе-ликка мос келиши – ҳақиқатдир», деб кўрсатади. У ҳақиқатни аниклашда нозидлик ва учинчиси истисно қонунларига амал қилиш зарурлигини таъкидлайди. Аристотель бу қонунларни ҳам онтологик, ҳам гносеологик нуқтаи назардан таърифлайди. Бир вактда, бир хил муносабатда айнан бир

предметга нисбатан ўзаро бир-бирини истисно этувчи фикрларни билдириш мумкин эмаслигини, чунки бу фикрлардан бири чин, бошқаси хато бўлиши ёки ҳар иккиси ҳам хато бўлиши мумкинлигини асослаб беради; ўзаро икки зид фикрнинг бири чин, бошқаси хато бўлганда, учинчи фикрга ўрин йўқ эканлигини таъкидлайди.

Аристотель асарларида тўғри тафаккурнинг айният ва етарли асос қонунлари маҳсус тарзда кўриб чиқилмаган. Лекин мутафаккир асарларининг таҳлили уларда бу қонунларга хос талабларнинг баён қилингандигини кўрсатади.

Аристотелнинг мантикий таълимотида хulosा чиқариш етакчи ўринни эгаллади. У тафаккур шакллари бўлган тушунча ва ҳукмни хulosा чиқаришнинг таркибий қисмлари сифатида таҳлил қиласи. «Рӯҳ ҳақида» асарида мулоҳазаларни руҳий ҳодиса сифатида текширса, «Метафизика», «Талқин ҳақида» асарларида уни мантикий шакл сифатида анализ қиласи. Ҳукм – диайрезис – ақлий анализнинг натижасидир. У ҳукмни апофансис деб атайди. Ҳукм бирор нарсага ниманингdir тааллуқли ёки тааллуқли эмаслиги ҳақида баён қилинган фикр бўлиб, у чин ёки ёлғон бўлиши мумкин. Ҳар қандай гап ҳам ҳукм бўлмайди. Фақат қатъий фикрларгина ҳукм ҳисобланади. Мутафаккир ҳукмнинг структураси мантикий эга, мантикий кесим ва мантикий боғловчидан иборат бўлади, деб кўрсатади: S-P (S-P эмас). У ҳукмни қўйидагича турларга ажратади:

X	мазмуни	тасдиқ инкор
Y	ҳажми	умумий жузъий якка
K		
M	модаллиги	зарурий имконий ноимконий

Аристотель тушунчаларни ҳукмнинг таркибий қисмлари сифатида таҳлил қиласи, умумий ва якка тушунчаларнинг муносабатига алоҳида эътибор беради.

Якка тушунчалар биринчи моҳият бўлиб, мазмунан бойдир.

Умумий тушунчалар иккинчи моҳиятни ифодалайди ва улар мазмунан бой эмас.

Умумийлик якка буюмларнинг асосини ташкил этади.

Аристотель категория (тушунча)ларни қуидагича туркумлади: 1.Моҳият. 2.Микдор. 3.Сифат. 4.Муносабат. 5.Ўрин. 6.Вақт. 7.Холат. 8.Эгалик. 9.Ҳаракат. 10.Таъсирланиш.

Аристотелнинг таъкидлашича, субъектларнинг субъекти, яъни предикат бўлолмайдиган субъектлар – биринчи субстанциядир.

Предикатларнинг предикати, яъни охирги предикат – категориядир.

Аристотелда категория ҳам онтологик, ҳам грамматик, ҳам мантикий жиҳатларга эга. У: «Тушунча – бу бирор жинс ёки турга мансуб барча предметларга хос умумийлик бўлиб, предметнинг моҳиятини ифодалайди», – деб айтган.

Аристотель бевосита хulosса чиқаришни алоҳида кўриб чиқсан эмас. У силлогизм деганда мавжуд ҳукмлардан янги ҳукмларни келтириб чиқаришни тушунади.

Аристотель дедуктив, яъни силлогистик хulosса чиқаришнинг назарий асосларини ишлаб чиқсан. Силлогизмнинг аксиомаси, умумий ва хусусий қоидалари, силлогизм фигуралиари, модулари, энтилема, эпихейрема, полисиллогизм, сорит каби масалаларни “Биринчи аналитика” асарида ба-тағсил баён этган. У I фигурани мукаммал деб билган.

Аристотель таълимотида хulosса чиқариш исботлаш шакли деб ҳисобланади. У исботлашнинг илмий (аподейктик), диалектик, риторик, софистик усусларини таҳлил қилган, эристика – муваффакиятли баҳс юритиш қонун-қоидаларини ишлаб чиқсан, пейрастиканинг – мақсадсиз муҳокама юритишнинг зарарли эканлигини таъкидлаган.

Индуктив исботни дедукцияга нисбатан кучсиз, деб ҳисоблаган. Аналогияни (парадейгма) жузъийликдан жузъийликка борувчи хulosса чиқариш, деб кўрсатган.

Аристотель «Софистик раддиялар ҳакида» номли асарида софистларнинг баҳс юритишдан мақсади ҳакиқатни аниклаш эмас, балки ракибини мағлубиятга учратишдир, деб кўрсатади. У софистик хатоларнинг турларини аниклаб берди. Булар:

- а) фикрнинг шакли билан боғлиқ бўлган хатолар;
- б) фикрнинг мазмуни билан боғлиқ бўлган хатолар.

Аристотелнинг мантикий таълимоти мантиқ илмининг кейинги ривожига катта таъсир этган.

Аристотелдан сўнг мантиқ илми асосан стоя мактаби вакиллари, Эпикур, скептиклар таълимотларида ривожлантирилган.

Стоя мактаби вакиллари биринчи бўлиб «логика» терминини тафаккур ҳақидаги маҳсус фанни ифодалаш учун кўллашган. Улар мантиқни фалсафанинг таркибий қисми, мантиқнинг мақсади инсон ақлини хатолардан асрар ва ҳақиқатга эришишдир, деб билишган. Стоиклар мантифи икки қисмдан иборат бўлган: диалектика ва риторика; диалектика ўз навбатида грамматика ва билиш назариясига бўлинган. Стоиклар ҳам Аристотель каби нозидлик қонунини тўғри тафаккурнинг асосий принципи, деб билганлар. Ҳукм масаласида эса улар қатъий ҳукмларни эмас, кўпроқ шартли ҳукмларни таҳлил қилганлар. Улар шартли ҳукмни сабаб ва оқибат боғланишларини акс эттирувчи тафаккур шакли деб билиб, хулоса чиқаришнинг қуйидаги беш модусини кўрсатганлар:

1) $\frac{p \rightarrow q, p}{q}$	2) $\frac{p \rightarrow q, \bar{q}}{\bar{p}}$	3) $\frac{p \wedge q, \bar{p}}{\bar{q}}$
4) $\frac{p \vee q, p}{\bar{q}}$	5) $\frac{p \vee q, \bar{q}}{\bar{p}}$	

Айтиш мумкинки, стоиклар биринчи бўлиб мулоҳазалар мантиғига оид фикрларни баён қилганлар.

Эпикур (эр. ав. 341–270 й.й.) фалсафада биринчи ўринга билиш назарияси ва мантиқни қўйган, иккинчи ўринда физика, учинчи ўринда ахлоқ бўлган. У туғма гоялар йўқ, бил имларимизнинг манбаи – сезгилардир, сезгиларимиз ёлғон маълумот бермайди, факат хулоса чиқаришдагина инсон хатога йўл қўйиши мумкин, деб таъкидлайди. Эпикур хулоса чиқаришда кўпроқ аналогия ва индукцияга аҳамият берган.

Скептицизм вакиллари билиш жараёнининг нисбий характеристерини мутлаклаштирганлар, ҳақиқатни билиб бўлмайди, деганлар. Сезгилар ва тасаввур ўртасидаги тафовутни бўрттириб кўрсатганлар. Уларнинг инсонни ҳақиқатан адаштирувчи ҳолатлар ҳақидаги қарашлари эътиборга лойик.

Биз юқорида кўриб чиқсан таълимотлар Қадимги Грекияда мантиқ илмининг шаклланиши ва ривожланиши

бу илмнинг билимлар тизимидан мустаҳкам ўрин эгаллашида муҳим аҳамиятга эга бўлган, деб хулоса чиқаришимизга асос бўлади.

## ЎРТА АСРЛАРДА МАНТИҚ ИЛМИНИНГ ТАРАҚҚИЁТИ

Қадимги Грецияда шаклланган мантиқ илми Ўрта асрларда янги мазмун билан бойитилди. Бу, айниқса, мантиқнинг Яқин ва Ўрта Шарқ мамлакатларида, хусусан, Ўрта Осиёда ривожланишида яққол кўринади.

VII–XIII асрларга келиб Яқин ва Ўрта Шарқда Араб халифалиги вужудга келди, унинг ҳукмрон дунёқараши бўлган ислом дини қарор топди. Тарихда «мусулмон маданияти» номи билан маълум бўлган маданият шаклланди. Бу янги маданиятнинг шаклланишига Ўрта Осиё халқларининг истеъоддли вакиллари муҳим ҳисса кўшдилар. Бу даврда диний ва дунёвий илмлар катори мантиқ илми ҳам ривожланди.

IX–XI асрларда Шарқ мамлакатларида, хусусан, Ўрта Осиёда фалсафий ва мантиқий таълимотларнинг ривожланишига қадимги юонон, хинд мутафаккирлари асарларининг кўплаб таржима қилиниши ижобий таъсир кўрсатди.

Шуни алоҳида таъкидлаш зарурки, IX–XI асрлар Яқин ва Ўрта Шарқда мантиқий таълимотларнинг ривожланишидаги энг самарали давр ҳисобланади. Бу даврда мантиқ илмини ўрганишга бўлган талабнинг ошиши, биринчидан, табиатшунослик фанларининг ривожланиши ва табиий-илмий билимларга бўлган эҳтиёжнинг кучайиши билан; иккинчидан, ижтимоий ҳаёт билан боғлиқ бўлган масалаларни тўғри, адолатли ҳал қилишга инглишишнинг оргиши билан ва учинчидан, энг муҳими, тўғри фикр юритишга бўлган талабнинг чин фикрларни хато фикрлардан ажратиш зарурияти билан изоҳланади.

Таржимонларнинг фаолияти натижасида IX асрга келиб грек мантиғи бутун мусулмон эпистемологияси (билиш назарияси)нинг асоси бўлиб қолди. Мантиқни улар бальзан «хунар» ёки «санъат» ва кўпроқ «илм» деб аташган. Мантиқ илм сифатида маълум билимларни яратиш, уларни асослаш ва таснифлаш системасини берган. У «ҳақиқат»ни билиш йўллари ҳақидаги илм сифатида тарихчиларнинг ва муҳаддисларнинг баҳсларига, мусулмон ҳукуқшуносигига ҳам катта таъсир кўрсатган.

Шарқда биринчилардан бўлиб мантиқ илми билан шуғулланган, араб-мусулмон дунёсида перипатетизмга йўл очиб берган мутафаккир Ал-Киндийдир.

Абу Юсуф Ёкуб ибн Исҳоқ Ал-Киндий (тахм. 800 й., Басра – 870 й.и., Бағдод) – араб файласуфи ва олими. У қадимги грек, хинд ва форсларнинг фалсафий-мантиқий меросини яхши билган, араб тилида фалсафий атамаларни ишлаб чикишда фаол қатнашган ва ўз даврида биринчи бўлиб фанларни таснифлашга уринган.

Ал-Киндийнинг дунёқарашида мантиқ илмига оид масалалар алоҳида ўрин эталайди. У қадимги юонон мутафаккирлари асарларини таржима қилиб, уларга шарҳлар ёзган.

Ўрта асрларда ёзилган «Ал-Фихрист» номли библиографик асарда (муаллифи Ибн ан-Надим, 995 й. вафот этган) Ал-Киндийнинг «Аристотелнинг ўнта категориялари ҳақида», «Категориялар»даги Аристотелнинг мақсади ҳақида» номли асарлари тўғрисида маълумот берилади. Ан-Надимнинг таъкидлашибча, Ал-Киндий «Иккинчи аналитика»га оид икки трактат ёзган: «Мантиқий исботлашга доир қисқача рисола» ва «Исботлаш ҳақида рисола». Шунингдек, Ал-Киндий «Софистларнинг адаштиришларига қарши огоҳлантириш» номли рисоласида Аристотелнинг «Софистика»сига бўлган муносабатини баён қилади. Ал-Киндийнинг «Шеър санъати ҳақида» номли асари Аристотелнинг «Поэтика»сига комментария сифатида ёзилган.

У Аристотелнинг «Иккинчи аналитика»сини Евклид геометрияси билан солиштириш ғоясини илгари суради. Мантиқий исботлашни тушуниш ва ундан фойдаланиш учун геометрияни ўрганиш зарур, деб ҳисоблайди. Унингча, факат шундагина Аристотелнинг яратган қоидаларини тушуниш мумкин. Ал-Киндий бирорта буюмни исботлашни унинг мавжудлигига, борлигига ишонмасдан туриб бошлиш мумкин эмас, дейди. Унинг фикрича, исботлашнинг мақсади буюмни ташкил этувчи шаклни ўрганишдан иборатdir.

Ал-Киндийнинг фалсафий ва мантиқий асарлари, унинг рационалистик йўналишдаги фикрлари Форобий, Ибн Сино, Ибн Рушд, Беруний ва бошқа прогрессив мутафаккирлар дунёқарашининг шаклланишига бевосита таъсир кўрсатди. Унинг асарлари Ўрта асрларда ёк Фарбий Европада кенг шухрат қозонди.

IX–XI асрларда мантиқ масалалари билан астойдил шугулланган Ўрта Осиё мутафаккирларидан Форобий, Ибн Сино, Абу Абдуллоҳ ал-Хоразмийларни кўрсатиш мумкин. Бу мутафаккирларнинг мантиқка бағишлиб ёзган асарлари асосан тўққиз номдан иборат эканлигини ва уларнинг номланиши, кетма-кетлиги бир хил эканлигини кўришимиз

мумкин. Бунга сабаб шуки, Аристотелнинг «Органон»ини ташкил этувчи олтита мантикий трактатларига («Категориялар», «Талқин ҳақида», «Биринчи аналитика», «Иккинчи аналитика», «Топика», «Софистик раддия») суряликлар унинг «Риторика»си билан «Поэтика»сини қўшидилар. Бундан аввалроқ эса унга Порфирийнинг «Исоувчи» асари қўшилган эди. Шундай қилиб, «Органон» тўқиз трактатдан иборат бўлган яхлит таълимот сифатида араб файласуфлари томонидан қабул қилинган. Шу асосга кўра Форобий, Ибн Сино, Ал-Хоразмийлар мантиқка оид таълимотларини айнан шу тартибда ишлаб чиқдилар.

Мантиқ масалаларини кенг ва изчил тадқиқ этган мутафаккир **Ал-Форобий** (873–950 й.й.)дир. У Сирдарё бўйидаги Ўтрор шаҳар-қалъасида, туркий ҳарбий оиласида дунёга келди. Бухоро ва Самарқанд шаҳарларида билим олди. У қадимги грек, ҳинд фалсафасини чукур ўрганди, илмнинг турли соҳаларига оид 160дан ортиқ турли ҳажмдаги рисолалар ёзиб қолдирди, умрининг сўнтийиларини Дамашқда ўтказди. Форобий асарларининг катта қисми фалсафа ва мантиқ илмига оидdir.

Форобийда мантиқий билимлар системаси «Исоувчи» (Кириш), «Макулот» (Категория), «Ибора» (Хукм), «Қиёс» (Силлогизм, Биринчи аналитика), «Бурхон» (Исботлаш, «Иккинчи аналитика»), «Жадал» (Диалектика), «Сафсата» (Софистик раддия), «Хитоба» (Риторика), «Шеър» (Поэтика) асарларини ўз ичига олади. Шунингдек, Форобий «Мантиқ илмига кириш», «Ақл ҳақида», «Шартли ҳукмлар», «Силлогизм» каби асарларида мантиқ масалаларини ишлаб чиқди. «Илмлар таснифи» асарида ҳам мантиқ илмининг предмети, тузилиши, илмлар системасида тутган ўрни ва аҳамияти ҳақида фикр юритади.

Мутафаккирнинг таъкидлашича, мантиқ санъати интеллектнинг мукаммаллашувига олиб келувчи ва инсонни ҳақиқат томон ўйналитирувчи қонунларнинг мажмуасини ўрганади. Бу қонунлар инсонларни билиш жараёнидаги турли хато ва адашишлардан саклайди. Инсон бу қонунлар ёрдамида билимларини текшириб, уларнинг чин ёки хатолигини аниқлаш имконига эга бўлади.

Форобийнинг мантиқий таълимоти унинг гносеологик таълимоти билан узвий боғликдир. Унингча, фикрлар табиатдаги нарса ва ҳодисаларни сезгилар орқали билиш асосида вужудга келади. У билишда сезгиларнинг ролига

жуда катта ўрин беради. Фикр шакллари ўртасидаги алоқа, муносабатлар реал муносабатларни ифодалаш жараёнида вужудга келишини таъкидлайди.

Мутафакир мантиқ илмининг тил, грамматика, фалсафа билан ўзаро алоқадорлигини кўрсатиб ўтади. У «Фалсафани ўрганишдан аввал нималарни билиш керак» номли рисоласида фалсафий аргументлаш билан, яъни фалсафий масалаларни асослаш, исботлаш билан танишишдан аввал силлогизмларни, яъни мантикий хуоса чиқариш усулларини билиб олиш зарур, дейди. Форобий, айниқса, Аристотелнинг «Аналитикалар»ини ўрганиш зарурлигини таъкидлайди. Бу китобларни ўрганиш чин исбот билан хато исботни бир-биридан фарқлашга, мутлақо хато бўлган фикр билан бироз хато бўлган фикрни ажратишга ёрдам беради.

Форобий фикрича, силлогизм ва исботлаш усули энг тўғри, ҳақиқатга олиб келувчи усул бўлиб, илм-фан, фалсафа шуларга асосланади. Форобий асосий мантикий шакллар бўлган тушунча, ҳукм ва уларнинг турлари, хуоса чиқариш, айниқса, силлогизм ва унинг фигуранлари, модусларини чукур таҳлил килиб, улар тўғрисида изчил таълимот яратди.

У тўғри тафаккурлашнинг асосий принциплари: айнанлик, ҳукмларнинг ўзаро зид бўлмаслиги, изчиллиги, ҳар қандай хуосанинг етарлича асосланганлиги каби муҳим мантикий масалаларни ҳам ҳар томонлама ишлаб чиқди.

Форобийнинг мантикий таълимоти Яқин ва Ўрта Шарқда, Ўрта Осиёда мантиқ фанининг кейинги ривожига катта таъсир кўрсатди.

Хусусан, IX-X асрларда Абу Абдуллоҳ ал-Хоразмий, Яхё ибн Али Абу Сулаймон, Абу Хайян кабилар Форобийнинг мантиқ соҳасидаги ғояларини давом эттиридилар. Айниқса, Форобий фалсафаси ва мантиғи «Ихван ас-Сафо» – «Соф биродарлар»нинг таълимотига жуда катта таъсир кўрсатди. Улар ҳам Форобий каби, «Билим – бу билинаётган нарсанинг билувчининг жонидаги образидир», деб таъкидлашган. «Соф биродарлар»нинг «Мактублар»ида: «Жон билинаётган нарсаларнинг шаклини сезгилар воситасида, далиллар воситасида, фикрлаш ва кузатиш воситасида қабул килади», деб ёзилган. Айтиш мумкинки, улар билиш босқичлари ва улар ўртасидаги алоқадорликни тўғри тушунишган.

Х асрга келиб мантиқ илми фалсафий билимларнинг энг муҳим қисмига айланиб қолди. **Абу Абдуллоҳ ал-Хоразмий** (Х аср)нинг «Мафотиҳ-ал-улум» (Илмлар ка-

литлари) асаридаги фанлар классификациясида мантиқ илмига алоҳида ўрин берилиши фикримизнинг далилидир.

Абу Абдуллоҳ ал-Хоразмий илмларни «араб» ва «арабча бўлмаган»ларга ажратади. Арабча бўлмаган илмлар като-рига фалсафа, мантиқ, тиббиёт, арифметика, ҳандаса, илми нужум, мусиқа, механика, кимёлар киради. Хоразмий мантиқ илмига оид масалаларни тўққиз бобда баён қилади. Бобларнинг номланиши Форобий ва Ибн Синоларники кабидир. У мантикий таълимот «Исоғувчи»ни баён этишдан, ўрганишдан бошланиши керак, «Исоғувчи» – бу кириш (юонон тилида эйсагоге), деб аталади, дея ёзди.

Хоразмий Аристотель гоясини давом эттириб, аниқ нарсаларнинг хоссаларини белгилаш учун «индивидуал» тушунчасини киритади. Хоразмий «Соф биродарлар»нинг мантиққа оид гояларини ривожлантириб ва уни Арасту фалсафаси руҳига яқинлаштириб, индивид масаласини биринчи ўринга олиб чиқади. «Шахс-индивид мантиқ аҳлида у Зайд, Амр, бу киши, у эшак, от каби (маънони англатади); уни, шунингдек, бирламчи тушунча дейиш ҳам мумкин», – деб ёзди Хоразмий. У бир томондан, араб фалсафасидаги акл билан тушуниладиган бирламчи, яъни кўпгина объектив бир хил предметлар учун умумий бўлган тушунчаларни, иккинчи томондан, акл билан тушуниладиган бирламчи-ларнинг ўзига хос хусусиятларини акс эттирувчи тушунчаларни шархлайди. Хоразмийнинг бу масалага оид фикрлари мантиқ илмидаги жинс ва тур тушунчаларга, уларнинг нисбий характеристери ва ўзаро муносабатига оиддир.

Абу Абдуллоҳ ал-Хоразмий мантиқ масалаларини кўриб чиқишини сўз ва ибораларнинг ўзаро муносабатини таҳлил этишдан бошлайди. Шарқ мантиқшунослари сўзларнинг маъно англатишига кўра уч турини: сўз ўзининг тўлиқ мазмунини англатадиган, сўз ўз мазмунининг бир қисмини англатадиган, сўз ўз мазмунидан келиб чиқадиган нарсани англатадиган ҳолатларни фарқлаганлар. Хоразмий ҳам бу масалага муфассал тўхталиб, бу турларни ва уларнинг тушунчалардаги мантикий маъноларини кўриб ўтади. Бу билан олим Яқин ва Ўрта Шарқ мантиқшунослари илгари сурган тушунчаларнинг маъно англатиши ҳақидаги таълимотини давом эттиради.

Абу Абдуллоҳ ал-Хоразмий Аристотель ва Форобий-нинг тафаккур ва тил, мантиқ ва грамматика орасидаги боғлиқлик гоясини янада ривожлантириди. У мулҳаза (хукм) масаласига алоҳида тўхталиб ўтади.

Абу Абдуллоҳ ал-Хоразмий ҳукмнинг модаллиги бўйича лозим бўлган, мумкин бўлган ва ҳақиқий каби уч турга бўлинишига катта эътибор беради ва ўз таълимотида Аристотель гоясининг асосий моҳиятини тўлиқ акс эттиради.

Хоразмий хulosаси чиқариш масалаларига ҳам алоҳида тўхталиб ўтди. Ў силлогизмни хulosаси чиқаришнинг энг муҳим кўриниши ва назарий билимларни эгаллашдаги асосий восита, деб билди. У исботлаш ва у билан боғлиқ бўлган масалаларни, диалектика асосларини, шунингдек, ўша даврда силлогизм турлари ҳисобланган софистика, риторика ва поэтика билан боғлиқ масалаларнинг ҳар бирини алоҳида бобларда талқин қилди. Умуман олганда, Хоразмий қадимги грек-юнон илғор мантикий анъаналарини Яқин ва Ўрга Шарқ ҳамда Ўрга Осиё фалсафаси материалларидаги ўзига хос, ажойиб ғоялардан фойдаланиб бойитди ва ривожлантириди.

Форобийнинг мантиқ соҳасидаги ишларининг давомчиларидан яна бири турли илм соҳаларига оид қатор асарлар яратган, ўз даврининг дунёга машхур қомусий олими **Абу Али ибн Синодир** (980–1037 й.й.). У Бухоро яқинидаги Афшона шахрида туғилди. Бухорода таҳсил олиб, шу ерда олим, табиб сифатида шуҳрат қозонди, маълум бир вақт Хоразмда яшади. Ибн Сино 31ёшида Хоразмни тарк этди, 1037 йили Исфаҳонда вафот этди.

Ибн Сино 400 дан ортиқ асарлар муаллифиdir. Бу асарлар илмнинг турли соҳаларига оид бўлиб, улардан 150 дан ортиғи фалсафа ва мантиқ масалаларига бағишлиланган. Булар орасида фалсафа ва мантиқ фанининг барча масалаларини изчили равишда ўз ичига олган асари – «Китоб аш-шифо»dir. «Китоб аш-шифо»нинг мантиқка оид қисми 9 бўлакдан иборат бўлиб, уларнинг номланиши ва тартиби Форобийники кабидир. Мутафаккирнинг бу асари мантиқ соҳасидаги барча илмлар асосида вужудга келган бўлиб, унда мантиқка оид масалалар тўлиқ қамраб олинган.

Ибн Синонинг «Ишорат ва танbihot», «Ан-Нажот», «Донишнома» асарларида ҳам фалсафа ва мантиқка оид масалалар баён этилади. Мутафаккир мантиқ илмини барча илмларнинг муқаддимаси, уларни эгаллашнинг зарур шарти сифатида талқин этади. Ибн Сино «Донишнома» асарида кабул қилинган тартибини бузган ҳолда, аввал мантиқ асосларини, иккинчи ўринда метафизикани, сўнг бошқа фанларни баён қиласи.

У асосан Аристотель ва Форобийнинг мантикий таълимотларини давом эттирган бўлса-да, кўп масалаларда мустақил йўл тугади. Ибн Сино мантиқ фанини маълум билимлар-

дан номаълум билимларни келтириб чиқариш, уларни бир-биридан фарқ қилиш, чин ва хато билимлар, уларнинг турларини ўрганувчи фан ёки назарий санъатдир, деб таърифлайди. Мантиқ илми объектив оламни билиш учун хизмат қиласи, билиш эса реал предметларни, аввало, сезгилар орқали акс эттириш, сўнг аклий, мавҳум билишга асосланади.

Ибн Сино фалсафа, билиш назарияси ва мантиқ муаммоларини аралаштириб юбормайди, уларни алоҳида-алоҳида баён қиласи. Бу жиҳатдан Ибн Синонинг мантиқ фани ҳақидаги таълимоти Арасту яратган мантиқ фанига нисбатан жуда кўп янги маълумотларни беради. Мантикий масалаларни ўрганишда турли белги (символ)лардан фойдаланиш ҳам мутафаккирнинг ютуғи хисобланади.

Ибн Синонинг мантиқ илмida тафаккур шакллари бўлган тушунча, ҳукм, хulosса чиқариш, уларнинг тузилиши, турлари, шунингдек, исботлаш масалалари ҳенг ва ҳар томонлама таҳлил этилади.

У тушунчаларни якка ва умумийга бўлади. Мутафаккирнинг таъкидлашича, мантиқ фани умумий тушунчалар билан шуғулланади. У ҳам, Аристотель каби, мавжуд борликнинг энг умумий ҳолатларини ифодаловчи ўнта умумий категорияларни мантиқ фанининг ўрганиши доирасига киритади. Тушунчанинг асосий вазифаси ҳукм ва хulosса чиқаришни ташкил этиш, уларга асос бўлишдир, деб таъкидлайди. У тушунчаларни таърифлаш ва бўлиш каби мантикий усусларга ҳам батафсил тўхтаб ўтади.

Ҳукм назарияси Ибн Синонинг мантиқ илмida энг катта ўринлардан бирини эгаллайди. У ҳукмларнинг тузилиши, субъект-предикат муносабатларини ҳар томонлама таҳлил қиласи. Ибн Сино оддий ва мураккаб ҳукмларни, уларнинг тузилиши ва турларини батафсил баён қиласи.

Ибн Синонинг хulosса чиқариш назарияси ҳам тушунча ва ҳукм каби чукур ҳамда изчил ишлаб чиқилган. У дедуктив хulosса чиқаришга оид барча масалаларни: силлогизмнинг тузилиши, фигуранлари, модуслари, мураккаб силлогизмлар ва уларнинг турлари, силлогизмларни белгилар воситасида ифодалашни батафсил таҳлил қиласи. У индуктив хulosса чиқариш устида ҳам фикр юритади.

Умуман олганда, Ибн Синонинг мантикий таълимотини унинг мукаммалиги, мавзусининг қенглиги, ҳажми, талқинининг батафсиллигига кўра, ўрта асрлардаги мантиқ илми ривожининг энг юқори даражаси деб баҳолаш мумкин.

Ибн Синонинг мантиқий таълимотида унгача бўлган Қадимги ва Ўрта аср мантиқшунослигининг муҳим ютуклари маълум даражада мужассамланган бўлиб, кейинги даврларда мантиқий таълимотларнинг ривожланишига катта таъсир кўрсатди.

**Абу Райхон Беруний** (973–1048 й.й.) мантиққа оид асарлар ёзмаган бўлса ҳам, унинг қонун-қоидаларидан, исботлаш усусларидан илмий-амалий фаолиятида кенг фойдаланган. Берунийнинг буюк хизматларидан бири табиат ва жамиятни билишнинг илмий методини ишлаб чиққанлигидадир. Беруний илмий методининг асосий принциплари «Қадимги халқлардан қолган ёдгорликлар» асарида кўрсатиб ўтилган. Булар қуидагилардан иборат:

- ақлни бекорчи фикрлардан тозалаш;
- тажрибага асосланиш;
- билишни, аввало, предметни ташкил этувчи элементлардан бошлаш;
- ҳиссий билишга асосланган дедукциядан фойдаланиш;
- мантиқий фикрлаш; таҳлил қилиш ва умумлаштириш;
- кузатиш, таққослаш, қиёслаш орқали ҳақиқатни аниқлаш;
- маълум нарсадан номаълум бўлганига, яқиндагисидан узокдагисига қараб фикр юритиш;
- узок ўтмишни билиш учун предметнинг, ҳодисанинг тарихини ва у ҳақда бошқаларнинг берган маълумотларини ўрганиш.

Айтиш мумкинки, Беруний Р.Декарт ва Ф.Бэконалардан аввалроқ илмий билиш методининг зарурлигини таъкидлаган ва унинг асосий қоидаларини, принципларини ишлаб чиққан. Берунийнинг бу масалага оид фикрлари гарб файласуфлариникуга нисбатан кенг қаровлилиги билан ажралиб туради.

Мантиқ илмининг кейинги даврлардаги ривожи Бахманёр (1065 й.да туғилган), Ибн Рушд (1126–1198 й.й.), Насриддин Тусий, Фахриддин Розий, Қазвиний, Шамсиддин Самарқандий, Тафтазоний (1322–1390 й.й.), Миршариф Журжоний (1340–1413 й.й.) ва бошқаларнинг номи билан боғлиқ.

**Миршариф Журжоний** ҳам Ибн Сино каби мантиқни «билиш ҳакидаги фан» сифатида кўриб ўтади. Унинг таълимотига кўра, мантиқ фани билиш назарияси ҳисобланмайди. Билиш жараённida биз тушунча ва мулоҳазалар орқали янги, ноаниқ нарса ҳакида фикрга эга бўламиз, деб таъкидлайди. У ҳар қандай фикр тузилишига кўра материя ва шаклдан иборат, шунинг учун тўғри ёки хато бўлиш фикрнинг мазмунига ва шаклига хосдир, деб ёзади. Журжоний фикрича, тушунча – бу

қандайдир индивидуал нарса ҳисобланади. У асосан тушунчаларнинг келиб чиқиши ва кўринишига эътиборни қаратади. Тушунчанинг пайдо бўлиши жуда кенг ва катта маънони олади, тушунчанинг кўриниши эса қисқа бўлади. У тушунчани иккига: якка ва умумий тушунчаларга бўлади; якка тушунчанинг ўзидан «ҳақиқий якка»сини таълаб олади. У якка тушунчага таъриф бериб, «якка тушунча – якка предметдан ташкил топган бўлиб, унда факат шу предметнинг ўзи ҳақидаги фикр баён қилинади», деб таъкидлайди.

Журжоний таълимотига кўра, тушунча ва ҳукм ўртасида фарқ бор. Фикрда нимадир тасдиқланса ёки инкор этилса, бу ҳукм ҳисобланади. Ҳукм чин ёки хато бўлиши мумкин.

Фикр юритишнинг муҳим боскичларидан бири бу хулоса чиқариш ҳисобланади, дейди Журжоний. У хулоса чиқаришнинг уч турини: силлогизм, индукция, аналогияни ажратади. Силлогизм хулоса чиқаришнинг энг асосий кўриниши ҳисобланади. Индукция ва аналогия орқали хулоса чиқариш фаразга олиб келади, улар чин билимни бера олмайди. Журжоний силлогизмни Ибн Сино каби иккига бўлади: бирлаштирувчи ва ажратувчи. У мантикий исботлашга ҳам тўхталиб ўтади. Унингча, исботлаш уч хил бўлади: 1. Умумийдан яккага қараб исбот қилиш – силлогизм. 2. Яккадан умумийликка қараб исбот қилиш – индуктив исботлаш. 3. Аналогия – бунда яккадан келиб чиқиб, яккани исбот қилиш.

Журжоний силлогизмнинг структурасини, қоидаларини, фигуранарини, модусларини батафсил таҳлил қиласди.

Шунингдек, мутафаккир мантиқ фанининг турли таълимотларни ўрганишдаги аҳамиятига юқори баҳо берган.

Юқоридагилардан келиб чиқиб айтиш мумкинки, Ўрта Осиё мутафаккирлари мантиқ илмининг масалаларини ишлаб чиқишида мустақил ижодий йўл тутдилар. Уларнинг мантикий таълимотлари Аристотелницидан фарқли равища силлогизмнинг моҳияти ва шаклларини таҳлил қилишдан эмас, балки ҳукм ва силлогизмларнинг асосий элементи бўлган тушунчалар табиатини таҳлил қилишдан бошланади. Улар мантиқ илмининг ўрганиш доирасини факат силлогизмлар билан чегаралаб кўймасдан, унга мавжуд билимлар асосида ҳақиқатга эришиш йўлларини ўрганувчи фан, деб таъриф бердилар. Уларнинг мураккаб ҳукмларга асосланган гипотетик хулоса чиқариш ҳақидаги таълимотлари мантиқ фанига кўшилган муҳим ҳисса бўлди. Тафаккур шакллари, айниқса, хулоса чиқариш билан аргументлаш ўртасидаги узвий боғлиқликни таъкидлашлари чукур маънога эгадир.

## ЯНГИ ВА ЭНГ ЯНГИ ДАВРДА МАНТИҚ ИЛМИ

Аристотелнинг мантиқий таълимоти Форобий, Ибн Сино, Ибн Рушдларнинг мантиққа оид асарлари орқали, яни Шарқ орқали Европага кириб келди. Ўрта аср Европасида мантиқ масалалари асосан умумий ва якка тушунчаларнинг ўзаро муносабати доирасида ўрганилган.

Янги даврда Европада фаннинг, айниқса, табиатшуносликнинг ривожланиши илмий метод (услуб) масалаларига эътиборни кучайтирди. Бу даврнинг буюк мутафаккирлари Р. Декарт, Ф.Бэкон, Т. Гоббс, Лейбниц ва бошқалар мантиқ илмининг турли йўналишларининг яратилишига асос солдилар.

**Френсис Бэкон** (1561–1626 й.й.) машҳур инглиз файласуфи ва табиатшунос олимидир. У икки қисмдан иборат «Фанларнинг буюк уйғониши» номли асарини ёзган. Биринчи қисми «Фанларнинг афзалликлари», иккинчи қисми «Янги Органон» деб аталади. Мантиққа оид фикрлари «Янги Органон»да ўз ифодасини топган.

Бэкон янги мантиқ яратишни максад қилиб қўяди. У Аристотелнинг «Органон»ини танқид қилиб, «Янги органон» асарини ёзди. Шу билан ўз мантиқий таълимотини Аристотель мантиғига карши қўймоқчи бўлди. Хусусан, Бэкон Аристотель силлогистикасига ўз индукциясини қарши қўйди, ўзининг илмий индукция назариясини яратди. Бэконнинг фикрича, силлогизм гаплардан, гаплар сўзлардан тузилади, сўзлар буюмларни билдиради. Сўзда ифодаланган тасаввур хато бўлса, силлогизм бузилади.

Бэкон индукцияни хulosа чиқаришнинг асосий шакли, деб билди. Фақат оммабоп индукцияни тан олмади, уни танқид қилди. У индукциянинг асосий методларини чукур ўрганди. Булардан ташқари индукциянинг ёрдамчи усууларини – якка мисоллар, адашган мисоллар, кўрсатувчи ҳолатлар ва бошқаларни кашф этди.

Бэкон истисно қилишга асосланган индукция назариясини яратди. Индукциянинг мақсади максимал даражада кўпроқ фактик материалларни таққослаш ва ўрганилаётган воқеаларнинг номухим томонларини истисно қилиш ва шу асосда уларнинг муҳим томонларини аниқлашдир, деб ҳисоблади.

Бэкон индукция жараёнини қисқартириш ва шу билан бирга ишончлироқ хulosа олиш мумкин, деб таъкидлади. Лекин қисқартириш йўлини аниқ ишлаб чиқмади.

Бэкон мантиқни илмий метод, услуб ҳақидаги фан деб билган. Илмий услубни кўллаш янги ҳақиқатларни очишга олиб келади. У Демокрит, Эпикурнинг индукция назариясини тиклади ва ривожлантирди, лекин тугалланган индуктив назария яратмади, унинг асосини курди, холос.

**Томас Гоббс** (1588–1679 й.й.)нинг асосий фалсафий асари «Фалсафа асослари» деб аталади. У уч қисмдан иборат бўлиб, биринчи қисмининг биринчи боби «Мантиқ» деб номаланади.

“Мантиқ”бобида Гоббс Бэкон йўлини давом эттириди. У тушунчаларни таърифлашга катта аҳамият берди. Гоббснинг фикрича, таърифлаш бир сўздан иборат бўлмаслиги керак; ном таърифлашда қайтарилмаслиги лозим.

Унинг фикрича, ҳукмлар номларнинг бирикувидан иборат. Ҳукм чин ёки хато бўлиши мумкин. У биринчи ўринга шартли ҳукмларни қўяди, чунки улар сабабий боғланишини ўрганишда муҳим аҳамиятга эга. Гоббс тил ва тафаккур бирлигини тан олади. Номлар тушунчалар билан, гаплар ҳукмлар билан тенглаштирилади.

Гоббс силлогизмни қуидагича таърифлайди: силлогизм учта гапдан иборат бўлган, учинчи гап аввалги иккитасидан келиб чиқадиган мулоҳазадир. У биринчи фигурани табиий фикр юритишга мос келадиган фигура деб кўрсатади, бошқа фигуralар биринчи фигуранинг турлича кўринишларидир. Силлогизмлардаги хатолар асослар хато бўлганда ва хулоса чиқариш шаклидаги хатолар натижасида юз беради.

Гоббс тафаккур қонунларининг учтаси ҳақида фикр билдириган. Айният қонуни аниклик шарти сифатида талқин қилинади. Сўз доим бир маънода ишлатилиши керак. Бу ҳақиқатга эришишнинг биринчи талабидир.

Гоббс зиддият ва учинчиси истисно қонунларини аксиома, деб билади.

Гоббснинг фикрича, исботлаш хулосалар занжири бўлиб, силлогизмлар унинг алоҳида ҳалқалариридир. Гоббс биринчи марта мантиқ фанига генетик таърифлашни киритди. Унинг фикрича, предметнинг қисмларини санаш орқали ҳам таъриф бериш мумкин. Фақат таърифларгина фан принциплари ҳамда исботлаш асоси бўла олади.

Гоббс мантиғида рационализм устун туради. Унда дедукция, индукция, таҳлил ва синтез бир хил ўрин тутади.

Мантиқ илмининг ривожланишида, илмий услуг билан боғлиқ масалаларни ҳал этишда **Р. Декарт** (1606–1650 й.й.)нинг хизматлари алоҳида аҳамиятга эга.

Декарт машхур файласуф, йирик математик ва мантиқшунос олимдир. Унинг фалсафий қарашлари «Фалсафа муқаддимаси» асарида ўз ифодасини топган. Мантиқий қарашлари эса, унинг «Услуб ҳақида мулоҳазалар» рисоласида баён этилган. Айниқса, «Услубнинг асосий қоидалари» деб аталувчи қисми мантиқ фани ривожи учун аҳамиятли бўлган. Унда билишнинг илмий услубини характерлайдиган асосий қоидалари ишлаб чиқилган.

Интуиция деганда Декарт хаёлий нарсани эмас, балки соғлом аклда туғиладиган барқарор ва аниқ тасаввурни тушунгандык. Интуиция ёрдамида ҳар қандай киши ўзининг мавжуд эканлигини, нималарни ўйлаётганини, учбурчак уч томонга эга эканлигини ва бошқаларни аниклаши мумкин.

Декарт фикрича, интуиция билан бирга биз дедукциядан ҳам фойдаланамиз. Дедукция дейилгандык аввал биллингандык нарсалар асосида билишни таъминтайтириш жараённи тушуниш керак. Дедукция ёрдамида фикрнинг мунтазам ҳаракати билан холоса ҳосил қилинади. Дедукцияда маълум ҳаракат ва муайян узлуксизлик мавжуд бўлиб, бу нарса интуицияда йўқдир. Нарсалар интуиция ва дедукция йўли билан билиниши мумкин.

Декарт фикрича, дедукциядан геометрияда ва алгебрада кўпроқ фойдаланилади. Декартнинг машхур афоризми («Мен фикр қилаяпман, демак, мен мавжудман») ни баъзи олимлар силлогизмнинг қисқарган кўриниши деб кўрсатадилар. Декарт эса унда холоса силлогистик йўл билан чиқарилмаган, деб айтади.

Дедукция ёрдамида бевосита билим ҳосил қилинади. Декарт фикрича, холоса чиқаришда асосий нарса биллингандык нарсадан билинмаган нарсага ўтиш, ноаниқ нарсанни аниқ қилишдир. Услубнинг аҳамияти дедукцияни қандай қилиб куриш кераклигини кўрсатишдадир. Услуб қандай қилиб аклдан тўғри фойдаланишини кўрсатади, тадқик қилиш мумкин бўлган нарсаларни, билишда дедукцияни қандай қилиб куриш керак эканлигини аниклайди.

Декарт таҳлил ва синтез жараёнлари ҳақида маҳсус таълимот яратади. Унинг қарашлари анъанавий мантиқ фанидаги қарашлардан фарқ қиласди. Декарт таҳлил ва синтез тушунчаларини фикрнинг мазмунини билан боғлайди. Масалан, агар фигурадан учбурчак тушунчасига, ундан тенг ёнли учбурчак тушунчасига фикран ўтилса, бу синтетик усул, яъни дедуктив усул бўлади. Агар тенг ёнли учбурчакнинг фигура бўлиш, учбурчакли бўлиш, тенг ёнли бўлиш хоссалари аникланса, анализ усули, яъни индуктив усул бўлади.

Индукцияни Декарт Бэконга қараганда бир оз бошқачароқ талқин қиласди. Унинг фикрича, индукия тажрибага асосланади, унда текширилаётган буюмларнинг тўлиқ рўйхати кўрсатилади. Санаш (энумерация) орқали муайян масала бўйича ҳамма ҳолатлар текширилади. Ҳар доим ҳам тўлиқ энумерация, яъни санаш лозим бўлавермайди. Баъзи вақтларда тўлиқсиз айрим олинган санаш ҳам етарли бўлади. Шундай қилиб, мутафаккир фикрича, интуиция, дедукция ва индукия ҳақиқатни топиш йўлларидир.

Декарт мантиқнинг ҳамма соҳаларига оид маълум система яратмаган бўлса ҳам ўз рационализми билан мантиқ фани тараккиётiga катта ҳисса кўшди.

1662 йилда **Антуан Арно** ва **Пьер Никол** томонидан «Мантиқ ёки фикр қилиш санъати» деб номланувчи китоб ёзилиб, нашр этилади. Кейинчалик бу асар «Пор-Рояль мантифи» номи билан машҳур бўлди. Пор-Рояль мантифи Декартнинг мантиқий қарашларига асосланади.

Пор-Рояль мантифи ғояларни умумий, жузъий ва якка ғояларга ажратади. Бир буюмни ифодалаган ғоя якка, кўп буюмларни ифодалаган ғоя умумий ғоя – жинс бўлади.

Пор-Рояль мантифи вакиллари дефиниция – таърифлашнинг икки турини кўрсатишади – номинал ва реал таърифлаш. Номинал таърифлаш исбот талаб қилмайди, реал таърифлашни исбот қилиш керак, деб таъкидлашади.

Уларнинг ҳукмлар ҳақидаги таълимоти Аристотель мантиғини танқид қилишга асосланади. Аристотель ҳукмларнинг ҳамма турларини кўрсатмаган; аслида унинг турлари кўпроқдир, деб таъкидланган ҳолда, ҳукмларнинг бошқа турларини, хусусан, ажратиб кўрсатувчи ва истисно қилувчи ҳукмлар ҳамда мураккаб ҳукмларнинг бир неча турларини кўрсатишади.

Пор-Рояль мантифи вакиллари китобнинг учинчи қисмини ҳулоса чиқаришга бағишлайдилар. Ҳулоса чиқариш инсон учун зарурдир. Ҳулоса чиқаришда бирор ҳукмнинг чинлиги ёки хатолиги масаласи ҳал қилинади. Ҳукмнинг субъекти кичик термин, предикати катта термин, улар ўртасидаги тушунча ўрта термин бўлади. Ҳулоса чиқаришда икки асос ва ҳулоса иштирок этади. Ҳулоса чиқариш энтилема шаклида бўлиши мумкин – унда асослар аник ифодаланмайди. Ҳулоса чиқаришнинг учта ва ундан кўпроқ ҳукмлардан тузилган тури бўлиши мумкин, у сорит бўлади. Силлогизмлар оддий ва бирлаштирувчи бўлади. Оддий силлогизмда ўрта термин чекка терминларнинг биттаси билан боғланади. Бирлаштирувчи силлогизмда ўрта термин иккита чекка термин билан боғланади.

Пор-Рояль мантиғида ҳулоса чиқариш системаси кенгайтирилди, унинг вакиллари томонидан индукция дедукцияга қарама-карши кўйилди, уларнинг ўзаро алоқаси кўрсатилмади.

**Г.В. Лейбниц** (1646–1716 й.й.) – ийрик немис олими. У XVII аср охири XVIII аср бошларида яшаб ижод қилган. Фалсафий қарашлари «Инсон ақли ҳақидаги тажрибалар» асарида ўз ифодасини топган. «Монадология» асарида фалсафий ва мантиқий қарашларини қисқа шаклда баён этган.

Лейбниц тафаккур қонунлари ҳақидаги таълимотни қайтадан ишлаб чиқди. У биринчи ўринга айният қонунини кўяди. Бу қонунга онтологик таъриф беради: ҳар бир буюм шу буюмнинг ўзидаидир, яъни А–А дир, В–В дир ва ҳ.к. Зиддият қонунини қуйидагича таърифлайди: бир вақтда буюм ҳам мавжуд, ҳам мавжуд эмас бўлмайди, А бўлса, нарса А эмас бўла олмайди. Буни қуйидагича ифодалаш мумкин: ҳар бир гап ё чин, ё хатодир. Бунда зиддият ва учинчиси истисно қонуни бирлаштирилади: 1.Бир гап ҳам чин, ҳам хато бўлмайди. 2.Ҳақиқат ва ёлғон ўртасида ҳеч нарса йўқ, яъни гап чин ҳам, хато ҳам бўлмаслиги мумкин эмас. Лейбниц фикрича, зиддият ва учинчиси истисно қонунлари хулоса чиқаришда асос бўлади. Етарли асос қонунини Лейбниц қуйидагича ифодалайди: ҳамма мавжуд нарсалар мавжуд бўлиши учун етарли асосга эга, етарли асоссиз бирорта воқеа чин, ҳақиқий бўлмайди. Мантиқий қонунлар билиш жараёни учун аҳамиятлидир. Тафаккуримиз обьектлари ё фақат фикрда мавжуд бўлади, ё реал мавжуд бўлади.

Лейбниц ҳозирда символик мантиқ номи билан юритиладиган мантиқка асос солди, тафаккурнинг турли жарайёнларини, жумладан, тафаккур шакллари ва қонунларини ифодалашда математик усуллардан фойдаланиш йўлларини таклиф киради. 1666 йилда Лейбниц «Комбинация килиш санъати ҳақида» номи билан асар ёзган бўлиб, символик мантиқнинг туғилиши шу йил ва шу асар билан бошланади.

Лейбниц мантиқ фанининг предмети ва вазифаси ҳақида тўхталиб, унинг вазифаси тафаккурнинг формал алоқаларини тасвирлаш, унинг предмети билимнинг мазмунини ўрганишдир, дейди. У мантиқ илмининг амалий аҳамиятини юқори баҳолайди.

Лейбницнинг мантиқий таълимоти қуйидаги принципларга асосланган: 1) ҳар бир тушунчани оддий қайд қилинадиган, бошқа бўлинмайдиган тушунчаларга келтириш мумкин; 2) мураккаб тушунчалар оддий тушунчаларнинг ҳажмини кўпайтириш ва кесиштириш мантиқий амали воситасида келтириб чиқарилади; 3) дастлабки оддий тушунчалар тўйлами зиддиятсиз бўлиши шарт; 4) ҳар қандай чин мулоҳаза предикатив ҳисобланади, яъни у эквивалент тарзда бошқа шаклга ўтказилади ва предикатнинг субъектда мавжудлиги назарда тутилади; 5) ҳар қандай чин бўлган тасдиқловчи гап шу маънода аналитик ҳисобланадики, унинг предикати субъектда мавжуд бўлади.

Лейбниц мантиқий модалликлар тизимини ишлаб чиқади:

мумкин	=	зиддиятсиз
зарурый	=	инкори зиддиятли
тасодифий	=	инкори зиддиятсиз
мумкин бўлмаган	=	зиддиятли

Лейбниц математик мантиқнинг қуидаги қонунларини таърифлаб беради:

*Рефлексивлик қонуни:*  $x = x$

*Симметрия қонуни:*  $x = y, y = x$

*Транзитивлик қонуни:*  $[(x = y) \wedge (y = z) \rightarrow (x = z)]$

Лейбницнинг мантиқ илмига оид қарашлари Х.Вольф томонидан ривожлантирилган.

**Христиан Вольф** (1676–1754 й.й.) немис файласуфи, математиги ва мантиқшунос олимидир. Вольфнинг мантикий таълимотида ақл масаласи энг асосий ҳисобланади. Ақлий билиш хulosса чиқаришга асосланади. Унинг фикрича, билим априор ёки апостериор йўл билан ҳосил қилинади. Апостериор билим – тажрибага асосланган билимдир. Аввалдан билиб олинган таърифлар ва ҳолатлар априор билим бўлиб, улар хulosса асосларини ташкил этади. Вольфнинг таъкидлашича, мантиқ ҳақиқатни билиш ва хатоларга йўл қўймаслик учун билиш қобилиятларини кўллашга ўргатувчи фандир. У мантикни назарий ва амалий қисмга ажратади. Назарий мантиқ тушунча, ҳукм ва хulosса чиқаришни ўрганади. Амалий мантиқ баҳс, мунозара жараёнида, мутолаа қилганда, фикрни баён этганда, умуман, амалий ҳаётда ҳақиқатни аниқлашга ўргатади. У ҳақиқатта қуидагича таъриф беради: фикрнинг обьект билан ёки тасаввур қилинган буюм билан ўзаро мослиги ҳақиқатdir.

Унинг таъкидлашича, билиш уч босқичда амалга ошади: тушунча, ҳукм ва хulosса чиқариш. Ҳукм икки тушунчадан таркиб топади. Хulosса берилган ҳукмлардан янги ҳукмни ҳосил қилишдир.

Вольф математик ва мантикий исботларга катта эътибор беради. Исботловчи асослар сифатида тушунчаларнинг таърифини, тажриба натижаларини, аксиомалар, постулатлар ва аввалроқ исботланган тезисларни тан олади. У тафаккур конунларини онтологик характерга эга, деб таъкидлайди. Зиддият конунини энг олий принцип сифатида қуидагича таърифлайди: «Бир буюм бир вақтнинг ўзида ҳам бўлиши, ҳам бўлмаслиги мумкин эмас». Ётарли асос конунига эса «ҳамма мавжуд нарсалар ўзининг ётарли асосига эга, шунинг учун улар мавжуд эмасликтан кўра мавжуддир», деб онтологик таъриф беради.

Х.Вольфнинг қарашлари Германияда мантиқка оид илмларнинг кейинги ривожи учун катта аҳамиятга эга бўлди. Баумейстер (1709–1785 й.й.), Мейер (1718–1777 й.й.) ва

Л.Эйлер (1707–1783 й.й.) каби мантиқшуносларга унинг foяллари сезиларли таъсир кўрсатган.

Янги давр рус мантиқшунослари ҳам мантиқ илмининг ривожланишига ўзларининг муносиб хиссаларини кўшганлар.

XVII асрнинг иккинчи ярмида биринчи марта мантиқдан дарслик чиқарилган. Шу вақтдан бошлаб Россияяда мантиқ илмининг ривожланишини кузатиш мумкин. Мантиқ билан жиддий шугулланган биринчи рус олимни **М.В. Ломоносов** (1711–1765 й.й.) бўлган. У билимларнинг манбаи объектив воқеликдир, билимнинг ягона воситаси эса тажриба (эксперимент), деб билган. Формал мантиқнинг тўрт асосий конунини муваффақиятли, ишончли муҳокама юритишининг элементар принциплари деб атаган.

У мантиқ илмига қуйидаги янги фикрларни киритган:

1.Хукмларни умумий ва якка турларга ажратган. Жузъий хукмни инкор этган.

2. Силлогизмнинг Darapti (AAI), Felapton (EAO), Bramalip (AAI) ва Fesapo (EAO) модусларини инкор этган. (Математик мантиқда ҳам силлогизмнинг бу модуслари инкор этилади.)

У холоса чиқаришни силлогистик ва силлогистик бўлмаган турларга ажратишга қарши бўлган ва холоса чиқаришнинг қуйидаги классификациясини таклиф этган:

- 1) бўлакдан бутунга қараб холоса чиқариши;
- 2) номидан холоса чиқариши;
- .3) таъсирдан холоса чиқариши;
- 4) вақт, ўрин ва шароитдан холоса чиқариши;
- 5) келиб чиқишидан холоса чиқариши;
- 6) сабабдан холоса чиқариши;
- 7) аввалгиларидан ва кейингиларидан холоса чиқариши;
- 8) тенгламадан холоса чиқариши;
- 9) ўхшаи буюмлардан холоса чиқариши;
- 10) қарама-қарши ва ўхшаи бўлмаган буюмлардан холоса чиқариши.

Ломоносовнинг «Нотиқликдан қисқача қўлланма» (1748) номли асари Россияяда узоқ вақт давомида мантиқдан дарслик бўлиб хизмат қилган.

**М.И. Каринский** (1840–1917 й.й.) ва унинг шогирди **Л.В. Рутковский** (1859–1920 й.й.) йирик рус мантиқшунослари бўлган ва кўпроқ холоса чиқариши масалалари билан шугулланишган.

Каринский аксиоматик-дедуктив мантиқ тизимини тузишга ҳаракат қилган. Бунда у тенглик муносабати орқали дедуктив ва индуктив холоса чиқаришни ифодаламоқчи бўлган. Каринский талқинида холоса чиқариш қуйидагича тузилишга эга:

$$\begin{array}{ccc} a & R & b \\ b & = & c \\ \hline a & R & c \end{array}$$

Масалан:

*Москва Париждан шарқда жойлашган.*

*Париж Франциянинг пойтахти.*

*Москва Франция пойтахтидан шарқроқда жойлашган.*

Каринский хulosаларни 2 гурӯҳга бўлади:

- 1) «субъектларни солиштириш»га асосланган;
- 2) «предикатларни солиштириш»га асосланган.

(Унда S ва P тушунчалари анъанавий мантиққа тўғри келмайди.)

Хulosса «S» ёки «P» ўртасидаги айнанлик (тафовут) асосида чиқарилади.

Каринский фикрича, бу икки гурӯҳ хulosса чиқаришнинг ҳамма турларини ва гипотезани ўз ичига олади. Каринский ўз классификациясида хulosса чиқаришнинг ҳамма турларини қамраб олмоқчи бўлган, лекин бунинг уддасидан чиқмаган.

Л.В.Рутковский «Хulosса чиқаришнинг асосий турлари» (1889) асарида хulosса чиқаришни интенсив (мазмунига асосланиб) ва экстенсив (ҳажмига асосланиб) турларга бўлади. Унинг хulosса чиқариш классификацияси қуйидагича:

1-гурӯҳ — ҳажмига кўра хulosса чиқариш (мантикий эгадан хulosса чиқариш):

- а) традукция (ўхшиашлик, айнанлик, шартли боғлиқлик);
- б) индукция (тўлиқ ва тўлиқ бўлмаган);
- в) дедукция (гипотетик ва гипотетик бўлмаган).

2-гурӯҳ — мазмунига кўра хulosса чиқариш (кесимдан хulosса чиқариш):

- а) продукция (айирувчи силлогизм);
- б) субдукция (классификациялаш ва предметни тартибга келтиришдаги хulosалар).

Продукциянинг аксиомаси: «Предмет В белгисига эга эканлигидан, шу предмет С белгига эга, деб хulosса чиқарилади, чунки В белги доимо С белги билан биргаликда мавжуд бўлади».

Каринский ва Рутковскийларнинг таълимотлари XIX асрда анъанавий мантиқнинг ривожланишига муайян даражада таъсир кўрсатди.

**Николай Алексеевич Васильев** (1880–1940 й.й.) «Жузий хукмлар тўғрисида, қарама-қаршиликларнинг учбурчаги хақида ва 4-си – истисно конуни ҳақида» (1910), «Ҳаёлий мантиқ» (1912), «Логика ва металогика» асарларининг муал-

лифидир. У ўз таълимотида формал аналогияни Л.Лобачевскийнинг ноевклид геометрияси билан бирлаштирган. Унинг бу таълимоти чексиз кўпликлар учун учинчиси истисно қонунининг кўлланилмаслиги ҳакида дастлабки фикрлардан бўлган.

Рус математиги ва мантиқшуноси **Платон Сергеевич Порецкий** (1846–1907 й.й.) математик мантиқнинг ривожланишига муҳим хисса кўшган.

Порецкийнинг мантиқий тизимида асосларнинг берилган тизимидан холосани келтириб чиқариш ва холоса сифатида олиниши мумкин бўлмаган асосларни топиш масалалари ишлаб чиқилган.

Джон Фредерик Вильям Гершел (1792–1871 й.й.) инглиз математиги ва мантиқшуноси бўлган. У «Табиатшуносликни ўрганишга кириш» (1832) асарида Джон Стюарт Миллдан 11 йил аввал илмий индуктив методларнинг асосий мазмунини ёритиб берган. Гершел фикрича, ҳодисалар ўртасидаги сабабий алоқадорликни аниклаш барча фанларнинг асосий вазифасидир. У сабабий алоқадорликни аниклашнинг куйидаги қоидаларини ишлаб чиқди:

- 1) сабаб ва оқибат алоқадорлигининг ўзгармаслиги;
- 2) сабаб бўлмаса, оқибатнинг ҳам бўлмаслиги доимий, ўзгармасди;
- 3) сабаб чинлигининг ортиши ёки камайиши билан оқибатнинг ҳам чинлигининг ортиши ёки камайиши;
- 4) оқибатнинг сабабга пропорционаллиги;
- 5) сабабнинг йўқолиши билан оқибатнинг ҳам йўқолиши.

Гершелнинг бу қоидалари илмий индукция методларининг яратилишида муҳим роль йўнаган.

Джон Стюарт Милль (1806–1873 й.й.) инглиз файласуфи ва мантиқшуноси.«Силлогистик ва индуктив мантиқ системаси» (1843) асарининг муаллифи.

У ҳам Беркли, Юм ва Кант каби ҳодисаларнинг чин моҳиятини билиш мумкинлигини инкор этган. Йисон факат сезгилар воситаси орқали ҳодисаларни билади, холос, сезгилардан ташқарида ҳеч қандай буюм мавжуд бўлмайди, деб ҳисоблаган.

Милль фикрича, хукм ҳодисалар ўртасидаги муносабатларнинг ифодасидир. Шу фикрга асосланган ҳолда у хукмларни 5 турга ажратади:

- 1) мавжудлик ҳукмлари;
- 2) давомийлик, кетма-кетлик ҳукмлари;
- 3) ўзаро мавжудлик ҳукмлари;
- 4) сабабий боғлиқлик ҳукмлари;
- 5) ўхшаши муносабатларни ифодаловчи ҳукмлар.

Милль Ф.Бэкон, Р.Уэтли, Ю.Юэл ва Гершел асарларига таяниб, психологик йўналишдаги мантикий тизим тузди. Мантиқ ҳақиқатни излаш методларини ўрганувчи фан ҳисобланиб, хulosса чиқариш қоидалари ва исботлаш усулларини ўз ичига олади.

Милль асоссиз ҳолда дедуктив йўналишни танқид қилиб, индуктив йўналишга ортиқча баҳо беради. Унинг таъкидлашича, силлогизм ҳеч қандай янги билим бермайди. Умумий хукм хусусий ҳолатни исботлай олмайди, чунки умумий хукмнинг ўзини исботлаш талаб қилинади, дейди.

Лекин Милль яратган илмий индуктив хulosса чиқаришнинг методлари катта аҳамиятга эга бўлган. Булар:

- 1) қолдиқлар методи;
- 2) тафовут методи;
- 3) ўҳшашилик ва тафовут қўшима методи;
- 4) йўлдош ўзгарувчилар методи;
- 5) ягона ўҳшашилик методи.

У ҳар бир методнинг ифодаланиш усулини (формуласини) ойдинлаштириди ва уларнинг тадқиқотчилар учун муҳим аҳамиятга эга эканлигини мисоллар билан тушунтириб берди.

Шунинг учун бу методлар мантиқ тарихида Милль методлари деб аталади.

Милль таълим-тарбия соҳасида мантиқ илмининг ўрнига юқори баҳо берган. У ўз автобиографиясида: «Янгича тарбиялашда, фикрловчи инсонларни шакллантиришда мантиқ илмидан яхшироқ восита бўлмаслигига ишончим комил», деб ёзган.

XVIII–XIX асрлар фалсафий фикрида немис фалсафаси, хусусан, унинг ёрқин вакиллари бўлган **И. Кант** (1724–1804 й.й.) ва **В.Ф. Гегель** (1770–1831 й.й.) яратган мантикий тизимлар муҳим ўрин тутади.

Кантнинг мантикий қарашлари унинг «Соф ақл танқиди», «Пролегоменлар», «Мулоҳаза юритиш қобилияти танқиди», «Мантиқ» (шогирдининг Кант фикрларини йифиб тузган тўплами) каби асарларида баён этилган.

Кант мантиқ фанининг мавжуд анъаналарини ҳисобга олган, Аристотелнинг мантикий таълимотига суюнган, шунингдек, янги даврда бошланган мантиқ илмини ислоҳ қилиш, давр рухига мос бўлган янги мантикий тизимни яратиш йўлидаги бўлган уринишларни кўллаб-кувватлаган ҳамда ўзининг дунёқарашининг, методологиясининг бош принципларидан келиб чиқсан ҳолда мантикий таълимотини яратди.

Кантнинг таъкидлашича, мантиқ илмини ўрганиш объектини ақл, тафаккур ташкил этади. Унинг негизини, асосий

шаклини **apriori** инсон тажрибасигача мавжуд тарзда (яъни субъект тажрибасига қадар) мавжуд бўлган тушунчалар, категориялар ҳосил қиласди. Улар умумий ва зарурый характерга эга. Ана шунинг учун ҳам ўрганилаётган обьектлар ҳақида чин билимлар ҳосил қилишга имкон беради. Акл билан билиш категориал синтез тарзида, яъни ҳиссий қабул қилиш натижаларини **apriori** категориялар ёрдамида таҳлил этиш шаклида мавжуд.

Кант фикрича, Аристотель асос солган умумий мантиқ (формал мантиқни Кант ана шундай ном билан атайди) аклни, тафаккурни ўрганувчи фан сифатида сакланиб қолиши керак. Лекин у Аристотель мантиқий таълимотига хос бўлган айрим камчиликлардан, хусусан, тафаккур шаклларини, охир-оқибатда эмпирик мазмунга эга тафаккур қонунларини (принципларини) бир вактнинг ўзида борлик принциплари, деб билишдан воз кечиши керак.

Умумий мантиқ, мутафаккир фикрига мувофик, тафаккур шаклини тоза ҳолда, яъни унинг «материя»сини ташкил этувчи обьектларни фарқ қилмаган ҳолда ўрганиши, аклнинг, тўғри муҳокама юритишининг зарурый қонунларини ишлаб чиқиши зарур. Бу қонун-қоидалар аклий фаолиятнинг формал принциплари бўлиб, уларсиз тафаккур мавжуд бўла олмайди.

Муҳокама юритишининг формал қоидалари ва умуман, формал мантиқ мутафаккир назаридаги билимларга баҳо бериш, уларнинг мантиқий қийматини (чин-хатолигини) аниқлашга ёрдам бериш учун мўлжалланган қоидалар йиғиндиси, яъни канон бўлиши керак.

Кант тафаккур шакллари ўргасидаги алоқаларини таҳлил қилишга алоҳида аҳамият беради. Хусусан, ҳукмни (мулоҳазани) тушунчалардан ташкил топсан мантиқий шакл сифатида олиб қараб, уни оиг тасаввурлари бирлигиди ҳис қилишга имкон берувчи восита, деб ҳисоблайди. Ўз навбатида аклнинг негизини ташкил этувчи категорияларнинг 12 тасини («реалик», «инкор», «чегара», «тўплам», «яхлитлик», «сабабият», «ўзаро таъсир», «имконият», «воқелик», «зарурият» ва бошқалар) шу даврда кўпчилик тан олган ҳукмнинг 4 та гурухга (микдори бўйича, сифати бўйича, муносабати бўйича, модалиги бўйича) ажратилишидан иборат таснифдан келиб чиқиб белгилаган.

Кант хulosса чиқаришни тушунча ва ҳукмлардан ташкил топадиган мантиқий шакл сифатида тасаввур қилиб, унинг 2 та турини: бевосита ва билвосита хulosса чиқариш турларини фарқ қиласди.

Шуни айтиш керакки, Кантнинг юқорида биз қайд этиб ўтган фикрлари ва бошқа илғари сурган foялари умумий мантиқ (формал мантиқ)нинг ўрганиш соҳасини, предметини наслбатан аниқроқ тасаввур қилишга имкон

берди. Унинг мантиқ илми тараққиёти йўлида қилган буюк хизматларидан бири айнан ана шу билан боғлиқ.

Мантиқ тараққиётидаги бошқа бир хизмати Кантнинг умумий мантиқдан ташқари янги – трансцендентал мантиқни яратиши билан белгиланади.

Трансцендентал мантиқ ақлни, умумий мантиқдан фаркли ўлароқ, факат шакли жиҳатидангина эмас, балки мазмуни томонидан ҳам олиб ўрганиши керак. Трансцендентал билим *apriori* билимларнинг алоҳида шакли бўлиб, у тасаввурларимизнинг (яккол тасаввурлар ёки тушунчаларимизнинг) факат априори мавжуд бўлишини, қўлланилишини, уларнинг қандай амалга ошишини тушунишимизга ёрдам беради. Бунда тафаккурнинг мазмуни деганда фикрнинг эмпирик мазмуни эмас (Кант эмпиризмга бутунлай қарши), балки ақл томонидан ҳосил қилинган мазмуни тушунилади; унинг тажрибага ҳеч қандай алоқаси йўқ. Бу мазмун тоза *apriori* тушунчаларда ифода қилинган бўлиб, айнан ана шуларни ўрганиш трансцендентал мантиқнинг асосий вазифасини ташкил этади.

Биз учун ниҳоятда мавхум бўлиб туюлган Кантнинг бу мулоҳазасида муҳим рационал маъно бор. Уни тафаккурнинг шакли ва мазмуни бирлигида олиб ўрганувчи мантиқни яратиш зарурлиги ҳақидаги ғоя ташкил этади.

Бу ғоя немис фалсафасининг бошқа вакили Гегель томонидан ривожлантирилди.

Гегелнинг мантиқий қарашлари унинг «Мантиқ фани», «Фалсафий фанлар энциклопедияси» китобларида баён қилинган.

Гегель фикрича, фалсафа мантиқ шаклида мавжуд бўлиб, унинг ўрганиш обьектини тафаккур (борлик билан айнан бир бўлган) ташкил этади. Ана шунинг учун ҳам мантиқ илми умумий мантиқ (формал мантиқ) доирасидан четга чиқади, бутун борлиқни ўзида гавдалантирадиган тафаккурнинг энг умумий, зарурий хислатларини ўрганувчи таълимотга айланади.

Албатта, бу билан мутафаккир умумий мантиқни инкор қилмайди, балки аксинча, уни фалсафий билимнинг муҳим бир қисмини, тадқиқот йўналишини ташкил этади, билишнинг муҳим методларидан бири билан куроллантиради, деб ҳисоблайди.

Гегелнинг буюк хизматларидан бирини айнан ана шу умумий мантиқнинг диалектикага (фалсафага) бўлган муносабати масаласини қўйиши ва ҳал этишга уринишида, деб билиш зарур.

Гегель Аристотель мантиғининг бир қатор муҳим билиш вазифаларини, хусусан, тафаккур тараққиётини таҳлил этишга ожизлик қилишини таъкидлаб ўтди. У Кантнинг, умумий

мантиқ тафаккур шаклларини «тоза» мантиқий шакллар сифатида олиб ўрганиши керак, деган фикрига аниқлик киритади. Унингча, ўзига ҳар қандай мазмунни қабул қила оладиган соғ мантиқий шаклнинг бўлиши мумкин эмас; ҳар қандай шакл ўз маъносига, мазмунига эга. Умумий мантиқ тафаккур шаклларини ўрганишда ана шундан келиб чиқиши керак. Ў тўғри муҳокама юритиш учун зарур бўлган формал қоидаларни ўрганувчи фан сифатида фалсафий билишнинг қуий босқичини, бўйсунувчи моментни ташкил этади. Гегель унинг асосий принципларини, тахлил этадиган универсал шаклларини, уларнинг муҳокамани тўғри қуриш ва чин фикрлар ҳосил қилишдаги аҳамиятини чуқур тадқиқ қилган.

Айниқса, унинг тафаккурнинг универсал шакллари: тушунча, хукм, хулоса чиқариш ўртасидаги алоқадорликни ўрганишга диалектик тарзда ёндашиши эътиборга лойиклар. Диалектика (диалектик мантиқ, фалсафа) фалсафий билишнинг асосий усули бўлиб, у формал мантиқдан<sup>1</sup> фарқли ўлароқ, тафаккурни, биринчидан, унинг мазмуни ва шакли бирлигига, иккинчидан, тараққиётида олиб ўрганиди. Бунда тафаккур ўз-ўзидан ривожланадиган моҳият сифатида олиб қаралади.

Гегель диалектик мантиқнинг формал мантиқ ўрганувчи универсал тафаккур шаклларидан ташқари яна бир қанча муҳим шаклларини: категориялар, фоялар, қонунларни ва шу кабиларни ўрганишини таъкидлайди. Унинг муҳим принциплари сифатида зиддият, абстрактлишикдан аниқлик (конкретлик)ка қараб бориш, тарихийлик ва мантиқийлик бирлиги кабиларни асослайди.

Гегель фикрича, диалектик мантиқнинг асосий вазифаси ҳақиқатни аниқлаш, унга эришиш йўлларини ўрганишдир. Муҳокамани тўғри қуриш унинг ёрдамчи воситаси бўлиб хизмат қиласди.

Мутафаккир ҳақиқатни жараён сифатида олиб қарайди, уни диалектик метод принциплари асосида тушунтиришига ҳаракат қиласди.

Диалектик мантиқ асосларининг яратилиши, унинг айрим камчиликларига қарамасдан (масалан, тугал, бошқа ривожланмайдиган тизим сифатида қурилиши), Гегелнинг мантиқий изланишларининг натижаси, унинг мантиқ илми ривожига кўшган буюк ҳиссасидир.

XIX асрнинг ўрталарига келиб мантиқ илмида жиддий ўзгаришлар содир бўлди. У Аристотель мантиқий тизимига асосланган анъанавий формал мантиқдан тубдан фарқ

<sup>1</sup> «Формал мантиқ» термини фалсафага Гегель томонидан киритилган.

қиладиган, математик методлардан кенг фойдаланадиган символик мантиқ (ёки математик мантиқ)нинг шаклланиши билан боғлиқ. Унинг негизида Лейбниц илгари сурган мухокамаларга ҳисоблаш тусини беришнинг мумкинлиги ва унинг самарадорлиги ҳакидаги ғоя ётади. XIX асрнинг ўрталари – XX асрнинг бошларида Ж.Бул, А.М.Де-Морган, Ч.Пирс, Г.Фреге ва бошқа таникли олимлар бу ғояни амалга оширишда ўз ҳиссаларини кўшдилар.

XX асрнинг бошига келиб символик мантиқ мантиқда оид илmlар доирасида мустакил фан сифатида шаклланди. Символик мантиқ бўйича дастлабки уч жилдик фундаментал асар – «*Principia mathematica*» Б.Рассел ва А.Уайтхедлар томонидан яратилди ва у 1910–1913 йилларда нашр этилди. Бу асарда анъанавий мантиқнинг баъзи муаммолари ҳамда унинг доирасида кўйиб бўлмайдиган масалалар янгича ёндашиш асосида, символик мантиқ воситалари ёрдамида таҳдил этилган.

Шунингдек, XX асрда ноанъанавий мантиқнинг турли хил йўналишлари, хусусан, кўп қийматли мантиқий тизимлар (Лукасевич, Гейting, Рейхенбахтларнинг уч қийматли мантиқий тизимлари, Постнинг n-кийматли мантиқий тизими ва шу кабилар), конструктив мантиқлар (А.Н.Колмогоров, А.А.Марков вариантлари) ва бошқа мантиқий назариялар вужудга келди ва ривожланди.

XX асрда мантиқ илмининг маълум йўналишлари ривожига Витгенштейн, К.Поппер, Е.К.Войишвилло, В.А.Смирнов, Хинтикки кабилар ҳам ўзларининг муносиб ҳиссаларини кўшдилар.

Ҳозирги пайтда мантиқ ўзининг турли хил соҳалари ва йўналишларида тарақкий этиб бормоқда.

### Машклар

1.Буюк мутафаккирларнинг кўйидаги мулоҳазалари асосида мантиқ илми эволюциясини тушунтириб беринг:

1.1.Мантиқ исботлаш тўғрисидаги илмдир. Исботлаш деб мен янги билим берадиган силлогизмни атайман (Аристотель).

1.2.Мантиқ билимлар тарозусидир (Ибн Сино).

1.3.Ҳозирда фойдаланиётган мантиқ – Аристотель мантиғи ҳакикатни кидириб топишга қараганда барча тан олган, қабул килган тушунчаларда ўз негизига эга бўлган хатоларнинг мустаҳкамланиши ва сакланиб қолишига хизмат киласи (Ф.Бэкон. Новый Органон. М., 1935, с.110).

1.4.Мантиқнинг вазифаси нарсаларни тушунишда ёки билимларни бошқа кишиларга етказиб беришда ақл фойдаланадиган белгилар табиатини ўрганишдан иборат (Т.Гоббс. Избр.произв.в двух томах. Т.2. М., 1964, с.75).

1.5. Тўғри фикрлаш принциплари: чинлиги ўз-ўзидан равшан бўлмаган фикрни чин деб қабул қиласлик; мулоҳазаларимизга ақлимизга аниқ ва равшан бўлиб туюлган, шубҳаларга ўрин қолдирмайдиган фикрларнигина киритиш... (Декарт. Избр.произ.М.,1950, с.301).

1.6. Мантиқ коронгу ва адашган тафаккурнинг буюк таъкибчисидир (Д.С.Милль).

1.7. Мантиқда биз фикрни тафаккурнинг таркибига кирадиган, унинг ўзи томонидан яратилган мазмундан бошқа мазмунга эга эмас нарса деб тушунамиз (Гегель. Наука логики. М., 1972. Т. 1, с.52).

2. Ҳозирги замон мантигининг илмий билиш методологияси сифатидаги хусусиятларини куйидаги фикрлардан фойдаланиб тушунтириб беришга ҳаракат қилинг:

2.1. Мантиқ табиатда нималар содир бўлаётганига қизикиш натижасида эмас, сабабий алоқаларни тушуниб етиш эҳтиёжидан ҳам эмас, балки тажрибада берилган барча нарсаларнинг моҳияти ёки асосини тушунишга интилиш негизида пайдо бўлади (Л.Витгенштейн).

2.2. Тоза математика тоза мантиқий асослардан келиб чиқади ва факат мантиқий терминларда таърифланадиган тушунчалардангина фойдаланади (Б.Рассел).

2.3. Илмий ва ноилмий билимларни чегаралаш (демаркациялаш)нинг бош мезони фальсификациялаш принцини бўлиб, у ҳар қандай илмий назариятнинг рад этилиши мумкинлигини назарда тутади (К.Поппер).

### *Takrorlaش учун саволлар*

1. Кадимги Шарқ мамлакатларида мантиқий таълимотлар қандай шароитларда вужудга келган? Уларнинг асосий хусусиятлари нимада?

2. Кадимги Грецияда мантиқ илмининг шаклланиши ва ривожланиши қандай хусусиятларга эга?

3. Аристотель нима учун мантиқ илмининг асосчиси деб хисобланади?

4. Ўрта асрларда мантиқ илми қандай ривожланган? Абу Абдуллоҳ Хоразмий, Форобий, Ибн Сино, Ибн Рушд, Журжоний ва бошқа Шарқ мутафаккирлари мантиқ илми тараққиётiga қандай хисса кўшганлар?

5. Янги даврда мантиқни ислоҳ қилишга бўлган уринишлар қандай натижалар билан тугади?

6. Символик мантиқ қандай шаклланди?

## МАНТИҚ ИЛМИ ВА ТИЛ

### ТИЛ – АХБОРОТ БЕЛГИЛАРИ ТИЗИМИ

**Тил** тафаккур билан узвий боғланган, фикримизнинг бевосита мавжуд бўлишини таъминлайдиган ва кишилар ўртасида алоқа ўрнатишга хизмат қиласидиган ахборот белгилари тизимидан иборат. Тилни ўрганиш мантиқ фанининг муҳим вазифаларидан бирини ташкил этади. Маълумки, тафаккур оламни мавҳумлаштириб ва умумлаштириб акс эттирадиган идеал ҳодисадир. Мавҳум нарсаларни, умумийликни фақат тил ёрдамидагина қайд қилиш мумкин.

Тил ва тафаккурнинг бирлиги нуткда ўз ифодасини топади. Нутқ оғзаки ва ёзма ҳолда мавжуд бўлиб, унда фикримиз моддий шаклга, яъни ҳиссий идрок этиладиган шаклга киради ва шу тариқа у энди бир шахсга эмас, балки жамиятга тегишли бўлиб қолади.

Тил кишиларнинг ижтимоий меҳнат фаолияти негизида вужудга келган ва ривожлана борган. Ана шунинг учун ҳам у чуқур ижтимоий мазмунга эга ҳамда маданиятимиз ва тарихимизнинг муҳим бир кисмини ташкил этади.

Тил ёрдамида билимлар ҳосил қилинади, тўпланади ва бир авлоддан бошқа авлодга етказиб берилади. Шу тариқа у таълим ва тарбия ишларини амалга оширишга, маданиятимизни таракқий эттиришга ёрдам беради.

**Белги** билиш жараёнида бошқа бир предметнинг вакили вазифасини бажарувчи ҳамда у ҳакда маълум бир хабарлар бериш, уни сақлаш, қайта ишлаш ва узатишга имконият яратувчи моддий предметдир. Хар қандай белги ҳам тил белгиси бўла олмайди. Тилга алоқаси бўлмаган белгилар қаторига нусха-белгилар (масалан, фотография карточкиси, бармоқ изи ва шу кабилар), индекс-белгилар ёки кўрсатувчи белгилар (масалан, бадан ҳароратининг кутарилиши – касаллик белгиси, тутун – оловнинг белгиси ва шу кабилар) киради.

Тил белгиси символ-рамзлар шаклида мавжуд бўлиб, ўзи ифода қиласидиган предметлар билан тузилишига кўра ҳеч қандай ўхшашиликка эга эмас. Мантиқ ўз эътиборини ана шундай тил белгиларини ўрганишга қаратади.

Тил белгилари ўз маъносига ва мазмунига эга. Тил белгисининг мазмунини у ифода қилаётган, кўрсатаётган обьект

ташкил этади. Масалан, «аудитория» сўзи реал мавжуд объекти – аудиторияни акс эттирувчи фикр мазмунини ифода этади. Тил белгисининг маъносини эса у ифода қилаётган объектнинг характеристикаси (тавсифи) ташкил этади. Масалан, «Аудитория» сўзининг маъносини «Машғулот ўtkазиш учун мўлжалланган хона», «Махсус жиҳозланган хона» ва шу каби эканлиги ҳакидаги ахборотлар ташкил этади.

Белгиларнинг билишдаги вазифасини ўрганишга Аристотель, Лейбниц каби мутафаккирлар катта эътибор берганлар. Белгилар ҳакидаги таълимотни тараққий эттириш XIX асрда актуал масалага айланган. Мана шу даврда америкалик файласуф Чарльз Пирс (1839–1914 й.й.) белгилар ҳакидаги фан – семиотикага асос солган. Бу фан тил белгисини уч хил йўналиш бўйича таҳлил қиласди. Биринчисини **семантика** ташкил қилиб, у белги билан у ифода қилаётган объект ўртасидаги муносабатни ўрганади. Иккинчиси **прагматика** бўлиб, у кишиларнинг белгиларга муносабатини ҳамда белгилар ёрдамида кишилар ўртасида вужудга келадиган муносабатларни ўрганади. Учинчиси, **сintаксис** дейилиб, у белгилар ўртасидаги муносабатларни (тилни қуриш қоидаларини) ўрганади. Мантиқ фанини кўпроқ тил белгиларининг семантикаси қизиқтиради.

## ТАБИИЙ ВА СУНЬЙИ ТИЛЛАР

Тилнинг иккита тури мавжуд. Улар табиий ва сунъий тиллардир. **Табиий ёки миллий тиллар** тарихан шаклланган товушлар (нутк) ва графика (ёзув)нинг ахборот белгилари тизимидан иборат. Табиий тилнинг алоҳида олинган ҳар кандай белиси ўз ҳолича ҳеч нарсани ифода қилимайди. Бу белгилар инсон амалий фаолияти ва тафаккури тараққиётининг негизида вужудга келган тил системасига киргандагина маълум бир маъно ва мазмун касб этувчи белгиларга айланади.

Табиий тил объектив оламнинг ва билишнинг турли хил соҳаларига тегишли бўлган предметлар, ҳодисалар ҳамда уларнинг хоссалари ва муносабатларини қамраб олиш ва ифода қилишдек катта имкониятга эга. У семантик жиҳатдан ёпиқ тизим ҳисобланади. Бошқача айтганда, табиий тил бошқа тилларга мурожаат қилмаган ҳолда мустақил равишда ўзини қуриши ва ифода қилиши мумкин.

Шунинг билан бир қаторда, табиий тилдан фойдаланиш билиш жараёнида айрим қийинчиликларни ҳам келтириб чиқаради. Улар қуйидагилар билан боғлиқ: 1) табиий тилда-

ги сўзларнинг маъноси вақт ўтиши билан ўзгариб туради; 2) табиий тилда бир сўз бир қанча тушунчани ифода қилиши (омонимлар) ёки бир тушунча бир қанча сўзларда ифода қилиниши (синонимлар) мумкин; 3) табиий тилдаги баъзи сўзлар ёрдамида ифода қилинган фикр аник маънога эга бўлмай қолади (масалан, «Карим чет тилини яхши билмайди» деган фикрда Каримнинг кимга нисбатан ёки қандай вазифани бажаришга нисбатан чет тилини яхши билмаслиги кўрсатилмаган). Табиий тилдаги мана шу каби ҳодисалардан холи бўлиш учун илмий билишда атамалардан (терминлардан) фойдаланилади. Атама ўзининг қатъий ва аник маъносига эга сўз бўлиб, бу маъно дефиниция (търиф) ёрдамида кўрсатилади. Шунингдек, табиий тилда аниқликка сунъий тилдан фойдаланиш йўли билан ҳам эришилади.

**Сунъий тил** табиий тил негизида яратилган ёрдамчи ахборот белгилари тизимидан иборат бўлиб, у мавжуд хабарларни аник ҳамда тежамли баён қилиш ва узатиш учун хизмат килади. Сунъий тилда сунъий йўл билан яратилган маҳсус белгилар, яны символлар – рамзлар ишлатилади. Табиий тилдаги конкрет мазмунга эга бўлган фикрлар илмий билишда ана шундай символлар билан алмаштирилади. Демак, сунъий тил фикримизнинг конкрет мазмунидан четлашган ҳолда факат символлар билан иш олиб боришини таъминлайди.

Сунъий тиллар ҳозирги замон фани ва техникасида кенг кўлланилади. Уларнинг, айникса, математика, физика, кимё, кибернетика, ҳисоблаш техникаси ва шу каби соҳалар ривожланишида ҳиссаси катта. Сунъий тилларнинг ишлатилишига мисол қилиб математикадаги тўғри бурчакли учбурчак томонларини ифода қилувчи  $\cos^2\alpha + \sin^2\alpha = 1$  формуласини, кимёдаги сувни ифода қилувчи  $H_2O$  формулани, механикадаги тезликни ифода

қилувчи  $\vartheta = \frac{S}{t}$  формуласини ва шу кабиларни кўрсатиш мумкин. Электрон ҳисоблаш машиналари учун дастурлар тузишда эса маҳсус алгоритмик тиллар ишлатилади. Улар «Алгол – 60», «Алгол – 65», «Фортран», «Кобол», «ПЛ – 1», «Ассемблер», «Бейсик» ва бошқалардан иборат. Сунъий тилдан мантиқ фани ҳам фикримиз тузилишини назарий жиҳатдан таҳлил қилишда фойдаланади.

Демак, илмий билишда табиий тилдан ҳам, сунъий тилдан ҳам фойдаланилади. **Илмий тил** эса табиий тил, сунъий тил ва маҳсус атамалардан ташкил топган бўлади.

## МАНТИҚНИНГ ФОРМАЛЛАШГАН ТИЛИ

Умумий мантиқ ўзининг илмий формаллашган маҳсус тилига эга. У инсон тафаккурининг тузилишини аниқ ва равшан ҳолда ифода қилиш мақсадида яратилган. Бунинг моҳиятини тушуниш учун формаллаштиришнинг ўзи нима эканлигини аниклаб олиш зарур.

**Формаллаштириш** конкрет мазмунга эга бўлган фикрларни символлар билан алмаштириш, яъни пропозиционал функция ҳосил қилиш, формуласалар киритиш, мантикий қоидаларни яратиш орқали тафаккурнинг (фикрининг) тузилмасини ифода қилиш демақдир. Тафаккурнинг тузилмаси билан мантиқнинг тилда ифода қилиниши тузилмаси ўргасида ўзаро мувофиқлик мавжуд, яъни ҳар бир конкрет фикр тузилмасига мълум бир тил тузилмаси мувофиқ келади. Буни пропозиционал функция ҳосил қилиш мисолида кўришимиз мумкин. «Тошкент – Ўзбекистоннинг пойтахти» деган фикрдаги «Тошкент» тушунчасини – S, «Ўзбекистоннинг пойтахти» тушунчасини – P билан алмаштирсан, S-P кўринишига эга бўлган пропозиционал функция ҳосил бўлади. **Пропозиционал функция** ўзгарувчи қийматга эга ифода бўлиб, бу қиймат аргумент билан алмаштирилганда конкрет мазмунли фикр ҳосил бўлади.

Формаллашган тил қўйидаги талабларга жавоб бериши керак:

1. Асосий белгилар аниқ ифода қилинган бўлиши керак. Бу белгилар асосий тушунчалар, атамаларни ифодалайди.
2. Таърифлашнинг барча қоидалари кўрсатилган бўлиши керак. Бу қоидаларга асосланган ҳолда мавжуд белгилар ёрдамида янги, қисқарок белгилар ҳосил қилинади.

3. Формулаларни тузишнинг барча қоидалари берилган бўлиши керак. Бунга мисол қилиб тушунчалардан гап ҳосил қилиш қоидаларини кўрсатиш мумкин.

4. Хулоса чиқариш қоидаларининг барчаси кўрсатилган бўлиши керак. Бу қўлланиладиган белгиларнинг (сўз, гап, символлар) график усул билан ифодаланишига тегишилдири.

5. Кўлланиладиган белгиларнинг маъносини талқин қилиш қоидалари кўрсатилган бўлиши керак.

Формаллашган тилга эга бўлган мантиқ чин фикрни ифода қилувчи бир формула ёрдамида худди шундай чин фикрни ифода қилувчи бошқа формулани келтириб чиқара олади. Була берилган фикрининг конкрет мазмуни эътиборга олинмайди.

Формаллашган тилнинг устунлиги шундаки, унда мантикий хулоса чиқаришда кўзда тутилмаган асосларнинг катнашиб қолиши мумкин эмас. Математика ва мантикнинг кўп масалалари фақат мана шу йўл билан ечилиши мумкин.

Ниҳоят, формаллашган тилнинг яна бир қимматли томони шундаки, унда бир соҳада яратилган формаллашган тилдан бошқа бир соҳага оид масалаларни ечишда фойдаланиш мумкин. Масалан, мантиқда синфлар билан бўладиган амалларда математика тилидан (кўшиш, кўпайтириш, тўлдириш каби атамалардан ҳамда уларни ифода қилувчи белгилардан) фикр тузилишини ифода килиш учун фойдаланиш мумкин. Бунда, албатта, фойдаланилаётган белгиларга маъно берилади.

Формаллашган тилнинг камчилиги эса шундаки, у табиий тилга караганда обьектни юзаки ҳолда ифода қиласади. Ҳозирги даврда мавжуд формаллашган тиллар борликнинг ва билишнинг жуда кам соҳаларини қамраб олган. Билишнинг қайси соҳаларида формаллашган тилни яратиш мумкинлигини олдиндан айтиш қийин.

Шунингдек, формаллашган тил эмпирик тадқиқотларнинг ўрнини боса олмайди. Ана шунинг учун ҳам илмий тил формаллашган тилдан фойдаланиш билан чегараланиб қолиши мумкин эмас.

Шунга қарамасдан формаллашган тил ҳозирги пайтда илмий билишда ва амалий ҳаётда муҳим аҳамиятга эга. У, айниқса, фикрнинг тузилишини ўрганишга, унинг мантикий қийматини, яъни чин ёки хатолигини аниқлашга тўлиқ кулай шароит яратади. Шунинг учун мантиқнинг формаллашган тилини яратишга ва уни чуқурроқ ўрганишга қизиқиш катта.

Тафаккурнинг мантикий шаклини ўрганишда семантик категориялар муҳим аҳамиятга эга. **Семантик категориялар** тил ифодаларининг синфларидан иборат бўлиб, улар бир-бирларидан қандай обьектларни акс эттириши билан фарқ қиласадилар. Асосий семантик категориялар қаторига гап ва унинг таркибида нисбатан мустақил ҳолда мавжуд бўлган қисмлари – дескриптив ва мантикий атамалар киради.

Гап ҳукмни, саволни ва нормани ифода қилиши мумкин. Ҳукмни ифода қилувчи гап предметга бирорта белгининг (хосса ёки муносабатнинг) хослигини тасдиқлайди ва инкор қиласади. У дарак гапдан иборат.

Гапда предметларни, уларнинг хоссалари ва муносабатларини акс эттирувчи ифодалар дескриптив атамалар дейи-

лади. Дескриптив атамалар предметлар номлари ёки термалар (предметларни, предметлар тўпламини акс эттирувчи ифодалар) ва предикаторлар (предметларнинг хоссалари ва муносабатларини акс эттирувчи ифодалар)га бўлинади.

Предметларнинг номлари айрим сўзлар ва сўз бирекмалари бўлиб, улар моддий (планета, электр токи) ва идеал (сезги, тафаккур) предметларни ифодалайди. Предмет номи белгидан иборат бўлганлиги учун ўз мазмуни ва маъносига эга. Номнинг мазмуни предметни ифода қиласи ва мантиқда **денотат** деб аталади. Номнинг маъноси эса предметнинг муҳим, умумий белгиларини ифода қиласи ва **концепт** деб аталади. Масалан, «Аристотель», «Мантиқ фанининг асосчиси», «Топика асарининг муаллифи» каби ифодаларнинг мазмуни бир хил, яъни битта предметни ифодалайди, маъноси эса турли хил, яъни фикр қилаётган объектнинг ҳар хил белгиларини қайд қиласи.

Шунингдек, номлар якка («Тошкент шахри») ёки умумий («шахар») бўлиши мумкин. Бунда якка ном битта предметни, умумий ном эса предметлар синфини акс эттиради.

Предикаторлар гапда кесим ўринида келиб, ўзи таалуқли бўлган номнинг микдорига боғлиқ ҳолда бир ўринли ёки кўп ўринли бўлиши мумкин. Бунда предметнинг хоссасини ифода қилувчи предикаторлар бир ўринли, улар ўртасидаги муносабатларни ифода қилувчи предикаторлар кўп ўринли предикаторлар ҳисобланади. Масалан, «Ўзбекистон мустақил республикадир» деган мулоҳазада предикатор бир ўринли, «Ўзбекистон Туркия билан иқтисодий шартнома тузди» деган фикрда «иқтисодий шартнома тузди» предикатори икки ўринли, «Ўзбекистон Сирдарё ва Амударё оралиғида жойлашган» деган фикрда «оралиғида жойлашган» предикатори уч ўринлидир.

Мантиқий атамалар (мантиқий константалар) доимий мантиқий қийматга эга бўлиб, гапда дескриптив атамаларни боғлашда ишлатилади. Улар ўзбек тилида «ва», «ҳам», «ҳамда», «ёки», «ёхуд», «барча», «ҳеч бир», «баъзи», «эмас» каби сўзлар орқали ифодаланади ва турли хил (оддий ва мураккаб) ҳукмлар, мулоҳазаларни ҳосил қилувчи элементлар ҳисобланади. Масалан, «Ҳеч бир товар қийматсиз эмас» деган фикрда «ҳеч бир», «эмас» мантиқий атамалар бўлиб, уларсиз дескриптив атамаларни – «товар», «қиймат» сўзларини боғлаб бўлмайди.

Мантиқнинг формаллашган тилини яратишда семантик категориялар аниқ таърифланиши ва тавсифланиши керак. Бунга семантик категорияларни конкрет символларда акс эттириш орқали эришиш мумкин.

Ана шу символлар мантиқнинг формаллашган тилининг алифбосини ташкил этади. Мантиқда иккита тил – предикатлар мантиғи тили ва мулоҳазалар мантиғи тили мавжуд.

**Мулоҳазалар мантиғи** ҳукмларининг ички тузилишини ўрганишдан четлашиб, уларнинг ўзаро мантиқий алоқасини ҳисобга олган ҳолда муҳокама этиш жараёнини таҳлил қиласиган формаллашган мантиқий тизимдир. Мулоҳазалар мантиғи тили алифбоси ифодалар таърифларини ва уларнинг талқин қилинишини ўз ичига олади. Ҳусусан, бу тил алифбоси қуидагилардан ташкил топган:

1.p, q, r – пропозиционал ўзгарувчилар, яъни ҳукмлар учун символлар.

2. $\wedge$  – конъюнкция белгиси; у ўзбек тилидаги «ва», «ҳам», «ҳамда» каби боғловчиларга тўғри келади. Масалан, «Маъруза тугади (p) ва унинг муҳокамаси бошланди (q)», деган ҳукмни  $p \wedge q$  шаклида ифода қилиш мумкин.

3. $\vee$  – дизюнкция белгиси; у ўзбек тилида «ё», «ёки», «ёхуд» каби сўзларга тўғри келади. Масалан, «Электр токи ё ўзгарувчан (p), ё ўзгармас бўлади (q)», деган ҳукм  $p \vee q$  шаклида ёзилади.

4. $\rightarrow$  – импликация белгиси; унга ўзбек тилида «Агар... бўлса, ... бўлади», деган ифода тўғри келади. Масалан, «Агар талаба мустақил ишласа (p), ўкув материалларини яхши ўзлаштиради (q)» деган ҳукм  $p \rightarrow q$  шаклида ёзилади.

5. $\leftrightarrow$  – эквивалентлик белгиси; унга ўзбек тилида «Фақат ва фақат шундаки...» деган ибора тўғри келади. Масалан, «Фақат жуфт сонларгина (p) иккига қолдиқсиз бўлинади (q)», деган ҳукм  $p \leftrightarrow q$  тарзида ёзилади.

6. $\supset$  – инкор қилиш белгиси. Масалан, «Аҳмедов Анвар талабадир» (p) деган ҳукм инкор қилинганда «Аҳмедов Анвар талаба эмас»  $p \supset \neg p$  га ўзгаради.

**Предикатлар мантиғи** – муҳокама жараёнини ҳукмларининг ички тузилишини ҳисобга олган ҳолда ўрганувчи формаллашган мантиқий тизимдир. Предикатлар мантиғи алифбоси мулоҳазалар мантиғи алифбосига янги символлар кўшиш орқали ҳосил қилинади.<sup>1</sup> Улар қуидагилар:

1.a, b, c,..., – предмет номларини ифодаловчи символлар, улар константлар деб аталади.

2.x, y, z,..., – предметларнинг умумий номларини билдирувчи символлар.

<sup>1</sup> Бу ерда кўрсатилмаган символлар ишлатилганда уларнинг киймати тушунтирилади.

$P^1$ ,  $Q^1$ ,  $R^1 \dots$ ,  $P^n$ ,  $Q^n$ ,  $R^n$  – предикаторлар учун символлар; бунда 1– бир ўринли предикаторни,  $n$ -н ўринли предикаторни билдиради.

4.Хукмнинг микдорини билдирувчи символлар: – умумийлик квантори; унга ўзбек тилида «барча», «ҳар бир», «хеч бир» каби сўзлар тўғри келади. Масалан, «Ҳеч бир ота-она ўз фарзандига ёмонлик тиламайди», деган ҳукм  $\forall(x)P(x)$  кўринишида ёзилади.

$\exists$  – мавжудлик квантори; унга ўзбек тилида «баззи», «айрим» каби сўзлар тўғри келади. Масалан, «Баззи кишилар якка тартибда ишлайди» деган ҳукм  $\exists(x)P(x)$  кўринишида ёзилади.

Мулоҳазалар мантифи ва предикатлар мантифи натурал хуоса чиқариш тизими (ёки аксиоматик) тизим сифатида курилиши мумкин.

### Машқлар

1.Кўйидаги мулоҳазаларга асосланиб тишининг фикрлаш жараёнида тутган ўрнини изоҳлаб беринг:

1.1.Одам тили билан ҳайвондан устун, аммо тилдан ножоиз фойдаланса, ҳайвондан баттар (Саъдий).

1.2.Кўнгул маҳзасининг кулфи тил

Ва ул маҳзанинг калидин сўз бил (А.Навоий).

1.3.Сўзни кўнгилда пиширмагунча тилга келтурма,

Хар неким кўнгулда бор-тилга сурма (А.Навоий).

1.4.Тил бойлиги тафаккур бойлигидир (Н.М.Карамзин).

1.5.Тил ғоя, тўйғу, тафаккурнинг жонли мужассамидир (А.Н.Толстой).

1.6.Фикр ифода этилаётган сўзлар туфайли ўзгаради (Б.Паскал).

1.7.Равшанлик – тишининг асосий фазилати (Аристотель).

2.Кўйидаги гаплардаги дескриптив ва мантикий атамаларни ажратинг.

2.1.Сахиийлик таъналар тоши йўлни беркитадир (Ахмад Юнакий).

2.2. Она юртинг омон бўлса,

Ранги-рўйинг сомон бўлмас (Хаъл маколи).

2.3. Ёрга еткур сабо, ким макр қилмишdir манга,

Қилди эрса кимга макрин, қайтадир бир кун анга. (Амир Темур.)

2.4.Агар кишиларнинг билимлари бетартигб ҳолда бўлса, қанчалик у кўпроқ билимга эта бўлган сайн, фикрлари шу кадар нарокаңдалашиб боради (Г.Стенсер).

2.5.Фикр ҳам – озиқ. Фикрлаш эса озиқланиш демак (В.Гюго).

3.Кўйидаги номларнинг (тил белгиларининг) маъно ва мазмунини топинг:

3.1.Фикр.

3.2.Иқтисодиёт.

3.3.Миллий ғоя.

3.4.Ватан.

3.5.Истиклол.

4.Кўйидаги мулоҳазаларнинг қайсилари бир хил мантикий шаклга эга?

- 4.1. Тарихни билмай туриб мафкуранинг фалсафий негизларини аниклаб бўлмайди (И.Каримов).
  - 4.2. Фоядан бегоналашган ҳар қандай одам окибат-натижада яланғоч туйгулари билангина колаверади (И.Гёте).
  - 4.3. Тилга ихтиёrsиз – элга эътиборсиз (А.Навоий).
  - 4.4. Ким равшан фикрласа, у равшан баён этади (Н.Буало).
  - 4.5. Истамай мутолаа килаётган талаба – қанотсиз күш (Саъдий).
  - 4.6. Эрталаб кўп шудринг тушса, ҳаво яхши бўлади.
  - 4.7. Ватанинг тинч – сен тинч.
5. Кўйидаги фикрларни формаллаштириинг:
- 5.1. Эндиликда ядро майдонларида эмас, мафкура майдонларида бўлаётган курашлар кўп нарсани ҳал килади (И.Каримов).
  - 5.2. Биз барпо этаётган янги жамият юксак маънавий ва ахлоқий қадриятларга таянади ва уларни ривожлантиришга катта эътибор қаратади (И.Каримов).
  - 5.3. Товуклар ёмғирдан ўзини олиб қочмаса, ёмғир тез орада тинади.
  - 5.4. Ҳамал йиғлок – савр курғок.
  - 5.5. Эрта баҳорда бўрон ёки каттиқ шамол бўлса, йил ёмон келади.
6. Кўйидаги ифодаларни конкрет мазмунга эга фикрларга ўзгартириинг:
- 6.1. X-Ўзбекистон Қаҳрамони.
  - 6.2. Ҳуқуқий X.
  - 6.3. pVq.

#### *Takrorlash учун саволлар*

1. Тил нима?
2. Тил ва тафаккур ўзаро қандай алоқада?
3. Сунъий тил нима учун керак ва у қандай яратилади?
4. Фикрни формаллаштиришнинг моҳияти нимада? Унинг тафаккур шакларини ўрганиш учун қандай аҳамияти бор?
5. Тилнинг семантик категориялари нималар?

## **ФОРМАЛ МАНТИҚНИНГ АСОСИЙ ҚОНУНЛАРИ (ПРИНЦИПЛАРИ)**

Оламдаги нарса ва ҳодисалар ҳаракати ўзига хос ички қонунлар негизида юзага келади. Бу ҳаракатнинг инсон онгидаги инъикоси, яъни тафаккур жараёни ҳам ўзига хос объектив қонуниятлар асосида амалга ошади.

Фалсафада қонун тушунчаси нарса ва ҳодисаларнинг муҳим, зарурӣ, умумий, нисбий барқарор муносабатларини ифодалайди. Формал мантиқ илмида қонун тушунчаси фикрлаш элементлари ўртасидаги ички, муҳим, зарурӣ алоқадорликни ифодалайди.

Мантикий тафаккур икки турдаги қонунларга бўйсунади. Улар диалектика қонунлари ва формал мантиқ қонунлариdir. Диалектика қонунлари объектив олам ва билиш жараёнига хос бўлган энг умумий қонунлар бўлиб, диалектик мантиқ илмининг ўрганиш соҳаси хисобланади. Формал мантиқ қонунлари эса фақат тафаккурдагина амал қиласди. Диалектика қонунлари мантикий тафаккурни унинг мазмуни ва шакли бирлигига олиб ўрганса, формал мантиқ қонунлари эса, фикрнинг тўғри тузилишини, унинг аниқ, изчил, зиддиятсиз ва асосланган бўлишини эътиборга олган ҳолда ўрганади.

Формал мантиқ қонунлари (ёки тафаккур қонунлари) дейилганда фикрлашга хос муҳим, зарурӣ боғланишлар тушунилади. Тафаккур қонунлари объектив воқеликнинг инсон миясида узоқ вақт давомида акс этиши натижасида вужудга келган ва шаклланган.

Бу қонунлар фикрлашнинг тўғри амалга ошишини таъминлаб туради. Улар тафаккур шакллари бўлган тушунчалар, мулоҳазалар (хукмлар) ҳамда хуласа чиқаришнинг шаклланиши ва ўзаро алоқаларини ифодалайди.

Тафаккур қонунлари юзаки қараганда субъектив қонунлардек бўлиб туюлса ҳам, аслини олганда, объектив мазмunga эгадир. Бу қонунлар ҳамма кишиларнинг фикр юритишида бир хил амал қилувчи умуминсоний қонунлардир. Уларни бузиш, алмаштириш, ўзгартириш, янгилаш мүмкин эмас.

Тафаккур қонунларига амал қилиш тўғри, тушунарли, аниқ, изчил, зиддиятсиз, асосланган фикр юритишига имкон беради. Аниқлик, изчиллик, зиддиятлардан холи бўлиш ва исботлилик (асосланганлик) тўғри тафаккурлашнинг

асосий белгилариidир. Булар мантикий қонунларнинг асосини ташкил этувчи белгилар бўлганлиги учун уларнинг хар бирини алоҳида-алоҳида кўриб чиқамиз.

Инсон тафаккурига хос бўлган муҳим хислатлардан бири фикрнинг аниқ бўлишидир. Маълумки, объектив воқеиликдаги ҳар бир буюм, ҳодиса ўзига хос белги ва хусусиятларга эга. Бу белги ва хусусиятлар буюм ва ҳодисаларни бир-биридан фарқлашга, уларнинг ўзига хос томонларини аниқлашга ёрдам беради. Бу эса, ўз навбатида, буюм ва ҳодисаларнинг инсон тафаккурида аниқ акс этишини, ҳар бир фикр, мулоҳазанинг аниқ, равшан ифодаланишини таъминлайди. Фикрнинг ноаниқлиги фикрдаги мантиқнинг саёзлашувига, мантиқсизликка олиб келади. Масалан, объектив ва субъектив сабаб тушунчаларининг моҳиятини аниқлаб олмасдан бирорта ҳодисанинг келиб чиқиши сабаблари тўғрисида аниқ фикр юритиб бўлмайди. Шу сабабдан фикрдаги аниқлик тўғри тафаккурлашнинг асосий белгиларидан бири ҳисобланади.

Объектив воқеиликдаги буюм ва ҳодисаларнинг жойлашиши, ўзаро муносабати ва боғланишида муайян тартиб, изчиллик, кетма-кетлик мавжуддир. Буюм ва ҳодисаларнинг бу хусусиятлари фикрлаш жараёнининг изчил амалга ошишида ўз ифодасини топган. Тафаккурга хос бўлган изчиллик белгиси ҳар бир фикрнинг муайян тартибда ўзаро боғланган ҳолда баён этилишини талаб қиласди. Фикрдаги изчилликнинг бузилиши фикр маъносининг ўзгаришига олиб келади ва бундай фикрни тушуниб олиш қийинлашади. Масалан, бирорта файласуф – мутафаккирнинг умумфалсафий қарашларини ўрганмасдан туриб, унинг ижтимоий ёки ахлоқий таълимотининг моҳиятини тўлиқ тушуниб бўлмайди.

Тафаккурга хос бўлган белгилардан яна бири фикрлаш жараёнининг зиддиятсизлик хусусиятига эга бўлишилигидир. Бу белги ҳам объектив асосга эга. Маълумки, объектив воқеиликда ҳар бир буюм ёки ҳодиса бир вактнинг ўзида бирор сифатига кўра икки зид белгига эга бўлмайди. Масалан, бирор буюм бир вактнинг ўзида ҳам бор, ҳам йўқ бўла олмайди ёки инсон ҳам эътиқодли, ҳам эътиқодсиз бўла олмайди. Фикрда мантикий зиддиятларнинг мавжуд бўлиши унинг ноаниқ, чалкаш, тушунарсиз бўлишига олиб келади.

Буюм ва ҳодисалар ўртасидаги сабабий боғланишлар тафаккурга хос бўлган асослилик белгисининг объектив негизидир. Инсон фикр юритиш жараённида иложи борича чинлиги асосланган мулоҳазаларни баён қилишга интилади.

Юқорида баён қилинган белгилар тафаккур қонунларининг мазмунини ташкил этади.

## АЙНИЯТ ҚОНУНИ

Бирор буюм ёки ҳодиса ҳакида фикр юритилганда уларга хос бўлган барча муҳим белгилар, томонлар қамраб олинади. Предмет ҳакидаги фикр неча марта ва қандай ҳолатларда тақорланишига қарамасдан доимий, ўзгармас ва қатъий мазмунга эга бўлади. Тафаккурга хос бўлган бу аниқлик хусусияти айният қонунининг моҳиятини ташкил этади.

Айният қонунига кўра, маълум бир предмет ёки ҳодиса ҳакида айтилган айни бир фикр айни бир муҳокама доирасида айни бир вақтда ўз-ўзига тенгдир. Бу конун формал мантиқ илмида «A–A» формуласи билан ифодаланади.

Айният қонуни символик мантиқ илмида, яъни **мулоҳазалар мантифи ва предикатлар мантиғида ўзига хос кўринишда ифодаланади**.

Мулоҳазалар мантиғида  $a \rightarrow a$  ва  $a \leftrightarrow a$ . (Бунда,  $\rightarrow$  – ҳар қандай фикрни ифодаловчи белги,  $\rightarrow$  – импликация белгиси,  $\leftrightarrow$  – эквивалентлик белгиси.)

Предикатлар мантиғида ( $x(P(x) \rightarrow P(x))$ ). Бу ифода кўидагича ўқиласи: ҳар қандай  $X$  учун, агар  $X$   $P$  белгига эга бўлса,  $X$  шу белгига эга, деган фикр тўғри бўлади.

Айният қонунининг асосий талаби қўидагича: фикрлаш жараёнида турли фикрларни айнанлаштириш ва аксинча, ўзаро айнаи бўлган фикрларга тенг эмас, деб қараш мумкин эмас. Бу мантиқий тафаккурниң муҳим шартларидан биридир. Фикрлаш жараёнида бу қонунни билиб ёки билмасдан бузиш ҳолатлари учрайди. Баъзан бу ҳолат бир фикрниң тилда турли хил ифодаланиши билан боғлиқ бўлади. Масалан, «диалектика қонунлари» ва «табиат, жамият ва инсон тафаккурининг энг умумий қонунлари» тушунчалари шаклига кўра турлича бўлса ҳам мазмунан айнандир.

Тилда мавжуд бўлган омоним ва синоним сўзларниң кўлланиши ҳам баъзан турли фикрларниң ўзаро айнанлаштирилишига, яъни нотўғри муҳокамага олиб келади. Масалан: фалсафий нуқтаи назардан «сифат» тушунчаси ўзига хос мазмунга эга бўлса, бирор хунарманд томонидан бу тушунча бошқа мазмунда (ярокли, фойдали) кўлланилади.

Шунингдек, у, бир тушунчага касб-хунари, ҳаётий тажрибаси ва дунёқараши турли хил бўлган шахслар томонидан турли мазмун юклатилишида ҳам намоён бўлади.

Баҳс-мунозара жараёнида қандай килиб бўлса ҳам ракибни алдаш ва ютиб чиқиши мақсадида айният қонунининг талабларини атайлаб бузувчилар софистлар деб аталади. Уларнинг таълимоти эса софистика дейилади.

Баъзан турли маънодаги бир хил сўзларни моҳирлик билан ишлатиш орқали ажойиб шеърий мисралар яратилиди. Шарқ адабиётида «туюқ» номи билан маълум бўлган бу шеърий мисралар гўзаллиги, инсонга ўзига хос завқ бериши билан ажралиб туради. Бунга Фозил Йўлдош ўғлининг кўйидаги мисралари мисол бўла олади:

Кўлингдан келганча чиқар яхши от,  
Яхшилик қил, болам, ёмонликни от,  
Насиҳатим ёд қилиб ол, фарзандим,  
Ёлғиз юрса чанг чиқармас яхши от.

Юқоридаги тўртликда «от» тушунчасининг турли маъноларда қўлланилиши айният қонуни талабининг бузилишини эмас, балки унга риоя қилинганигини ифодалайди.

Шунингдек, ўзбек ҳалқига хос бўлган асқия санъатида айният қонунлари атайлаб бузилишини, тушунчаларнинг ўз маъносида эмас, балки кўчма маъноларда қўлланилишини кузатиш мумкин. Бу ўзига хос сўз ўйини бўлиб, унда қўлланиладиган нозик қочиrimлар асқия айтувчининг маҳоратини кўрсатади ва тингловчиларнинг кулгусига сабаб бўлади.

Демак, ҳаётда, амалиётда тушунчанинг турли маъноларда қўлланилишидан ғаразли ёки бегараз, яхши ёки ёмон мақсадлар учун фойдаланиш мумкинлигини кўрамиз.

Айният қонуни предмет ва ҳодисаларнинг нисбий барқарорлигини ифода этган ҳолда, тафаккурнинг ривожланишини, тушунчалар ва билимимизнинг ўзгариб, бойиб боришини инкор этмайди. Бу қонун фикрнинг мазмуни предмет ва ҳодисаларни тўлароқ билиб боришимиз билан ўзгаришини эътироф этади ва уни ҳисобга олишни тақозо қилади.

Айният қонуни тафаккурга, унинг барча элементлари, шаклларига хос бўлган умумий мантиқий қонундир. Бу қонуннинг талаблари тафаккурнинг ҳар бир шаклига хос бўлган конкрет қоидаларда аниқ ифодаланади. Тафаккурнинг тушунча, мулоҳаза (хукм), хулоса чиқариш шакллари, улар ўргасидаги мунособатлар шу қонунга асосланган ҳолда амалга ошади.

## НОЗИДЛИК ҚОНУНИ

Инсон тафаккури аниқ, равшан бўлибгина қолмасдан, зиддиятсиз бўлиши ҳам зарур. Зиддиятсизлик инсон тафаккурига хос бўлган энг муҳим хислатлардан биридир. Маълумки, объектив воқеликдаги буюм ва ҳодисалар бир вақтда, бир хил шароитда бирор хусусиятга ҳам эга бўлиши,

ҳам эга бўлмаслиги мумкин эмас. Масалан, бир вақтнинг ўзида, бир хил шароитда инсон ҳам ахлоқли, ҳам ахлоқсиз бўлиши мумкин эмас. У ё ахлоқли, ё ахлоқсиз бўлади.

Бир вақтнинг ўзида бир предметга икки зид хусусиятнинг тааллуқли бўлмаслиги тафаккурда нозидлик қонуни сифатида шаклланиб қолган. Бу қонун фикрлаш жараёнида зиддиятга йўл кўймасликни талаб қиласди ва тафаккурнинг зиддиятсиз ҳамда изчил бўлишини таъминлайди.

Нозидлик қонуни айни бир предмет ёки ҳодиса ҳақида айтилган икки ўзаро бир-бирини истисно қилувчи (ўзаро бир-бирини истисно қилувчи) фикр бир вақтда ва бир хил нисбатда бирданига чин бўлиши мумкин эмаслигини, ҳеч бўлмагандан улардан бири, албатта, хато бўлишини ифодалайди. Бу қонун «А ҳам В, ҳам В эмас бўла олмайди» формуласи орқали берилади. Мулоҳазалар мантифида бу қонун кўйидағи формула орқали ёзилади  $\forall (x(p)r(x))$ , яъни ҳар қандай  $P(x)$  мулоҳаза учун  $r(x)$  ва унинг илгари бирғалиқда чин бўлмаслиги тўғридир.

Нозидлик қонуни қарама-қарши ва зид мулоҳазаларга нисбатан қўлланилади. Бунда қарама-қарши мулоҳазаларнинг ҳар иккаласи ҳам бир вақтда хато бўлиши мумкин; ўзаро зид мулоҳазалар эса бир вақтда хато бўлмайди, улардан бири хато бўлса, иккинчиси албатта чин бўлади. Қарама-қарши мулоҳазаларда эса бундай бўлмайди, яъни улардан бирининг хатолигидан иккинчисининг чинлиги келиб чиқмайди. Масалан: “Аристотель — мантиқ фанининг асосчиси” ва “Аристотель — мантиқ фанининг асосчиси эмас” — бу ўзаро зид мулоҳазалардир. Бу зид мулоҳазаларнинг ҳар иккаласи бир вақтда хато бўлмайди. Улардан биринчиси чин бўлганлиги учун иккинчиси хато бўлади. Ўзаро қарама-қарши бўлган “Бу дори ширин” ва “Бу дори аччик” мулоҳазаларининг эса иккаласи бир вақтда, бир хил нисбатда хато бўлиши мумкин. Учинчиси — истисно қонуни тушунчалар ўртасидаги зид муносабатларни ифодалайди. Агарда зид муносабатлар тушунчанинг тўлиқ мазмунини қамраб олмаса, икки зид белгидан бошқа белгиларнинг ҳам мавжудлиги маълум бўлса, унда учинчиси истисно қонунига амал қилмайди.

Масалан:

Талаба имтиҳонда «аъло» баҳо олди.

Талаба имтиҳонда «икки» баҳо олди.

Бу мулоҳазалар муносабатида нозидлик қонуни амал қиласди. Чунки бу мулоҳазаларнинг ҳар иккиси ҳам хато бўлиши ва талаба имтиҳонда «ўрта» ёки «яхши» баҳо олиши мумкин.

Агар, «Талаба имтиҳонда «аъло» баҳо олди» ва «Талаба имтиҳонда «аъло» баҳо олмади» мулоҳазаларини таҳлил қиласак, унда бу мулоҳазалардан бири чин, бошқаси хато, учинчисига ўрин йўқ эканлиги маълум бўлади. Чунки «яхши», «ўрта» ва «икки» баҳолар – «аъло» баҳо эмас.

Учинчиси истисно қонуни қуидаги ҳолатларда кўлланилади:

1. Алоҳида олинган якка буюмга нисбатан бир хил вақт ва муносабат доирасида ўзаро зид фикр билдирилганда. Масалан:

Тошкент – Ўзбекистоннинг пойтахти.

Тошкент – Ўзбекистоннинг пойтахти эмас.

Бу мулоҳазалар биргаликда чин ҳам, хато ҳам бўла олмайди. Улардан бири чин, иккинчиси хато, учинчи мулоҳазага ўрин йўқ. Учинчиси – истисно қонуни ўзаро зид умумий мулоҳазалар доирасида амал қилмайди. Чунки умумий мулоҳазаларда буюмлар синфига ва шу синфга мансуб ҳар бир буюмга нисбатан фикр билдирилади.

Масалан:

Ҳамма файласуфлар нотикдир.

Ҳеч бир файласуф нотик эмас.

Бу мулоҳазалардан бирининг хатолигидан иккинчиси – чинлиги ҳақида хулоса чиқариб бўлмайди. Бундай ҳолатда «Баъзи файласуфлар нотикдир» деган учинчи бир мулоҳаза чин ҳисобланади.

Сон ва сифатига кўра ўзаро зид мулоҳазалар баён қилинганда, буюм ва ҳодисаларнинг синфи ҳақида тасдиқлаб баён қилинган мулоҳаза билан шу синф буюм ва ҳодисаларнинг бир қисми ҳақида инкор этиб баён қилинган мулоҳазалардан бири чин, иккинчиси хато, учинчисига ўрин бўлмайди.

Масалан:

Ҳамма файласуфлар табиатшуносдир.

Баъзи файласуфлар табиатшунос эмас.

Бу икки мулоҳаза бир вақтда чин ҳам, хато ҳам бўла олмайди. Улардан бири (Баъзи файласуфлар табиатшунос эмас) албатта чин, иккинчиси хато, учинчи мулоҳазага ўрин йўқ.

Демак, учинчиси – истисно қонуни:

1. Икки зид якка мулоҳазаларга нисбатан.

2. Умумий тасдиқ ва жузъий инкор мулоҳазаларга нисбатан.

3. Умумий инкор ва жузъий тасдиқ мулоҳазаларга нисбатан кўлланилади.

Учинчиси – истисно қонунининг амал қилиши учун олингандан зид муносабатларни ифодаловчи мулоҳазалардан бири тасдик, иккинчиси инкор бўлиши ёки тушунчалардан бири ижобий ва бошқаси салбий бўлиши шарт эмас. Олинган икки тушунча ёки мулоҳазанинг бир-бирини ҳажм жиҳатдан тўлиқ инкор этиши кифоя. Масалан, эркак ва аёл тушунчаларининг ҳар иккиси ижобий бўлиб, инсон тушунчасининг тўлиқ мазмунини камраб олувчи зид белгиларни ифодалайди.

Учинчиси – истисно қонунида ҳам нозидлик қонунидаги каби вакт, муносабат, обьект айнанлигига риоя этиш шарт, акс ҳолда бу қонун ўз кучини йўқотади, фикрнинг изчиллигига зарар етади ва мантиқсизликка йўл қўйлади.

Учинчиси – истисно қонуни бошқа мантикий қонуллар сингари зиддиятли мулоҳазаларнинг чин ёки хатолигини аниклаб беролмайди. Бунинг учун воқеа ва ҳодисаларни, уларнинг ривожланиш қонуниятларини билиш талаб қилинади. Инсон ўз билимларига асосланган ҳолда ўзаро зид мулоҳазалардан қайси бири чин ёки хато эканлигини аниклайди. Бу қонун ўзаро зид мулоҳазалар бир вактда чин бўлмаслигини тасдиқлайди.

Учинчиси – истисно қонунини билиш муҳокама юритишида тўғри хulosasi чиқариш учун муҳим бўлиб, ўзаро зид қарашларни аралаштириб юборишга йўл қўймайди.

## ЕТАРЛИ АСОС ҚОНУНИ

Тўғри фикрлашга хос бўлган муҳим хусусиятлардан бири исботлилик, ишончлиликдир. Фикрлаш жараённида буюм ва ҳодисалар ҳақида чин муҳокама юритибгина қолмасдан, бу муҳокаманинг чинлигига ҳеч қандай шубҳа бўлмаслиги учун уни исботлашга, асослашга ҳаракат қилинади. Бунда чинлиги аввалдан маълум бўлган ва ўзаро мантикий боғланган мулоҳазаларга асосланилади, яъни баён килинган фикрнинг чинлиги аввалдан маълум бўлган, чинлиги тасдиқланган бошқа бир фикр, мулоҳаза билан таққосланади. Тафаккурнинг бу хусусияти етарли асос қонуни орқали ифодаланади.

Инсон тафаккурига хос бўлган бу қонунни биринчи марта немис файласуфи ва математиги Г.Лейбниц таърифлаб берган. Унинг таъкидлашича, барча мавжуд нарсалар ўзининг мавжудлиги учун етарли асосга эга. **Ҳар бир буюм ва ҳодисанинг реал асоси бўлгани каби, уларнинг инъикоси бўлган фикр-мулоҳазалар ҳам асосланган бўлиши керак.** Етарли асос қонунининг бу талаби қўйидаги формула орқали ифодаланади: «Агар В мавжуд бўлса, унинг асоси сифатида А ҳам мавжуд».

Етарли асос қонунида тўғри тафаккурнинг энг муҳим хусусиятларидан бири бўлган фикрларнинг изчиллик билан муайян тартибда боғланиб келиш хусусияти ифодаланади. Бу қонун аввалги кўриб ўтилган қонунлар билан ўзаро боғлиқ ҳолда амал қиласди. Фикрлаш жараёнида берилган мулоҳазанинг чинлигини асослаш учун келтирилган чин мулоҳазалар мантикий асос деб, берилган мулоҳазанинг ўзи эса мантикий натижа деб юритилади.

Мантикий асос билан объектив, ҳақиқий реал асосни аралаштириб юбориш мумкин эмас. Асос ва натижа орасидаги мантикий боғлиқликни сабаб ва оқибат алокадорлигидан фарқлаш зарур. Масалан, «Бу киши bemor», деган мулоҳазани «У шифохонада даволаняпти», деган фикр билан асослаш мумкин. Аслида шифохонада даволаниш дастлабки мулоҳазанинг сабаби эмас, балки оқибатидир. Кўриниб турибдики, мантикий асос ҳаммавақт ҳам ҳодисанинг сабаби билан мос келмайди. Фикрларнинг етарли асосга эга бўлишигининг объектив манбаи факат сабаб-оқибат муносабатинигина эмас, шунингдек, фикрнинг изчиллиги, асосланганлигини, исботланган бўлиш хусусиятларини ҳам, яъни объектив мазмуни сабаб-оқибат муносабатларидан ташқарида бўлган бошқа муносабатларни ҳам ўз ичига олади.

Фикр-мулоҳазаларни асослаш мураккаб мантикий жараён бўлиб, унда бир ёки ундан ортиқ ўзаро боғланган муҳокамалар тизимидан фойдаланилади. Кенг маънода бирор мулоҳазани асослаш деганда, шу мулоҳазанинг чинлигини тасдиқловчи ишончли ва етарли далилларнинг мавжудлигини аниқлаш тушунилади. Бу ишончли ва етарли далилларни шартли равишда икки гуруҳга: эмпирик ва назарий асосларга бўлиш мумкин. Булардан биринчиси асосан ҳиссий билиш, тажрибага асосланса, иккинчиси ақлий билиш, тафаккурга таянади. Эмпирик ва назарий билимларнинг чегараси нисбий бўлгани каби, эмпирик ва назарий асослар ўртасидаги фарқ ҳам нисбийдир.

Инсоннинг шахсий тажрибаси макон ва замонда чегаралangan бўлиб, сезилари берган маълумот эса ҳаммавақт ҳам тўғри бўлмайди. Шунга қарамасдан, мулоҳазаларни эмпирик асослашнинг аҳамияти катта, чунки билиш жонли ҳиссий мушоҳададан, бевосита кузатишдан бошланади. Ҳиссий тажриба инсонни ташки олам билан боғлаб туради. Назарий билим эса эмпирик базиснинг устқурмаси ҳисобланади.

Назарий асослашда кенг фойдаланиладиган усул-дедуктив хulosasi чиқариш усули, яъни умумий чин мулоҳазаларга таяниб фикр юритишдир. Берилган мулоҳазани

мантикий усул орқали бошқа чин мулоҳазалар ёрдамида асослаш мумкин бўлса, унда берилган мулоҳаза чин, яъни асосланган бўлади. Бунда фикрлар ўртасидаги боғланиш умумийлик, хусусийлик ва яккалик ўртасидаги ўзаро боғликларни ифодалайди. Масалан, тўғри тафаккур қонунларининг объектив характерга эга эканлигини барча илмий қонунларнинг объектив характерга эга эканлиги ҳақидаги умумий-чин мулоҳаза ёрдамида асослаш мумкин.

Умумий-чин мулоҳазалар сифатида фанларнинг қонун-коидаларидан, тушунчаларнинг таърифларидан, шунингдек, аксиомалардан фойдаланилади. Буларнинг барчаси назарий асослашнинг рационал ёки демонстратив усуслари бўлиб, улар умуммиллий аҳамиятга эга бўлган исботлаш методларининг асосини ташкил этади.

Шунингдек, асослашнинг субъектив характерда бўлган ва бевосита тажриба натижаларига ёки назарий фикр юритишга таалукли бўлмаган усуслари мавжуд. Интуицияга, эътиқодга, авторитетларга ва урф-одатларга асослашиш шундай усуслар жумласига киради. Бу усуслардан кўпроқ кундалик онг даражасида фойдаланилади.

Интуиция ҳеч қандай муҳокама ва исботларсиз тўғридан-тўғри ҳақиқатга эришиш қобилиятини ифодалайди. Интуиция – лотингча *intuition* сўзидан олинган бўлиб, «дикқат билан тикилиб қарайман», деган маънони билдиради. Интуиция билиш жараёнида сезиларли аҳамиятга эга бўлиб, ҳиссий ва аклий билишдан ўзгача бир кўринишни ташкил этмайди; ўзига хос фикр юритиш, тафаккур қилиш усулини ифодалайди. Интуиция орқали инсон мураккаб ҳодисаларнинг моҳиятини, унинг турли қисмларига эътибор бермаган ҳолда, фикран яхлит қамраб, тушуниб олади. Бунда тафаккур жараёнининг алоҳида қисмлари у ёки бу даражада англамайди ва асосан фикр юритиш натижаси – ҳақиқатгина англанган ҳолда аник, равshan қайд этилади. Интуиция ҳақиқатни аниқлашда етарли асос ҳисобланса-да, лекин бу ҳақиқатга бошқаларни ишонтириш учун етарли ҳисобланмайди.

Эътиқод – кишининг ишончини қозонган ва шунинг учун ҳам унинг фаолиятида хатти-ҳаракатларини белгилаб берадиган, унинг дастури бўлиб хизмат қиласиган қарашларнинг мажмуасидан иборат. Эътиқод чинлиги исботланган мулоҳазаларга ёки танқидий таҳлил қилиб кўрилмаган, чинлиги номаълум бошланғич билимларга асосланган бўлиши мумкин. Интуиция каби эътиқод ҳам субъектив характерда бўлиб, давр ўтиши билан ўзгариб туради. «Англаш учун эътиқод қиласман», деган эди Авлиё Августин ва Ансельм Кентерберийскийлар (1033–1109 й.й.).

Француз файласуфи ва теологи Пьер Абеляр (1079–1142 й.й.) эса ақл ва эътиқоднинг ўзаро нисбатини ҳақдоний кўрсатган ҳолда «Эътиқод килиш учун тушунаман», дейди. Албатта, эътиқод ҳақида фикр юритганда кўр-кўронга эътиқод билан тарихий ва ҳаётий тажриба натижаси бўлган, билимга асосланган эътиқодни фарқлаш зарур. Фақат илмий билимга асосланган эътиқодгина фикр ва мулоҳазаларнинг чинлигини аниқлашда етарли асос бўлади. Шунинг учун ҳам улар инсон қалбида мустаҳкам ўрнашиб қолади. Президентимиз И.А.Каримов: «Миллий мафкура – бу халқнинг, миллатнинг ўтда ёнмайдиган, сувда чўкмайдиган ўлмас эътиқодидир»<sup>1</sup>, деганда айнан шуни назарда тутган эди.

Авторитет (*autoritas* – ҳокимият, таъсир) – кенг маънода ижтимоий ҳаётнинг турли соҳаларида бирор шахснинг ёки ташкилотнинг кўпчилик томонидан тан олинган но-расмий таъсиридир. Етарли асос қонуни билан боғлиқ бўлган масалаларни ҳал қилишда авторитет тушунчаси обрўли, эътиборли, нуфузли манба маъносида кўлланилади. Авторитетларга асосланиш деганда эса, бирор фикр, мулоҳазаларнинг чинлигини асослашда обрўли, эътиборли, нуфузли манбаларга мурожаат қилиш тушунилади. Нуфузли манба сифатида алоҳида шахсларнинг фикр ва мулоҳазалари, муқаддас диний китобларда ёзилган сурга ва оятлар, халқ маколлари ва хикматли сўзларидан фойдаланилади.

Авторитетларнинг амал қилиш доираси ва давомийлиги турли хил бўлади. Тор доирада амал қиласидиган, қисқа муддатли авторитетлардан фикр-мулоҳазаларни асослашда ҳаммавакт ҳам фойдаланиб бўлмайди. Чунки вакт ўтиши ёки амал қилиш доирасининг ўзгариши бу авторитетларнинг мавкеини тушириб юбориши мумкин.

Кенг доирада амал қиласидиган ва доимий, мунтазам бўлган авторитетларгина фикр-мулоҳазаларнинг чинлигини аниқлаш учун етарли асос бўлади. Бундай авторитетлар тарихий шароитнинг, сиёсий ўзгаришларнинг таъсирида ўз қадр-қимматларини йўқотмайдилар, вакт синовига бардошли бўладилар. Умуминсоний маънавий маданият хазинасидан жой олган буюк мутафаккирларнинг хикматли сўзлари, умуминсоний-ахлоқий қадриятлар, халқларнинг ижтимоий-тарихий тажрибасини акс эттирган мақоллар фикр-мулоҳазаларнинг

<sup>1</sup> И.А. Каримов. Миллий истиклол мафкураси – халқ эътиқоди ва буюк келажакка ишончdir: «FIDOKOR» газетаси мухбири саволларига жавоблар. - Т.:«Ўзбекистон», 2000. 30-6.

чинлигини асослашда етарли далил ҳисобланади. Масалан, «Илм олиш учун тинимсиз изланиш зарур» эканлиги ҳақидаги фикрни ҳазрат Мир Алишер Навоийнинг «Билмаганни сўраб ўрганганд олим, орланиб сўрамаган ўзига золим» сўзлари билан, шунингдек, ҳадисларда келтирилган «Бешикдан то қабргача илм изла» каби фикр-мулоҳазалар ёрдамида асослаш мумкин.

Авторитетларга асосланиш билан авторитар тафаккурни ўзаро фарклаш зарур. Авторитарлик – асосланганликнинг ўзгарган, бузилган кўриниши бўлиб, унда мулоҳаза юритиш ва унинг чинлигини аниқлаш вазифаси авторитетлар зиммасига юкланди.

Авторитар тафаккур бирор муаммони ўрганишдан аввал ўзини «асосий мулоҳазалар йиғиндиси» билан чеклаб қўяди. Бу мулоҳазалар йиғиндиси тадқиқотнинг асосий йўналишини белгилаб беради ва кўпинча аввалдан маълум бўлган натижани келтириб чиқаради. Дастребаки асос бўлган фикрлар системаси намуна сифатида қабул қилинади ва бошқа фикрлар унга бўйсундирилади. Агар асосий мулоҳазаларнинг деярли барчаси авторитетлар томонидан айтилган бўлса, унинг давомчилаriga бу фикрларни тушунтириш ва изоҳлаш қолади, холос. Бу янгиликлардан ва ижодийликдан маҳрум бўлган фикр юритиш усули бўлиб, диалектик тафаккурга зиддир. Авторитетлар нуфузли манбалар, жамият аъзолари, хусусан, ёшларда миллий мағкура ва миллий гояни шакллантирища асосий омилилардан биридир. Шу ўринда матбуотнинг, айникса, радио ва телевидениенинг у ёки бу манбанинг авторитет деб тан олинишидаги роли эътиборлидир. Бу ҳакда Президентимиз И.Каримов: «Бизнинг матбуотимиз, телевидениемиз ҳам тарихга оид мақолалар чоп этганда, кўрсатувлар тайёрлагандан бир кишининг фикрини ягона ҳақиқат сифатида қабул қилинишига йўл қўймаслиги даркор. Муайян масалада турили фикрларни бериш, баҳс орқали ҳақиқат ойдинлашувига эришиш лозим», деб таъкидлаган.

Авторитетлар масаласи мураккаб ва кўп кирралидир. Шу сабабдан фикр-мулоҳазаларнинг чинлигини асослашда авторитет ҳисобланган фикрлардан конкрет шароитга мос равишида, меъёрга амал қилган ҳолда фойдаланиш зарур.

Урф-одат авлоддан авлодга мерос бўлиб ўтадиган ва муайян жамият ёки ижтимоий гурух томонидан қабул қилин-

<sup>1</sup> И. Каримов. Тарихий хотирасиз келажак йўқ. «Мулокот», 1998, 5-сон, 15-б.

ган бир хил шаклдаги хатти-ҳаракат, хулқ-атвор усули бўлиб, кишиларнинг турмуш тарзи ва фикр юритишига маълум даражада таъсир кўрсатади. Урф-одатларга асосланган ҳолда фикр юритиш ва ҳаракат қилиш кўпинча кишиларнинг турмуши, ахлоқий меъёrlар ва ҳалқ маросимлари доирасида намоён бўлади. Миллий ғоя ва миллий мафкура урф-одатлар орқали ҳам жамият аъзоларининг онгига сингиб боради. Жамият ёки ижтимоий гурух томонидан бирор шахс ёки воқеа-ходисага нисбатан бўлган муносабат муайян урф-одатлар билан асосланади. Бунда бирор хатти-ҳаракатни асослаш учун «урф-одатларимизга кўра...», деб фикр юритилади.

Фикр-мулоҳазаларни асослаш мураккаб мантикий жараён бўлиб, унда бир ёки ундан ортиқ ўзаро боғланган муҳкамалар системасидан фойдаланилади. Мулоҳазаларнинг чинлигини асослаш тафаккурнинг энг муҳим хусусиятларидан бири бўлиб, фикрларимизнинг мантикли, тартибли, ишонарли бўлишини таъминлайди.

Шундай қилиб, тўғри тафаккурнинг юкорида кўриб ўтилган қонунларининг ҳар бири чин билимга эришиш учун хизмат қиласди. Бу қонунлар тафаккур жараёнида алоҳида-алоҳида ёки бирин-кетин эмас, балки бир вақтда, биргаликда фикрлар боғланишининг характеристига қараб амал қиласди. Айният қонунига кўра, фикрлаш жараёнида ҳар бир мулоҳаза катъий мазмунга эга бўлиши, айнан шу фикр доирасида ўзгармаслиги талаб қилинади. Бу талабнинг бузилиши фикрда мантикий зиддиятларни келтириб чиқаради. Зид мулоҳазаларнинг чин ёки хатолигини аниқлаш уларни мантикий асослашни тақозо этади.

Демак, бу қонунларнинг талаблари бир-бирини тўлдирган ҳолда яхлит мантикий тафаккурнинг чин бўлишини таъминлайди.

### Машклар

1.Куйидаги мулоҳазалардан фойдаланиб, тафаккур қонунларининг табиатини тушунтириб беринг:

1.1.Қонун умумийликдан иборат. У якка предметлар субстанциясиdir (Гегель).

1.2.Мантикий зарурият мантиқан тўғри бўлишни англатади (Р.Карнап).

2.Куйидаги гаплар уларда курсив билан ажратилган сўзларни қавс ичидаги сўзлар билан алмаштирганда айнанлигини (ўз мазмунини) саклаб қоладими?

2.1. Ўзбекистон Республикаси ислоҳотларни чуқурлаштириш ва жамиятни янгилаш борасида зарур тадбирларни амалага оширмокда (мамлакати, давлати, жумхурияти).

2.2. Масалани муҳокама қилиш жараёнида турли **фикрлар** билдирилди (мулоҳазалар, қарашлар, нуктаи назар, кўзқарашлар).

3. Кўйидаги фикрларнинг ноаник бўлишини, яъни айният қонунига зид эканлигини тушунтириб беринг:

3.1. Карим инглиз тилини яхши билмайди.

3.2. Айбланувчи қонунни инкор этган.

3.3. У фойда кетидан кувиб, одамгарчилкни йўқотиш даражасига етди.

4. Кўйидаги мулоҳазалар жуфтликларининг чин-хатолигини аниқлаш асосида нозидлик қонуни ва учинчиси – истисно қонуни талабларини тушунтириб беринг:

4.1. Барча сиёсий партиялар ўз дастурига эга.

Хеч бир сиёсий партия ўз дастурига эга эмас.

4.2. Баъзи абитуриентлар тест синовларидан муваффакиятли ўтдилар.

Баъзи аббитуриентлар тест синовларидан муваффакиятли ўта олмадилар.

4.3. Барча металлар қаттиқ жисмлардир. Баъзи металлар қаттиқ жисмлар эмас.

5. Кўйидаги муҳокамада асосланадиган фикрни ва унинг мантикий асосларини ажратинг, уларнинг ўзаро узвий боғликлигини кўрсатинг:

Ҳар қандай инсон, табиийки, мурод-максадсиз яшай олмайди. Бинобарин, тики ҳаёт мавжуд экан, мамлакатлар, давлатлар ва уларнинг манфаатлари бор экан, улар ўз тараккиёт йўлини, эргани кун уфқларини ўзининг миглий ғояси, миглий мағкураси орқали белгилаб олишга интилади (И.Каримов).

6. Кўйидаги муҳокамаларни тафаккур қонунлари талабларидан келиб чиқиб таҳлил қилинг:

6.1. «Қачонлардир юонон муаррихининг «Ҳарбий ҳийлатлар» рисоласида ёзиб қолдирган шу бир тарихий воея: оддий чўпон Широкнинг бутун бошли қўшин устидан қозонган фавқулодда ғалабаси, табиийки, ҳар хил паст-баланд гапларга сабаб бўлди.

–Ўша, Широқ деганлари оппоқ сак эмас, қип-қизил сак экан! Бутун бошли лашкарнинг бошига битта ўзи етибди-я, бу итдан тарқаган сак! – хуноб бўлишибди бир тоифа эронликлар.

–Ўз элинингина эмас, бизни ҳам шу «Доро» деган золимдан, нихоят, кутқарибди-я! Аммо-лекин, боплабди, азамат, чинакам элчи экан! – қойил қолишибди бошқа бир тоифа эронликлар.

Кўпчилик туронликлар эса ҳам қувониб, ҳам ташвишланди:

–Тантири таолога шукр, четдан келаётган бир балога балогардон топилибди. Бирок ўзингдан чикқан балоларга балогардон қани?!» (Р.Отаев. Элчи. Достон. Т.1999, 114–115-бетлар.)

6.2. Амалий машғулот пайтида талаба ўқитувчидан: «Кишини килмаган иши учун жазолаб бўладими», деб сўради. Ўқитувчи: «Йўк, жазолаб бўлмайди», деб жавоб берди. Шунда талаба: «Ундан бўлса жазоламанг, уйга берилган вазифани килмадим», деди.

*Takrorlash учун саволлар*

1. Тафаккур конунлари нималарни акс эттиради?
2. Тафаккур конунларининг объективлиги ва универсаллиги нимада?
3. Айният конунидан келиб чиқадиган асосий талаб нимадан иборат?
4. Нозидлик конунининг моҳияти нимада? Унинг объектив зиддиятларга бўлган муносабати қандай?
5. Учинчиси – истисно конуни фикр юритувчи субъект олдига қандай талабни қўяди? Бу конун қандай ҳукмларга нисбатан амал қиласди?
6. Етарли асос қонуни ўзида тўғри мухокама юритиш учун зарур бўлган қандай талабни ифода этади? У хулоса чиқариш, аргументлашда қандай аҳамиятта эга?

## ТУШУНЧА

### ТУШУНЧА – ТАФАККУРНИНГ МАНТИҚИЙ ШАКЛИ

**Тушунча** – предмет ва ҳодисаларнинг умумий, мухим белгиларини акс эттирувчи тафаккур шаклидир.

**Белгилар** деб, предметларни бир-биридан фарқ қилувчи ҳамда уларнинг бир-бирига ўхшашлигини ифода қилувчи томонларга, хусусиятларга айтилади. Ҳар бир предмет оламдаги бошқа предметлар билан (бевосита ёки билвосита) алоқада бўлганлиги учун кўп белгиларга эга. Уларнинг баъзилари фақат битта предметга хос бўлган, унинг индивидуал, яккалик белгиларини ташкил қиласа, бошқалари предметнинг маълум бир гуруҳига тегишили бўлиб, умумий белгилар ҳисобланади. Масалан, ҳар бир киши фақат ўзигагина хос бўлган руҳий кечинмалар ва шу каби индивидуал белгиларга эга. Шунинг билан бирга кишиларнинг маълум бир гуруҳига (мехнат жамоаси, миллат ва шу кабиларга тегишли) ёки барча кишиларга (мехнат қилиш, фикр юритиш қобилиятлари, ижтимоий муносабатларда иштирок қилиши ва шу кабилар) хос бўлган умумий белгиларга эга.

Индивидуал ва умумий белгиларнинг баъзилари предметнинг мавжуд бўлиши учун зарур бўлиб, унинг табиатини, моҳиятини ифодалайди. Бундай белгилар предметнинг **муҳим белгилари** дейилади. Масалан, давлатнинг мавжуд бўлиши унинг ўз майдони, аҳолиси, ҳокимият органларига эга бўлишини тақозо этади.

**Номуҳим белгилар** предметнинг моҳиятини ташкил қилмайди. Уларнинг йўқолиши билан предметнинг табиати ўзгармайди. Масалан, қайси ирққа, миллатга, жинсга тааллукли бўлиши индивиднинг инсон сифатида мавжуд бўлиши учун муҳим эмас.

Шуни ҳам айтиш лозимки, предмет белгисининг муҳим ёки номуҳим бўлиши, бизнинг предметга амалда қандай муносабатда бўлишимизга қараб ҳам белгиланади. Хусусан, бир муносабатда муҳим бўлмаган белгилар бошқа муносабатда муҳим бўлиши мумкин. Масалан, кишининг лаёқати унинг қандай қасбни танлаши учун муҳим бўлса, инсон сифатида мавжуд бўлиши учун муҳим эмас. Бундай муҳим белгилар предметнинг маълум бир муносабатдаги муҳим белгилари дейилиб, объектив муҳим белгилардан (предметнинг мавжуд бўлиши билан зарурий алоқада бўлган белгилардан) фарқ қиласади.

Ниҳоят, предмет тўхтовсиз ҳаракатда, тараққиётда бўлғанлиги учун вақт ўтиши билан унинг муҳим бўлган белгиси номуҳим бўлган белгига ёки аксинча, номуҳим белгиси муҳим белгига айланиши мумкин.

Масалан, бевосита кузатиладиган фактлар эмпирик билиш босқичида муҳим аҳамиятга эга бўлса, назарий билиш босқичида унга камроқ мурожаат қилинади.

Демак, тушунчада предмет ўзининг муҳим белгилари орқали фикр қилиниб, бу белгилар предметнинг умумий ва индивидуал белгилари бўлиши мумкин. Масалан, «Faфур Fулом» тушунчасида предметнинг умумий белгилари (инсон, шоир) билан бир қаторда, индивидуал муҳим белгилари (хусусан, «Сен етим эмассан» шеърининг муаллифи) ҳам фикр қилинади.

Тушунчанинг хиссий билиш шаклларидан тубдан фарқ қилишига алоҳида эътибор бериш зарур. Сезги, идрок ва тасаввур предметнинг яққол образларицир. Биз факат бирорта конкрет предметни, масалан, ўзимиз ёзиб ўтирган қаламни идрок қилишимиз ёки у тўғрисида тасаввурга эга бўлишимиз мумкин. «Умуман қалам»ни идрок қилиб бўлмайди. Чунки тушунча предметнинг яққол образи эмас, балки абстракт образидир. Қалам тушунчаси ўзида конкрет қаламларнинг барчасини қамраб олгани ҳолда, уларнинг ҳар бирига хос бўлган индивидуал белгиларни ташлаб юбориб, умумий, муҳим белгиларини ифода қиласди. Айни пайтда бу белгилар қаламни бошқа предметлардан, масалан, китобдан фарқ қилдириб турадиган специфик белгилар бўлиб ҳам хизмат қиласди.

Тушунча предметнинг номуҳим белгиларидан четлашар экан, демак, уни тўлалигича акс эттира олмайди. Бу маънода у хиссий билиш шаклларига нисбатан борлиқдан узокроқда туради. Лекин, тушунча предметнинг муҳим белгиларини инъикос қилиши, моҳиятини акс эттириши билан ҳиссий билиш шаклларига нисбатан борлиқни чукурроқ, тўлароқ ифода этади.

Тушунча, ҳиссий билиш шаклларидан фарқли ўлароқ, инсон миясида тўғридан-тўғри акс этмайди. У маълум бир мантиқий усуслардан фойдаланилган ҳолда ҳосил қилинади. Бу усуслар таққослаш, таҳлил, синтез, абстракциялаш, умумлаштиришлардан иборат.

**Таққослаш** ёрдамида предметлар ўзаро солиширилиб, уларнинг ўхшаш, умумий томонлари ва бир-биридан фарқ қилувчи индивидуал белгилари аникланади.

Таққослаш таҳлилни тақозо қилади. Чунки предметларни яхлит ҳолда солишириб бўлмайди. Улар у ёки бу хоссасига кўра таққосланиши керак. Бунинг учун у хоссалар ажратилиши лозим. **Таҳлил** ёрдамида предмет фикран уни ташкил қилувчи қисмлар, томонларга ажратилиб, ҳар қайсиси алоҳида ўрганилади.

**Синтез** таҳлилга тескари усул бўлиб, у таҳлил давомида ажратилган қисмлар, томонларни фикран бирлаштириб, предметни бир бутун ҳолга келтиришдан иборат. Синтез бўлмаса предмет ҳақида яхлит фикр ҳосил қилиб бўлмайди. Таҳлил ва синтез узвий боғлиқдир.

Тушунча ҳосил қилиш учун предметнинг юқоридаги усуллар билан аниқланган умумий ва индивидуал белгиларининг мухимлари ажратилиши, номухимлари четлаштирилиши лозим. Бу эса **абстракциялаш** ёрдамида амалга оширилади.

Умумлаштиришда предметлар уларнинг айрим умумий, мухим хусусиятларига кўра синфларга бирлаштирилади ва шу тариқа битта тушунчада бир жинсли предметларнинг барчасини фикр қилиш имконияти яратилади.

Тушунчанинг шаклланиши сўз билан узвий боғлиқ. Улар ўртасидаги алоқадорлик тафаккур ва тил ўртасидаги боғланишнинг конкрет тарзда намоён бўлишидир.

Тушунчалар сўз ва сўз бирикмалари ёрдамида ифода қилинади. Масалан, «талаба», «тарих факультети», «Ўзбекистон миллий университети» ва шу каби сўзлардан иборат. Лекин бундан тушунча ва сўз айнан бир хилдир, деган холоса келиб чиқмаслиги керак. Битта тушунча ҳар хил тилларда, баъзан бир тилда ҳам турли хил сўзлар билан ифода қилинади. Тилимиздаги омоним ва синоним ҳодисалари сўз ва тушунчанинг нисбий мустақил ҳолда мавжудлигидан далолат беради.

Шуни ҳам айтиш лозимки, сўзнинг кўп маънога эга бўлиши баъзан фикр юритиш жараёнида тушунчаларни аралаштириб юборишга олиб келади. Шунинг учун ҳам фан ва техникада кўпроқ терминлардан фойдаланилади. **Термин** қатъий битта тушунчани ифода қилувчи сўз бўлиб, муайян илмий билиш соҳасида бир хил маънода ишлатилади.

## ТУШУНЧАНИНГ МАЗМУНИ ВА ҲАЖМИ

Тушунча ўзининг мазмуни ва ҳажмига эга. **Тушунчанинг мазмунини** унда фикр қилинаётган предметнинг мухим белгилари тўғрисидаги ахборот ташкил этади. Масалан, «фан» тушунчасининг мазмунини фаннинг мухим белгилари,

яъни унинг амалиёт билан алоқада эканлиги, предметларнинг бирорта соҳасига оид тушунчалар, қонунлар, принциплар шаклидаги объектив чин (ҳақиқий) билимлар тизимидан иборат бўлиши, дунёқарашнинг шаклланишида иштирок қилиши ва шу кабилар ташкил қиласди.

Тушунчанинг ҳажми эса унда фикр қилинаётган предметлар йигиндисини акс эттиради. Масалан, юқорида мисол қилиб келтирилган «фан» тушунчасининг ҳажми мавжуд барча фанларни: математика, физика, мантиқ ва ҳоказоларни ўзида қамраб олади.

Тушунчанинг мазмуни ва ҳажми узвий боғлик, бўлиб, у тушунчанинг мазмуни ва ҳажми ўртасидаги тескари нисбат қонуни ёрдамида ифодаланади. Бу қонунга мувофиқ тушунчанинг ҳажми кенгайтирилса, мазмуни тораяди ва аксинча, ҳажми торайтирилса, мазмуни кенгаяди. Масалан, «фан» тушунчасининг мазмунига «мантиқ»قا оид бўлиш белгисини қўшиш билан ҳажм жиҳатидан ундан торроқ бўлган «мантиқ фани» тушунласига ўтилади.

«Фан» тушунчасининг ҳажмини кенгайтириш билан мазмун жиҳатидан унга нисбатан торроқ бўлган «ижтимоий онг шакли» тушунчаси ҳосил қилинади. Бунда факат фанга хос бўлиб, бошқа ижтимоий онг шаклларида, масалан, санъатда бўлмаган специфик белгилар тушунча мазмунидан чиқариб ташланади.

Бу конун тущунчалар билан олиб бориладиган қатор мантикий амаллар асосида ётади.

## ТУШУНЧАНИНГ ТУРЛАРИ

Мантиқда тушунчалар мазмуни ва ҳажми бўйича бир канча турларга бўлинадилар. Хусусан, ҳажмига кўра якка ва умумий тушунчалар фарқ қилинади.

Якка тушунчанинг ҳажмида битта предмет фикр қилинади. Масалан, «Ер планетаси», «ЎзМУ асосий кутубхонаси» ва шу кабилар якка тушунчалардир. Умумий тушунчалар предметлар гурухини акс эттиради. «Планета», «Кутубхона» тушунчалари умумий тушунчалар ҳисобланади. Умумий тушунчалар акс эттирувчи предметларнинг микдори чегараланган ва чегараланмаган бўлиши мумкин. Масалан, «кимёвий элемент» тушунчасида фикр қилинаётган предметлар сони чегараланган. «Юлдуз» тушунчаси ҳажмини ташкил қилувчи предметлар сони чексиз.

Фикр юритиши жараёнида айирувчи ва тўғловчи тушунчаларни фарқ килиш ҳам муҳим аҳамиятга эга. Айирувчи тушунча шундай умумий тушунчаки, у акс эттирувчи белгилар берилган синфнинг ҳар бир предметига хосдир. Масалан, «ЎзМУ талабалари иккинчи чакириқ Ўзбекистон Республикаси Олий Мажлиси тўққизинчи сессияси материалларини ўрганмокда» деган фикр ЎзМУнинг ҳар бир талабасига тегиши. Демак, «ЎзМУ талабалари» тушунчаси бу ерда айирувчи тушунчадир. «ЎзМУ талабалари иккинчи чакириқ Ўзбекистон Республикаси Олий Мажлисининг тўққизинчи сессияси материалларини муҳокама этишмокда» деган фикрда эса «ЎзМУ талабалари» тушунчаси тўғловчи тушунча сифатида иштирок қиласди, чунки фикр уларнинг тўпламига нисбатан билдирилган.

Мазмуни бўйича тушунчалар, авваламбор, абстракт ва конкрет тушунчаларга бўлинади. Конкрет тушунчаларда предмет ўзининг белгилари билан биргаликда фикр қилинади. Абстракт тушунчаларда эса предметнинг белгилари ундан фикран ажратиб олиниб, алоҳида акс эттирилади. Масалан, «Инсон», «Табиат» тушунчалари – конкрет тушунчалар, «Қаҳрамонлик» (инсонга хос хусусиятни акс эттиради), «Гўзаллик» (борликдаги предметларга хос хусусиятни ифода қиласди) тушунчалари абстракт тушунчалардир.

Мазмуни бўйича яна нисбатсиз ва нисбатдош тушунчаларни ҳам ажратиш мумкин. Нисбатсиз тушунчалар нисбатан мустакил, алоҳида мавжуд бўлган предметларни акс эттиради. «Давлат», «Бадиий асар» ана шундай тушунчалардир.

Нисбатдош тушунчалар эса зарурӣ равиша бир-бирининг мавжуд бўлишини тақозо қиласидиган предметларни акс эттиради. Масалан, «Ўқитувчи» ва «Ўқувчи», «Ижобий қаҳрамон» ва «Салбий қаҳрамон», «Сабаб» ва «Оқибат» тушунчалари нисбатдош тушунчалар қаторига киради.

Баъзи ҳолларда ижобий ва салбий тушунчалар ҳам фарқ қилинади. Ижобий тушунчаларнинг мазмунида предмет унга хос белгилар орқали фикр қилинса, салбий тушунчаларнинг мазмунида предмет унга хос бўлмаган белгилар орқали фикр қилинади. Масалан, «саводли киши», «виждонли киши» – ижобий тушунчалар, «саводсиз киши», «виждонсиз киши» эса салбий тушунчалардир.

Биз юкорида тушунчаларнинг бир қанча турлари билан танишиб чиқдик. У ёки бу тушунчанинг ана шу турлардан қайсларига мансуб эканлигини аниклаш унга мантикий тавсиф бериш демакдир. Масалан, «талаба» – умумий, айирувчи, чегараланган, аниқ, нисбатсиз, ижобий тушунча; «А.Навоий номли Ўзбекистон давлат кутубхонаси» – якка, тўғловчи, чегараланган, конкрет, нисбатсиз, ижобий тушунчадир.

## ТУШУНЧАЛАР ЎРТАСИДАГИ МУНОСАБАТЛАР

Объектив дунёдаги барча предмет ва ҳодисалар ўзаро алоқада бўлғанлиги учун уларни акс эттирувчи тушунчалар ҳам ўзаро маълум бир алоқаларда, муносабатларда мавжуд. Бу муносабатлар турли хил бўлиб, уларни аниқлаш учун, авваламбор, таққосланадиган ва таққосланмайдиган тушунчаларни фарқ қилиш лозим.

Таққосланадиган тушунчалар умумий белгиларга эга бўлган, мазмуни ва ҳажми жиҳатидан бир-бирига яқин турган тушунчалардир. Масалан, «металлург» ва «ишчи» тушунчалари ана шундай таққосланадиган тушунчалар хисобланади.

Таққосланмайдиган тушунчалар эса бир-бири билан узок алоқада бўлган, кўп ҳолларда моддий ёки идеал бўлишдан бошқа умумий белгига эга бўлмаган предметларни акс эттирувчи тушунчалардир. «Ижтимоий прогресс» ва «Зухро юлдузи», «идеал газ» ва «гўзаллик» тушунчалари таққосланмайдиган тушунчалар деб ҳисобланади. Мантиқда таққосланмайдиган тушунчалар ўртасидаги мантикий муносабатлар ўрганилмайди. Таққосланадиган тушунчалар эса ҳажм жиҳатидан сифишишадиган ва сифишишадиган бўлади.

Сифишишадиган тушунчаларнинг ҳажми бир-бирига бутунлай, тўлалигича ёки қисман мос келади. Улар ўртасида уч хил муносабат мавжуд: мослик, қисман мослик ва бўйсунниш<sup>1</sup>. Мослик муносабатидаги тушунчалар бигта предметни (предметлар синфини) акс эттирувчи тушунчалар бўлиб, улар бир-биридан факат мазмуни билангина фарқ қиласди. Масалан,

«И.А.Каримов», «Ўзбекистон Республикасининг Президенти» тушунчалари худди шу муносабатда мавжуддир. Буни куйидаги тузилма ёрдамида кўрсатиш мумкин:

А – И.А.Каримов.


В – Ўзбекистон Республикаси Президенти.

А.В

Қисман мослик муносабатидаги тушунчаларнинг ҳажми қисман умумийликка эга. Масалан:

А – Спортчи.

В – Талаба.




Доираларнинг штрихланган қисми бир вақтнинг ўзида ҳам спортчи, ҳам талаба бўлғанларни билдиради.

<sup>1</sup> Тушунчалар ўртасидаги муносабатлар доиравий тузилмалар ёрдамида кўрсатилиади.

Бўйсуниш муносабатида тушунчалардан бирининг ҳажми иккинчисининг ҳажмига тўлиқ кириб, уни ташкил қилувчи қисм ҳисобланади. Масалан:

А – Фан.

В – Мантиқ.



Бу муносабатдаги тушунчалардан бири бўйсундирувчи (А), иккинчisi (В) бўйсунувчи бўлиб, улар жинс-тур муносабатида бўлади. Жинс тушунча предметларнинг бирорта синфини, тур тушунча эса шу синфга мансуб предметларнинг бир грухини ёки биттасини акс эттиради. Мантиқда у ёки бу тушунчанинг жинс ёки тур эканлиги нисбий характерга эга. Ҳар бир тушунча ўзидан умумийроқ тушунчага нисбатан тур, камроқ умумлашган тушунчага нисбатан жинсдир. Масалан, миллий ғоя, ғоя, фикр тушунчалари ўртасида қўйидаги нисбат мавжуд: «Ғоя» тушунчаси «фикр» тушунчасига нисбатан тур, «миллий ғоя» тушунчасига нисбатан жинс бўлади.


Сифишмайдиган тушунчалар ҳажми жиҳатидан умумийликка эга бўлмаган тушунчалар ҳисобланиб, бир синфга кирувчи ҳар хил предметларни ёки предметлар грухини акс эттиради. Уларнинг умумийлиги факат ана шунда. Бу тушунчалар ўртасида ҳам уч хил муносабат бор: бирга бўйсуниш, қарама-қаршилик, зидлик.

Бирга бўйсуниш муносабати қўйидаги тушунчалар ўртасида мавжуддир:

А – Фан.

В – Мантиқ.


С – ғизика.



Бунда «мантиқ» ва «ғизика» тушунчалари ҳажмидан биргаликда «фан» тушунчасининг ҳажмига бўйсунади.


Қарама-қаршилик муносабатидаги тушунчаларнинг ҳажмлари бир-бирини истисно қиласи. Улар предметнинг (предметлар грухининг) қарама-қарши белгиларини акс эттиради, яъни бири предметнинг маълум бир белгисини ифода қиласа, иккинчisi уни инкор қилувчи бошқа белгини акс эттиради. Қарама-қаршилик муносабатидаги тушунчалар ўзлари бўйсундиган тушунчанинг ҳажмини тўлиқ эгаллай олмайди. Масалан, «баланд бўйли одам» ва «паст бўйли одам» тушунчалари «одам» тушунчасининг ҳажмини тўлиқ қоплай олмайди.

- A – Одам.  
 B – Баланд бўйли одам.  
 C – Паст бўйли одам.



Зидлик муносабатидаги тушунчалардан бири предметнинг бирорта хусусиятини ифода қилса, иккинчиси уни инкор килади ва мазмун жиҳатидан ноаниқ бўлиб қолади. Зидлик муносабатидаги тушунчалар, қарама-қаршилик муносабатидаги тушунчалардан фарқли ўларок, бўйсундирувчи тушунчанинг ҳажмини тўлиқ қоплади. Масалан:

- A – Одам.  
 B – Баланд бўйли одам.  
 C – Баланд бўйли эмас одам.



Тушунчалар ўртасидаги муносабатларни аниклаш уларнинг мазмуни ва ҳажмини аниклаштиришга, уларни боғлаб, бир фикр шаклидан бошқа фикр шаклига ўтишга ёрдам беради. Масалан, «талаба» ва «аъючи» тушунчалари ўртасидаги муносабатни аниклаш асосида «Баъзи талабалар аъючилардир» деган мулоҳаза шаклидаги фикрни ҳосил қилиш мумкин.

### ТУШУНЧАЛАРНИ ЧЕГАРАЛАШ ВА УМУМЛАШТИРИШ

Тушунчаларни чегаралаш ва умумлаштириш тушунчалар устида олиб бориладиган амаллар ҳисобланади. Улар тушунчанинг мазмуни ва ҳажми ўртасидаги тескари нисбат конунига мувофиқ ҳолда амалга оширилган.


**Тушунчани чегаралаш** – кенг тушунчадан ҳажми ўтишчага (жинс тушунчадан тур тушунчага) фикран ўтишдан иборат. Масалан, «механик ҳаракат» тушунчасидан «айланма ҳаракат» тушунчасига ўтсак, унинг ҳажмини чегаралаган бўламиз. Чегаралашда берилган тушунча – «механик ҳаракат» жинс тушунча, деб қабул килиниб, унинг мазмунига тур тушунча ҳосил қилувчи белгилар қўшилади. Натижада унга нисбатан тур ҳисобланган янги тушунча – «айланма ҳаракат» тушунчаси ҳосил бўлади.

Чегаралаш амалини давом эттириб, «Ернинг ўз ўқи атрофида айланishi» тушунчасига ўтиш мумкин. Демак, чегаралаш давомида ҳосил бўлган ҳар бир янги тушунча

аввалгисига нисбатан тур тушунча бўлади. Чегаралаш амали якка тушунча ҳосил бўлгунча давом эттирилиши мумкин. Чунки якка тушунчага нисбатан тур бўлган тушунча йўқ.

Тушунчани чегаралаш амалининг тузилмаси кўйидагича:


- A – Ҳаракат.
- B – Механик ҳаракат.
- C – Айланма ҳаракат.
- D – Ернинг ўз ўки атрофида айланishi.



**Тушунчани умумлаштириш** ҳажми тор тушунчадан ҳажми кенг тушунчага (тур тушунчадан жинс тушунчага) фикран ўтишдан иборат. Бунда берилган тушунча тур тушунча деб қабул қилиниб, унинг мазмунидан тур ҳосил қилувчи белгилар чиқариб ташланади. Натижада мазмун жиҳатидан унга нисбатан кенгроқ, лекин ҳажмига кўра торроқ бўлган жинс тушунча ҳосил бўлади. Масалан, «айланма ҳаракат» тушунчаси мазмунидан факат унгагина хос бўлган тур белгиларни чиқариб ташласак, «механик ҳаракат» тушунчасини ҳосил қиласиз. Умумлаштириш амалининг чегараси энг умумий тушунча, яъни категориядир. Чунки категориялар учун жинс бўлган тушунча йўқ.

Тушунчани умумлаштириш амалининг тузилмаси кўйидагича:

- A – Ернинг ўз ўки атрофида айланishi.
- B – Айланма ҳаракат.
- C – Механик ҳаракат.
- D – Ҳаракат.



Тушунчани чегаралаш ва умумлаштириш амаллари кундалик ҳаётимиз ва илмий билишда кенг кўлланилади. Хусусан, барча категориялар, улар ёрдамида ифодаланадиган назарий қонунлар, ғоялар, назариялар мавжуд эмпирик тушунчаларни, эмпирик қонунларни умумлаштириш натижасида ҳосил бўлади.

Умумлаштириш муҳокама юритиш жараёнида индуктив хулоса чиқариш усулида яққол ифодаланган бўлади. Тушунчаларни умумлаштиришсиз фаннинг фундаментал тушунчаларини яратиб бўлмайди; мавжуд билимларни тизимга солиш қийин ва умуман, фан тарақкий эта олмайди.

Тушунчаларни чегаралаш амали эса, яратилган умумий билимларни (назарий тушунча, фоя, назария ва шу кабиларни) талкин этишда ишлатилади. Масалан, Ньютон механикасидаги «Инерция» тушунчаси Галилей назариясидаги «эркин тушиш» тушунчаси ёрдамида тушунтирилиши мумкин.

### ТУШУНЧАЛАРНИ БЎЛИШ

Тушунчанинг ҳажмини унда акс этган предметларни айрим гурухларга (айрим предметларга) ажратиш йўли билан аниклашга тушунчани бўлиш дейилади. Бўлиш амалини бўлинувчи тушунча (ҳажми аникланishi лозим бўлган тушунча), бўлиш асоси (предметнинг тушунчада фикр қилинадиган бирорта умумий белгиси) ва бўлиш аъзолари (бўлиш натижасида ҳосил қилинадиган тур тушунчалар) ташкил этади. Масалан, «инсон»ларни (бўлинувчи тушунча) жинсига кўра, (бўлиш асоси) эркак ва аёллар (бўлиш аъзолари)га ажратиш йўли билан унинг ҳажми аникланади. Бўлинувчи тушунча – жинс тушунча, бўлиш аъзолари – тур тушунчалар бўлиб, улар ўзаро бирга бўйсуниш муносабатидадирлар.

Тушунчаларни бўлиш амалини предметларни қисмларга ажратишдан фарқ қилиш лозим. Масалан, автомобилни кузов, шасси, двигатель ва шу кабиларга ажратсак, уни қисмларга бўлган бўламиз. Предметнинг қисми предметнинг умумий белгиларига эга бўлмаслиги мумкин. Шунинг учун ҳам «Кузов автомашинадир», деган мулоҳаза ҳосил килсак, у хато бўлади. Агар «Автомобиль» тушунчасини «Енгил автомобиль», «Юк ташувчи автомобиль» тушунчаларига ажратсак, уни бўлган бўламиз.

Бўлишнинг иккита тури мавжуд: асос бўлган белгининг ўзгаришига қараб бўлиш ва дихотомик бўлиш. Биринчи турида предметнинг бирорта умумий белгиси бўлиш учун асос қилиб олиниб, унинг ўзгаришига мувофиқ ҳолда предметларнинг айрим гурухлари аникланади. Масалан, бурчакнинг ўзгаришига қараб «учбурчак» тушунчаси учта тур тушунчага: «тўғри бурчакли учбурчак», «ўтмас бурчакли учбурчак», «ўтқир бурчакли учбурчак»ларга ажратилади. Бўлиш асоси қилиб бўлинувчи тушунчанинг мазмунида фикр қилинадиган ҳар қандай умумий белгини олиш мумкин. Масалан, «учбурчак» тушунчасини томонларига қараб «тeng томонли учбурчак», «тeng ёнли учбурчак», «турли томонли учбурчак» тушунчаларига ажратиш мумкин.

Тушунчанинг қайси белгисини бўлиш асоси қилиб олиш бўлишда ҳал қилиниши лозим бўлган вазифага боғлик. Ле-

кин қандай вазифани ҳал қилишдан қатыи назар, бўлиш ўзининг объектив асосига эга бўлиши лозим, яъни бўлиш асоси бўлган белги предметнинг умумий белгиси бўлиши шарт.

**Дихотомик бўлиш** бўлинувчи тушунчани ўзаро зид бўлган иккита тур тушунчага ажратишдан иборат. Масалан, барча кишиларни «диндорлар» ва «диндор эмаслар»га ажратсак, дихотомик тарзда бўлган бўламиз. Дихотомик бўлиш бир қатор қулайликларга эга. Хусусан, бунда биз бўлинувчи тушунчанинг барча турларини кўрсатиб ўтирасдан, ўзимизга кераклигини ажратамиз, қолганларини унга зид бўлган тушунчага бирлаширамиз. Шу билан бирга дихотомик бўлиш маълум бир камчиликларга ҳам эга. Масалан, инкор тушунчанинг ҳажми ноаниқ бўлади. Ундан ташқари, дихотомик бўлишдан факат бир марта фойдалангандагина кутилган мақсадга эришиш мумкин. Агар, бўлиш аъзоларидан бири, айниқса, инкор тушунчани ўз навбатида бўлинувчи тушунча деб қабул қилиб, бўлиш амалини давом эттирасак, хато шатижалар келиб чиқиши мумкин.

Бўлиш амали тўғри бориши учун маълум бир қоидаларга риоя қилиш керак. Улар **бўлиш қоидалари** деб аталади.

А. Бўлиш тенг ҳажмли бўлиши, яъни бўлиш аъзолари ҳажмларининг йиғиндиси бўлинувчи тушунча ҳажмига тенг бўлиши керак. Бу қоида бузилса, бўлиш тўлиқсиз ёки ортиқча бўлиб қолади. Биринчи хил хатода баъзи бўлиш аъзолари кўрсатилмай қолади. Масалан, «феъл замонлари» тушунчасини «ўтган замон феъли» ва «ҳозирги замон феъли» тушунчаларига ажратсак, ана шундай хато рўй беради. Чунки «келаси замон феъли» тушунчаси колиб кетган. Иккинчи хил хатода эса ортиқча бўлиш аъзоси кўрсатилган бўлади. Масалан, «билиш» тушунчасини «ҳиссий билиш», «тафаккур», «назарий билиш»га ажратиб бўлмайди. Чунки «назарий билиш» бу ерда ортиқчадир.

Б. Бўлиш бир асос бўйича амалга оширилиши лозим. Бошқача айтганда, асос қилиб олинган белги бўлиш давомида бошқа белги билан алмаштирилмаслиги зарур. Масалан, «Қонун» тушунчасини «Табиат қонуни», «Жамият қонуни», «Билиш қонуни», «Статистик қонун», «Динамик қонун» тушунчаларига бўлсак, хато қилган бўламиз. Чунки бу ерда бўлиш асоси бир эмас, иккита. Биринчи учта бўлиш аъзоси қонуннинг амал қилиш соҳаси бўйича, қолган иккитаси қонун ифода қилувчи ҳодисалар характеристи бўйича ажратилган. Бу билан бўлишдаги изчилиллик йўқолган.

В. Бўлиш аъзолари ҳажми бўйича бир-бирини истисно килиши керак. Бунинг учун улар бирга бўйсуниш муносабатидаги тушунчалар бўйиши керак. Агар «Бино» тушунчасини «Бир қаватли бино», «Кўп қаватли бино», «Осмонўпар бино» тушунчаларига бўлсак, хатога йўл қўйган бўламиз. Чунки «Кўп қаватли бино» тушунчаси билан «Осмонўпар бино» тушунчаси бир-бирини ҳажми бўйича истисно қилмайди.

Г. Бўлиш узлуксиз ҳолда амалга оширилиши, унда «сакраш» бўлмаслиги керак. Бунинг учун жинс тушунчага энг яқин бўлган бир тартибдаги тур тушунчалар олинмоғи лозим. Масалан, «Гап» тушунчасини «Содда гап», «Эргашган қўшма гап», «Боғланган қўшма гап» тушунчаларига ажратсак, бўлишдаги изчилик йўқолади. Бунда охирги иккита бўлиш аъзоси «қўшма гап» тушунчасининг турларидир. Демак, «сакраш» ҳодисаси рўй берган.

## ТАСНИФЛАШ

Таснифлаш (туркумлаш, классификация) тушунчаларни бўлишнинг алоҳида туридир. Таснифлаш предметларни маълум бир турларга (кичик синфларга ёки айрим предметларга) ажратишдан иборат бўлиб, бунда ҳар бир тур бошқаларига нисбатан ўзининг аниқ ва қатъий ўрнига эга. Таснифлаш натижалари ҳар хил жадваллар, тузилмалар, графиклар, кодекслар ва шу кабиларда ўз аксини топади.

Мантиқда сунъий ва табиий таснифлар фарқ қилинади. Сунъий тасниф предметларнинг бирорта умумий белгисига кўра амалга оширилади. Ўнга мисол қилиб кутубхонадаги китоблар каталогини кўрсатиш мумкин. Табиий таснифни амалга ошириш учун бўлиш асоси қилиб предметларнинг бирорта муҳим белгисини олиш керак. Ана шунинг учун ҳам у предметларнинг айрим муҳим хоссалари ҳақида фикр юритиш, қонуний боғланишларини аниклаш имконини беради. Бунга Менделеевнинг кимёвий элементлар даврий жадвали, Дарвиннинг жонли табиат предметлари таснифи мисол бўла олади.

Таснифлашда тушунчани бўлиш қоидаларига амал қилиш зарур.

Таснифлар нисбий турғун характерга эга. Улар билишда ва қундалик турмушда узоқ йиллар давомида ишлатилади.

Албагта, билимларимизнинг тараққий этиши, янги билимларнинг вужудга келиши кўп холларда таснифларга тузатишлар киритишни, баъзан эса бутунлай янгиси билан

алмаштирилишини тақозо этади. Шунга қарамасдан, таснифлаш мавжуд билимларимизни тизимга солиш воситаси сифатида билишда ўзининг муҳим аҳамиятига эга бўлиб қолади.

## ТУШУНЧАЛАРНИ ТАЪРИФЛАШ (ДЕФИНИЦИЯ)

Таърифлаш (ёки дефиниция) тушунчанинг мазмунини очиб берадиган мантикий амалdir. Таъриф аникланувчи ва аникловчи қисмлардан ташкил топади. Аникланувчи қисмни мазмуни очиб берилиши лозим бўлган тушунча, аникловчи қисмни эса аникланувчи тушунчанинг мазмунини очиб берувчи тушунчалар ташкил этади. Масалан, «мантиқ тўғри тафаккур шаклари ва қонунларини ўрганувчи фалсафий фандир» деган таърифда «Мантиқ» аникланувчи қисмни, қолганлари эса аникловчи қисмни ҳосил қиласди. Таърифлаш билишда қўйидаги асосий вазифаларни ҳал қилишда ёрдам беради: 1) тушунчада акс этувчи предметнинг муҳим белгиларини кўрсатади; 2) тушунчани ифода қилувчи сўзнинг (терминнинг) маъносини очиб беради; 3) термин ҳосил қилишга имкон беради. Юкоридаги вазифалардан қайси бирининг ҳал қилинишига қараб номинал ва реал таърифлар фарқ қилинади.

Номинал таърифлар ёрдамида предметни тасвирловчи мураккаб ифодалар янги термин билан алмаштирилади ҳамда унинг маъноси аникланади. Масалан, «Мантиқ грекча «logos» сўзидан олинган бўлиб, тушунча, фикр, сўз, конуният каби маъноларга эга», десак, мантиқ тушунчасига номинал таъриф берган бўламиз. «Тил белгиларини ўрганувчи фан семиотикадир», деган таъриф ҳам номинал таърифга мисолдир.

Реал таърифда предметнинг муҳим белгиси аникланади. Масалан, «Атом – модданинг ядро ва электронлардан ташкил топган заррачаси», деган таъриф реал таърифдир.

Реал таъриф аник ва ноаник кўринишларда бўлиши мумкин. Аник реал таъриф предметларнинг муҳим белгиларини тўғридан-тўғри кўрсатиб беради. Ноаник реал таърифда эса тушунчанинг мазмуни ёрдамчи воситалар орқали очиб берилади. Масалан, ўқиган парчамизда нотаниш терминлар учраб қолганда, унинг маъносини луғатдан фойдаланмасдан, бошқа сўзларнинг маъносига қараб аниклашимиз мумкин.

Аник реал таърифнинг иккита асосий• тури мавжуд: 1) яқин жинси ва тур белгисини кўрсатиш орқали таърифлаш; 2) генетик таъриф.

Яқин жинси ва тур белгисини кўрсатиш орқали таърифлаш реал таърифнинг энг кўп ишлатиладиган тури бўлиб, у иккита босқичдан ташкил топади. Биринчи

босқичда аникланувчи тушунчанинг яқин жинси топилади. Шу тариқа унинг мазмуни кисман очиб берилади. Иккинчи босқичда аникланувчи тушунчанинг шу жинсга киравчи бошқа тур тушунчалардан фарқи аникланади, яъни унинг тур белгиси кўрсатилади. Шу тариқа мазкур тушунча мазмунининг қолган қисми очиб берилади. Масалан, бизнинг олдимизда «метафора» тушунчасининг мазмунини аниклаш вазифаси турибди, дейлик. Бунда, аввал аникланувчи тушунчанинг яқин жинси топилади: у «сўз» тушунчасидир. «Метафора сўздир» дейиш билан «сўз» тушунчаси мазмунида фикр қилинадиган мұхим белгиларнинг метафорага ҳам тегишли эканлигини кўрсатамиз, яъни «метафора» тушунчаси мазмунини ташкил, этувчи умумий белгиларни аниклаймиз. Кўчирма маънода ишлатилиши эса, метафора сифатида ишлатилаётган сўзнинг тур белгиси, яъни индивидуал белгиси ҳисобланади. Бу тур белгини яқин жинсга қўшиб «Метафора кўчирма маънода ишлатиладиган сўздир», деган тўла таъриф ҳосил қиласиз. Шу тариқа энг кисқа йўл билан, яъни яқин жинси ва тур белгисини кўрсатиш билан тушунчанинг мазмунини аниклаймиз.

**Генетик таърифда** аникланувчи тушунчанинг мазмуни у ифодалаган предметнинг келиб чиқишини кўрсатиш орқали очиб берилади. Масалан, «Оксид металларнинг кислород билан реакцияга киришиши натижасида ҳосил бўлган кимёвий бирикмадир», деган таъриф генетик таърифга мисолдир. Бу таърифнинг мантикий таркиби яқин жинси ва тур белгисини кўрсатиш орқали таърифлаш билан бир хилдир.

Таърифлаш маълум қоидаларга риоя қилишни талаб этади. Улар қўйидагилардан иборат:

а) таъриф тенг ҳажмли бўлиши керак, яъни аникланувчи тушунча ҳажми билан аникловчи тушунчалар ҳажмлари йиғиндиси тенг бўлиши керак. Бу қоида бузилса, таъриф ё ҳаддан ташқари кенг, ё ҳаддан ташқари тор бўлиб қолади. Масалан, «Мантиқ тафаккурни ўрганувчи фандир» – ҳаддан ташқари кенг, «Мантиқ исботлаш таркибини ўрганувчи фандир» – ҳаддан ташқари тор таърифdir;

б) таъриф аниқ бўлиши керак. Бунинг учун образли иборалар, мазмуни ноаниқ сўзлар ишлатилмаслиги лозим. Масалан, «Хаёл – учқур от», «Давлат дунёвий руҳнинг сиёсий жихатдан намоён бўлишидир» (Гегель) деган таърифларда бу қоида талаблари бузилган. Уларда чукур маъно бўлса-да, тушунчанинг мазмуни аниқ очиб берилган эмас;

в) таъриф айлана шаклида бўлиб қолмаслиги керак. Таъриф беришда аникловчи тушунчанинг мазмунини аниклаш

учун аникланувчи тушунчанинг ўзига мурожаат этилса, таърифда айлана ҳосил бўлади. Масалан, «Мантиқ тўғри фикрлаш ҳақидаги фандир», дейилганда таърифда айлана вужудга келади. Чунки «Тўғри фикрлаш нима?» деган саволга, «У мантиқ қонун-қоидаларига риоя қилинган ҳолда фикрлашидир», деб жавоб беришга тўғри келади, яъни «мантиқ» тушунчасига мурожаат қилинади.

**Тавтология** ҳам шу қоиданинг бузилиши натижасида содир бўлади. Бунда аникланувчи тушунчадан унинг мазмунини очиш учун фойдаланилган бўлади. Масалан, «Тамагир тамагирлик қилувчи кишидир», десак, тавтологияга йўл кўйган бўламиз.

г) Таъриф иложи борича инкор шаклида бўлмаслиги керак. Акс ҳолда предметта хос бўлган белги ўрнига унда йўқ, бўлган белги кўрсатилади. Масалан, «Онг моддий эмас», деган таъриф «онг» тушунчасининг мазмунини яхши очиб бера олмайди.

## ТАЪРИФЛАШГА ЎХШАШ МАНТИҚИЙ УСУЛЛАР

Билиш жараёнида таърифлашга ўхшаш усуллар ҳам ишлатилади. Улардан тушунчани таърифлашнинг юкорида биз кўриб чиқсан турларини қўллаш мумкин бўлмай қолганда ёки унга зарурият бўлмаганда фойдаланилади:

а) таърифлашга ўхшаш усуллардан бири тушунчани унга қарама-қарши бўлган тушунча орқали таърифлашдир. Бу усул билан одатда категориялар мазмуни очиб берилади. Масалан, «Онг материянинг миямиздаги инъикосидир»;

в) тасвирилашда тушунчанинг мазмуни у акс эттирувчи предметнинг баъзи ташки белгиларини кўрсатиш орқали аникланади. Бадиий асарларда табиат манзараларини, персонажларнинг портретларини чизиш, содир бўлган бирорта воқеанинг баён этилиши тасвирилашга мисол бўлади;

с) тавсифлаш ёрдамида предметнинг баъзи бир муносабатдаги муҳим тур белгилари кўрсатилади. Бунга мисол қилиб бирорта шахсга берилган тавсифномани кўрсатиш мумкин.

Тафовутлаш, остеңсив таърифлаш каби усуллар ҳам мавжуддир.

Таърифлаш – билишда катта аҳамиятга эгадир. У қисқа ҳолда предмет ҳақида яхлит фикр, тасаввур ҳосил қилишга имкон беради. Лекин предмет ҳақида фикр юритганда у билан чекланиб қолиш мумкин эмас. У, албатта, билиш жараёнида бошқа билимлар ёрдамида конкретлаштирилиши, чукурлаштирилиши зарур. Ана шундагина тушунча ифода этувчи предмет ҳақидаги тасаввур аник, тўлароқ бўлади.

## СИНФЛАР УСТИДА АМАЛЛАР

Тушунчанинг ҳажмида маълум бир умумий белгига эга бўлган предметлар тўплами-**синф** акс этади. Синфлар устида бир қанча мантикий амалларни ўтказиц, хусусан, уларни кўшиш (бирлаштириш), кўпайтириш (кесиштириш) ҳамда берилган синфга тўлдирувчи ҳосил қилиш (синфни инкор этиш) мумкин. Бу амалларни бажариш янги синфлар ва демак, янги тушунчалар ҳосил қилишга олиб келади. Уларни символик тарзда ифода қилиш учун қуйидаги белгилардан фойдаланамиз:

A, B, C, D,... – лар ихтиёрий синфлар;

I – универсал синф;

0 – бўш синф;

U – синфларни кўшиш белгиси;

∩ – синфларни кўпайтириш белгиси;

A<sup>1</sup> (A эмас) – A синфини тўлдирувчи (инкор этувчи).

Шунингдек, амалларни шаклий тарзда ифодалашда универсал синфни тўғри тўртбурчак, бошқа синфларни доиралар билан белгилаймиз.


**Синфларни кўшиш** деганда кўшилувчи синфларнинг барча элементларидан ташкил топган янги синф ҳосил қилиш тушунилади. Масалан, «Оммавий ахборот воситалари» (A) ва «Телевидение» (B) синфларини кўшганда ҳосил бўладиган янги синф «Оммавий ахборот воситалари»дан иборат. Унинг шакли қуйидагича:

Символик ифодаси: A ∪ B = A



**Синфларни кўпайтириш** кўпайтувчилар учун умумий бўлган элементлардан ташкил топадиган янги синфни ҳосил қилишдан иборат. Масалан, юкоридаги «Оммавий ахборот воситалари» (A) ва «Телевидение» (B) синфларини кўпайтириб, янги синф – «Телевидение»ни ҳосил қиласиз. Унинг схемаси қуйидагича:


Символик ифодаси: A ∩ B = B



**Синфга тўлдирувчи ҳосил қилишнинг** мөҳиятини берилган синф (тўлдирилувчи синф) билан қўшилганда универсал синфни ҳосил қиласиган синфни топиш

ташкил этади. Тўлдирувчи синф берилган синфни (тўлдириувчи синфни) инкор этиш йўли билан ҳосил қилинади. Масалан, «Телевидение» ( $A$ )ни тўлдириувчи синф деб олсак, универсал синф «Оммавий ахборот воситалари» ( $I$ ) бўлгани ҳолда, тўлдирувчи синф «Телевидение эмас, оммавий ахборот воситалари»дан ( $A^1$ ) иборат бўлади. Унинг шакли қўйидагича:

Символик ифодаси эса:  $A \cap A^1 = I$



Синфлар устида олиб бориладиган амаллар маълум бир қоидаларга бўйсунади. Улар қўйидагилардан иборат:

$A \cup A = A$	идемпотентлик қонуни
$A \cap A = A$	
$A \cup B = B \cup A$	коммутативлик қонуни
$A \cap B = B \cap A$	
$A \cup (B \cup C) = (A \cup B) \cup C$	ассоциативлик қонуни
$A \cap (B \cap C) = (A \cap B) \cap C$	
$A \cup (A \cap B) = A$	ютиш қонуни
$A \cap (A \cup B) = A$	
$A \cup (B \cap C) = (A \cup B) \cap (A \cup C)$	дистрибутивлик қонуни
$A \cap (B \cup C) = (A \cap B) \cup (A \cap C)$	

### Машкляр

1.Кўйидаги предметлар синфлари учун қайси белгиларнинг умумий, қайсиларининг якка (индивидуал) эканлигини кўрсатинг:

1.1.Ўзбек тили – тил, ахборот белгилари тизими, она тили, фикрни ифода қилувчи восита, Ўзбекистон Республикасида давлат тили мақомига эга тил, туркий тиллар гурухига киравчии тил.

1.2.Мантиқ илми: фан, Аристотель асос соглан илм соҳаси, тафаккур шакллари ва конунлари тўғрисидаги таълимот, фалсафий фан, турли йўналишларга эга, тараққий этиб борувчи илмий тизим, олий ўқув юргларида ўқитилидиган фан, грекча «logos» сўзи билан аталаидиган фан.

2.Кўйидаги предметлар синфлари учун қайси белгилар муҳим ҳисобланади?

2.1.Онг – борликни акс эттиради, инсон миясининг функцияси, идеал ҳолда мавжуд, ижтимоий ҳодиса, Платон ғоялар дунёси деб атаган соҳа, онгиззлик ҳодисаси билан ёнма-ён мавжуд, табиат сингари абадий мавжуд эмас, нутқда реаллашади.

2.2. Ватан – туғилиб ўсган ер, саждагоҳ каби мұқаддас жой, аждодларимиз курган ва эъзозлаган мәданият маскани, душмандан күрикланадиган ҳудуд.

3. Күйидаги тушунчаларнинг мазмуни ва ҳажмини кўрсатинг:

Жамият, инсон, қонун, мулк, дин.

Намуна: «Миллий истиқтол мафкураси» тушунчаси мазмунида унинг күйидаги мухим белгилари акс этади:

« – Ўзбекистон Республикаси Конституцияси, миллий ва умуминсоний кадриятлар, демократия тамойилларига асосланади;

– ҳалқимизнинг асрлар давомида шаклланган юксак маънавияти, анъана ва удумлари улуғ бобокалонларимизнинг ўлмас меросидан озиқланади;

– адолат ва ҳакиқат, эркинлик ва мустакиллик ғоялари ҳамда ҳалқимизнинг ишонч ва эътиқодини акс эттиради;

– юрт тинчлиги, Ватан равнақи ва ҳалқ фаровошлигини таъминлашга хизмат қилади;

– жамият аъзоларини, аҳолининг барча катламларини Ўзбекистоннинг буюк келажагини яратишга сафарбар этади;

– миллати, тили ва динидан қатъи назар, мамлакатимизнинг ҳар бир фуқароси қалбida она-Ватанга муҳаббат, мустакиллик ғояларига садоқат ва ўзаро ҳурмат туйгусини қарор топтиради;

– жамоатчилик қалби ва онгига фикрлар хилма-хиллиги, виждан эркинлиги тамойилларига риоя қилган ҳолда маърифий йўл билан сингдирилади». (Миллий истиқтол ғояси: асосий тушунча ва тамойиллар. Т., 2000, 28-б.).

Унинг ҳажмини эса Ўзбекистонда истиқомат қиласидиган, ўз тақдирини шу замин билан боғлаган ҳар бир кишининг, «Ватаним менга нима берди», деб эмас, балки «Мен Ватаним равнақи учун нима қилялман», деган масъулият туйуси билан яшастан кишилар» ташкил этади (қаранг: ўша асар, 28-бет).

4. Күйидаги тушунчаларга мантиқий таъсиф беринг:

Субстанция, кентавр, норасмий қабул, баҳт, гўзалик, ишсан... .

Намуна: ўсимлик – умумий, айирувчи, универсал ҳажмли, конкрет, нисбатсиз, ижобий.

5. Күйидаги тушунчалар билан мослик муносабатида бўлган тушунчаларни топинг:

Олий Мажлис, Амир Темур туғилган жой, тенг томонли тўғри тўртбурчак, Аристотель, «Донишнома» асари муаллифи, тафаккур.

Намуна: «Иккинчи муаллим» – Форобий.

6. Күйидаги тушунчалар ўртасидаги муносабатларни аникланг ва уларнинг доиравий шаклини чизинг:

6.1. Давлат, Ўзбекистон Республикаси, АҚШ.

6.2. Маърифат, жаҳолат.

6.3. Фаросатли киши, бефаросат киши.

6.4. Кимёвий элемент, металл, металл эмаслар.

6.5. Ёшлар, талаба, Ўзбекистон Миллий университети.

- 7.Куйидаги ҳолларнинг қайсиларида умумлаштириш амати тўғри бажарилган?
- 7.1. Тарих – объектив жараён – борлик.
  - 7.2. Театр – мъянавият – жамият.
  - 7.3. Дин – қадрият – бойлик.
  - 7.4. Жиноят – терроризм – халқаро терроризм.
  - 7.5. Формал мантиқ – мантиқ – фан.
- 8.Куйидагиларда тушунчаларни чегаралаш амали тўғри бажарилганми?
- 8.1. Аллома – ислом дунёсида машхур зот – Ал-Бухорий.
  - 8.2. Маърифатпарвар – жадид – Чўлпон.
  - 8.3. Илм – юлдузлар ҳакидаги илм – илми нужум (астрология).
  - 8.4. Конунчиллик – Конституция – Ўзбекистон Республикаси Конституцияси.
- 9.Синфлар устидаги куйидаги амалларни ихтиёрий олинган тушунчалар ёрдамида бажаринг ва уларнинг натижаларини шаклларда штрихланган холда тасвирлаб беринг.
- 9.1.  $A \cap B$ .
  - 9.2.  $A \cup B$ .
  - 9.3.  $A \cap B \cap C$ .
  - 9.4.  $AU(BUC)$ .
  - 9.5.  $(A \cup B) \cap C$ .
- 10.Куйидаги тушунчаларни ўзингиз таңлаб олган асослар бўйича бўлининг: таълим, тарбия, дунёқараш, фан, жиноят, жазо.
- 11.Куйидаги бўлиш амалларнинг қайсилари нотўғри бажарилган ва уларнинг сабаби нимада?
- 11.1.Ўзбекистон Миллий университети 15 та факультетга бўлинади.
  - 11.2.Онг индивидуал онг ва ижтимоий онта бўлинади.
  - 11.3.Қонунлар динамик қонунлар, статистик қонунлар ва жамият конунларига бўлинади.
  - 11.4.Давлатлар республика, конституцион монархия, абсолют монархияга бўлинади.
  - 11.5.Корхоналар банкрот корхоналар ва банкрот эмас корхоналарга бўлинади.
  - 12.Куйидагиларни таърифлашнинг қайси турига мансуб эканлигини аникланг:
- 12.1. « ...Зардуштни етиштирган ўлка номини Арианем Войчах деб атаган. Бунинг мъяноси «Орийлар яшайдиган макон». Кейинчалик бу Аҳамонийлар ёки парфиялклар тилида – нахававайча тилида «Хо-орий-замин» ёки «Хо-орий-зэм» шаклида кўлланилган» (яъни Хо – улкан, катта; Орий – орий; зем – замин, ер, тупрок, ўлка, маскан). (Тоҳир Карим. Муқаддас «Авесто» изидан. Т., Чўлпон, 2000, 116-бет.)
  - 12.2. Миллий истиклол мағкураси ҳалқни – ҳалқ, миллатни – миллат этадиган, унинг шаъну шарафи, ор-номуси, ишонч-эътиқодини ифодалайдиган, жамиятимизнинг ўзига хос тараккиёт йўли, турмуш тарзи, туб манфаатларига таянган холда муттасил ривожланиб, такомиллашиб борадиган ғоялар тизимиdir (И.Каримов).
  - 12.3. «Миллий ғоя миллат тафаккурининг маҳсулидир» (Миллий истиклол ғояси: асосий тушунча ва тамойиллар. Т.,2000, 6-бет).
  - 12.4. «Иймон – пайғамбар зикр этмиш ҳукмларни тил билан айтиб, дил билан тасдиқлаб, жон-тан илиа унга амал қилмоқликдан иборат» (Имом Фаззолий. Охиратнома («Эй фарзанд» рисоласи). Т.,1994,5-бет).

13. Кўйидаги таърифлар тўғрими? Агар хато бўлса, сабаби нимада?
- 13.1. Жиноятчи – жиноят содир қилган кишидир.
- 13.2. Инсон олди-сотди ишларини бажаришга лаёкатли ҳайвоидир (Ал-Форобий).
- 13.3. Фотон – тинч ҳолатда массага эга эмас заррачадир.
- 13.4. Бола қалби тоза тахтага ўхшайди, унга ҳар қандай тасвири осонликча чизиш мумкин (Давоний).
- 13.5. Миллат – кишиларнинг нисбатан турғун тарихий бирлиги.
14. Кўйидаги тушунчаларга номинал таъриф беринг: демократия, алгоритм, мифология, дин, атом.
15. Кўйидаги тушунчаларга реал таъриф беринг: оила, ахлоқ, санъат, ҳакикат, фуқаролик жамияти, ислоҳот, мағкуравий бўшлиқ, экологик бўхрон.

#### *Такрорлаш учун саволлар*

1. Тушунча нима?
2. Тушунча қандай мантикий усуллар ёрдамида ҳосил қилинади?
3. Тушунча ва сўз ўртасида қандай алоқа мавжуд?
4. Тушунчанинг мазмуни ва ҳажми деганда нимани тушунасиз, улар ўртасида қандай муносабат мавжуд?
5. Тушунчанинг қандай турлари мавжуд?
6. Тушунчалар ўртасида қандай муносабатлар бор?
7. Тушунчани чегаралаш ва умумлаштириш амалларининг мақсади ва моҳияти нимада?
8. Тушунчани бўлишнинг мақсади нимадан иборат?
9. Тушунчанинг таърифлашни билишда қандай аҳамияти бор?
10. Таърифлашга ўхшаш усуллар қандай ҳолларда қўлланилиди?

## ҲУКМ (МУЛОҲАЗА)

### ҲУКМ – ТАФАККУРНИНГ МАНТИҚИЙ ШАКЛИ

Ҳукм – предметга маълум бир белгининг (хоссанинг, муносабатнинг) хослиги ёки хос эмаслигини ифодаловчи тафаккур шаклидир.

Ҳукмнинг асосий вазифаси предмет билан унинг хусусияти, предметлар ўртасидаги муносабатларни кўрсатишдир. Ана шунинг учун ҳам у доимо тасдиқ ёки инкор шаклдаги фикрдан иборат бўлади. Фикр юритиш жараёнида биз предмет ва ҳодисаларнинг оддий, ташки хусусиятлари билан бирга уларнинг ички, зарурий боғланишларини, муносабатларини билиб борамиз. Предмет ва ҳодисаларнинг хусусиятларини кетма-кет ўрганиб, улар ҳақида ҳукмлар ҳосил қиласиз. Билимларимиз турлича бўлгани учун уларни ифодалайдиган ҳукмлар ҳам ҳар хил бўлади. Баъзи ҳукмларда аник, текширилган билимлар ифодаланса, бошқаларида белгининг предметга хослиги тахмин қилинади, яни ноаниқ билимлар ифодаланади.

Ҳукмлар нисбатан тугал фикрdir. Унда конкрет предмет билан унинг конкрет белгиси ҳақида билим ифода килинган бўлади.

Ҳукмлар воқеликка мос келиш даражасига кўра чин, хато ва ноаниқ (эҳтимол, тахминий) бўлади. Объектив воқеликка мос келган, уни тўғри ифодалаган ҳукмлар чин, мос келмаганлари хато бўлади. Айни вактда чинлигини ҳам, хатолигини ҳам аниклаб бўлмайдиган ҳукмлар – ноаниқ ҳукмлар мавжуддир.

Ҳукмлар тилда гаплар орқали ифодаланади. Ҳукм мантиқиј категория бўлса, гап грамматик категорияидир. Ҳукмлар асосан дарак гап орқали ифодаланади. Фақат дарак гаплардагина фикр тасдиқ ёки инкор ҳолда бўлади.

Масалан, «Вакт орқага қайтмайди», «Ҳаёт – бу ҳаракат» каби гаплар ҳукмни ифода қиласилар.

### ОДДИЙ ҲУКМЛАР

Ҳукмлар тузилишига кўра оддий ва мураккаб бўлади. Оддий ҳукм, деб таркибидан яна бир ҳукмни ажратиб бўлмайдиган мулоҳазага айтилади. Таркибидан икки ёки ундан ортиқ ҳукмни ажратиш мумкин бўлган мулоҳазаларга мураккаб ҳукм дейилади. Масалан, «Мантиқ илмини

ўрганиш тўғри фикрлаш маданиятини шакллантиради», деган мулоҳаза оддий ҳукмни ифодалайди. «Мантиқ илми тафаккур шакллари ва қонунларини ўрганади», деган мулоҳаза мураккаб ҳукмдир. Бу мулоҳазанинг таркиби икки қисмдан: «Мантиқ илми тафаккур шаклларини ўрганади» ва «Мантиқ илми тафаккур қонунларини ўрганади», деган икки оддий ҳукмдан иборат.

Мулоҳаза (хукм) таркибидаги мантиқий эга ва мантиқий кесимни ажратиб кўрсатиш мумкин. Мантиқий эга – субъект (S) фикр қилинаётган предмет ва ҳодисани билдиради. Мантиқий кесим – предикат (P) предметга хос хусусиятни, муносабатни билдиради. Предикатда ифодаланган билимлар ҳисобига субъект ҳақидаги тасаввур бойитилади. Ҳукмнинг субъект ва предикати унинг терминлари деб аталади.

Ҳукмнинг учинчи зарурий элементи мантиқий боғламадир. У субъект ва предикатни бир-бiri билан боғлайди, натижада ҳукм ҳосил бўлади. Оддий қатъий ҳукмнинг формуласи кўйидагича ёзилади: S-P.

**Оддий ҳукмлар сифати ва микдорига кўра, турларга бўлинади.** Сифатига кўра, тасдик ва инкор ҳукмлар фарқланади. Ҳукмнинг сифатини мантиқий боғлама белгилайди. Тасдик ҳукмларда белгининг предметга хослиги, инкор ҳукмларда, ақсинча, хос эмаслиги кўрсатилади. Масалан, «А. Орипов Ўзбекистон Республикаси Мадҳиясининг муаллифи» – тасдик ҳукм, «Математика ижтимоий фан эмас» – инкор ҳукм. Микдорига кўра оддий ҳукмлар якка, умумий ва жузъий ҳукмларга бўлинади. Бунда субъектда ифодаланган предметларнинг сонидан, яъни унинг ҳажмидан келиб чиқилади.

Якка ҳукмларда бирорта белгининг бир предметга хослиги ёки хос эмаслиги ҳақида фикр билдирилади. Масалан: «Ўзбекистон Республикаси мустақил давлатдир», «Аҳмедов тарихчи эмас».

Умумий ҳукмларда бирорта белгининг якка предметлар синфининг ҳаммасига ёки ундаги ҳар бир предметга таалукли ёки таалукли эмаслиги ҳақида фикр баён қилинади. Масалан, «Ҳар бир инсон баҳтили бўлишни хоҳлайди» ва «Ҳеч бир акли одам вақтини бехуда сарфламайди».

Жузъий ҳукмларда бирорта белгининг предметлар тўпламининг бир қисмига хос ёки хос эмаслиги ҳақида фикр билдирилади. Масалан, «Баъзи файласуфлар нотикдир». «Кўпчилик талабалар дангаса эмас». Жузъий ҳукмларда «баъзи» сўзи «ҳеч бўлмаса биттаси, балки ҳаммаси», деган маънода қўлланилади. Шунга кўра, «Баъзи

тошлар тирик мавжудот эмас», деган ҳукм чин бўлади, чунки ҳеч бир тош тирик мавжудот эмас.

Маълум маънода якка ҳукмларни умумий ҳукмлар билан тенглаштириш мумкин. Чунки ҳар икки ҳукмда ҳам тўпламдаги предметларнинг ҳар бирига нимадир тааллуқли ёки тааллуқли эмас, деб кўрсатилади. Якка ҳукмларда эса бу тўплам биргина предметдан иборат бўлади.

Мулоҳазаларнинг тўғри ёки нотўғрилигини аниклашда ва баъзи бошқа ҳолатларда оддий ҳукмларнинг микдор ва сифати бўйича бирлашган классификацияси (асосий турлари)дан фойдаланилади. Улар куйидагилардан иборат:

1. Умумий тасдиқ ҳукмлар. Улар бир вақтнинг ўзида ҳам умумий, ҳам тасдиқ бўлган фикрни ифодалайди. Масалан, «Ҳамма талабалар мантиқ илмини ўрганадилар». Бу ҳукмлар лотин алифбосидаги А ҳарфи билан белгиланади ва «Ҳамма S–Рдир» формуласи орқали ифодаланади.

2. Умумий инкор ҳукмлар бир вақтнинг ўзида ҳам умумий, ҳам инкор бўлган фикрни ифодалайди. Масалан, «Ҳеч бир ишбайлармон режасиз иш юритмайди». Бу ҳукм «Ҳеч бир S–Р эмас» формуласи орқали ифодаланади ва лотинча Е ҳарфи билан белгиланади.


3. Жузъий тасдиқ ҳукмлар бир вақтнинг ўзида ҳам жузъий, ҳам тасдиқ бўлган фикрни ифодалайди. Масалан, «Баъзи талабалар масъулиятли». У лотинча I ҳарфи билан белгиланади ва «Баъзи S–Рдир» формуласи орқали ифодаланади.

4. Жузъий инкор ҳукм бир вақтнинг ўзида ҳам жузъий, ҳам инкор бўлган фикрни ифодалайди. Масалан, «Баъзи талабалар спорт билан шуғулланмайдилар». Унинг формуласи «Баъзи S–Р эмас» бўлиб, лотинча О ҳарфи билан белгиланади.


**Оддий ҳукмларда терминлар ҳажми.** Оддий ҳукмлардаги терминлар (S ва P) тушунчалар орқали ифодалангандиги туфайли уларнинг ҳажмига кўра, ўзаро муносабатларини аниклаш мумкин. Ҳукмларда терминлар (S ва P) тўлиқ ёки тўлиқсиз ҳажмда олинган бўлади. Термин тўлиқ ҳажмда олинганда унинг ҳажми бошқа терминнинг ҳажмига тўлиқ мос бўлади ёки мутлақо мос бўлмайди (уларнинг ҳажми бир-бирини истисно қиласди). Термин тўлиқсиз ҳажмда олинган бўлса, унда унинг ҳажми бошқасининг ҳажмига қисман мос келади ёки ундан қисман истисно қилинади. Оддий ҳукмларда терминлар ҳажми қуйидагича бўлади:

1. A – Умумий тасдиқ ҳукмларнинг субъекти ҳаммавақт тўлиқ ҳажмда олинган бўлади. Предикати эса баъзан тўлиқ, баъзан тўлиқсиз ҳажмда бўлади. Масалан, «Ҳамма инсонлар тирик мавжудотдир».

Бу ҳукмнинг субъекти – «инсон», предикати – «тирик мавжудот» тушунчасидир, «ҳамма» – умумийлик квантари. Бу ҳукмнинг субъекти тўлиқ ҳажмда олинган, чунки унда ҳамма инсонлар тўғрисида фикр билдирилган ва бу тушунча «тирик мавжудот» тушунчасининг ҳажмига тўлиқ киришади. Унинг предикати тўлиқ ҳажмда олинмаган, чунки унда тирик мавжудотларнинг бир қисми – инсонлар ҳакида фикр юритилади. Бунинг доиравий шакли қўйидагича: (1-чизма).





1-чизма.



2-чизма.


Умумий тасдиқ ҳукмларнинг баъзиларида S ҳам, P ҳам тўла ҳажмда бўлиши мумкин. Масалан, «Ҳамма мусулмонлар Ислом динига эътиқод қиласидилар» (2-чизма).

2.Е – Умумий инкор ҳукмларнинг субъекти ҳам, предикати ҳам тўлиқ ҳажмда олинган бўлади. Масалан, «Ҳеч бир диндор эътиқодсиз эмас». Бу ҳукмда S – диндорларни, P – эътиқодсизларни ифодалайди, ҳеч бир – умумийлик кванторидир. Бунда ҳар икки терминнинг ҳажми бирбiriни истисно қиласиди (3-чизма).




3-чизма.

3. I – Жузъий тасдиқ ҳукмларнинг субъекти ҳаммавақт тўлиқсиз ҳажмда олинади, предикати эса баъзан тўлиқ, баъзан тўлиқсиз ҳажмда бўлади. Масалан, «Баъзи талабалар инглиз тилини билади» деган ҳукмнинг терминлари қўйидагича: S – талабалар, P – инглиз тилини биладиганлар, баъзи – мавжудлик квантори. Бу ҳукмда S ҳам, P ҳам тўлиқсиз ҳажмда олинган бўлиб, ҳар икки терминнинг ҳажми бир-бирига қисман мос келади (4-чизма).




4-чизма.

Яна бир мисолни кўрамиз: «Баъзи шифокорлар хирургдир». Бу ҳукмда S – шифокорлар, P – хирурглар, баъзи – мавжудлик кванторидир. Ҳукмда субъект тўлиқ ҳажмда олинмаган, чунки унда баъзи шифокорлар ҳакида фикр билдирилган, предикат эса тўлиқ ҳажмда олинган, чунки хирургларнинг ҳаммаси шифокордир. Предикатнинг ҳажми субъектнинг ҳажмига киргани учун у тўлиқ ҳажмда олинган бўлади (5-чизма).



### 5-чизма.

4. **O** – Жузъий инкор ҳукмларнинг субъекти ҳаммавақт тўлиқсиз ҳажмда, предикати эса тўлиқ ҳажмда олинади. Масалан, «Баъзи ёшлар хунарманд эмас». Бу ҳукмнинг терминлари: S – ёшлар, P – хунарманд эмаслар; баъзи – мавжудлик квантори. Ҳукмнинг субъекти тўлиқ ҳажмда олинмаган, унда ёшларнинг бир қисми ҳақида фикр юритилади, холос. Ҳукмнинг предикати эса тўлиқ ҳажмда олинган. Унда хунармандларнинг ҳаммаси ҳақида фикр билдирилган (6-чизма).



### 6-чизма.

Юқоридаги фикрларни умумлаштириб айтиш мумкинки, умумий ҳукмларнинг субъекти ҳаммавақт тўлиқ ҳажмда, жузъий ҳукмларнинг субъекти тўлиқсиз ҳажмда олинади. Инкор ҳукмларнинг предикати ҳаммавақт тўлиқ ҳажмда бўлади. Таасдиқ ҳукмларнинг предикати  $P \leq S$  бўлгандагина тўлиқ ҳажмда бўлади, бошқа ҳолларда эса тўлиқсиз ҳажмда олинади.

Ҳукмларда терминлар ҳажмини аниқлаш қатъий силлогизмни тўғри тузишда ва бевосита хулоса чиқаришда муҳим аҳамиятга эга.

Оддий ҳукмларда терминлар ҳажмини қўйидаги шакл орқали яққол ифодалаш мумкин. Бунда «+» тўлиқ ҳажмни, «–» тўлиқсиз ҳажмни билдиради.

Ҳукм турлари	Белгиси	Ҳукмнинг формуласи		Терминлар ҳажми		Терминларнинг муносабати
		Формал мантиқда	Математик мантиқда	S	P	
Умумий тасдиқ ҳукм	A	Ҳамма $S-P$ $S \text{ a } P$	$\forall x(S(x) \rightarrow P(x))$	+	±	$S \geq P$
Умумий инкор ҳукм	E	Ҳеч бир $S-P$ $S \text{ e } P$	$\forall x(S(x) \rightarrow \neg P(x))$	+	+	$S=P$
Жузъий тасдиқ ҳукм	I	Баъзи $S-P$ $S \text{ i } P$	$\exists x(S(x) \wedge P(x))$	-	±	$S \leq P$
Жузъий инкор ҳукм	O	Баъзи $S-P$ эмас $S \text{ o } P$	$\exists x(S(x) \wedge \neg P(x))$	-	+	$S < P$

**Предикатнинг мазмунига кўра оддий хукм турлари.** Улар қуидагилардан иборат: атрибутив ҳукмлар, мавжудлик ҳукмлари ва муносабат ҳукмлари. Атрибутив (сифат ва хусусият) ҳукмларда бирор хусусиятнинг предметга хослиги ёки хос эмаслиги аник, қатъий қилиб кўрсатилади. Шунинг учун атрибутив ҳукмларни бирорта предметнинг синфга кириши (мансублиги) ёки кирмаслиги (мансуб эмаслиги) ҳақидаги ҳукм деб таърифласа бўлади.

Масалан, «Ҳамма дараҳтлар ўсимликлардир» ва «Ҳеч бир ўсимлик ҳайвон эмас». Биринчи ҳукмда дараҳтларнинг ўсимликлар синфига кириши ҳақида фикр билдирилса, иккинчи ҳукмда ўсимликлар ва ҳайвонлар синфининг ўзаро ҳеч қандай умумийликка эга эмаслиги ҳақида фикр билдирилган.

Иккита, учта ва ҳоказо предметлар ўртасида муайян муносабатларнинг бўлиши ёки бўлмаслигини ифодалаган ҳукмларга муносабат ҳукмлари дейилади. Масалан: «Бутун бўлакдан катта». «Икки-учдан кичик сон». Биринчи ҳукмда «катталик» муносабати бутун ва бўлак ўртасида бўлиши тасдиқланса, иккинчи ҳукмда уч сони билан икки сонининг муносабати ҳақидаги фикр тасдиқланган.

Муносабат ҳукмлари сифатига кўра, тасдиқ ёки инкор ҳукм турларига бўлинади. Тасдиқловчи муносабат ҳукмларида предметлар ўзаро муайян муносабатда эканликлари ҳақида фикр билдирилади. Инкор этувчи муносабат ҳукмларида эса предметлар ўртасидаги муайян муносабатларнинг мавжуд эмаслиги ҳақида фикр билдирилади.

Муносабат ҳукмлари микдорига кўра ҳам турларга бўлинади. Хусusan, икки ўринли муносабат ҳукмлари микдорига кўра якка-якка, умумий-умумий, жузъий-жузъий, якка-умумий, якка-жузъий, умумий-жузъий, жузъий-умумий турларга бўлинади.

Масалан, «Укаси акасидан баланд» (якка-якка); «Гурухимизнинг ҳар бир талабаси факультетимиздаги ҳамма ўқитувчиларни билади» (умумий-умумий); «Гурухимиздаги баъзи талабалар баъзи хинд кино юлдузларини яхши биладилар» (жузъий-жузъий); «Тарих ўқитувчиси гурухимиздаги ҳар бир талабани яхши билади» (якка-умумий); «Дўстим баъзи масалаларни еча олади» (якка-жузъий); «Гурухимиздаги ҳамма талабалар инглиз тилини ўрганадилар» (умумий-якка); «Гурухимиздаги баъзи талабалар француз тилини ўрганадилар» (жузъий-якка); «Гурухимиздаги баъзи талабалар «Пахтакор» командасининг ҳар бир ўйинчисини биладилар» (жузъий-умумий).

Уч ўринли, тўрт ўринли ва ҳоказо муносабат ҳукмлари ҳам юкоридаги каби турларга бўлинадилар.

Атрибутив ва муносабат ҳукмларидан бошқа яна мавжудлик ҳукмлари (Кутубхонада мантиқ дарслиги бор), айният ҳукмлари («А–В» кўринишда бўлган) ва модал ҳукмлар (Эҳтимол ёмғир ёғади)ни кўрсатиш мумкин. Баъзи дарсликларда улар оддий қатъий ҳукм турлари сифатида талқин қилинади. Биз бу ҳукм турларини алоҳида кўриб чиқмаймиз, чунки мавжудлик ҳукмларини кўпинча атрибутив ҳукмлар кўринишида, айният ҳукмларини муносабат ҳукмлари кўринишида талқин қилиш мумкин.

Шунингдек, оддий ҳукм турлари сифатида ажратиб кўрсатувчи ва истисно қилувчи ҳукмлар ҳам фарқланади. «Гурухимиз тарабаларидан фақат 4 киши мусобақада қатнашади». Бу ажратиб кўрсатувчи ҳукмдир. «Мантиқ тарихи» курсидан бошқа ҳамма ўқитиладиган фанлардан дарсликлар етарли». Бу истисно қилувчи ҳукмдир.

## МУРАККАБ ҲУКМЛАР

Ҳукм терминлари бирдан ортиқ бўлса, мураккаб ҳукм деб аталади. Мураккаб ҳукмлар «ва», «ёки», «агар... унда» каби мантиқий боғламалар, икор қилиш ва модал терминларни қўллаш оркали икки ва ундан ортиқ оддий ҳукмларнинг ўзаро бирикишидан ҳосил бўлади. Мантиқий боғловчининг мазмунига кўра мураккаб ҳукмларнинг қўйидаги асосий турларини фарқ қилиш мумкин: бирлаштирувчи, айирувчи, шартли, эквивалент.

**Бирлаштирувчи (конъюнктив) ҳукмлар** деб икки ва ундан ортиқ оддий ҳукмларнинг «ва», «ҳам», «ҳамда» каби мантиқий боғловчилар воситасида ўзаро бирикишидан ҳосил бўлган ҳукмларга айтилади. Масалан, 1.«Қўнғироқ чалинди ва дарс бошланди». 2.«А. Навоий шоир ва давлат арбоби бўлган». 3.«Муҳаммад Хоразмий ва Аҳмад Фарғонийлар математика фанининг ривожланишига катта хисса қўшганлар».

Биринчи бирлаштирувчи ҳукм икки мустақил оддий ҳукмнинг боғланишидан ҳосил бўлган. Иккинчи ҳукмда бир хил субъектга эга бўлган икки оддий ҳукм ўзаро боғланган. Учинчи бирлаштирувчи ҳукмда эса бир хил предикатга эга бўлган икки оддий ҳукм ўзаро боғланган. Ўзбек тилида бирлаштирувчи ҳукмлар «аммо», «лекин», «бироқ» каби боғламалар ва (,) воситасида ҳам тузилади. Мантиқий боғламалар конъюнкция белгиси «Λ»оркали ифодаланади.

Конъюнктив (бирлаштирувчи) хукм таркибидаги оддий хукмларни « $p$ » ва « $q$ » шартли белгилари билан белгиласак, унда бу хукм рәқ формуласи орқали ифодаланади. Конъюнктив хукм таркибидаги оддий хукмлар чин ёки хато бўлиши мумкин. Таркибидаги ҳамма оддий хукмлар чин бўлганда, бирлаштирувчи хукм чин бўлади. Бошқа ҳамма ҳолатларда эса хато бўлади. Масалан, «Ёлғон гапириш ва ўғирлик қилиш жиноятдир» хукмидаги биринчи оддий гап «Ёлғон гапириш жиноятдир» чин бўлмаганлиги учун бу хукм чин бўлмайди.

$p$	$q$	$p \wedge q$
чин	чин	чин
чин	хато	хато
хато	чин	хато
хато	хато	хато

Айирувчи (дизъюнктив) хукм деб «ё», «ёки», «ёхуд» мантикий боғламалари воситасида оддий хукмлардан ташкил топган мулоҳазага айтилади. Бу боғловчилар икки оддий хукмни ёки бир қанча предикатларни. ёки бир қанча субъектларни бир-биридан айриб туради. Масалан, «Кодиров фалсафа ёки социология, ёки психология бўлимида ўқыйди». «Иккинчи соатда ё математика, ёки чет тили дарси бўлади». Айирувчи боғламалар « $\vee$ » – дизъюнкция белгиси орқали ифодаланади. Айирувчи (дизъюнктив) хукмлар оддий ёки қатъий турларга бўлинади. Оддий дизъюнктив хукм таркибидаги оддий хукмлардан бири ёки ҳаммаси чин бўлиши мумкин, қатъий дизъюнктив хукмда эса таркибидаги оддий хукмлардан фақат биттаси чин бўлади. Оддий дизъюнктив хукм  $p \vee q$  формуласи билан, қатъий дизъюнктив хукм  $p \vee q$  формуласи билан белгиланади. Дизъюнктив хукмларнинг чин бўлиш шартлари куйидагича:

$p$	$q$	$p \vee q$
чин	чин	чин
чин	хато	чин
хато	чин	чин
хато	хато	хато

$p$	$q$	$p \vee q$
чин	чин	хато
чин	хато	чин
хато	чин	чин
хато	хато	хато

«Х.Х.Ниёзий шоир ёки драматургдир». Бу оддий дизъюнктив хукм. «Абдуллаев мусобақада ё ютади, ё ютмайди». Бу қатъий дизъюнктив хукм.

**Шартли (импликатив) ҳукм** икки оддий ҳукмнинг «агар... унда» мантиқий боғламаси орқали бириқишидан ташкил топади. Шартли ҳукмнинг моҳиятини аниқлаш учун зарурий ва етарли шарт тушунчаларини фарқлаш зарур. Ҳодисанинг зарурий шарти деб, унинг мавжудлигини таъминлайдиган ҳолатга айтилади. Агар ҳодисанинг шарти зарурий бўлмаса, ҳодиса ҳам бўлмайди. Масалан, «Агар ўсимлик сувсиз қолса, у қурийди».

Ҳодиса учун етарли бўлган шарт деб, ҳар сафар шу шарт бўлганда, ўша ҳодиса кузатиладиган ҳолатга айтилади. Масалан, «Агар ёмғир ёғса, унда уйларнинг томи хўл бўлади». Шартлар «етарли, лекин зарурий бўлмаган», «зарурий, лекин етарли бўлмаган», «зарурий ва етарли» бўлиши мумкин. Масалан, Н сонининг икки ва учга бўлиниши унинг олтига бўлиниши учун зарурий ва етарли шарт ҳисобланади. Н сонининг иккига бўлиниши унинг олтига бўлиниши учун зарурий, лекин етарли бўлмаган шартдир. Н сонининг ўнга бўлиниши унинг иккига бўлиниши учун етарли, лекин зарурий бўлмаган шартдир.

Шартли ҳукм таркибида асос ва натижа қисмлари фарқланади. Шартли ҳукмнинг «агар» ва «унда» сўзлари оралиғидаги қисми – асос, «унда» сўзидан кейинги қисми – натижа деб аталади. «агар ёмғир ёғса, унда уйларнинг томи хўл бўлади» ҳукмида «ёмғир ёғса» ҳукми асос, «уйларнинг томи хўл бўлади» ҳукми – натижа ҳисобланади.

Демак, асосда қўрсатилган ҳодиса, натижада қайд этилган ҳодисанинг келиб чиқиши учун етарли шартни ифодалаган ҳукм шартли ҳукм дейилади.

Шартли (импликатив) ҳукмлар «агар ... унда» мантиқий боғламаси ( $\rightarrow$ ) белги билан ифодаланади. Ҳозирги замон мантиқ илмида эса баъзан ( $\supset$ ) символи билан белгиланади. Бу символлар моддий импликация белгиси деб аталади. Шартли ҳукм эса импликатив ҳукм деб юритилади. Импликатив ҳукмнинг асоси – антепедент, натижаси – консеквент дейилади. Импликатив ҳукм антепедент – чин, консеквент – хато бўлган ҳолатдан бошқа ҳамма кўринишларда чин бўлади. Импликатив ҳукмнинг чин бўлиш шартлари қўйидагича:

p	q	$p \rightarrow q$
чин	чин	чин
чин	хато	хато
хато	чин	чин
хато	хато	чин

**Эквивалентлик ҳукмлари** «агар ва фақат агар ... унда» мантикий боғловчиси ёрдамида икки оддий ҳукмнинг ўзаро боғланишидан хосил бўлади. Табиий тилда эквивалентлик ҳукми шартли ҳукм кўринишида ифодаланади. Бундай ҳолатларда шартли ҳукмнинг эквивалент ҳукм эканлигини аниқлаш зарур бўлади. Агар шартли ҳукмнинг асоси натижада қайд этилган фикр учун зарурий ва етарли шарт ҳисобланса, унда бу ҳукм эквивалент ҳукм бўлади. Масалан, «Агар берилган бутун сон жуфт сон бўлса, унда у иккига колдиқсиз бўлинади».

Эквивалент ҳукмнинг мантикий боғловчиси ( $\leftrightarrow$ ) символи, яъни (моддий) эквивалентлик белгиси билан ифодаланади. Эквивалент ҳукмнинг чин бўлиш шартлари қуйидагича:

p	q	$p \leftrightarrow q$
чин	чин	чин
чин	хато	хато
хато	чин	хато
хато	хато	чин

**Ҳукмларнинг инкор қилиниши.** Икки ҳукм бир-бирига зид бўлиб, улардан бири албатта, чин, бошқаси хато бўлса, бу ҳукмлар бир-бирини инкор қилувчи ҳукмлар бўлади. Инкор қилинаётган ҳукм чин бўлса, инкор қилаётган ҳукм хато бўлади. Инкор қилинаётган ҳукм хато бўлса, инкор қилаётган ҳукм чин бўлади. Қуйидаги ҳукмлар бир-бирини инкор қиласди:

1.А–О. Хамма ўзбек аёллари олий маълумотли (хато).

Баъзи ўзбек аёллари олий маълумотли (чин).

2.Е–І. Хеч бир инсон тош эмас (чин).

Баъзи инсонлар тошдир (хато).

Ҳукмларни предикатнинг субъектга таалуқли эмаслигини кўрсатиш ва ҳукмни хато деб кўрсатиш орқали инкор қилиш мумкин. Биринчиси ички инкор, иккинчиси ташқи инкор дейилади.

Масалан:

Баъзи талабалар аълочи эмас (ички инкор).

Қуёшнинг Ер атрофида айланиши – нотўғри фикрdir (ташқи инкор).

Конъюнктив ва дизъюнктив ҳукмлар инкор қилинганда уларнинг мантикий боғламалари алмашади ва таркибидағи оддий ҳукмлар инкор қилинади.

1) Айирувчи ҳукмни инкор қилиши.

Мен дарсдан сўнг ё кутубхонага, ё дўстимниги бо-  
раман. Мен дарсдан сўнг кутубхонага ҳам, дўстимниги  
ҳам бормадим.

$$p \vee q \equiv \bar{p} \wedge \bar{q}$$

2) Айирувчи инкор ҳукмни инкор қилиш.

«Хунар ўрганмаган ёки илм олмаган инсонлар ҳаётда  
ўз ўрнини топмайди». «Хунар ўргаңган, илм олган  
инсонлар ҳаётда ўз ўрнини топади».

$$\bar{p} \vee \bar{q} \equiv p \wedge q$$

3) Бирлаштирувчи ҳукмни инкор қилиш.

«Ҳалол ва виждонли одамлар ахлоқли бўладилар». «Ҳалол  
бўлмаган ёки виждонли бўлмаган одамлар ахлоқсиз бўладилар».

$$p \wedge q \equiv \bar{p} \vee \bar{q}$$

4) Бирлаштирувчи инкор ҳукмни инкор қилиш.

«Аълочи ва жамоатчи бўлмаган талабалар танловда  
иштирок этмайдилар». «Аълочи ёки жамоатчи бўлган та-  
лабалар танловда иштирок этадилар».

$$\bar{p} \wedge \bar{q} \equiv p \vee q$$

Бу формуласалар де-Морган қонунлари деб аталади.


Агар мураккаб ҳукм таркибида шартли ҳукм бўлса,  
формула унга айнан тент бўлган, импликацияси бўлмаган  
бошқа формулага алмаштирилади. Масалан, «Агар бўш  
вақтим бўлса, унда телевизор кўраман». «Бўш вақтим  
бўлди, лекин телевизор кўрмадим».

## ҲУКМЛАР ЎРТАСИДАГИ МУНОСАБАТЛАР

Ҳукмлар ҳам тушунчалар каби таққосланадиган (умумий  
субъект ёки предикатга эга бўлган) ва таққосланмайдиган  
турларга бўлинади. Таққосланадиган ҳукмлар сифишадиган  
ёки сифишмайдиган бўлади. Мантиқда икки ҳукм ( $p$  ва  $q$ )  
дан бирининг чинлигидан иккинчисининг хатолиги зарурӣ  
келиб чиқадиган бўлса, улар ўзаро сифишмайдиган ҳукмлар  
дейилади. Сифишмайдиган ҳукмлар бир вақтда чин бўла  
олмайди. Сифишадиган ҳукмлар айнан бир фикрни тўлиқ  
ёки қисман ифодалайди. Сифишадиган ҳукмлар ўзаро  
эквивалентлик, мантиқий бўйсуниш ва қисман мос келиш  
(субконтрап) муносабатида бўлади.

Сифишмайдиган ҳукмлар қарама-қаршилик (контрап)  
ва зидлик (контрадикторлик) муносабатида бўлади. Ҳукмлар

ўртасидаги муносабатларнинг шаклий ифодаси «мантикий квадрат» деб аталади. Мантикий квадрат орқали «хукм»лар ўртасидаги чинлик муносабатлари аниқланади.



Масалан, «Хар бир жамият ўз ахлоқий нормаларига эга». Бу А – умумий тасдиқ ҳукм Е, I, О кўринишларда қуйидагича ифодаланади:

Е.Ҳеч бир жамият ўз ахлоқий нормаларига эга эмас.

I.Баъзи жамиятлар ўз ахлоқий нормаларига эга.

O.Баъзи жамиятлар ўз ахлоқий нормаларига эга эмас.

Бу ҳукмлар таққосланадиган ҳукмлар бўлиб, улар ўртасида чинлигига кўра ўзига хос муносабатлар мавжуддир.

Сифишмайдиган ҳукмлар ўртасида қарама-қаршилик (контрап) ва зидлик (контрдикторлик) муносабатлари бўлади. Қарама-қаршилик муносабати мазмунига кўра турлича бўлган умумий ҳукмлар ўртасида мавжуд бўлиб, бу муносабатга кўра уларнинг ҳар иккиси бир вақтда чин бўла олмайди. Бу ҳукмлар бир вақтда хато бўлиши мумкин; агар улардан бирининг чинлиги аниқ бўлса, унда бошқаси, албатта, хато бўлади. Юқоридаги мисоллардан А–ҳукм чин, Е – ҳукм хато эканлиги маълум бўлади.

Зидлик муносабати мазмуни ва ҳажмига кўра турлича бўлган ҳукмлар ўртасида мавжуд бўлади. Бу ҳукмларнинг ҳар иккиси бир вақтда чин ҳам, хато ҳам бўлмайди. Улардан бири ҳаммавақт чин, бошқаси эса хато бўлади. Юқоридаги мисоллардан А – ҳукм чин бўлиб, О – ҳукм хатодир. Шунингдек, I – ҳукм чин, Е – ҳукм хатодир.

Сифишидиган ҳукмлардан мазмуни бир хил, ҳажми турли хил бўлган ҳукмлар ўзаро бўйсуниш муносабатида бўлади. Бунда умумий ҳукмлар бўйсундирувчи, жузъий ҳукмлар бўйсунувчи бўлади. Бўйсуниш муносабатида умумий ҳукмлар чин бўлса, уларга бўйсунувчи жузъий ҳукмлар ҳам чин бўлади. Лекин жузъий ҳукмлар чин бўлганда, умумий ҳукмлар ноаниқ (чин ёки хато) бўлади. Юқоридаги мисолдан А – ҳукм чин бўлгани учун унга бўйсунувчи I – ҳукм ҳам чин бўлади. Агар умумий ҳукмлар хато бўлса, уларга бўйсунувчи жузъий ҳукмлар ноаниқ (чин ёки хато) бўлади. Мисолимизда Е – ҳукм хато бўлгани учун О – ҳукм ҳам хато бўлади. Баъзи ҳолатларда умумий ҳукмлар хато бўлса, жузъий ҳукмлар чин бўлади.

Кисман мослик (субконтрап) муносабати мазмуни ҳар хил бўлган жузъий ҳукмлар ўртасида мавжуд бўлади. Бу ҳукмлар бир вақтда чин бўлиши мумкин, лекин ҳар иккиси бир вақтда хато бўлмайди. Агар улардан бирининг хатолиги аниқ бўлса, унда бошқаси, албагта, чин бўлади. Юқоридаги мисолимизда О – ҳукмнинг хатолиги аниқ бўлгани учун I – ҳукм чиндир.

Эквивалентлик муносабатидаги ҳукмлар ҳаммавақт чин бўлади, чунки уларда айнан бир фикр турли шаклда ифодаланади. Масалан, «А.Орипов Ўзбекистон Республикаси Мадҳиясининг муаллифи» ва «А.Орипов – Ўзбекистон Каҳрамони» ҳукмлари ўзаро эквивалентдир, яъни улар бир хил субъектга, лекин ҳар хил предикатга эга бўлган ҳукмлардир.

Ҳукмларнинг чинлигига кўра муносабатини ифодаловчи юқорида кўрсатилган конуниятлар билишда катта аҳамиятга эга.

**Ҳукмларнинг модаллиги.** Атрибутив ва муносабат ҳукмлари, шунингдек, улардан ташкил топган мураккаб ҳукмлар ассерторик (лот. assero – тасдиқлайман) ёки воқелик ҳукмлари дейилади. Уларда предикатда кўрсатилган белгининг субъектда бор ёки йўқлиги ҳакида фикр билдирилади. Модал ҳукмларда эса предикатнинг субъектга тегишли ёки тегишли эмаслиги ҳакидаги фикр қатъий, кучли (зарурий) ёки қатъий бўлмаган, кучсиз (эҳтимол) тасдиқ ёки инкор шаклида баён қилинади. Бошқача айтганда, модал ҳукмларда субъект ва предикатнинг ўзаро муносабати ҳакида муайян нуқтаи назардан фикр билдирилади. Масалан, «Инсон абадий яшамайди» ассерторик ҳукми «Инсон абадий яшashi мумкин эмас», деб баён қилинганда модал ҳукм кўринишида ифодаланади. Бу ҳукм аввалгисига нисбатан кучли. «Укам инглиз тилини

ўрганади» хукмига нисбатан «Укам инглиз тилини ўрганиши мумкин» хукми кучсиз тасдиқ хукм хисобланади. Бу хукмлардан биринчиси ассерторик, иккинчиси модал хукмдир.

Ассерторик (воқелик) хукмларга шарт, зарур, мумкин каби модал тушунчалар (операторлар)ни киритиш орқали модал хукмлар ҳосил қилинади. Модал оператор  $M$  ҳарфи билан белгиланади. Модал хукмларининг формуласи куйидагича ёзилади:

Ассерторик хукмлар		Модал хукмлар
Оддий хукмлар	$S-P$	$M (S-P)$
	$S-P$ эмас	$M (S - P$ эмас)
Мураккаб хукмлар	$p \wedge q$	$M (p \wedge q)$
	$p \vee q$	$M (p \vee q)$
	$p \circledast q$	$M (p \circledast q)$
	$p \rightarrow q$	$M (p \rightarrow q)$
	$p \equiv q$	$M (p \equiv q)$

Модал хукмлар модал мантиқда ўрганилади. Унда алетик (зарурий), эпистемик (энг ишончли билим), деонтик (мажбурийлик), аксиологик (баҳолаш) ва вақт модаллигини ифодаловчи хукмлар таҳлил қилинган.

Биз булардан алетик модал хукмларини кўриб чиқамиз. Алетик модал хукмлар субъект ва предикат ўртасидаги икки турли алоқадорликни ўз ичига олади: зарурий ва проблематик (имконий).

Модал хукмларни ифодалаш учун турли модал операторлардан фойдаланилади. Масалан, алетик модал хукмларда куйидаги модал операторлардан фойдаланилади:

« $A$ » –  $A$  зарурийdir.

« $\nabla A$ » –  $A$  тасодифийdir.

« $\Diamond A$ » –  $A$  бўлиши мумкин.

« $\Box A$ » –  $A$  бўлиши мумкин эмас.

Баъзан « $Lp$ » –  $p$  зарурийdir, « $Mp$ » –  $p$  бўлиши мумкин белгиларидан ҳам фойдаланилади.

Зарурий модал хукмлар турли фанларнинг, шу жумладан, мантиқ қонунларини ва улардан келиб чиқадиган ҳолатларни ифодалайди. Масалан, «Бутун бўлакдан катта», «Ҳар бир фуқаро қонунларга бўйсуниши шарт».

Қонунларга зид бўлган, уларни ва улардан келиб чиқадиган турли ҳолатларни инкор этувчи хукмлар ноим-

конийлик ҳукмлари дейилади. Масалан, «Симоб дарёсининг бўлиши мумкин эмас».

Конунлар ва улардан келиб чиқадиган ҳолатларга зид бўлмаган, қонунларни ҳам, уларнинг оқибатларини ҳам ифодаламайдиган ҳукмлар тасодифий ҳукмлар дейилади. Масалан, баъзи худудларда денгиз кўнигининг тошкини бўлиши тасодифийдир.

Имконийлик ҳукмлари деб, қонунлар ва уларнинг оқибатларига зид бўлмаган фикрларга айтилади. Масалан, «Марсда хаёт бўлиши мумкин».

Модал тушунчаларнинг умумий хусусияти улардан ҳамма соҳаларда фойдаланиш имконини беради.

## САВОЛ ВА ЖАВОБ

Билимларимиз предмет ва ҳодисалар ҳақида аввалги ҳосил қилинган ҳукмлар (мулоҳазалар)дан янги, уларни тўлдирадиган, кенгайтирадиган ҳукмларни яратишга қараб тараққий этиб боради. Бу жараён маълум бир саволларни кўйиш ва уларга жавоб қидириш тарзида содир бўлади.

Шуни айтиш керакки, савол сўроқ тап ёрдамида ифода килингани учун ҳукмни ифода қила олмайди. Улар билишда турлича вазифаларни бажаради. Хусусан, ҳукмнинг вазифаси предмет ҳақидаги мавжуд билимларни қайд қилишдан иборат бўлса, савол унинг янги хусусиятлари, алоқаларини қидириб топишга, ўрганишга қаратилган бўлади. Савол бир қанча муҳим мантиқий хусусиятларга эга. Биринчидан, саволда маълум бир бошланғич билим мужассамланган бўлади. Масалан, «Қаңдай сабабларга кўра ГФР ва ГДР ягона давлатга бирлашди?» деган саволда мустақил Германия Федератив Республикаси ва Германия Демократик Республикасининг мавжуд бўлғанлиги, уларнинг ягона давлатга бирлашишидан аввал қандайдир воқеаларнинг содир бўлғанлиги ҳақида маълумот берилган. Иккинчидан, саволда мавжуд бўлған билим ноаниқ бўлади. Юкорида келтирилган мисолда ягона немис давлати – ГФР ҳақида маълум бир маълумот мавжуд бўлса-да, у фикрлаш предметини тушуниш учун етарли эмас. Шунинг учун ҳам савол кўйиш ва унга жавоб қидириш йўли билан ягона немис давлатининг пайдо бўлиш шарт-шароитлари ҳақида билим ҳосил қилиниши зарур. Учинчидан, саволда предмет ҳақида тўлароқ билимга эга бўлиш эҳтиёжи ўз ифодасини топади.

Ана шундан келиб чиқиб, савол билимларимиздаги ноаникликларни, шубҳаларни йўқотиш ҳамда аникроқ ва тўлароқ билимлар ҳосил қилишга бўлган эҳтиёжни қондиришга хизмат қиласидан фикрлаш воситасидир, деб айтишимиз мумкин.

Савол ўз-ўзидан пайдо бўлмайди. У ўзининг асосига, (datum questioins) базисига эга. Саволнинг асосини унда мужассамлашган билим (ахборот) ташкил этади.

Саволларнинг бир қанча турларини фарқ қиласа бўлади. Хусусан, савол ўзининг асосига кўра тўғри ва нотўғри қўйилган саволларга бўлинади. Асоси чин ва зиддиятсиз билимдан иборат бўлса, савол тўғри қўйилган бўлади. «Миллий ғоя нима?» деган савол бунга мисол бўла олади. Хато ва зиддиятли асосга эга савол эса, нотўғри қўйилган савол ҳисобланади. Масалан, «Арвоҳ қандай кун кечиради?» десак, савол нотўғри қўйилган бўлади.

Билишдаги функцияси бўйича аникловчи ва тўлдирувчи саволларга ажратиш мумкин. «И.Пригожин ҳақиқатан ҳам синергетиканинг асосчисими?» деган савол аникловчи савол, «Ўзбекистон Республикаси Конституцияси қачон қабул қилинган?» тўлдирувчи савол ҳисобланади.

Таркибига кўра оддий ва мураккаб саволлар мавжуд. Агар таркибида бошқа савол бўлмаса оддий савол, бўлса – мураккаб савол деб юритилади. Масалан, «Сув неча градусда музлайди?» – оддий савол, «Ассимиляция ва диссимилияциялар организмнинг мавжуд бўлишида қандай ўрин тутади?» – мураккаб саволдир.

Масала – саволнинг алоҳида бир тури бўлиб, уни ҳал қилиш саволнинг асосини мантиқан ўзгартиришни, этишмаётган маълумотлар билан тўлдиришни, муҳим томонларини ажратишни, муҳим бўлмаганларини чиқариб ташлашни тақозо этади.

Саволни тўғри қўйиш учун маълум бир қоидаларга риоя этиш зарур:

1. Савол тил талабларига жавоб бериши керак.

2. Савол аниқ, равшан, қатъий ҳолда ифода қилинган бўлиши керак.

3. Саволнинг асоси (базиси) чин хукмлардан иборат бўлиши керак.

**Жавоб** – предмет ҳақидаги аввалги билимни қўйилган саволга мувофиқ ҳолда аниклаштирадиган, тўлдирадиган янги хукм (мулоҳаза) дан иборат. У саволнинг асосини (базисини) ташкил этувчи билимга таянилган ҳолда, янги билим олишга

имкон беради. Жавобнинг моҳиятини саволда мавжуд бўлган ноаниқликини камайтириш (ёки йўқотиш) ташкил этади.

Саволга жавоб қидириш давомида, одатда, билимларнинг конкрет соҳаларига мурожаат қилинади. Улар **жавобни қидириш соҳаси**, деб аталади.

Мантиклида жавобнинг бир қанча турлари: бевосита (тўғри) ва билвосита жавоблар, тўлик ва тўлиқсиз жавоблар, чин ва хато жавоблар, қисқа ва батафсил жавоблар, аниқ ва ноаниқ жавоблар ажратилади.

**Бевосита (тўғри) жавоб** – саволда кўрсатилган номаълум соҳага тааллукли мулоҳазалар тўпламидан иборат. Масалан, «Ўзбекистон Республикаси Конституцияси (Асосий қонуни) қачон қабул қилинганд?» деган саволга «Ўзбекистон Республикаси Конституцияси (Асосий қонуни) 1992 йил 8 декабрда қабул қилинганд», деб берилган жавоб бевосита жавоб ҳисобланади.

**Билвосита жавоб** – жавобни қидириш соҳасидан четта чиқиб, қўшимча маълумотларга мурожаат қилиш асосида ҳосил қилинадиган мулоҳазалар тўпламидан иборат бўлиб, бевосита (тўғри) жавоб улардан хуоса чиқариш йўли билан ҳосил қилинади. Масалан, «Мантиқ фалсафий фанми?» деган саволга «Мантиқ тафаккурнинг шакллари ва қонунларини ўрганувчи фан» деб бериладиган жавоб билвосита жавоб бўлади.

Тўлик ва тўлиқсиз жавоблар жавобда бериладиган маълумотлар микдори бўйича фарқ қилинади. **Тўлик жавоб** – ўзида саволнинг барча элементлари (қисмлари) ҳақида маълумотларни мужассамлаштирган мулоҳазалар тўпламидир, «Ўзбекистон Республикаси Мадхиясини ким ёзган?» деган саволга «Ўзбекистон Республикаси Мадхияси матнини А.Орипов ёзган, унинг мусиқасини эса, М. Бурхонов ёзган», деб берилган жавоб тўлик жавоб бўлади. **Тўлиқсиз жавоб** – саволни ташкил этувчи элементларнинг бир қисми ҳақидагина маълумотни ифода этган мулоҳазалардан иборат. Масалан, «Жамиятни демократиялашнинг моҳияти нимада?» деб қўйилган саволга «Жамиятни демократиялаш халқнинг давлатни бошқаришда иштирок этишини тақозо этади», деб берилган жавоб тўлиқсиз бўлади, чунки унда жамиятни демократиялаштиришнинг бошқа мезонлари ҳақида маълумотлар йўк.

Мантикий қиймати бўйича, яъни борликқа муносабатига кўра чин ва хато жавоблар фарқ қилиниши мумкин. Агар жавобда ифодаланган фикр-мулоҳазалар борликқа мувофиқ келса, уни адекват ҳолда акс эттирса, у чин **жавоб** ва аксин-

ча, борликқа мувофиқ келмаса, адекват тарзда акс эттирма-са, у **хато жавоб** бўлади. Масалан, «Тиб қонунлари» асарининг муаллифи ким?» деб берилган саволга «Тиб қонунлари» асарининг муаллифи Ибн Синодир», деб берилган жавоб – чин, «Тиб қонунлари» асарининг муаллифи Ар-Розийдир», деб берилган жавоб эса хато ҳисобланади.

Грамматик шаклига кўра, жавоблар қисқа ёки батафсил бўлади. **Қисқа жавоб** «ҳа» ёки «йўқ» тарзида бериладиган тасдиқ ёки инкор шаклидаги битта мураккаб сўздан иборат. **Батафсил жавоб** саволнинг ҳар бир элементи такрорланадиган мулоҳазадир. Масалан, «Муҳаммад пайғамбар тарихий шахсми?» деган саволга «Ҳа», деб берилган жавоб – қисқа жавоб, «Ҳа, Муҳаммад пайғамбар тарихий шахс», деб берилган жавоб – батафсил жавоб бўлади.

Жавобнинг аниқ ёки ноаниқ бўлиши саволнинг сифатига, унинг мантикий таркибига боғлиқ. Маълумки, савол ва жавоб мантиқан боғланган бўлади, яъни жавобнинг мазмуни қўйилган саволнинг сифатига боғлиқ. Ана шунинг учун ҳам баҳс юритиш жараёнида «саволига яраша жавоб» деган қоида амал қиласди. Ноаниқ, кўп маъноли саволларга аниқ жавоб олиш қийин.

**Аниқ жавоб** – мантиқан тўғри қўйилган саволга билдирилайдиган мулоҳазадан иборат бўлиб, унда ишлатилаётган тушунчалар, сўзларнинг мазмуни ва маъноси конкрет ва равшан бўлади. **Ноаниқ жавобни** ифода этувчи мулоҳазалар икки хил маъноли тушунчалар, сўзларни ишлатиш натижасида ҳосил бўлади. У кўпинча софизмларда учрайди. Масалан, «ўюм» софизмидан софистнинг «агар кум уюмидан бир дона кумни олиб ташланса, уюм сакланадими?» деган саволига «ҳа», деб жавоб беришади. Унинг «Яна бир кум донасини олиб ташласак-чи? Унда ҳам кум уюми сакланиб қоладими?» деган навбатдаги саволига ҳам «Ҳа», жавоби берилади. Бу ҳол, яъни тасдиқловчи жавоб бирорта ҳам кум донаси қолмагунча берилаверади. Бу ерда мантикий хато «уюм» тушунчаси мазмунининг ноаниклигидан келиб чиқади. Мазкур тушунча факат ўзининг маълум бир микдордаги кумлар тўпламини ифода қилиши, яъни ўзининг ҳажмига эга бўлиши билангина эмас, балки сифатий тавсифига: шаклига, кўламига ва шу кабиларга ҳам, яъни мазмунига ҳам эга. Софист эса ургуни унинг микдорига беряятти. Ана шунинг учун ҳам жавоб охир-оқибатда хато бўлиб чиқади.

Бериладиган жавоб тўғри бўлиши учун маълум бир методологик талабларга риоя қилиш зарур. Ўлар қуйидагилардир:

1. Жавоб аниқ, равшан ва иложи борича ихчам бўлиши шарт.
2. Жавоб мантиқан зиддиятсиз бўлиши зарур.
3. Жавоб етарли даражада асосланган бўлиши керак.
4. Жавоб саволдаги ноаникликин камайтириши, иложи борича тўла бўлиши зарур.

## НОРМА ВА ҲУКМ

Норма (меъёрий қоида) амалга оширилиши зарур бўлган ёки истисно қилинадиган хатти-ҳаракатларни билдиради. Уларнинг талабларига риоя қилиш кундалик турмушимизда ҳамда билиш жараёнида кўзланган мақсадга эришишимизга имкон беради. Масалан, «Таъриф тенг ҳажмли бўлиши керак», деган қоидага риоя қилиш тушунчага бериладиган таърифнинг мантиқан тўғри бўлишини таъминлайдиган шартлардан бири ҳисобланади. Агар бу қоида талаби бузилса, тушунчага бериладиган таъриф ҳаддан ташқари кенг (масалан, «Фан – билимлар тизими») ёки ҳаддан ташқари тор (масалан, «Фан – фояларда ифода этилган билимлар тизими») бўлиб қолади.

Гапда ифодаланган нормалар ҳукмни (мулоҳазани) ифода қилиши ҳам, қилмаслиги ҳам мумкин. Масалан, «Урушни тарғиб қилиш катъян ман қилинади», деган гап – норматив фикр, ҳукмни (мулоҳазани) ифода этмайди. «Сайдов Ўзбекистон Республикаси фуқароси сифатида меҳнат қилиш ҳуқуқига эга», деган фикр эса норма (меъёрий қоида) ҳақидаги ҳукм (мулоҳаза) ҳисобланади; бунда норма «Ўзбекистон Республикаси фуқаролари меҳнат қилиш ҳуқуқига эга», деган фикрдан иборат; шунинг учун ҳам у мантиқий қийматга эга, яъни чин фикрни ифода этади. Демак, норма ҳақидаги ҳукмлар (норматив ҳукмлар) бошқа ҳукмлар сингари мантиқий қийматга эга, яъни чин ёки хато фикрни ифода этадилар.

Нормалар илмий билишда қоидаларни, методларни, ҳукукий соҳада – ҳукукий норматив хужжатларни (масалан, қонунларни, кодексларни, буйруқларни ва шу кабиларни), ахлоқ-одоб нормаларини ва бошқа соҳалардаги норматив фикрларни ифода қиласидилар. Уларнинг билишдаги ва амалиётдаги аҳамияти ана шу билан белгиланади.

## Машқлар

1. Куйидаги гапларнинг қайси бири ҳукмни ифода қилишини, қайси бири ифода қилмаслигини аникланг:

- 1.1.Халқ карвонини ҳеч қандай куч ортга қайтаролмайди (И.Каримов).
  - 1.2.Тил – миллатнинг қалби.
  - 1.3.Хоразмий – катта илмий, гениал шахс (Д.Сартон).
  - 1.4.Мен нечун севаман Ўзбекистонни?
  - 1.5.Халқимиз энди эркинлигини кўлга киритган, ўзлигини англаб етган бир замонда аллакандай кимсаларга эргашиб яна жаҳолат ва қуллик тузофига қайтадими?! (И.Каримов.)
- 2.Куйидаги хукмларнинг таркибини аникланг:
    - 2.1.Жамиятни маънавий янгилашдан кўзланган бош мақсад – юрт тинчлиги (И.Каримов).
    - 2.2.Элидан айрилган ўлгунча йиглар (Халқ мақоли).
    - 2.3.Еридан айрилган етти йил йиглар,
    - 2.4.Баъзи баликлар юз йилгача яшайди.
    - 2.5.Миллий мафкурани шакллантирадиган энг катта манба – бу ҳакконий яратилган тарихдир (И.Каримов).
    - 3.Оддий ва мураккаб хукмларни ажратинг:
      - 3.1.Оила ва мафкура тушунчалари чамбарчас боғлиқдир (И.Каримов).
      - 3.2.Миллий мафкура – бу халқнинг, миллатнинг ўтда ёнмайдиган, сувда чўкмайдиган ўлмас эътиқодидир (И.Каримов).
      - 3.3.Муайян вазифаларни бажариш зарурияти инсон фаолиятининг бир умрга яшаш қоидасидир (Беруний).
      - 3.4.Тикан экиб, хосилига узум олмайсан (Ахмад Юғнакий).
      - 4.Куйидаги хукмларнинг предикат характери бўйича қайси турларга мансублигини аникланг:
        - 4.1.Ўз тилини йўқотган ҳар қандай миллат ўзлигидан жудо бўлади (И.Каримов).
        - 4.2.ЁҒ сувдан енгил.
        - 4.3.Ўзбекистон Республикасида чет эл инвесторларининг фаолият кўрсатиши учун кулагай шароитлар мавжуд.
        - 4.4.Лайлак – Наврўз элчиси.
        - 5.Куйидаги хукмларнинг микдор ва сифатини ҳамда терминлари ҳажмини аникланг:
          - 5.1.Ҳеч бир олим формуласалар билан фикр юритмайди (А.Эйнштейн).
          - 5.2.Қайсаарлик – заиф акл ишлатидир (А.П.Чехов).
          - 5.3.Ёввойи ўтларнинг медицинада ишлатиладиган турлари кўп.
          - 5.4.Баъзи талабалар вактининг бекор кетишига йўл қўймайди.
          - 5.5.Ўзбекистон – келажаги буюк давлат.
          - 5.6.Бу хонадондан ҳеч ким норизо бўлиб кетган эмас. (А. Қодирийнинг «Ўтган кунлар» романидан.)
          - 6.Куйидаги мураккаб хукмларнинг турларини аникланг:

6.1.Маҳаллани ўзини-ўзи бошқариш мактаби, таъбир жоиз бўлса, демократия дарсхонаси, деб аташ мумкин (И.Каримов).

6.2. Кололмас жаҳон ичра мангу киши,

Фақат қолгуси яхши ному иши (Саъдий).

6.3. Гар сен ўзгаларнинг қайгусига лоқайд карасан;

Инсон деган номга нолойиқсан (Саъдий).

6.4.Олимда кўпинча нимадир: ё шира, ё ҳаракат, ё ҳазми таом, ё меъда шарбати, ёхуд идрок деб аталмиш нарса етишмайди (Жан Поль).

6.5.Фақат тажрибагина бизни ҳаёт неъматларини қадрлашга ўргатади.

6.6.Шарқ қишисининг хусусияти бир йўла ва узил-кесил белгиланган бўлади (Гегель).

7.Куидаги ҳукмларнинг модалигини аникланг:

7.1.Ўз тилини йўқотган ҳар қандай миллат ўзлигидан жудо бўлиши мукаррар (И.Каримов).

7.2.Ўзбекистон олий мактаби тизими 58 олий ўкув юртини, шу жумладан, 16 университет ва 42 институтни ўз ичига олади (Қадрлар тайёрлаш миллий дастуридан).

7.3.Айланувчи оқланиши мумкин.

7.4.Жисмлар иссиқликдан кенгаяди, совукликдан тораяди.

8.Куидаги ҳукмлар қандай муносабатларда?

8.1.Баъзи раҳбарлар яхши нотикдир. Баъзи раҳбарлар яхши нотик эмас.

8.2.Металлар оксидланади. Натрий оксидланмайди.

8.3.Врач – олий маълумотли мутахассис. Кардиолог – олий маълумотли мутахассис.

8.4.Қонун объективдир. Конун субъективдир.

9.Куидаги савол-жавобларни мантикий таҳлил килинг.

9.1.Агар мендан, нега миллий қадриятларимиз шунча замонлар оша бемалол яшаб келаяпти, деб сўрашса, бу – аввало, мукаддас динимиз ҳисобидан, деб жавоб берган бўлур эдим (И.Каримов).

9.2.Табиий савол туғилади: бундай мағкуравий таъсиrlар салбий оқибатларга олиб келмаслиги учун нима қилиш керак?

Бунинг йўли – одамларимиз, аввалимбор, ёшларимизнинг имон-эътиқодини мустаҳкамлаш, иродасини бакувват қилиш, уларни ўз мустақил фикрига эга бўлган баркамол инсонлар этиб тарбиялаш. Уларнинг тафаккурида ўзлигини унутмаслик, ота-боболарнинг мукаддас қадриятларини асраб-авайлаш ва хурмат қилиш фазилатини қарор топтириш. Уларнинг, мен ўзбек фарзандиман, деб ғуур ва ифтихор билан яшашига эришишдир (И.Каримов).

9.3.«Мантиқ фанининг асосчиси ким?» деган саволга куидагича жавоблар берилиши мумкин:

– Аристотель.

– Қадимги грек файласуфи.

– Қандайдир чет эллик файласуф.

**9.4. Савол. Ўн йилдан кейин ҳозирги ҳолатингизни саклаб қоласизми?**

**Жавоблар:**

- Да, саклаб қоламан.
- Йўқ, саклаб қололмайман.
- Билмайман.

**10. Норма (меъёрий ҳолда)ни ифода қилувчи гаплар тузинг.**

Намуна: «Жинси, тили, ёши, ирки, миљий мансублиги, эътиқоди, динга муносабати, ижтимоий келиб чиқиши, хизмат тури, ижтимоий мавқеи, тураржойи, Ўзбекистон Республикаси худудида қанча вақт яшаётганлигидан қатъи назар, ҳар кимга билим олишда teng ҳукуклар кафолатланади» (Ўзбекистон Республикасининг қонуни. Таълим тўғрисида. Т., 1997. 4-модда).

#### *Takrorlaši učun savollar*

- 1.Хукм нима ва у қандай таркибга эга?
- 2.Оддий хукмнинг қандай турларини биласиз?
- 3.А, Е, І, О хукмларида терминлар қандай ҳажмларда бўлади?
- 4.Мураккаб хукм деб нимага айтилади? Унинг қандай турлари бор?
- 5.Хукмнинг модаллиги деганда нимани тушунасиз?
- 6.Савол ва жавоб мухокама юритиш жараёнида қандай ўрин тутади?
- 7.Норма нима?

## ХУЛОСА ЧИҚАРИШ

### ХУЛОСА ЧИҚАРИШ – ТАФАККУРНИНГ МАНТИҚИЙ ШАКЛИ

Воқеликни билиш жараёнида инсон янги билимларга эга бўлади. Бу билимлар абстракт тафаккур ёрдамида, мавжуд билимларга асосланган ҳолда вужудга келади. Бундай билимларни ҳосил қилиш мантиқ илмида хulosса чиқариш, деб аталади.

**Хулоса чиқариш** деб, бир ва ундан ортиқ чин мулоҳазалардан маълум қоидалар ёрдамида янги билимларни келтириб чиқаришдан иборат бўлган тафаккур шаклига айтилади.

Хулоса чиқариш жараёни асослар, хулоса ва асослардан хулосага ўтишдан ташкил топади. Тўғри хулоса чиқариш учун, авваламбор, асослар чин мулоҳазалар бўлиши, ўзаро мантиқан боғланиши керак.

Масалан, «Аристотель – мантиқ фанининг асосчиси» ва «Платон юонон файласуфидир» деган икки чин мулоҳазадан хулоса чиқариб бўлмайди. Чунки бу мулоҳазалар ўртасида мантиқий алоқадорлик йўқ.

Хулоса асослари ва хулоса ҳам ўзаро мантиқан боғланган бўлиши шарт. Бундай алоқадорликнинг зарурлиги хулоса чиқариш қоидаларида қайд қилинган бўлади. Бу қоидалар бузилса, тўғри хулоса чиқмайди. Масалан, «Талаба А – аълочи» деган мулоҳазадан «Талаба А – одобли», деб хулоса чиқариб бўлмайди.

Хулоса чиқариш хулосанинг чинлик даражасига кўра, аникрофи, хулоса чиқариш қоидаларининг қатъийлигига кўра ҳамда хулоса асосларининг сонига ва фикрнинг ҳаракат йўналишига кўра бир қанча турларга бўлинади.

Мазкур таснифда хулоса чиқаришни фикрнинг ҳаракат йўналиши бўйича турларга ажратиш нисбатан мукаммал-рек бўлиб, у хулоса чиқаришнинг бошқа турлари ҳакида ҳам маълумот бериш имконини яратади. Хусусан, дедуктив хулоса чиқариш, зарурий хулоса чиқариш, индуктив хулоса чиқариш (тўлиқ индукцияни ҳисобга олмагандан) ва аналогия эҳтимолий хулоса чиқариш, деб олиб каралиши, бевосита хулоса чиқариш эса дедуктив хулоса чиқаришнинг бир тури сифатида ўрганилиши мумкин.

## ДЕДУКТИВ ХУЛОСА ЧИҚАРИШ

Дедуктив хулоса чиқаришнинг муҳим хусусияти унда умумий билимдан жузъий билимга ўтишнинг мантиқан зарурий хусусиятга эгалигидир. Унинг турларидан бири бевосита хулоса чиқаришdir.

Фақат биргина мулоҳазага асосланган ҳолда янги билимларнинг ҳосил қилиниши бевосита хулоса чиқариш, деб аталади. Бевосита хулоса чиқариш символик мантиқда қўйидагича ифодаланади:  $X_{SP} \supset Y_{SP}$ , бунда X ва Y оддий қатъий мулоҳазаларни (A, E, I, O), S ва P лар эса мулоҳазаларнинг субъекти ва предикатини ифодалайди.  $X_{SP}$  – хулоса асоси ёки антеседент,  $Y_{SP}$  – хулоса ёки консеквент, деб аталади. Бевосита хулоса чиқариш жараёнида мулоҳазаларнинг шаклини ўзгартириш орқали янги билим ҳосил қилинади. Бунда асос мулоҳазанинг микдор ва сифат тавсифлари муҳим аҳамиятга эга бўлади. Бевосита хулоса чиқаришнинг қўйидаги мантикий усуллари мавжуд:

**I. Айлантириш** (лот.-*obversio*) шундай мантикий усулки, унда берилган мулоҳазанинг микдорини сақлаган ҳолда, сифатини ўзгартириш билан янги мулоҳаза ҳосил қилинади. Бу усул билан хулоса чиқарилганда кўш инкор содир бўлади, яъни аввал асоснинг предикати, кейин боғловчиси инкор этилади. Буни қўйидаги кўринишда ёзиш мумкин:

$$\frac{S - P}{\underline{\quad}} \\ S - P$$

Инкор килиш жараёнида инкор юкламаларидан (-ма; -сиз; -мас) ёки инкор қилинаётган тушунчага зид бўлган тушунчалардан фойдаланилади. Оддий қатъий мулоҳазаларнинг ҳаммасидан айлантириш усули билан хулоса чиқарилади. Хулоса асоси бўлган мулоҳаза хулосада қўйидагича ифодаланади:

		Хулоса асоси		Хулоса
1	A	Ҳамма S-P	E	Ҳеч бир S-P мас эмас
2	E	Ҳеч бир S-P эмас	A	Ҳамма S эмас Р дир
3	I	Баъзи S-P	O	Баъзи S-P сиз эмас
4	O	Баъзи S-P эмас	I	Баъзи S эмас-Р дир

Айлантиришда A-E га, E-A га, I-O га, O-I га ўзгаради. Масалан:

1. А. Ҳамма илмий қонунлар объектив тавсифга эга.

Е. Ҳеч бир илмий қонун субъектив тавсифга эга эмас.

2. Е. Ҳеч бир сахий хасис эмас.

А. Ҳамма сахий бўлмаганлар хасисдир.

3. I.Баъзи тушунчалар мазмунан конкрет бўлади.

0. Баъзи тушунчалар мазмунан абстракт бўлмайди.

4. 0.Баъзи мулоҳазалар мураккаб эмас.

I.Баъзи мулоҳазалар соддадир.

Демак, айлантириш усули билан хulosса чиқарилганда «бирор ниманинг қўш инкори унинг тасдигига тенгdir», деган қоидага асосланади.

**II. Алмаштириш** (лот.–conversio) шундай мантикий хulosса чиқариш усулини, унда хulosса берилган мулоҳазадаги субъект ва предикатнинг ўрнини алмаштириш орқали келтириб чиқарилади.

Алмаштиришда берилган мулоҳазадаги терминлар ҳажми эътиборга олинниши шарт. Агар берилган мулоҳазадаги терминлар ҳажмига эътибор берилмаса, хulosса нотўғри бўлиши мумкин. Масалан:

Ҳамма инсонлар тирик мавжудотлардир.

Ҳамма тирик мавжудотлар инсонлардир.

Хulosса като, чунки берилган мулоҳазада Р – (тирик мавжудотлар) тўлиқ ҳажмда олинмаган, хulosада эса тўлиқ ҳажмда олининган. Юкоридаги асосдан «Баъзи тирик мавжудотлар инсонлардир», деб чиқарилган хulosса тўғри бўлади. Шунга кўра алмаштиришининг уч тури фарқланади: торайтирилган, кенгайтирилган ва соф алмаштириш.

		Хulosса асоси		Хulosса	Алмаштириш тури
1	A	Ҳамма S-P	A	Ҳамма P-S	Соф алмаштириш
2	E	Ҳеч бир S-P эмас	E	Ҳеч бир P-S эмас	Соф алмаштириш
3	I	Баъзи S-P	I	Баъзи P-S	Соф алмаштириш
4	A	Ҳамма S-P	I	Баъзи P-S	Торайтирилган алмаштириш
5	I	Баъзи S-P	A	Ҳамма P-S	Кенгайтирилган алмаштириш

Юкоридаги шаклни мисоллар билан кўриб чиқамиз.

1. A. Ҳамма тирик мавжудотлар сезиш хусусиятига эга.

А. Сезиш хусусиятига эга бўлганларнинг ҳаммаси тирик мавжудотдир.

2. E.Ҳеч бир сахий хасис эмас.

Е.Ҳеч бир сахий хасис эмас.

3. I.Баъзи файласуфлар табиатшуносдир.

I.Баъзи табиатшунослар файласуфлардир.

4. А. Ҳамма шифокорлар олий маълумотлидир.

А.Баъзи олий маълумотлилар шифокорлардир.

5. А.Баъзи одамлар шоирдир.

А.Ҳамма шоирлар одамдир.

Жузъий инкор мулоҳазадан (О) алмаштириш усули билан хулоса чиқариб бўлмайди, чунки бу мулоҳазанинг предикати тўлиқ ҳажмда олинган. Демак, у хулосада ҳам тўлиқ ҳажмда олиниши керак, яъни хулоса умумий инкор мулоҳаза (Е) бўлиши керак. У ҳолда хулосанинг предикати ҳам тўлиқ ҳажмда олиниши керак бўлади, бу эса мумкин эмас, чунки у асоснинг субъектида тўлиқ ҳажмда олинмаган. Масалан:

О.Баъзи файласуфлар мантиқшунос эмас.

Е. Ҳеч бир мантиқшунос файласуф эмас.

Ёки:

О.Баъзи мантиқшунослар файласуф эмас.

Хар икки ҳолатда ҳам хулоса нотўғридир.

Демак, алмаштириш усули қўлланилганда мулоҳазадаги субъект ва предикат ҳажми аниқланади ва шу асосда мулоҳазадаги терминларнинг ўрни алмаштирилиб, хулоса чиқарилади. Бу усул, айниқса, тушунчага берилган тарьиғларнинг тўғрилигини аниқлашча муҳим аҳамиятга эга.

**III. Предикатта қарама-қарши қўйиш** (лот.– *contrapositio*) бевосита хулоса чиқаришнинг мантиқий усулларидан бири бўлиб, бу усул қўлланилганда берилган мулоҳаза аввал айлантирилди, сўнгра алмаштирилди. Натижада ҳосил қилинган мулоҳазанинг (хулосанинг) субъекти асос мулоҳаза предикатига зид, предикати эса унинг субъектига мос бўлади:

$S-P$

$\overline{P-S}$

Бунда, хулосада S нинг инкор шаклида бўлиши хулоса боғловчисининг инкор этилиши натижасидир. Предикатта қарама-қарши қўйишда A-E га, E-I га, O-I га ўзгаради.

Турли мулоҳазалардан бу усул воситасида хулоса чиқариш қуидаги шаклда кўрсатилган:

		Хулоса асоси	Хулоса
1	A	Ҳамма S-P	Ҳеч бир P эмас S эмас
2	E	Ҳеч бир S-P эмас	Баъзи P эмас S дир
3	O	Баъзи S-P эмас	Баъзи P эмас S дир

Масалан:

1.А.Ҳамма ҳукмлар дарак гап орқали ифодаланади.

Е.Дарак гап орқали ифодаланмаган фикр ҳукм эмас.

2.Е.Ҳеч бир ватанпарвар ўз Ватанига хиёнат қўлмайди.

И.Баъзи Ватанига хиёнат қўлмайдиганлар ватанпарвардир.

### 3. О Баъзи талабалар файласуф эмас.

I. Баъзи файласуф бўлмаганлар талабадир.

Жузъий инкор мулоҳазадан предикатга қарама-қарши қўйиш усули билан хulosса чиқарилганда, бу мулоҳазадан алмаштириш усули билан хulosса чиқариб бўлмаслигини эътиборга олиш зарур. Шунинг учун О мулоҳазадан:

«Баъзи S-P эмас» шаклида эмас, балки «Баъзи S эмас P дир».

«Баъзи P-S эмас», «Баъзи P эмас S дир» шаклида хulosса чиқарилади.

Жузъий тасдиқ (I) мулоҳазадан предикатга қарама-қарши қўйиш усули билан хulosса чиқариб бўлмайди. Чунки, «Баъзи S-P мулоҳазани айлантирсак «Баъзи S-P мас эмас», яъни жузъий инкор ҳукм келиб чиқади. Ундан алмаштириш орқали хulosса чиқариб бўлмайди.

### **IV. Мантикий квадрат орқали хulosса чиқариш.**

Бунда оддий қатъий мулоҳазаларнинг ўзаро муносабатларини (қаранг: мантикий квадрат) эътиборга олган ҳолда, мулоҳазалардан бирининг чин ёки хатолиги ҳакида хulosса чиқарилади. Бу холосалар мулоҳазалар ўртасидаги зидлик, қарама-қаршилик, қисман мослик ва бўйсуниш муносабатларига асосланади.

**Зидлик (контрадикторлик) муносабатларига асосланган ҳолда хulosса чиқариш.** Маълумки, зидлик муносабати A-O ва E-I мулоҳазалари ўртасида мавжуд бўлиб, учинчиси истисно қонунига бўйсунади. Бу муносабатга кўра мулоҳазалардан бири чин бўлса, бошқаси хато бўлади ва аксинча, бири хато бўлса, бошқаси чин бўлади. Холосалар қўйидаги тузилма бўйича тузилади:

$$A \rightarrow \bar{O}; E \rightarrow \bar{I}; O \rightarrow \bar{A}; I \rightarrow \bar{E}$$

Масалан:

#### A.Ҳамма инсонлар яшаш ҳуқуқига эга.

О. Баъзи инсонлар яшаш ҳуқуқига эга эмас.

#### I. Баъзи файласуфлар давлат арбоби.

Е. Ҳеч бир файласуф давлат арбоби эмас.

Бу мисодда асос мулоҳазанинг чинлигидан хulosанинг хато эканлиги (учинчиси истисно қонуни асосида) келиб чиқади.

**Қарама-қаршилик (контрапрлик) муносабатларига асосланган ҳолда хulosса чиқариш.** Қарама-қаршилик муносабати A ва E мулоҳазалар ўртасида мавжуд бўлиб, зиддият қонунига бўйсунади. Бу муносабатдаги мулоҳазалардан бирининг чинлигидан бошқасининг хато эканлиги тўғрисида хulosса чиқарилади. Лекин бирининг хатолиги бошқасининг чинлигини асослаб бермайди, чунки ҳар икки мулоҳаза ҳам хато

бўлиши мумкин. Масалан, «Ҳамма инсонлар яхши яшашни хоҳлайдилар» деган умумий тасдиқ (A) мулоҳазанинг чинлигидан «Ҳеч бир инсон яхши яшашни хоҳламайди» деган умумий инкор (E) мулоҳазанинг хатолиги келиб чиқади.

A.Ҳамма тушунчалар конкрет бўлади.

Е.Ҳеч бир тушунча конкрет эмас.

Бу мисолда асос мулоҳаза ва хулоса ҳато. Демак, қарама-қаршилик муносабатидан  $A \rightarrow \bar{E}$ ,  $E \rightarrow \bar{A}$  кўринишида хулоса чиқариш мумкин.

**Қисман мослик (субконтрарлик) муносабатига асосланган ҳолда хулоса чиқариш.** Бу муносабат жузъий тасдиқ (I) ва жузъий инкор (O) мулоҳазалар ўртасида мавжуд бўлади. Бу мулоҳазаларнинг ҳар иккиси бир вактда чин бўлиши мумкин, лекин бир вактда ҳато бўлмайди. Улардан бирининг хатолиги аниқ бўлса, иккинчиси чин бўлади. Қисман мослик муносабати асосида хулоса чиқариш  $I \rightarrow O$ ;  $O \rightarrow I$ ;  $I - O$ ;  $O - I$  кўринишида бўлади.

Масалан:

O.Баъзи илмий қонунлар объектив хусусиятга эга эмас.

I.Баъзи илмий қонунлар объектив хусусиятга эга.

Бунда асос мулоҳаза ҳато бўлғанлиги учун хулоса чин бўлади.

I.Баъзи файласуфлар давлат арбоби.

О.Баъзи файласуфлар давлат арбоби эмас.

Бу мисолда асос мулоҳаза ҳам, хулоса ҳам чин фикрдир. Баъзан асос мулоҳаза чин бўлғандага хулосанинг чинлигини ҳам, хатолигини ҳам аниқлаб бўлмайди.

**Бўйсуниш муносабатига асосланган ҳолда хулоса чиқариш.** Бу муносабат сифатлари бир хил бўлған умумий ва жузъий мулоҳазалар ( $A$  ва  $I$ ;  $E$  ва  $O$ ) ўртасида мавжуд бўлади. Умумий – бўйсунувчи мулоҳазалар чин бўлса, жузъий – бўйсунувчи мулоҳазалар ҳам чин бўлади. Лекин бўйсунувчи – жузъий мулоҳазаларнинг чинлигидан бўйсунувчи – умумий мулоҳазаларнинг чинлиги ҳакида хулоса чиқариб бўлмайди. Чунки бундай ҳолда умумий мулоҳазалар чин ёки ҳато бўлиши мумкин. Шунга кўра, бўйсуниш муносабатига асосланган хулоса чиқариш қўйидаги кўринишида бўлади:

$A \rightarrow I$ ;  $E \rightarrow O$ .

Масалан:

A.Ҳамма мустакил давлатлар БМТга аъзо.

I. Баъзи мустакил давлатлар БМТга аъзо.

А – мулоҳаза чин бўлгани учун I – мулоҳаза ҳам чин.  
О.Баъзи ўзбек аёллари олий маълумотга эга эмас.

Е.Хеч бир ўзбек аёли олий маълумотга эга эмас.

Бу мисолда О – мулоҳаза чин бўлса ҳам Е – мулоҳаза хато.

Юқоридаги муносабатларни умумлаштирган ҳолда, асос мулоҳаза ва хulosанинг чинлик даражасига кўра, қуйидаги ҳолатларни кўрсатиш мумкин.

1. Асос мулоҳаза ва хulosса чин бўлган:

A - I, E - I.

2. Асос мулоҳаза чин ва хulosса хато бўлган:

A →  $\bar{O}$ ; E →  $\bar{I}$ ; O →  $\bar{A}$ ; I →  $\bar{E}$ ; A →  $\bar{E}$ ; E →  $\bar{A}$ .

3. Асос мулоҳаза хато ва хulosса чин бўлган.

$\bar{I} \rightarrow O$ ;  $\bar{O} \rightarrow I$ .

Мантикий квадрат орқали хulosса чиқарилиганда қарама-каршилик муносабатидаги мулоҳазалардан бири хато бўлганда, қисман мослик муносабатидаги мулоҳазалардан бири чин бўлганда ва бўйсунниш муносабатида жузъий мулоҳазалар чин бўлганда улардан чиқарилиган хulosса ноаник бўлади.

Бевосита хulosса чиқариш усуллари билишда мавжуд фикрни аниқлаб олишга, унинг моҳиятини тўғри тушунишга, шунингдек, бир фикрни турли хил кўринишида баён қилишга, янги билимлар ҳосил қилишга имконият беради.

## ОДДИЙ ҚАТЪИЙ СИЛЛОГИЗМ

Маълумки, дедуктив хulosса чиқариш аслида силлогизм шаклида бўлади. Силлогизм кўшиб ҳисоблаш, деган маънони англатади. Бу терминдан мантиқда, одатда, дедуктив хulosса чиқаришнинг кўпроқ ишлатиладиган тури ҳисобланган оддий қатъий силлогизмни ифода қилиш учун фойдаланилади. Силлогизм хulosса чиқаришнинг шундай шаклини, унда ўзаро мантикий боғланган икки катъий мулоҳазадан учинчи – янги қатъий мулоҳаза зарурий тарзда келиб чиқади. Бунда дастлабки мулоҳазалардан бири, албатта, ё умумий тасдик, ёки умумий инкор мулоҳаза бўлади. Ҳосил қилинган янги мулоҳаза дастлабки мулоҳазалардан умумийроқ бўлмайди. Шунга кўра силлогизмни умумийликка асосланган хulosса чиқариш, деб атаса бўлади. Масалан, қуйидаги мулоҳазалар берилган бўлсин:

Хеч бир хасис саҳий эмас.

Баъзи бойлар хасисдир.


Бу мuloҳазалардан зарурий равища – «Баъзи бойлар саҳий эмас», деган учинчи мuloҳаза келиб чиқади. Силлогизмнинг таркиби оддий қатъий мuloҳазалардан ташкил топгани учун у оддий қатъий силлогизм дейилади.

**Силлогизмнинг таркиби** хulosса асослари (*praemissae*) ва хulosса (*conclusio*)дан ташкил топган. Хulosса асослари ва хulosадаги тушунчалар **терминлар** деб аталади. Хulosанинг мантиқий эгаси – S – кичик термин (*terminus minor*), мантиқий кесими – P – катта термин (*terminus major*), деб аталади. Хulosса асослари учун умумий бўлган, лекин хulosада учрамайдиган тушунча – M – (*terminus medius*) ўрта термин деб аталади. Асосларда катта терминни ўз ичига олган мuloҳаза катта асос, кичик терминни ўз ичига олган мuloҳаза кичик деб аталади.

S – кичик термин;

M – ўрта термин;

P – катта термин.




Ўрта термин катта ва кичик терминни боғловчи мантиқий элемент ҳисобланади.

### СИЛЛОГИЗМ АКСИОМАСИ

Аксиомалар исботсиз чин деб қабул қилинган назарий мuloҳазалар бўлиб, улар воситасида бошқа фикр ва мuloҳазалар асослаб берилади. Силлогизмнинг аксиомаси хulosалашнинг мантиқий асосланганигини ифодалайди. Силлогизм аксиомасини терминларнинг ҳажмига ёки мазмунига кўра, яъни атрибутив таърифлаш мумкин.

Силлогизм хulosасининг асослардан зарурий келтириб чиқарилиши қуйидаги қоидага асосланади: «Агар бир буюм иккинчи буюмда жойлашган бўлса, иккинчи буюм эса учинчи бир буюмнинг ичida бўлса, унда биринчи буюм ҳам учинчи буюмнинг ичida жойлашган бўлади» ёки «Бир буюм иккинчи буюмда жойлашган бўлса, иккинчи буюм эса учинчи бир буюмдан ташқарида бўлса, унда биринчи буюм ҳам учинчи буюмдан ташқарида жойлашган бўлади». Бу қоидани қуйидаги шакллар ёрдамида яққол ифодалаш мумкин.



Бу қоида силлогизм аксиомасининг моҳиятини терминларнинг ҳажми муносабатлари асосида тушунтириб беради. Силлогизм аксиоманинг моҳияти қуйидагича: **буюм** ва **ходисаларнинг синфи тўғрисида тасдиқлаб ёки инкор этиб баён қилинган фикр шу синф ичига кирувчи барча буюм ва ҳодисаларнинг ҳар бири ёки айрим қисмiga ҳам таалукли фикр ҳисобланади.**

Масалан:

Тафаккур шакллари объектив хусусиятга эга.

Тушунча тафаккур шаклидир.

Тушунча объектив хусусиятга эга.

Силлогизм аксиомасини атрибутив ифодалаганда предмет билан унинг белгиси ўртасидаги муносабатга асосланади: бирор буюм, ҳодиса белгисининг белгиси, шу буюм, ҳодисанинг белгисидир; буюм, ҳодиса белгисига зид бўлган нарсалар буюм, ҳодисанинг ўзига ҳам зиддир.

Силлогизм аксиомаларида фикр шакли ва мазмуни ўзаро узлуксиз, объектив боғланган бир бутуннинг айрим томонларини ифодалайди. Бу бир томондан, ҳамма умумийликка жузъийлик ва яккалик хос эканлигини ва ҳар бир яккалик жузъийлик, умумийлик хислатига эга бўлишини ифодаласа, иккинчи томондан, буюм ва белгининг ўзаро узвий боғланганинги, яъни буюмлар жинси айрим ўзига хос белгига эга бўлса, албатта, бу белги шу жинсдаги ҳамма буюмлар учун ҳам хос белги бўлишини ифодалайди. Булар эса ўз навбатида яккалик ва умумийлик ўртасидаги, микдор ва сифат ўртасидаги диалектик алокадорликнинг тафаккур жараёнида ўзига хос намоён бўлишидир.

## СИЛЛОГИЗМНИНГ УМУМИЙ ҚОИДАЛАРИ

Хулоса асосларининг чин бўлиши хулосанинг чин бўлиши учун етарли эмас. Хулоса чин бўлиши учун яна маълум қоидаларга амал қилиш ҳам зарур. Бу силлогизмнинг умумий

қоидалари деб аталади. Улар силлогизмнинг терминлари ва асосларига таалуқли бўлган қоидалар бўлиб, куйидагилардан иборат:

1. Силлогизмда учта термин: катта, кичик ва ўрта терминлар бўлиши керак. Маълумки, силлогизмнинг хulosаси катта ва кичик терминларнинг ўрта терминга бўлган муносабатига асосланади; шу сабабдан ҳам терминлар сони учтадан кам ёки ортиқ бўлмаслиги талаб қилинади. Агар терминлар сони учтадан кам бўлса, хulosаси янги билим бермайди.

Масалан: Ҳамма нотиклар сўз санъатини чукур эгаллагандир.

Сўз санъатини чукур эгаллаганлар орасида нотиклар ҳам бор.

Бу икки мулоҳазадан хulosса чиқариб бўлмайди, чунки терминлар сони иккита. Терминлар сонининг учтадан ортиқ кетиши айният қонуни талабларининг бузилиши билан боғлик бўлиб, терминларнинг тўртланиши (*quaternio terminorum*), деб аталувчи хатога олиб келади:

Давлат – иқтисодий муносабатларнинг сиёсий инфодасидир.

Ҳар бир инсон учун сиҳат-саломатлик энг катта давлатдир.

Бу мулоҳазаларда «давлат» тушунчасининг икки хил маънода қўлланилиши четки терминларнинг ўзаро мантикий боғланишига имкон бермайди. Терминларнинг учтадан ортиқ бўлиши асослар ўртасидаги мантикий алоқадорликнинг узилишига ҳам сабаб бўлади:

Ҳамма нотиклар – шуҳратпараст.

Цицерон давлат арбоби бўлган.

Бу икки мулоҳазадан хulosса чиқариб бўлмайди, чунки бу мулоҳазалар ўзаро мантикий боғланмаган.

2. Ўрта термин ҳеч бўлмаганда асослардан бирида тўла ҳажмда олиниши керак.

Агар ўрта термин ҳеч бир асосда тўлиқ ҳажмда олинмаса, четки терминларнинг боғланиши ноаниқ бўлади ва хulosанинг чин ёки хатолигини аниқлаб бўлмайди.

Баъзи файласуфлар нотикдир.

Кафедрамизнинг ҳамма аъзолари файласуфdir.

Бу силлогизмда ўрта термин катта асосда жузъий ҳукмнинг субъекти, кичик асосда умумий тасдик ҳукмнинг предикати бўлганлиги учун тўлиқ ҳажмда олинмаган. Шунинг учун четки терминлар ўртасидаги боғлиқлик аниқланмаган. Бу асослардан чиқарилган хulosса ноаниқ бўлади:

Кафедрамизнинг ҳамма аъзолари нотикдир.

3. Катта ва кичик терминлар асосларда қандай ҳажмда олинган бўлса, хulosада ҳам шундай ҳажмда бўлиши керак.

Бу қоиданинг бузилиши кичик ёки катта термин ҳажмининг ноўрин кенгайиб кетишига олиб келади. Масалан:

Ҳамма талабалар имтиҳон топширадилар.

Ҳеч бирabitуриент талаба эмас.

Ҳеч бирabituриент имтиҳон топширмайди.

Бу мисолда кичик термин ҳажмининг ноўрин кенгайиб кетиши хulosанинг хато бўлишига сабаб бўлди.

4. Икки инкор ҳукмдан (асосдан) хulosса чиқариб бўлмайди. Масалан:

Ишсизлар тадбиркор эмас.

Талабалар ишсиз эмас.

5. Икки жузъий ҳукмдан хulosса чиқариб бўлмайди. Масалан:

Баъзи аёллар тадбиркордир.

Баъзи давлат арбоблари аёллардир.

6. Асослардан бири инкор ҳукм бўлса, хulosса ҳам инкор ҳукм бўлади. Масалан:

Ҳеч бир жиноят жазосиз қолмайди.

Ватанга хиёнат қилиши жиноятдир.

Ватанга хиёнат қилиш жазосиз қолмайди.

7. Асослардан бири жузъий ҳукм бўлса, хulosса ҳам жузъий ҳукм бўлади. Масалан:

Яхши фарзанд ота-онасини ҳурмат қиласди.


Баъзи ёшлар яхши фарзанддир.

Баъзи ёшлар ота-онасини ҳурмат қиласди.


## СИЛЛОГИЗМНИНГ ФИГУРАЛАРИ ВА МОДУСЛАРИ

Оддий қатъий силлогизмнинг структурасида ўрга терминнинг жойлашишига қараб силлогизмнинг тўртта фигураси фарқ қилинади.


I фигура




II фигура



III фигура



IV фигура



I фигурада ўрга термин катта асоснинг субъекти, кичик асоснинг предикати бўлиб келади.

II фигурада ўрта термин катта ва кичик асосларнинг предикати бўлиб келади.

III фигурада ўрта термин ҳар икки асоснинг субъекти бўлиб келади.

IV фигурада ўрта термин катта асоснинг предикати, кичик асоснинг субъекти бўлиб келади.

Силлогизм асослари оддий қатъий ҳукмлар (A, E, I, O)дан иборат. Бу ҳукмларнинг икки асос ва хulosада ўзига хос тартибда (тўпламда) келиши модус деб аталади. «Модус» – шакл деган маъниони англатади. Силлогизм фігурапарининг ўзига хос модулари мавжуд. Ҳар бир фігурапарининг тўғри модуларини аниклашда, тўғри хulosаси чиқаришда силлогизмнинг умумий қоидалари билан бирга ҳар бир фігурапарининг маҳсус қоидаларига ҳам амал қилинади. Фігурапарининг маҳсус қоидалари силлогизм терминларининг ўзига хос боғланиши асосида аникланади.

**Оддий қатъий силлогизмнинг биринчи фигураси** кўйидаги маҳсус қоидаларга эга:

1. Катта асос умумий ҳукм бўлиши керак.

2. Кичик асос тасдиқ ҳукм бўлиши керак.

I фигурапарининг тўргта тўғри модуси мавжуд:

AAA, EAE, AII, EIO.

Модуларнинг биринчи ҳарфи катта асоснинг, иккинчи ҳарфи кичик асоснинг, учинчи ҳарфи хulosанинг сифат ва микдорини кўрсатади. Фігурапарининг модуларини бир-биридан фарқлаш мақсадида уларнинг ҳар бири алоҳида ном билан аталади.

AAA – Barbara модуси.

A. Ҳамма илмий қонунлар обьектив хусусиятга эга.

A. Тафаккур қонунлари – илмий қонунлардир.

A. Тафаккур қонунлари обьектив хусусиятга эга.

EAE – Celarent модуси.

E. Хеч бир диндор атеист эмас.

A. Имомлар диндордир.

E. Хеч бир имом атеист эмас.

AII – Darii модуси.

A. Барча жиноятчилар жазога лойикдирлар.

I. Баъзи кишилар – жиноятчидир.

I. Баъзи кишилар жазога лойикдирлар.

EIO – Ferio модуси.

E. Ахлоқли инсонларнинг ҳеч бири виждонсиз эмас.

I. Баъзи ёшлар ахлоқли инсондир.

O. Баъзи ёшлар виждонсиз эмас.

Силлогизмнинг биринчи фигураси оддий қатъий ҳукмларнинг барча турлари бўйича хulosалар беради.

**Оддий қатъий силлогизмнинг II фигураси қўйидаги махсус қоидаларга эга:**

1.Катта асос умумий ҳукм бўлиши керак.

2.Асосларнинг бири инкор ҳукм бўлиши керак.

II фигуранинг тўртга тўғри модуси мавжуд:

AEE, EAE, AOO, EIO.

**AEE – Camestres** модуси.

А.Хамма ҳукмлар дарак гап орқали ифодаланади.

Е.Савол дарак гап орқали ифодаланмайди.

Е.Ҳеч бир савол ҳукм эмас.

**EAE – Cesare** модуси.

Е.Ҳеч бир атеист диндор эмас.

А. Имомлар диндордир.

Е.Ҳеч бир имом атеист эмас.

**AOO – Vagoko** модуси.

А.Хамма кушлар учади.

О.Баъзи мавжудотлар учмайди.

О.Баъзи мавжудотлар кушлар эмас.

**EIO – Festino** модуси.

Е.Қонунларга амал қилмагашларнинг ҳеч бири эркин эмас.

I.Баъзи фуқаролар эркиндирлар.

О.Баъзи фуқаролар қонунга амал қилувчи эмаслар.

Юқоридаги мисоллардан кўриниб турибдикি, силлогизм II фигурасининг хulosалари фақат инкор ҳукмдан иборатдир.

**Оддий қатъий силлогизмнинг III фигурасининг** битта махсус қоидаси бор: қичик асос тасдиқ ҳукм бўлиши керак.

III фигуранинг тўғри модулари олтита:

AAI, AII, IAI, EAO, EIO, OAO.

**AAI – Darapti** модуси.

А.Хамма мантиқшунослар файласуфдир.

А.Хамма мантиқшунослар – илмли кишилардир.

I.Баъзи илмли кишилар файласуфдир.

**AII – Datisi** модуси.

А. Ҳамма оддий қатъий ҳукмлар хulosса асослари бўлади.

I.Баъзи оддий қатъий ҳукмлар чин фикрдир.

I.Баъзи чин фикрлар хulosса асослари бўлади.

**IAI – Disamis** модуси.

I.Баъзи файласуфлар мантиқшунос бўлган.

А. Ҳамма файласуфлар илмли кишилардир.

I.Баъзи илмли кишилар мантиқшунос бўлган.

**EAO – Felapton** модуси.

Е.Ҳеч бир партия дастурсиз иш юритмайди.

A.Хамма партиялар сиёсий ташкилотдир.

О.Баъзи сиёсий ташкилотлар дастурсиз иш юритмайди.

EIO – Ferison модуси.

E.Хеч бир диндор эътиқодсиз эмас.

I.Баъзи диндорлар – ёшлардир.

O.Баъзи ёшлар эътиқодсиз эмас.

OAO – Bokardo модуси.

O.Баъзи одамлар рост гапирмайдилар.

A.Хамма одамлар яхши яшашни хоҳлайди.

O.Баъзи яхши яшашни хоҳловчилар рост гапирмайдилар.

III фигура модуларининг хулосалари фақат жузъий хукмдан иборат бўлади.

**Оддий қатъий силлогизмнинг IV фигураси** куйидаги махсус қоидаларга эга:

1.Асосларнинг бири инкор ҳукм бўлса, катта асос умумий ҳукм бўлади.

2.Катта асос тасдиқ ҳукм бўлса, кичик асос умумий ҳукм бўлади.

IV фигуранинг бешта тўғри модуси мавжуд:

AAI, AEE, IAI, EAO, EIO.

AAI – Bramalip модуси.

A.Ҳалол одамларнинг ҳаммаси виждонлидир.

A.Хамма виждонлилар адолатли кишилардир.

I.Баъзи адолатли кишилар ҳалол одамлардир.

AEE – Camenes модуси.

A.Қўли очиқ одамлар сахий бўлади.

E.Хеч бир сахий хасис эмас.

E.Хеч бир хасис қўли очиқ одам эмас.

IAI – Dimaris модуси.

I.Баъзи ёшлар спорт билан шуғулланадилар.

A.Спорт билан шуғулланганларнинг ҳаммаси соғлом кишилардир.

I.Баъзи соғлом кишилар ёшлардир.

ЕAO – Fesapo модуси.

E.Хеч бир софист рост гапирмайди.

A.Хамма рост гапирмайдиганлар ёлғончиидир.

O.Баъзи ёлғончилар софист эмас.

EIO – Fresison модуси.

E.Хеч бир ақлли одам илмсиз эмас.

I.Баъзи илмсизлар ёшлардир.

O.Баъзи ёшлар ақлли одам эмас.

Силлогизмнинг IV фигураси умумий тасдиқ ҳукм кўри нишидаги хулосани бермайди.

## **Номукаммал силлогизмларни мукаммал силлогизм кўринишига келтириш**

Аристотелдан бошлаб барча мантиқшунослар силлогизмнинг I фигураси ва унинг модусларига катта эътибор берганлар. Улар I фигуранни мукаммал, деб билганлар, унинг хulosаларини аниқ ва яққол, деб ҳисоблаганлар. Силлогизмнинг бошқа фигуralарини номукаммал деб, уларнинг хulosаларини чин эканлигини аниқлаш учун I фигурага келтириш зарур, деб ҳисоблаганлар. Бу мантикий амал бажарилганда модусларнинг номига эътибор берилади:

1. Модуснинг номида «s» ҳарфи бўлса, ундан аввал келувчи унли ҳарф орқали ифодаланадиган ҳукм тўлик алмаштирилиши шарт (*conversio simplex*).

2. Модуснинг номида «р» ҳарфи бўлса, ундан аввал келувчи унли ҳарф орқали ифодаланадиган ҳукм қисман алмаштирилади (*per accidens*).

3. Модуснинг номида «м» ҳарфи бўлса, унда силлогизм асосларининг ўрнини алмаштириш (*metathesis* ёки *mutatio pramissarum*) зарур.

4. Модусларнинг бош ҳарфлари (B, C, D, F) уларни I фигуранинг қайси модусига келтирилишини ифодалайди. II ва IV фигуруларнинг Cesare, Camestres ва Camenes модуслари I фигуранинг Celarent модусига келтирилади. II фигуранинг Darapti, Disamis модусларини I фигуранинг Darii модусига, Fresission ни I фигуранинг Ferio модусига келтирилади.

5. Модуснинг номидаги «к» ҳарфи шу модуснинг I фигура модусларидан бироргаси орқали алоҳида усул воситасида исботланишини бишдиради. Бу усул *Reductio ad absurdum* деб аталади.

Энди бу қоидаларга асосланган ҳолда бир неча мисолларни кўриб чиқамиз:

II фигуранинг Cesare модуси I фигуранинг Celarent модусига келтирилади (4-коида). 1-коидага кўра II фигуранинг катта асосни тўлик алмаштирилади.

II фигура Cesare.

Е.Ҳеч бир P-M эмас.

А.Хамма S-M

Е.Ҳеч бир S-P эмас.

I фигура Celarent.

Е.Ҳеч бир M-P эмас.

А.Хамма S-M.

Е.Ҳеч бир S-P эмас.

Шаклларни таққослаш катта асосни тўлик алмаштириш орқали II фигуранинг I фигурага келтирилганлигини кўрсатади.

Масалан:

Ҳеч бир ҳайвон онгли мавжудот эмас.

Инсон онгли мавжудот.

Ҳеч бир инсон ҳайвон эмас.

Хеч бир онгли мавжудот ҳайвон эмас.  
Инсон онгли мавжудот.

Хеч бир инсон ҳайвон эмас.

Яна бир мисол. III фигуранинг Darapti модусини I фигуранинг Darii модусига келтирамиз. Darapti даги кичик асос қисман алмаштирилади (2-коида).

III фигура Darapti. I фигура Darii.

A.Ҳамма M-P.

A.Ҳамма M-P.

A.Ҳамма M-S.

I.Баъзи S-M.

I.Баъзи S-P.

I.Баъзи S-P

Масалан:

A.Ҳамма мантиқшунослар файласуфдир.

A.Ҳамма мантиқшунослар файласуфдир.

A.Ҳамма мантиқшунослар илмли кишилардир

I. Баъзи илмли кишилар мантиқшунодир

I. Баъзи илмли кишилар файласуфдир.

I. Баъзи илмли кишилар файласуфдир.

IV фигуранинг Bramanlip модуси I фигуранинг Barbara модусига асосларнинг ўрнини алмаштириш орқали келтирилади (3-коида).

IV фигура Bramanlip. I фигура Barbara.

A.Ҳамма P-M.

A.Ҳамма M-S.

A.Ҳамма M-S.

A.Ҳамма P-M.

I.Баъзи S-P

A.Ҳамма S-H

Масалан:

A.Ҳалол одамларнинг ҳаммаси виждонлидир.

A.Ҳамма виждонлилар адолатли кишилардир.

I.Баъзи адолатли кишилар ҳалол одамлардир.

A.Ҳамма виждонлилар адолатли кишилардир.

A.Ҳалол одамларнинг ҳаммаси виждонлидир.

A.Ҳалол одамларнинг ҳаммаси адолатли кишилардир.

IV фигурадаги жузъий хулосанинг I фигурадаги умумий хулоса кўринишини олиши 2-коида билан изоҳланади.

Энди II фигуранинг Camestres модусини I фигуранинг Celarent модусига келтирамиз. Бунинг учун учинчи ва биринчи коидалардан фойдаланамиз, яни II фигура асосларнинг ўрнини ўзгартириб, кичик асосни тўлиқ алмаштирамиз.

II фигура Camestres.

I фигура Celarent.

A.Ҳамма P-M.

E.Ҳеч бир M-S эмас.

E.Ҳеч бир S-M эмас.

A.Ҳамма P-M.

E.Ҳеч бир S-P эмас.

E.Ҳеч бир P-S эмас ёки ҳеч

бир S-P эмас.

### Масалан:

- А. Ҳамма инсонлар тирик мавжудотдири.  
Е. Ҳеч бир тош тирик мавжудот эмас  
Е. Ҳеч бир тош инсон эмас.

- Е. Ҳеч бир тирик мавжудот тош эмас.  
А. Ҳамма инсонлар тирик мавжудотдири.  
Ҳеч бир инсон тош эмас.

Reductio ad absurdum усули 5-қоида билан боғлиқ, яъни модуснинг номида «k» ҳарфи бўлган ҳолатларда қўлланилади. Бундай модусларга II фигуранинг Baroko ва III фигуранинг Bokardo модуслари мисол бўлади. Бу модуслар I фигуранинг Barbara модусига келтирилади. Бунда reductio ad absurdum, яъни «бемаъниликка олиб келиш» усулидан фойдаланилади. Бу усулнинг моҳияти кўйидагича: биз икки асосдан маълум бир хulosага келамиз. Кимdir хulosанинг тўри эканлигини инкор қиласди. Биз бу инкорнинг bemayaни эканлигини исботлашимиз керак. Бунинг учун биз хulosса асосларини тан олган ҳолда, хulosani инкор қилиш мумкин эмаслигини асослаб берамиз. Масалан:

II фигура Baroko.

А. Ҳамма P-M.

О. Баъзи S-M эмас.

О. Демак, баъзи S-P эмас.

Хulosса, яъни «баъзи S-P эмас» эканлиги инкор қилинади. Унда шу хulosага зид бўлган ҳукм чин деб қабул қилиниши керак: «Ҳамма S-P» – чин ҳукм. Хulosага зид бўлган ҳукм кичик асос қилиб олинади<sup>1</sup>. Натижада ўрга термини «P» билан ифодалangan Barbara модусли силлогизм ҳосил қилинади:

А. Ҳамма P-M.

А. Ҳамма S-P.

А. Ҳамма S-M.

Шундай қилиб, дастлабки хulosani инкор қилган ҳолда «Ҳамма S-M», деган хulosагa келинади. Лекин бу хulosса дастлабки силлогизмнинг кичик асосига зид бўлади. Натижада дастлабки силлогизмнинг асосларини тан олиб, хulosasini инкор қилгандар зиддиятга дуч келадилар. Шундай қилиб, биз уларнинг эътиrozлари «бемаъниликка олиб келганигини», яъни ad absurdum эканлигини асосладик.

III фигуранинг Bokardo модуси ҳам худди шу усул орқали I фигурага келтирилади.

Bokardo:

О. Баъзи M-P эмас.

А. Ҳамма M-S.

О. Баъзи S-P эмас.

<sup>1</sup> к ҳарфнинг мавжудлиги шу ҳарфдан аввал келувчи унили ҳарф орқали ифодалangan асос хulosага зид бўлган ҳукм билан алмаштирилишини кўрсатади.

«Баъзи S-P эмас», деган худосанинг чинлигини инкор қилган ҳолда унга зид бўлган «Ҳамма S-P», деган ҳукм чин деб олинади. Бу ҳукм «Ҳамма M-S» асоси билан биргаликда ўрта термини «S» бўлган силлогизмни ҳосил қиласди:

А.Ҳамма S-P.

А.Ҳамма M-S.

А.Ҳамма M-P.

Шундай қилиб, ҳосил қилинган хулоса «Баъзи M-P эмас», деган асосга зид бўлади. Дастрабки силлогизмнинг асослари чин, деб эътироф этилгани учун кейинги силлогизмнинг хулосаси хато бўлади.

Бунга қуйидаги мисолни олишимиз мумкин:

III фигура Bokardo.

О.Баъзи файласуфлар табиатшунос эмас.

А.Ҳамма файласуфлар – инсондир.

О.Баъзи инсонлар табиатшунос эмас.

Бу силлогизм хулосасининг чинлиги инкор этилса, унда унга зид бўлган «Ҳамма инсонлар табиатшуносдир», деган мулоҳаза чин бўлиши керак. Бу мулоҳазани катта асоснинг ўрнига қўйиб, кичик асос билан бирлаштирасак, Barbara силлогизмини ҳосил қиласмиш.

А.Ҳамма инсонлар – табиатшуносдир.

А.Ҳамма файласуфлар – инсондир.

А.Ҳамма файласуфлар – табиатшуносдир.

Бу силлогизмнинг хулосаси дастррабки силлогизмнинг катта асосига зид, бу эса бемаънилик, чунки дастррабки силлогизмнинг асослари чин, деб эътироф этилган. Демак, дастррабки силлогизм хулосасининг нотўғри, bemayni эканлиги асослаб берилди.

Шундай қилиб, II, III ва IV фигура модусларини I фигурага келтириш орқали бу силлогизм модусларининг чинлигини асослаш мумкин.

**Силлогистик хулоса чиқаришда кенг тарқалган ҳатолар.**

I фигура бўйича кичик асос инкор ҳукм бўлганда ҳосил қилинган хулоса ноаниқ (кўпинча хато) бўлади.

Масалан:

Ҳамма ўқитувчилар педагогдир.

Бу аёл ўқитувчи эмас.

Бу аёл педагог эмас.

II фигурада хулоса асосларининг ҳар иккаласи тасдик ҳукм бўлганда ҳосил қилинган хулоса ноаниқ (кўпинча хато) бўлади.

Масалан:

Ҳамма ўқитувчилар педагогдир.

Бу аёл – педагог.

Бу аёл – ўқитувчи.

Фақат ўқитувчиларгина педагог бўлмайди, шунинг учун ҳар иккала хулоса ноаниқдир.

## **ЭНТИМЕМА (ҚИСҚАРТИРИЛГАН ҚАТЫЙ СИЛЛОГИЗМ)**

Энтилема деб, асослардан бири ёки хulosаси тушириб қолдирилган силлогизмга айтилади. Энтилема – аклда, фикрда деган маънони англатади. Энтилемада силлогизмнинг тушириб қолдирилган қисми ёдда сакланади. Энтилемалар уч турли бўлади:

1. Катта асоси тушириб қолдирилган.

2. Кичик асоси тушириб қолдирилган.

3. Хulosаси тушириб қолдирилган.

Бизга куйидаги силлогизм берилган бўлсин:

Фалсафа факультетининг ҳамма талабалари мантиқ фанини ўрганади.

Собиров фалсафа факультетининг талабаси.

Собиров мантиқ фанини ўрганади.

Энди бу силлогизмни энтилема кўринишига келтирамиз:

1. Собиров фалсафа факультетининг талабаси бўлганилиги учун мантиқ фанини ўрганади (катта асос тушириб қолдирилди).

2. Фалсафа факультетининг ҳамма талабалари мантиқ фанини ўрганадилар, шу жумладан, Собиров ҳам (кичик асос тушириб қолдирилди).

3. Фалсафа факультетининг ҳамма талабалари мантиқ фанини ўрганадилар, Собиров эса шу факультетнинг талабасидир (хulosса тушириб қолдирилди).

Энтилемалар баҳс-мунозара юритиш жараёнида, нотиклик санъатида кенг кўлланилади.

## **МУРАККАБ ВА МУРАККАБ ҚИСҚАРТИРИЛГАН СИЛЛОГИЗМЛАР**

Бир-бири билан ўзаро боғланган, икки ёки ундан ортиқ оддий қатый силлогизмлардан тузилган хulosса чиқариш – полисиллогизм, яъни мураккаб силлогизм деб аталади. Полисиллогизмда дастлабки силлогизмнинг хulosаси кейингисининг катта ёки кичик асоси бўлади. Шунга кўра, полисиллогизмнинг прогрессив ва регрессив турлари фарқланади.

Прогрессив полисиллогизмда дастлабки силлогизмнинг хulosаси кейингисининг катта асоси ўрнида келади. Масалан:

Инсонни камолотга етиштирувчи нарсалар фойдалидир.

Илмни эгаллаш – инсонни камолотга етиштиради.

Илмни эгаллаш фойдалидир.

Хунар ўрганиш – илмни эгаллаш демакдир.

**Демак, хунар ўрганиш фойдалидир.**

Регрессив полисиллогизмда дастлабки силлогизмнинг ху-  
лосаси кейингисининг кичик асоси бўлиб келади. Масалан:

**Ўсимликлар тирик мавжудотлардир.**

**Дараҳтлар ўсимликлардир.**

**Тирик мавжудотлар хужайрадан ташкил топган.**

**Дараҳтлар тирик мавжудотлардир.**

---

**Демак, дараҳтлар хужайрадан ташкил топган.**

Полисиллогизм таркибидағи биринчи, дастлабки сил-  
логизм просиллогизм, қолганлари эписиллогизм дейилади.

Полисиллогизмнинг қисқартирилган кўриниши – сорит  
деб аталади.

Соритнинг тузилиши қуйидагича:

**Ҳамма А-Б.**

**Ҳамма Б-В.**

**Ҳамма В-Г.**

**Ҳамма Г-Д.**

**Ҳамма А-Д.**

Сорителар ҳам прогрессив ёки регрессив бўлади. Прогрессив  
соритда просиллогизмнинг хуносаси – эписиллогизмларнинг  
катта асоси тушириб қолдирилади.

Регрессив соритда просиллогизмнинг хуносаси – эпи-  
силлогизмларнинг кичик асоси тушириб қолдирилади.

Силлогизмнинг кичик асоси тушириб қолдирилган сорит  
– Аристотель сорити, силлогизмнинг катта асоси тушириб  
қолдирилган сорит – Гоклен сорити, деб аталади.

## ЭПИХЕЙРЕМА

Эпихейрема – мураккаб қисқартирилган силлогизм  
бўлиб, унинг ҳар икки асоси қисқартирилган оддий  
силлогизм (энтимема)лардан иборат бўлади. Эпихейреманинг  
шакли қуйидагича:

**M-Рдир, чунки M-Nдир.**

**S-Мдир, чунки S-O дир.**

**S-Рдир.**

**Мисол:**

Илмий қонунлар исботланган фикрлардир, чунки улар  
ҳақиқатдир.

Физика қонунлари илмий қонунлардир, чунки улар  
табиат қонунларидир.

---

Физика қонунлари исботланган фикрлардир.

Эпихейреманинг тўлиқ кўриниши қуйидагича:

**1. Ҳақиқат – исботланган фикрдир. N-Рдир.**

Илмий қонунлар ҳақиқатдир. М-Ндир.

Илмий қонунлар исботланган фикрлардир. М-Рдир.

2.Табиат қонунлари – илмий қонунлардир. О-Мдир.

Физика қонунлари – табиат қонунларидир. S-Одир.

Физика қонунлари илмий қонунлардир. S-Мдир.

3.Илмий қонунлар – исботланган фикрлардир. М-Рдир.

Физика қонунлари – илмий қонунлардир. S-Мдир.

Физика қонунлари исботланган фикрлардир. S-Рдир.

Эпихейремадан баҳс ва мунозараларда, нотиқлик саңъатида фойдаланилди. Эпихейрема мураккаб силлогизмнинг бир тури бўлишига қарамай, унинг таркибидаги катта ва кичик асосни, хulosани ажратиб олиш, фарқлаш осон бўлгани учун ҳам фикр юритиш жараёнида кенг кўлланилади.

### **МУРАККАБ ҲУКМЛАРГА АСОСЛАНГАН ДЕДУКТИВ ХУЛОСА ЧИҚАРИШ**

Мураккаб ҳукмларга асосланган дедуктив хulosаси чиқаришда хulosаси асосларига мантиқий боғловчилар орқали боғланган оддий ҳукмлар деб қаралади. Хulosаси асослари ё шартли, ёки айирувчи, ёки ҳам шартли, ҳам айирувчи ҳукм кўринишида бўлиши мумкин. Асослардаги ҳукмларнинг турига кўра ғундай хulosаси чиқаришнинг қуйидаги шакллари мавжуд:

1.Шартли хulosаси чиқариш.

2.Айирувчи хulosаси чиқариш.

3.Шартли-айирувчи хulosаси чиқариш.

Шартли хulosаси чиқариш деб ҳар икки асоси ёки асосларидан бири шартли ҳукм бўлган силлогизмга айтилади. Улар соғ шартли ва шартли-қатъий турларга бўлинади.

Соғ шартли хulosаси чиқариш деб, ҳар икки асоси ва хulosаси шартли ҳукм бўлган силлогизмга айтилади. Унинг формуласи қуйидагича:

$$1) \frac{p \rightarrow q}{\frac{q \rightarrow r}{p \rightarrow r}} \text{ ёки } [(p \rightarrow q) \wedge (q \rightarrow r)] \rightarrow (p \rightarrow r)$$

$$2) \frac{p \rightarrow q}{\frac{\bar{p} \rightarrow q}{q}} \text{ ёки } [(p \rightarrow q) \wedge (\bar{p} \rightarrow q)] \rightarrow q$$

Масалан:

Агар фикр исботланган бўлса, унда у чин бўлади.

Агар фикр чин бўлса, унда уни рад этиб бўлмайди.

Агар фикр исботланган бўлса, унда уни рад этиб бўлмайди.

Агар ҳаво яхши бўлса, концертга борамиз.

Агар ҳаво яхши бўлмаса ҳам концертга борамиз.

Концертга борамиз.

Бу турдаги силлогизмларнинг хulosаси шартланган (шартли ҳукм) бўлгани учун улардан билиш жараёнида кам фойдаланилади.

Шартли-қатъий хulosса чиқариш деб, катта асоси шартли ҳукм, кичик асоси оддий қатъий ҳукм бўлган силлогизмга айтилади. Бундай хulosса чиқаришнинг иккита тўғри (аниқ хulosса берадиган) модуси мавжуд:

1. Тасдиқловчи модус – modus ponens

$$\frac{p \rightarrow q}{\frac{p}{q}} \quad \text{ёки } [(p \rightarrow q) \wedge p] \rightarrow q$$

2. Йнкор этувчи модус – modus tollens

$$\frac{p \rightarrow q}{\frac{\bar{q}}{\bar{p}}} \quad \text{ёки } [(p \rightarrow q) \wedge \bar{q}] \rightarrow \bar{p}$$

Масалан:

1. Агар фуқаролар жамият қонунларига амал қиласалар, унда улар эркин бўлади.

Фуқаролар жамият қонунларига амал қиладилар.

Демак, улар эркин бўладилар.

2. Агар меъёр бузилса, унда микдор ўзгаришлари сифат ўзгаришларига олиб келади.

Микдор ўзгаришлари сифат ўзгаришларига олиб келмади.

Демак, меъёр бузилмаган.

Шартли – қатъий силлогизмнинг хulosаси аниқ, чин бўлиши учун қўйидаги қоидаларга амал қилиш зарур:

1. Шартли ҳукмдаги асоснинг чинлигидан натижанинг чинлиги, натижанинг хатолигидан асоснинг хатолиги мантиқан зарурий равишда келиб чиқади.

2. Шартли ҳукмдаги натижанинг чинлиги асоснинг чинлигини, асоснинг хатолиги эса натижанинг ҳам хатолигини исботламайди.

Бу қоидалар бузилганда шартли-қатъий силлогизмнинг формуласи қўйидагича бўлади:

$$\frac{\begin{array}{c} p \rightarrow q \\ q \end{array}}{\text{Эҳтимол } p} [(p \rightarrow q) \wedge q] \rightarrow p$$

$$\frac{\begin{array}{c} p \rightarrow q \\ \bar{p} \end{array}}{\text{Эҳтимол } \bar{q}} [(p \rightarrow q) \wedge \bar{p}] \rightarrow \bar{q}$$

Шартли катъий силлогизм хulosаларининг ноаниқ (эҳтимол) бўлишига сабаб ўзгиришни шартли ҳукм ( $p \rightarrow q$ )  $p$  – чин,  $q$  – хато бўлган ҳолатдан бошқа ҳамма ҳолатларда чин ҳисобланади.

**Масалан:**

Агар беморнинг қон босими кўтарилса, унда унинг боши оғрийди.

**Беморнинг боши оғрияпти.**

Эҳтимол, унинг қон босими кўтарилган.

Бунда натижанинг чинлигидан асосининг чинлигини мантиқан келтириб чиқариш мумкин эмас. Чунки бошқа асос ҳам шундай натижани келтириб чиқариши мумкин. Юқоридаги мисолда шартли ҳукмнинг асоси хато, ноаниқ, натижаси чин бўлганини учун силлогизмнинг хulosаси ноаниқ бўлган.

Энди юқоридаги мисолни бир оз ўзгартриб, кўриб чиқамиз:

Агар беморнинг қон босими кўтарилса, унда унинг боши оғрийди.

**Беморнинг қон босими кўтарилган.**

Эҳтимол, унинг боши оғримаётгандир.

Биламизки, бош оғриғига фақат қон босимининг кўтарилиши сабаб бўлмайди, ундан бошқа сабаблар ҳам бўлиши мумкин. Бу эса, хulosанинг ноаниқ бўлишига олиб келади. Куйидаги жадвалда юқоридаги фикрларни умумлаштирган ҳолда кўрсатиш мумкин:

	Модус	Номи	Хulosаси
1	$[(p \rightarrow q) \wedge p] \rightarrow q$ modus ponens	асосни тасдиқловчи натижани инкор этувчи	Аниқ(чин)
2	$[(p \rightarrow q) \wedge \bar{q}] \rightarrow \bar{p}$ modus tollens	натижани тасдиқловчи асосни инкор этувчи	Ноаниқ(хато)
3	$[(p \rightarrow q) \wedge q] \rightarrow p$		
4	$[(p \rightarrow q) \wedge p] \rightarrow \bar{q}$		

Айирувчи хulosса чиқариш деб, ҳар икки асоси ёки асосларидан бири айирувчи ҳукм бўлган силлогизмга айтилади.

Соф айирувчи хulosса чиқариш деб, ҳар икки асоси ва хulosаси айирувчи ҳукм бўлган силлогизмга айтилади.

**Масалан:**

Тушунчалар ҳажмига кўра умумий ёки якка, ёки бўш ҳажмли бўлади.

Хар бир умумий тушунча ё айиравчи, ёки тўпловчи бўлади.  
Демак, тушунчалар ҳажмига кўра ё айиравчи, ёки  
тўпловчи, ёки якка, ёки бўш ҳажмли бўлади.

Соф айиравчи силлогизмнинг формуласи қўйидагича:

$$\begin{array}{c} S - a \vee b \vee c \\ a - d \vee f \end{array}$$

$$S - d \vee f \vee b \vee c$$

Айиравчи-қатъий холоса чиқаришда холоса асосларидан бири айиравчи хукм бўлса, бошқаси оддий қатъий хукм бўлади. Бундай холоса чиқаришнинг икки модуси бор:

1. Тасдиқлаб-инкор этувчи  
modus ponendo tollens

$$\begin{array}{c} p \vee q \\ \hline \frac{p}{q} \end{array}$$

2.Инкор этиб тасдиқловчи  
modus tollendo ponens

$$\begin{array}{c} p \vee q \\ \hline \frac{\overline{p}}{q} \end{array}$$

Масалан:

1.Тушунчалар мазмунига кўра, конкрет ёки абстракт бўлади.

Бу – конкрет тушунча.

Демак, бу – абстракт тушунча эмас.

2.Хукмлар тузилишига кўра оддий ёки мураккаб бўлади.  
Берилган хукм оддий хукм эмас.

Демак, берилган хукм мураккаб хукмдир.

Айиравчи силлогизмда туғри холоса чиқариш учун қўйидаги қоидаларга амал қилиш зарур:

1.Айиравчи хукм таркибидаги оддий хукмлар бир-бирини инкор қилиши, ҳажмига кўра, кесишмаслиги шарт, акс ҳолда холоса хато бўлади.

Масалан: Китоблар қизиқарли ёки фантастик бўлади.

Бу китоб қизиқарли.

Бу китоб фантастик эмас.

Китоб ҳам қизиқарли, ҳам фантастик бўлиши мумкин. Бунда айиравчи хукм таркибидаги оддий хукмлар бир-бирини инкор этмайди ва ҳажмига кўра, кесишади. Шунинг учун холоса хато.

2.Айиравчи хукмда бир-бирини инкор этувчи муқобиллар тўлиқ кўрсатилган бўлиши шарт.

Бурчаклар ўткир ёки ўтмас бурчакли бўлади.

Бу бурчак ўткир бурчакли эмас.

Бу бурчак ўтмас бурчаклидир.

Холосанинг хато бўлишига сабаб, айиравчи хукмдаги муқобиллар тўлиқ кўрсатилмаган, яъни тўғри бурчакнинг мавжудлиги эътибордан четда қолган.

Айиругчи силлогизмлардан кўпроқ бир неча ечимга эга бўлган масалаларни ечишда, яъни муқобил ҳолатлардан бирини тўғри танлаб олишда фойдаланилади.

Шартли – айиругчи – лемматик (таксминлаб) хulosа чиқариш деб, асослардан бири икки ёки ундан ортиқ шартли ҳукмлардан, иккинчиси эса айиругчи ҳукмдан иборат бўлган силлогизмга айтилади. Айиругчи асосдаги аъзоларнинг сонига кўра, бундай хulosалар дилемма (айиругчи асос икки аъзодан иборат бўлган), трилемма (айиругчи асос уч аъзодан иборат бўлган) ва полилемма (айиругчи асос тўрт ва ундан ортиқ аъзодан иборат бўлган) деб аталади.

Дилемма оддий ёки мураккаб бўлади. Оддий дилемманинг шартли асосидаги ҳукмлар ё шартига, ё натижасига кўра ўхаш бўлади. Мураккаб дилемманинг шартли асосидаги ҳукмлар ҳам шартига, ҳам натижасига кўра бир-бираидан фарқ қиласди. Дилеммалар конструктив (тузувчи) ёки деструктив (бузувчи) турларга бўлинади. Демак, дилеммалар тўрт хил бўлади: 1.Оддий конструктив дилемма. 2.Оддий деструктив дилемма. 3.Мураккаб конструктив дилемма. 4.Мураккаб деструктив дилемма.

Оддий конструктив  
дилемманинг формуласи:

$$\begin{array}{c} a \rightarrow c, b \rightarrow c \\ a \vee b \\ \hline c \end{array}$$

Оддий деструктив  
дилемманинг формуласи

$$\begin{array}{c} a \rightarrow b, a \rightarrow c \\ b \vee \bar{c} \\ \hline \bar{a} \end{array}$$

Масалан:

Агар ёшлар илм ўргансалар, хаётда ўз ўринларини топадилар.

Агар ёшлар ҳунар ўргансалар, хаётда ўз ўринларини топадилар.

Ёшлар ё илм, ёки ҳунар ўрганадилар.

Демак, улар хаётда ўз ўринларини топадилар.

Агар талаба чет тилини яхши билса, конкурсда иштирок этади.

Агар талаба чет тилини яхши билса, чет элга ўқишга боради.

Талаба конкурсда иштирок этмади ёки чет элга ўқишга бормади.

Талаба чет тилини яхши билмайди.

Мураккаб конструктив  
дилемманинг формуласи:

$$\begin{array}{c} a \rightarrow b, c \rightarrow d \\ a \vee c \\ \hline b \vee d \end{array}$$

Мураккаб деструктив  
дилемманинг формуласи:

$$\begin{array}{c} a \rightarrow b, c \rightarrow d \\ b \vee \bar{d} \\ \hline \bar{a} \vee \bar{c} \end{array}$$

**Масалан:**

Агар инсон яхши амалларни бажарса, уни яхши ном билан эслашади.

Агар инсон ёмон амалларни бажарса, уни ёмон ном билан эслашади.

**Инсон ё яхши, ёки ёмон амалларни бажариши мумкин.**

Демак, уни ё яхши, ёки ёмон ном билан эслашади.

Агар инсон бошқаларга яхшилик қилса, унга ҳам бошқалар яхшилик қилади.

Агар инсон бошқаларга ёмонлик қилса, бошқалар ҳам унга ёмонлик қилади.

**Инсонга ё яхшилик, ёки ёмонлик қайтмади.**

Демак, у бошқаларга яхшилик ҳам, ёмонлик ҳам қилмади.

Дилеммаларни туғри тузиш ва ҳал килиш учун кўрилаётган масаланинг барча ечимларини аниқлаш зарур. Дилеммани баъзан унга қарама-қарши мазмундаги бошқа бир дилемма орқали рад этиш мумкин. Бунга мантиқ илми тарихидан қўйидаги мисолни келтирамиз: «Афиналик аёл ўғлига шундай маслаҳат беради: Жамоат ишларига аралашмагин, чунки агар ҳақиқатни гапирсанг, сени одамлар ёмон кўради, агар ёлғон гапирсанг, унда сени худолар ёмон кўради. Бунга Аристотель қўйидагича рад жавобни ўйлаб топади: Мен жамоат ишларида иштирок этаман, чунки агар ҳақиқатни гапирсан, мени худолар яхши кўради, агар ёлғон гапирсан, мени одамлар яхши кўради».

Трилеммада берилган масаланинг уч хил ечими ҳакида тахминлаб фикр юритилади. Трилемма ҳам тўрт турға бўлинади:

**1.Оддий конструктив**

трилемма

$$\begin{array}{c} a \rightarrow d, b \rightarrow d, c \rightarrow d \\ a \vee b \vee c \\ \hline d \end{array}$$

**2.Оддий деструктив**

трилемма

$$\begin{array}{c} a \rightarrow b, a \rightarrow \bar{c}, a \rightarrow d \\ b \vee \bar{c} \vee d \\ \hline \bar{a} \end{array}$$

**3.Мураккаб конструктив**

трилемма

$$\begin{array}{c} a \rightarrow b, c \rightarrow d, m \rightarrow n \\ a \vee c \vee m \\ \hline b \vee d \vee n \end{array}$$

**4.Мураккаб деструктив**

трилемма

$$\begin{array}{c} a \rightarrow b, c \rightarrow d, m \rightarrow n \\ \bar{b} \vee \bar{c} \\ \hline \bar{a} \vee \bar{c} \vee \bar{m} \end{array}$$

**Масалан:**

Агар тергов қилинаётган шахс жиноятга бевосита алоқадор бўлса, у қаттиқ жазоланади.

Агар тергов қилинаётган шахс жиноятга бавосита алоқадор бўлса, у енгил жазоланади.

Агар тергов қилинаётган шахс жиноятга алоқадор бўлмаса, у озод қилинади.

Тергов қилинаётган шахс жиноятга ё бевосита, ёки билвосита алоқадор, ёки мутлако алоқасиздир.

Демак, тергов қилинаётган шахс ё қаттиқ жазоланади, ёки енгил жазоланади, ёки озод қилинади.

Бу мураккаб конструктив трилемма кўринишидаги хулоса чиқаришдир.

Шартли-айирувчи хулосалаш масалани ҳал қилишнинг бир неча услуллари мавжудлигини, буларнинг ҳар бири тури оқибатларни келтириб чиқаришини аниқлаб беради. Соҳиб-кирон Амир Темур таъбири билан айтганда, бу оқибатлардан қайси бири давлат ва улус манфаатларига мос бўлса, яъни «савоблироқ ёки кам хатарли бўлса», шуниси танлаб олинади.

## МУЛОҲАЗАЛАР МАНТИФИ

Классик (мумтоз) мантиқ символик мантиқ йўналишларидан бири бўлиб, унда, худди анъанавий мантиқдаги сингари, ҳар бир мулоҳаза иккита мантиқий қиймат (чин ёки хато)дан бирига эга, деб хисобланади. Мулоҳазалар мантифи классик (мумтоз) мантиқнинг энг оддий бўлимидир. Бу мантиқий тизимнинг ўрганиш объектини мулоҳазалар устидаги амаллар ташкил этади. Мулоҳаза эса чин ёки хато, деб баҳоланадиган гапдан иборат.

Мулоҳазаларнинг иккита тури: оддий ва мураккаб мулоҳазалар фарқ қилинади. Оддий мулоҳаза деб уни ташкил этувчи қисмлар мулоҳаза бўла олмайдиган фикрга айтилади. У, одатда, қисмларга (бошқа мулоҳазаларга) бўлинмайдиган мантиқий объект, деб қабул қилинади. Масалан, «Форобий Ўрта асрнинг буюк мутафаккиридир», деган мулоҳаза оддий мулоҳазадан иборат. Оддий мулоҳазалардан мантиқий боғламалар (конъюнкция, кучли ва кучсиз дизъюнкциялар, импликация, эквиваленция ва инкор) ёрдамида мураккаб мулоҳазалар қурилади. Масалан, «Форобий Қадимги грек фани ва маданиятини чукур ўрганган, мантиқ илми тараққиётига катта ҳисса қўшган мутафаккиридир», деган мулоҳаза мураккаб мулоҳаза бўлади. Мураккаб мулоҳазаларнинг мантиқий қиймати (чин ёки хатолиги) уларни ташкил этаётган оддий мулоҳазаларнинг мантиқий қийматига ва мантиқий боғлама маъносига боғлиқ.

Мураккаб мулоҳазаларнинг таркиби мулоҳазалар мантиғи тили деб аталадиган маҳсус формалашган тил<sup>1</sup> ёрдамида таҳлил қилинади. Формулалар унда мухим ўрин эгаллайди.

<sup>1</sup> Бу тил алфавити З-мавзуда берилган.

Мулоҳазалар мантиғи формулаларини индуктив йўл билан аниклаш куйидаги ҳолатларга эътиборни қаратишни тақозо этади: 1) ҳар қандай пропозиционал ўзгарувчи формуладир; 2) агар  $p$  – формула бўлса, унда  $\neg p$  ( $p$  эмас) ҳам формуладир; 3) агар  $p$  ва  $q$  – формулалар бўлса,  $p \wedge q$ ,  $p \vee q$ ,  $\neg(p \wedge q)$  ( $\neg$ -кучли дизъюнкцияни билдиради),  $p \rightarrow q$ ,  $p \leftrightarrow q$  лар ҳам формулалар ҳисобланади.

Қайд этилган қоидалар у ёки бу ифоданинг мулоҳазалар мантиғи формуласими ёки йўқми (тўғри қурилган формулами ёки йўқми?) эканлигини аниклаш учун етарли ва зарурдир.

Мулоҳазалар мантиғидаги мавжуд формулаларни учта турга ажратиш мумкин. Биринчиси **бажарилувчи ёки нейтрал формулалар**, деб аталиб, уларни ташкил этувчи пропозиционал ўзгарувчиларнинг қандай қийматлар бирлашмасидан иборат бўлишига боғлиқ ҳолда чин ёки хато бўлиши мумкин. Куйидаги формулалар унга мисол бўлади:

$(p \wedge q) \rightarrow r$ ;  $(p \vee q) \wedge \neg q$  (Бу формулада  $\neg$  – инкор белгиси)

Иккинчиси **айнан чин формулалар** бўлиб, улар таркибидағи пропозиционал ўзгарувчиларнинг қандай қийматларга эга бўлишидан қатъи назар, доимо чин бўлади. Масалан, куйидаги ифодалар айнан чин формулалардир:

$p \rightarrow (p \vee r)$ ;  $\neg p \rightarrow (T \rightarrow q)$

Айнан чин формулалар мантиқ қонунларини ифода этади. Трилемманинг бошқа турларига мустақил равища мисоллар келтириш тавсия этилади. Уларни қидириб топиш мулоҳазалар мантифининг асосий вазифаларидан бирини ташкил қиласди. Бирорта формуланинг айнан чинлигини исботлаш юритиладиган муҳокамани тўғри деб ҳисоблаш учун етарли асос бўла олади, чунки у формула мазкур муҳокаманинг формаллашган ифодасидир.

Учинчиси **айнан хато формулалар** ҳисобланиб, улар таркибидағи пропозиционал ўзгарувчилар чин қийматларининг ҳар қандай тўпламида факат хато бўлади. Куйидаги ифодалар айнан хато формулаларга мисолдир:

$q \wedge \neg q$ ;  $\neg((p \wedge q) \rightarrow (q \wedge p))$

Улар айнан чин формулаларнинг инкоридан иборат бўлиб, муҳокамадаги мантиқий зиддиятларни ифода қиласдилар.

Мулоҳазалар мантиғида ихтиёрий формуланинг мавжуд турлардан қайси бирига тегишли эканлигини унинг мантиқий қийматини (чин ёки хатолигини) топиш орқали аниклаш мумкин. Формулалар қийматини аниклаш

йўлларидан бири жадвал ёки матрица усулидир. Унинг моҳиятини формула қийматини (чин ёки хатолигини) унинг таркибидаги пропозиционал ўзгарувчилар қиймати ва уларни ўзаро боғлаб турадиган мантиқий функторларнинг (конъюнкция, дизъюнкция, импликация, эквиваленция, инкор) таблица ёрдамида аниқланган семантик маънолари билан боғлик ҳолда топиш ташкил этади.

Бу мулоҳазалар мантигининг жадвал усули шаклида, натурал (табиий) хulosса чиқариш тизими (ёки аксиоматик тизим) сифатида қурилиши мумкинлигини кўрсатади.

Жадвал усулида қуриш учун, аввалимбор, формулалар ўртасидаги мантиқий муносабатларни, хусусан, **мантиқан келиб чиқиши** муносабатини аниқлаш зарур. Уни куйидагича ифодаласа бўлади: Агар  $A_1, \dots, A_n$  мулоҳазаларнинг (асосларнинг) ҳар бири чин бўлганда, В мулоҳаза (хulosса) ҳам чин бўладиган бўлса, демак,  $A_1, \dots, A_n$  асослардан В мантиқан келиб чиқади. Бу  $A_1, \dots, A_n \rightarrow B$  кўринишидаги боғланишини импликация деб ҳисоблаб, ундаги мантиқан келиб чиқиши белгисини ( $\wedge$ ) импликация белгиси ( $\rightarrow$ ) билан алмаштирса бўлади. Масалан, юқоридаги ифодани  $A_1 \wedge A_2 \wedge \dots \wedge A_n \rightarrow B$  кўринишида ёзиш мумкин.

Жадвал қуришни соф шартли силлогизм формуласи, яъни  $(p \rightarrow q) \wedge (q \rightarrow r) \rightarrow (p \rightarrow r)$  ёрдамида кўрсатиш мумкин. Формуланинг таркиби асосида жадвалдаги қаторлар ва устунлар микдорини аниқлаймиз. Қаторлар сони  $2^n$  формуласи бўйича аниқланади. Бунда п – ўзгарувчиларни ифода этади. Бизда ўзгарувчилар сони 3та ( $p, q, r$ ), демак, 8та қатор бўлади. Устунлар сони эса ўзгарувчилар ва мантиқий боғламалар йиғиндисидан иборат. Демак, устунлар сони ҳам 8та ( $3+5$ ). Юқоридаги формулани 8та кичик формулаларга ажратамиз. Биринчи учта устун  $p, q, r$  ларнинг турли хил мантиқий қийматларини (чин-хатолигини), кейинги иккитаси-конъюнкциялар аъзоларини ( $p \rightarrow q$  ва  $q \rightarrow r$ ), олтинчи устун – импликация асосини ( $(p \rightarrow q) \wedge (q \rightarrow r)$ ), еттинчи устун – хulosани ( $p \rightarrow r$ ), саккизинчиси – формулани тўлалигича ифодалайди. Учта ўзгарувчиларнинг мантиқий қийматлари тўпламлари вариантлари эса куйидаги изчилликда бўлади: а) барчаси чин қийматлар – бир қатор; б) иккитаси чин, биттаси хато қийматлар – уч қатор; в) иккитаси хато, биттаси чин қийматлар – уч қатор; г) барчаси хато қийматлар – бир қатор. Жадвалнинг умумий кўриниши кўйидагича:

p	q	r	$p \rightarrow q$	$q \rightarrow r$	$(p \rightarrow q) \wedge (q \rightarrow r)$	$p \rightarrow r$	$(p \rightarrow q) \wedge (q \rightarrow r) \rightarrow (p \rightarrow r)$
ч	ч	ч	ч	ч	ч	ч	ч
ч	ч	х	ч	х	х	х	ч
ч	х	ч	х	ч	х	ч	ч
х	ч	ч	ч	ч	ч	ч	ч
ч	х	х	х	ч	х	х	ч
х	ч	х	ч	х	х	ч	ч
х	х	ч	ч	ч	ч	ч	ч
х	х	х	ч	ч	ч	ч	ч

Жадвал усули бўйича формулаларнинг чинлик қийматини аниклашнинг нокулай томони шундаки, ўзгарувчилар сони ортгани сари, у жуда катта кўламга эга бўла боради. Бу ҳол келтириб чиқарадиган қийинчиликлардан формулаларни нормал шаклга келтириш оркали кутулиш мумкин. Формула нормал шаклга эга деб шу ҳолда хисобланадики, қачон ундан тенг кучли алмаштиришлар йўли билан эквиваленция, импликация, кучли дизъюнкция, кўш инкорлар чиқариб ташланса, инкор белгиси факат ўзгарувчилардагина қолса.

Масалан,  $((\neg(p \wedge q)) \vee (\neg p \wedge r)) \wedge (p \vee \neg q)$  формуласи нормал шаклда,  $\neg(p \wedge q)$  формуласи ундан шаклда эмас, деб хисобланади.

Натурал хулоса чиқариш тизими (НХЧТ) шаклидаги мулоҳазалар мантифи табиий муҳокама юритишга яқин турган хулоса чиқариш қоидалари асосида қурилади. Хулоса чиқариш деганда формулаларнинг: 1) асослардан; 2) теоремалардан – аввал исбот қилинган мулоҳазалардан; 3) хулосалардан – ўзидан олдин келган мулоҳазалардан хулоса чиқариш қоидалари ёрдамида келтириб чиқарилган ифодалардан ташкил топган изчиллиги тушунилади. Хулоса чиқариш қоидалари асослардан хулосага мантиқан ўтишнинг қабул қилинган усуллари бўлиб, уларнинг негизида мантиқий боғламалар хусусиятлари ётади. НХЧТда мантиқий боғламаларни  $(\vee \rightarrow \leftrightarrow \neg \wedge \vee \wedge)$  киритиш ва чиқариб ташлаш билан боғлиқ асосий бевосита ва билвосита қоидалар сифатида қўйидагилар қабул қилинган:

Асосий бевосита қоидалар:

1. Конъюнкцияни киритиш (КК) қоидаси:

$$\frac{A \\ B}{}$$

2. Конъюнкцияни чиқариш (КЧ) қоидаси:

$$\frac{A \wedge B}{A}$$

$$\frac{A \wedge B}{B}$$

3. Дизъюнкцияни киритиш (ДК) қоидаси:

$$\frac{A}{A \vee B}$$

$$\frac{B}{A \vee B}$$

4. Дизъюнкцияни чиқариш (ДЧ) қоидаси:

$$\frac{A \vee B \\ \neg A}{B}$$

$$\frac{A \vee B \\ \neg B}{A}$$

5. Импликацияни чиқариш (ИЧ) қоидаси:

$$\frac{A \rightarrow B \\ A}{B}$$

6. Эквиваленцияни киритиш (ЭК) қоидаси:

$$\frac{A \rightarrow B \\ B \rightarrow A}{A \leftrightarrow B}$$

7. Эквиваленцияни чиқариш (ЭЧ) қоидаси:

$$\frac{A \leftrightarrow B}{A \rightarrow B}$$

$$\frac{A \leftrightarrow B}{B \rightarrow A}$$

8. Кўш инкорни киритиш (КИК) қоидаси:


$$\frac{A}{\prod A}$$

9. Кўш инкорни чиқариш (КИЧ) қоидаси:


$$\frac{\prod A}{A}$$

Асосий билвосита қоидалар:

1. Импликацияни киритиш (ИК) қоидаси:



2. «Бемаъни хулоса»га келтириш (БХК) қоидаси:



Юқорида кўрсатилган асосий қоидалар ёрдамида бошқа (ҳосилавий) қоидаларни келтириб чиқариш мумкин. Масалан, шартли силлогизм қоидаси қўйидагича ҳосил қилинади:

$$\begin{array}{c}
 \text{A} \rightarrow \text{B} \\
 \text{B} \rightarrow \text{C} \\
 \hline
 \text{A} \rightarrow \text{C}
 \end{array}$$

$$\begin{array}{c}
 \begin{array}{c}
 1 \quad A \rightarrow B \\
 2 \quad B \rightarrow C \\
 \hline
 3 \quad A \\
 4 \quad B
 \end{array} & (\text{асослар тўплами}) \\
 & (\text{кўшимча фикр}) \\
 & (\text{ИЧ: 1, 3}) \\
 \\ 
 \begin{array}{c}
 5 \quad C \\
 \hline
 6 \quad A \rightarrow C
 \end{array} & (\text{ИЧ: 2, 4})
 \end{array}$$

Бу ерда қавслар ичидағи ифодалар уларнинг чап томонида турган натижанинг хулоса чиқаришнинг қайси қоидаси ва қаторлари асосида ҳосил қилинганини билдиради. Масалан, «ИЧ: 1, 3» ўзидан чап томонида турган «В»нинг 1 ва 3 - қаторлардаги ифодаларга ИЧ қоидасини қўллаш натижасида вужудга келганини англатади. Уни қўйидагича ёзамиш:

$$\begin{array}{c}
 \text{A} \rightarrow \text{B} \\
 \text{A} \\
 \hline
 \text{B}
 \end{array}$$

Шуни айтиш керакки, хулоса чиқариш қоидаларидан фойдаланиш муҳокаманинг тўғри қурилишини таъминлайди. Ўз ҳолиҷа олингандა эса, улар чин хулосаларга эришишнинг зарурий шарти бўлса-да, лекин етарли эмас. Натурал

хулоса чиқариш тизими бўйича хулоса чиқаришда чин натижаларга эришиш учун асосли (исботловчи) муҳокама юритиш талабларига ҳам риоя этиш зарур.

Формаллашган тизимда исботлаш деганда формула-ларнинг муайян бир изчилиги тушунилиб, унда, одатда, ортиқча мулоҳазалар чиқариб ташлангандан кейин, хулоса айнан чин формула (теорема)дан иборат бўлиб қолади. Исботлашда чин асослардан чин хулоса чиқади; хулоса хато бўлганда, асосларнинг чин бўлиши мумкин эмас, деган фикр назарда тутилади.

НХЧТда бевосита исботлашга куйидаги мисол бўлади:  
( $p \otimes q$ )  $\otimes ((q \otimes r) \otimes (p \otimes r))$

- |                      |   |                    |
|----------------------|---|--------------------|
| 1) $p \rightarrow q$ | } | мулоҳазалар        |
| 2) $q \rightarrow r$ |   |                    |
| 3) $p$               |   |                    |
| 4) $q$               |   | (1,3 Modus ponens) |
| 5) $r$               |   | (2,4 Modus ponens) |

Исбот ана шу билан тугади, деб ҳисобланади, чунки  $r$  (хулоса) бошланғич ифоданинг консеквенти сифатида келиб чиқди.

НХЧТда билвосита исботлаш ҳам кўлланилади.

НХЧТнинг асосий, мантикий хусусиятлари унинг зиддитасизлиги ва тўлалигидан иборат. **Тизимнинг зиддиятсизлиги** ундаги ҳар бир формуланинг айнан чин ифода эканлигини, яъни унда  $A$  ва  $A$  эмасликни исботлаб бўлмаслигини билдиради.

**Тизимнинг тўлалиги** эса, унинг ўзида мантиқ қонунларини мужассамлаштирган ҳар бир формулани (теоремани) исботлаш учун етарли мантикий воситаларга эгалигини англатади.

**Аксиоматик тизим тарзида қурилган мулоҳазалар мантиғи** тилга оид қисм билан бир каторда ўз ичига тизимда аксиомалар функциясини бажарувчи айнан чин формулаларни ҳам олади. Бошқа барча формулалар, улар факат тизим аксиомаларидан келиб чиқсангина ёки таъриф ёрдамида киритилсангина қабул қилинади.

Мулоҳазалар мантиғини аксиоматик тизим тарзида қуришда турли хил аксиомалар ва бошланғич мантикий символлардан фойдаланиш мумкин. Аксиоматик тизимлар бир-биридан қанчалик фарқ қиласин, охир-оқибатда дедуктив нуқтаи назардан эквивалентдирлар. Бошқача айтганда, бир тизимга мансуб ҳар қандай теорема бошқа тизимнинг ҳам теоремаси бўла олади.

## ПРЕДИКАТЛАР МАНТИФИ

**Предикатлар мантифи** муҳокама юритиш жараёнларини мулоҳазаларнинг ички таркибидан келиб чиқиб таҳлил қиласиган мантикий тизимдир. У мулоҳазалар мантигини ўз ичига олади. Предикатлар мантифи тили мулоҳазалар мантиғи тилига қўшимча символлар киритиш ёрдамида ҳосил қилинади.<sup>1</sup>

Предикатлар мантиғига тегишли семиотик категориялардан фойдаланиб турли хил ифодалар ҳосил қилиш мумкин. Масалан,  $xP$  ( $x'$ ) ифодаси (у қўйидагича ўқилади: « $x$  Р хоссасига эга деган фикр барча  $x$  га тегишиди») ихтиёрий мулоҳаза шакли бўлиб, у «Бирорта синфга мансуб барча предметлар Р хоссасига эга», деган маънони англатади. Эх  $P$  ( $x$ ) ифодаси (у қўйидагича ўқилади: «Р хоссасига эга бўлган  $x$  предмети мавжуд») ҳам ихтиёрий мулоҳаза шакли бўлиб, у «Шундай предмет (хеч бўлмагандга битта) мавжудки, у Р хоссасига эга», деган маънони беради.  $\exists x R (x, y)$  ифодаси эса юқоридагилар сингари ихтиёрий мулоҳаза шакли бўлиб, «Ҳар қандай  $x$  предмети қандайдир у билан R муносабатида бўлади» (қисқача: «Ҳар қандай  $x$  учун у мавжуд:  $R x$  ва у га оид»), деб ўқилади. Бошқа предикатга ажralмайдиган предикат **элементар предикат** деб аталади. Предикатга умумийлик ёки мавжудлик кванторини қўшиб ёзиш **квантор билан боғлаш** амали деб аталади.

Квантор билан боғлаш амали предикатдан мулоҳазани ҳосил қилиш усуllibаридан бири ҳисобланади. Бошқа бир усули – ўзгарувчининг ўрнига ном қўйишдан иборат.

Номни ўзгартирувчи ўрнига тўғри қўйиш натижаси чин ифодалардан факат чин ифодаларнинг келиб чиқиши билан характерланади. Масалан,  $x$  ўрнига «олим», у ўрнига «фанинг бирорта соҳаси»,  $R$  ўрнига «фаолият кўрсатиши» номларини қўйсак, «Ҳар бир олим фанинг бирорта соҳасида фаолият кўрсатади», деган чин мулоҳаза ҳосил бўлади.

Биринчи даражали предикатлар мантифи учун қўйидаги қоидалар характерлидир:

1. Ўзгарувчи ўрнига қўйилаётган ифодалар ўзгарувчи  $x$  аниқланган предметлар соҳасига тегишли бўлиши керак.
2.  $X$  ўзгарувчи ўрнига факат у бўш бўлгандагина ном (ёки индивидуал ўзгарувчи) қўйиш мумкин.
3. Агар муайян ифодадаги  $x$  ўрнига ном қўйсак, уни ана шу ифодадаги болиқа барча  $x$  лар ўрнига қўйиш зарур.

<sup>1</sup> Предикатлар мантифи тили З-мавзуда берилган.

4. Ўрнига ном қўйиш натижасида ҳеч бир эркин ўзгарувчи боғланиб қолмаслиги керак.

Предикатлар мантифининг асосий қоидалари қаторига мулоҳазалар мантифи бўйича хulosса чиқариш қоидалари, шунингдек, кванторларни киритиш ва чиқариш қоидалари ҳам киради. Бу қоидаларга риоя килинганда чин хulosалар чиқади.

## ИНДУКТИВ ХУЛОСА ЧИҚАРИШ

Биз аввалги мавзуда зарурий хulosса чиқариш билан (дедуктив хulosса чиқариш асосида) танишиб чиққан эдик. Мантиқда эҳтимолий хulosса чиқариш ҳам ўрганилади.

Эҳтимолий хulosса чиқариш турли хил шаклларда, шу жумладан, индуктив хulosса чиқариш шаклида амалга ошиши мумкин. Ўларнинг барчасига хос хусусият – хulosанинг асослардан мантиқан зарурий равишда келиб чиқмаслиги ҳамда факат маълум бир даражада тасдиқланишидир. Асосларнинг хulosани тасдиқлаш даражаси мантикий эҳтимоллик, деб ном олган.

Индуктив хulosса чиқариш билан батафсилроқ танишиб чиқамиз.

Билиш, қайси соҳада амалга ошишидан қатъи назар соглом ақл даражасидами ёки илмий билишдами – доимо предмет ва ҳодисаларнинг ҳиссий идрок этиладиган хосса ва муносабатларини ўрганишидан бошланади. Уни фалсафада, мантиқда эмпирик билиш босқичи деб аташади. Бу босқичда субъект турли хил табиий жараёнлар, ижтимоий ҳодисаларда ўхашаш шароитларда маълум бир хусусиятларнинг тақрорланишини кузатади. Бу ана шу турғун ҳолда тақрорланиб турувчи хоссанинг айрим предметнинг индивидуал хоссаси эмас, балки маълум бир синфа мансуб предметларнинг умумий хоссаси бўлса керак, деган фикрга келишга асос бўлади. Масалан, қайси давлатда демократия тамойилларига яхши амал қилинса, ўша давлат аҳолисининг ижтимоий турмуш даражаси юқорилигини кузатиш мумкин. Шу асосда демократиянинг тамойиллари, шартлари яхши амал қиласиган ҳар қандай давлатда аҳолининг турмуш даражаси юқори бўлади, деган хulosага келиш мумкин.

Мана шундай жузъий билимдан умумий билимга мантиқан ўтиш индукция шаклида содир бўлади (лотинча – *inductio* – ягона асосга келтириш).

Индуктив хulosса чиқариш эмпирик умумлаштириш шаклида содир бўлиб, унда бирорта белгининг маълум

бир синфга мансуб предметларда такрорланишини кузатиш асосида, шу белгининг мазкур синфга тегишли барча предметларга хослиги ҳақида холоса чиқарилади.

Индукция асосида чиқарилган холосалар илмий билишда ўрнатилган турли эмпирик қонуниятлар, яратилган умумлашмалар тарзида ўз аксини топади, предмет ва ҳодисалар ҳақидаги билимларимизни кенгайтиришга олиб келади.

Индуктив холоса чиқариш билвосита холоса чиқариш ҳисобланади, яъни унинг асослари иккита ва ундан ортиқ муроҳазалардан ташкил топган бўлади. Улар, одатда, якка предмет ёки предметлар синфининг бир қисмини ифода қиласидилар. Холосада эса, бир мантикий синфга мансуб предметларнинг барчасига нисбатан умумий ҳукм тарздаги фикр ҳосил қилинади.

Демак, индуктив холоса чиқаришда яккалик, жузъийлик ва умумийликнинг диалектик алоқасини кузатамиз. Айрим фактларни ифодалайдиган, жузъий характерга эга бўлган билимлар умумий билимларни ҳосил қилиш учун мантикий асос бўлиб хизмат қиласиди. Такрорланиб турувчи турғун алоқалар, одатда, предметларнинг муҳим зарурӣ алоқаларидан иборат бўлгани учун бу умумий билимлар қонуниятларни ифода қиласидилар. Асослардаги якка ва жузъий фактлар ҳақидаги билимлар эса ана шу қонуниятларнинг намоён бўлишини қайд этадилар. Индуктив холоса чиқариш кузатиш ва тажриба натижаларини умумлаштириш билан боғлиқ бўлгани учун улар ҳақида қисқача тўхталиб ўтамиш.

**Кузатиш** предмет ва ҳодисаларни ўрганишнинг энг оддий, кўп ҳолларда кўллаш мумкин бўлган усулидир. Унда субъект (масалан, тадқиқотчи) кузатилаётган ҳодисага бевосита таъсир ўtkазмасдан, уни табиий ҳолатида, боғланишларида ўрганади. Бунда субъект ўз сезги органлари, тадқиқотлар олиб бориладиган асбоб-ускуналар (масалан, микроскоп, тунда кўриш асбоби ва шу кабилар) билан иш кўради.

Табиийки, кузатиш пала-партиш, узуқ-юлук ҳолда эмас, балки изчил, кўпинча аввалдан тузилган режа (масалан, тадқиқот режаси) асосида ўtkазилади. Масалан, корхона раҳбари унинг турли бўғинларида, бўлимларида ишлаётган масъул ходимларнинг, ишчиларнинг ишини тизимили равишда, мунтазам кузатиб боради, индукция асосида маълум бир холосаларга келади. Бу холосалар бошқарув тизими, кадрлар масаласига маълум бир ўзгартиришлар киритиш учун асос бўлиб хизмат қиласиди. Бошқа бир мисол. Милиция ёки прокуратура ходими жиноятни содир

қилишда шубҳаланаётган кишини ҳибсга олишдан аввал унинг хатти-харакатларини олдиндан тузилган режа асосида, турли хил шароитларда табиий ҳолатда, унга ҳалақит бермаган ҳолда кузатиб боради. Бу эса унга қатъий бир қарорга келиши учун зарур бўлган фактларни топишига ёрдам бериши мумкин.

Тажриба (эксперимент) ҳодисаларни ўрганишнинг мураккаброқ усули бўлиб, у билиш объектига маълум бир тарзда таъсир ўтказишни тақозо этади. Тажриба, албатта, аввалдан тузилган режа асосида, маҳсус яратилган шароитда, зарур асбоб-ускуналардан фойдаланган, керакли мантиқий усулларни қўллаган ҳолда ўтказилади.

Илмий билишнинг техникавий асоси тобора мустаҳкамланиб бораётган ҳозирги шароитда тажрибалар турли-туман мураккаб асбоб-ускуналардан фойдаланилган ҳолда ўтказилади. Улар ҳодисаларнинг сабабий алоқаларини аниқлашни, ички қонуниятларни очишни осонлаштиради, тезлаштиради.

Бу ерда, албатта, мукаммал асбоб-ускуналар яратилишининг негизида ҳам объектив борлик ва билишга хос қонуниятларнинг очилиши, уларни ифода қилувчи билимларнинг ётиши, амалиёт, техникада жорий қилиниши, яъни бошқача айтганда, индуктив хулоса чиқаришда амалиёт ва билимнинг узвий алоқада бўлишини назарда тутиш лозим.

Тажриба билиш жараёнида куйидаги куляйликларни яратишга имкон беради:

1. Ўрганиладиган (тажриба ўтказиладиган) предметлар доирасини тадқиқотчи ихтиёрий равишда кенгайтириши ёки торайтириши мумкин.

2. Билиш объектини «тоза» ҳолда, яъни бошқа объектлар таъсиридан «ажратиб» қўйган ҳолда ёки улар билан бирга бўлган ўзаро таъсирида олиб ўрганиш мумкин.

3. Билиш объектига таъсир этувчи ҳолатларни ихтиёрий тарзда ўзгартириб туриш мумкин.

4. Ўтказилаётган тажрибани тезлаштириш ёки секинлаштириш мумкин.

5. Натижанинг чинлигига ишонч ҳосил қилиш учун тажрибани зарур бўлган микдорда тақрорлаш мумкин.

Индуктив хулоса чиқаришнинг асосларида, юкорида қайд қилиб ўтганимиздек, кузатиш ва тажриба натижалари ифодаланган бўлиб, улар бирорта С синфиға тааллуқли  $S_1$ ,  $S_2, \dots S_n$  ҳодисаларда р белгисининг турғун ҳолда тақрорланиши ҳақидаги ахборотни қайд қиладилар. Хуносасида шу белгининг предметларнинг бутун синфиға

хослиги ҳакида фикр ҳосил қилинади. Унда мұхокаманинг шакли қуйидагича бўлади:

$S_1$  ҳодисаси Р белгига эга.

$S_2$  ҳодисаси Р белгига эга.

...

$S_n$  ҳодисаси Р белгига эга.

$S_1, S_2, \dots, S_n$  лар С синфиға мансуб.

---

С синфининг ҳар бир ҳодисаси Р белгига эга.

Символик ифодаси эса қуйидагича:

$P(x_1)$

$P(x_2)$

...

$P(x_n)$

$x_1, x_2, \dots, x_n \in C$

$\forall x((x \in C) \rightarrow P(x))$

Тажрибада кўп марталаб тақрорланадиган предметнинг турғун алоқалари сабабиятни, заруриятни ифода қиласидиган умумийликдан ибораг бўлиб, у индуктив хulosаси чиқаришда асослардан хulosага ўтиш учун мантикий асос бўлиб хизмат қиласи.

Индуктив хulosаси чиқаришнинг билишдаги бош вазифаси жузъий ҳолни умумийлаштириш, яъни айрим фактларга хос хусусиятни берилган синфга таалукли барча предметларга хос хусусият даражасига кўтариш (генерализация қилиш) асосида умумий билим ҳосил қилишдан иборат. Ўз мазмуни ва билишдаги аҳамиятига кўра бу билимлар кундалик тажрибани умумлаштириш негизида ҳосил қилинадиган энг оддий умумлашмалардан тортиб, то эмпирик ва назарий қонунлар, гипотезалар, илмий назариялар даражасигача етган билимлар бўлиши мумкин.

Илмий билиш тарихи фаннинг турли хил соҳаларида қилинган қашфиётлар, масалан, электр, магнетизм, оптикага оид жуда кўп сабабий алоқадорликлар, қонуниятлар уларнинг айнан индуктив йўл билан ўрнатилганини тасдиқлайди.

Индукция асосида ҳосил қилинган хulosаларнинг мантикий қиймати, эҳтимолий ёки зарурий бўлиши ўтказилган тажрибанинг характеристига боғлик.

Кузатиш ва тажриба тугалланмаган бўлади. Кейинги ўтказиладиган тажриба, кузатишларда предмет ва ҳодисаларнинг янги муҳим хусусиятлари, муносабатлари аникланиши мумкин. Бу эса, мавжуд предмет ва ҳодисалар

ҳақидаги тасаввурларни ўзгаририб юборади. Хусусан, аввал чин деб ҳисобланган билимлар шубҳа остига олиниб қолади, эҳтимолий тарздаги фикрларга айланади.

Мантиқда эҳтимоллик тушунчаси чиқарилган хулосанинг ноаниклигини, қўшимча текширишлар ўтказиш зарурлигини англатади. Шунга қарамасдан тажриба билимнинг муҳим воситаси бўлиб қолади.

Шуни алоҳида қайд этиш зарурки, айрим жузъий фактлар ҳақидаги аниқ билимлардан ноаниқ хулосаларнини чиқиши объектив воқеликни билишнинг мураккаб диалектик жараён эканлигини билдиради. Воқеликдаги бир мантиқий синфга мансуб предметларнинг барчасини тажрибада қамраб олиш қийин. Синф предметларининг барчаси қамраб олингандা ҳам уларнинг хусусиятларининг ҳаммасини ўрганиб бўлмайди, чунки уларнинг сони кўп. Ҳаракат, тараққиёт давомида тўхтовсиз равища уларнинг баъзилари йўқолиб, бошқа бирлари пайдо бўлиб туради.

Индуктив хулоса чиқаришнинг иккита тури: тўлиқ ва тўлиқсиз индукциялар фарқ қилинади.

**Тўлиқ индукция** индуктив хулоса чиқаришнинг шундай турики, унда бирорта белгининг маълум бир синфга мансуб, ҳар бир предметга хослигини аниқлаш асосида, шу белгининг берилган синф предметлари учун умумий белги эканлиги ҳақида хулоса чиқарилади,

Тўлиқ индукция предметларнинг кичик синфига, элементлари яққол кўзга ташланиб турадиган, микдор жиҳатдан чекланган ёпик системаларга нисбатан хулоса чиқаришда ишлатилади. Масалан, Күёш тизимиға кирувчи планеталар, НАТОга аъзо давлатлар, бирорта шаҳарда жойлашган корхоналар ва шу кабилар ҳақида хулосаларни тўлиқ индукция йўли билан олиш мумкин. Хусусан, Күёш тизимиға кирувчи планеталар ҳаракатининг йўналиши соат стрелкаси ҳаракати йўналишига тескари эканлиги ҳақидаги хулоса айнан ана шу усул ёрдамида ҳосил қилинади. Худди шуниңдек, «Барча металлар электр токини ўтказади», «НАТОга аъзо давлатлар шу ташкилотнинг уставига риоя қиладилар», «Тошкент шаҳридаги барча корхоналар электр энергияси билан тўла таъминланган» каби умумий ҳукмлар орқали ифода қилинган хулоsavий билимлар ҳам тўлиқ индукцияни қўллаш асосида шаклланади.

Тўлиқ индукцияда муҳокаманинг курилиш шакли куйидаги кўринишга эга:

$S_1$  предмети Р белгига эга.

$S_2$  предмети Р белгига эга.

... ... ... ... ... ... ... ... ... ... ... ...

$S_n$  предмети Р белгига эга.

Фақат  $S_1, S_2, \dots, S_n$  ларгина С

---

синфини ташкил этади.

С синфининг ҳар бир предмети Р белгига эга.

Символик ифодаси эса қуйидагича:

$P(x_1)$

$P(x_2)$

...

---

$P(x_n)$

$\langle x_1, x_2, \dots, x_n \rangle \in C$

$\forall x((x \in C)P \rightarrow (x))$

Предметларнинг ёпиқ тўпламини ўрганиш эмпирик тадқиқотнинг аниқ бир синфни билиш билан чегараланганлигини билдиради. Ана шунинг учун ҳам асослардаги ҳар бир предмет ҳақидаги маълумот қайд этилган белгини синф предметларининг барчасига ёйиш, уларга тегишли, деб айтиш учун мантиқий асос бўла олади.

Демак, тўлиқ индукциянинг асосий хусусияти шундаки, унда берилган синфга мансуб барча предметлар бирмабир ўрганилиб чиқилиши, улар ҳақида якка ҳукмлар ҳосил қилиниши ва асослар сифатида қабул қилиниши зарур.

Тўлиқ индукциянинг яна бир муҳим хусусияти бор: унинг асослари ҳам, холосаси ҳам аниқ, текширилган, эҳтимолдан холи фикрларни акс эттиргани учун улар қатъий ҳукмлар орқали ифодаланади. Масалан, оддий қатъий силлогизмни ўрганишни унинг I-фигурасидан бошлаб, унинг тўғри модусларга эгалигини аниклаймиз. Шу йўл билан силлогизм II, III, IV фигуralарини кўриб чиқамиз; уларнинг ҳам ҳар бирининг тўғри модусларга эга эканлигининг гувоҳи бўламиз. Натижада силлогизм фигуруларининг бу хусусиятини якка ҳукмларда ифода этамиз ва тўлиқ индукция бўйича холоса чиқариш учун асос қилиб оламиз ҳамда холоса чиқарамиз. Унда юритилаётган муҳокама жараёни қуйидаги шаклга киради:

Силлогизмнинг I фигураси тўғри модусларга эга.

Силлогизмнинг II фигураси тўғри модусларга эга.

Силлогизмнинг III фигураси тўғри модусларга эга.

Силлогизмнинг IV фигураси тўғри модусларга эга.

Юқоридаги фигурулар силлогизмнинг ҳамма фигуруларидир.

Демак, силлогизмнинг ҳамма фигуralари ўзининг тўғри модусларига эга.

Тўлиқ индукциянинг асослари ва хulosасини уларнинг таркиби жиҳатидан олиб таҳлил қилсак, қуйидаги ҳолни кузатиш мумкин. Асос бўлиб келаётган ҳукмлар субъектлари мантиқий синфнинг алоҳида элементларини ифода этади. Хulosанинг субъекти эса бир бутун мантиқий синфи акс эттиради. Асослар ва хulosса предикатлари предметлар белгисини ифода қиласди. У асосларда синфнинг алоҳида олинган ҳар бир элементига тегишли белги сифатида фикр килинади. Хulosада эса у белги бутун синфга кўчирилиб, унга тегишли умумий белги сифатида қайд этилади. Фикримизни қуйидаги мисол орқали ойдилаштирамиз:

Зардушт Қадимги Хоразмда туғилган.

Будда Ҳиндистонда туғилган.

Мусо Мисрда туғилган.

Исо (Иисус Христос) Куддусга яқин Вифлеемда туғилган.

Муҳаммад Маккада туғилган.

Улар буюк динларнинг асосчилариидир.

Демак, буюк динларнинг асосчилари Шарқдан чиққаллар.

Келтирилган мисолда биз эътиборимизни қаратишимииз зарур бўлган муҳим бир томон бор. У ҳам бўлса, факат хulosанинг субъектигина (Буюк динлар асосчилари) эмас, балки предикатининг (Шарқдан чиқкан) ҳам асослардаги предикатлар (Хоразм, Ҳиндистон, Миср, Куддус, Маккаларда туғилганилиги) синфидан ташкил топганлигидадир. Яъни, хulosса – Р, асослардаги Р<sub>1</sub>, Р<sub>2</sub>,..., Р турларидан, модификацияларидан ташкил топган. Бойкача айтганда, унда асослар субъектлари – хulosса субъектида, асослар предикатлари – хulosса предикатида синфларга бирлаштирилган ва мантиқан умумлаштирилиб, умумий ҳукм шаклидаги хulosса ҳосил қилинган.

Тўлиқ индукцияга хос бўлган яна бир хусусиятни кўрсатиш мумкин. Бу унинг асосларда ва хulosада кўрсатилган предметлардан бошқа предметлар ҳақида билим бермаслигидан иборат.

Ниҳоят, тўлиқ индукция хulosасининг аниқ ва чин бўлиши билан дедуктив хulosса чиқаришга ўхшаб кетишини қайд этиш зарур.

Буни тўлиқ индукцияни силлогизм III фигураси билан солиштириш, уларнинг ўхшашиб томонларини ажратиш йўли билан кўриб чиқиши мумкин. Биринчидан, уларнинг иккаласи ҳам аниқ хulosалар беради. Бунга асосий сабаб шуки, синфга мансуб барча предметлар бирма-бир ўрганилиб чиқилади. Иккинчидан, уларнинг хulosасида

предикат ифода қилувчи фикр (белги ҳақидаги фикр) мантиқий турдан мантиқий жинсга (мантиқий синфга) кўчирилади. Силлогизм III фигурасида хulosса жузъий ҳукмлар тарзида келиб чиқади, лекин асосларда кўрсатилган предметларга қараганда кўпроқ бўлган предметлар синфи ҳақида фикр билдирилади, яъни предикат (белги ҳақидаги маълумот) турдан жинсга кўчирилади. Масалан:

Китоблар – маънавий бойлик.

Китоблар – ақлий меҳнат натижалари.

Демак, ақлий меҳнат натижаларининг баъзилари маънавий бойликдир.

Бунда «маънавий бойлик» бўлиш белгиси (Р) «китоблар»дан «ақлий меҳнат натижалари»га кўчирилади. Китоблар – маънавий бойлик, ақлий меҳнат натижалари. Маънавий бойлик эса ақлий меҳнат натижаларининг бир туридир.

Тўлиқ индукция билан силлогизм III фигурасининг бир-биридан фарқ қиласиган томонлари бор, албатта. Хусусан, силлогизм III фигурасининг хulosаси – жузъий ҳукм, тўлиқ индукциясининг хulosаси – умумий ҳукмдан иборат. Лекин бу тўлиқ индукция хulosасининг аниқ, қатъий бўлишига шубҳа туғдирмайди. Бу ерда биз учун энг муҳими шудир.

Тўлиқ индукция таҳлилига якун ясад, унинг хulosасининг аниқ, қатъий бўлишини, предметларнинг кичик синфи ҳақида эмпирик материалларни умумлаштириш йўли билан хulosавий билим олишнинг самарали воситаси эканлигини алоҳида қайд этса бўлади.

Объектив оламдаги предмет ва ҳодисаларнинг катта синфларини, уларнинг амалда чексиз бўлган хоссаларини тажриба ва кузатишда тўлалигича қамраб олиб бўлмайди. Ана шунинг учун ҳам тўлиқ индукциянинг билиш жараёнидаги имкониятлари ўз чегарасига эга, деб хисобланади.

**Тўлиқсиз индукция** шундай эҳтимолий хulosса чиқариш турики, унда бирорта белгининг бир мантиқий синфга тегишли предметларнинг бир кисмига (бир нечтасига) хослигини (ёки хос эмаслигини) аниклаш асосида шу белгининг берилган синфга мансуб барча предметларга хослиги (хос эмаслиги) ҳақида хulosса чиқарилади,

Тўлиқсиз индукцияда фикримиз, худди тўлиқ индукциядагидек, жузъийликдан (яккаликдан) умумийликка, камрок умумийлашган билимдан кўпроқ умумийлашган билимга қараб ҳаракат қиласи. Лекин унда, тўлиқ индукциядан фарқли ўлароқ, хulosса кузатиш, тажриба давомида қайд этилмаган, ўрганилмаган предмет-

ларга ҳам тегишли бўлади. Тўлиқсиз индукциянинг эвристик моҳияти айнан ана шундадир.

Тўлиқсиз индукцияда фикримиз қўйидаги шаклда қурилади:  
 $S_1$  предмети Р белгига эга.  
 $S_2$  предмети Р белгига эга.

...  
 $S_1$  предмети Р белгига эга.  
 $S_1, S_2, \dots, S_n$  предметлари С синфига тегишли.

---

Эҳтимол, С синфининг ҳар бир предмети Р белгига эгадир.

Бу шаклни символик кўринишда қўйидагича ёзиш мумкин:

$$\begin{array}{c} P(x_1) \\ P(x_2) \\ \cdots \cdots \cdots \\ P(x_n) \\ \underline{x_1, x_2, \dots, x_n \in C} \end{array}$$

$$\forall x ((x \in C) P \rightarrow (x))$$

Хулоса юқоридагидек ўқилади, яъни: «Эҳтимол, С синфининг ҳар бир предмети Р белгига эга бўлса керак».

Масалан:

2сони 2га қолдиқсиз бўлинади.  
4сони 2га қолдиқсиз бўлинади.

...  
п сони 2га қолдиқсиз бўлинади.  
2, 4, ..., п... сонлари жуфт сонлардир.

Эҳтимол, жуфт сонларнинг барчasi 2га қолдиқсиз бўлинса керак.

Тўлиқсиз индукцияда хулосавий билимнинг эмпирик асоси тўлиқ аниқланмайди, ана шунинг учун ҳам ундаги амалга оширилган умумлаштириш тўлиқсиз бўлади. Хусусан, унда берилган мантиқий синфга мансуб предметларнинг барчasi эмас, факат  $S$  дан  $S_n$  гача бўлган қисмигина ўрганилади, холос. Ана шу ўрганилган предметларга бирорта Р белгининг хослиги (хос эмаслиги) кузатилса, унинг ўрганилаётган синфга мансуб барча предметларга хослиги (хос эмаслиги) ҳакида эҳтимолий тарздаги хулоса чиқарилади. Бу хулоса ихтиёрий равишда ҳосил қилинмайди ва тасодифий тавсифга эга эмас, албатта. Жузъийликдан (яккаликдан) умумийликка ўтиш, яъни синфга тегишли айrim предметлар ҳакидаги билимдан синфга тегишли барча предметлар ҳакидаги билимга ўтиш мантиқан асослангандир.

Предметлар синфининг бир кисмидан иккинчисига кўчирилаётган белгининг зарурийлиги, умумийлиги унинг тажрибада муайян ҳолатлар мавжуд бўлганда бир жинсли фактларда такрорланиб туришининг турғунилигидага ўз инфодасини топади, яъни у эмпирик асос ёрдамида тасдиқланади.

Масалан, табиатда газ ҳароратининг ўзгариши унинг ҳажмининг ўзгаришига олиб келиши, жамиятда иктиносид билан сиёсатнинг боғлиқлиги, билишда факт ва қонуннинг ўзаро алоқаси зарурий (муайян шароитда, албатта, вужудга келади) ва умумий (муайян шароит пайдо бўлган барча ҳолларда такрорланади) алоқалардан, борликда амал қилаётган қонуниятлардан иборат.

Зарурий алоқаларнинг бир вақтнинг ўзида умумий алоқалардан иборат бўлиши (предметларнинг бирорта синфи, тўпламига хос бўлиши), уларнинг эса, ўз навбатида, якка, айрим предметларда намоён бўлиши, яъни уларнинг хусусиятлари сифатида юзага чиқиши илмий билиш ва амалий муҳокама юритишда бирорта мантиқий синф ҳакида унга мансуб предметларнинг айримларини ўрганиш асосида фикр билдириш мумкинлигини англатади.

Ҳакиқатан ҳам, кундалик турмушимизда биз ана шундай йўл тутамиз. Хусусан, пахта, буғдой, сут, металл прокати, газлама ва шу каби оммавий равища ишлаб чиқариладиган маҳсулотларнинг катта ҳажмининг сифати ҳакида улардан олинган кичкина намуналарни текшириш натижаларига таянган ҳолда фикр билдирамиз.

Бунда кўп ҳолларда ҳосил қилган холосавий фикрларимиз ҳакиқатдан ёки ҳакиқатга яқин фикрдан иборат бўлади.

Ўз-ўзидан равшанки, бу йўл билан олинган холосалар ҳаммавақт ҳам тўғри бўлавермайди. Баъзан чиқарилган холосалар хато ҳам бўлиши мумкин. Буни қўйидаги мисол тасдиқлайди. Қачонлардир кимёгарлар металларнинг бир қанчаси устида экспериментлар ўтказишиб, уларнинг қиздирилганда олтингугурт билан бирикишини кузатишган ва шу асосда, «Барча металлар қиздирилганда олтингугурт билан бирикади», деган холосага келишган. Уларнинг муҳокамаси қўйидаги шакл тарзида кечган.

Мис қиздирилганда олтингугурт билан бирикади.

Темир қиздирилганда олтингугурт билан бирикади.

Алюминий қиздирилганда олтингугурт билан бирикади.

Мис, темир, алюминий ..., металлар синфига кирувчи кимёвий элементлар.

Эҳтимол, барча металлар қиздирилганда олтингугурт билан бирикса керак.

Бу хulosанинг хатолиги маълум бир вакт ўтгандан кейин олтин устида эксперимент ўтказилганда маълум бўлади: у қиздирилганда олtingугурт билан бирикмаган.

Биз кўриб чиқсан ҳол бирорта белгининг айрим предметларда такрорланишига асосланиб, у белгини мазкур предметлар мансуб бўлган синфга тўлалигича индуктив йўл билан кўчириш, яъни уни берилган синф предметларининг барчасига хос умумий белги, деб ҳисоблаш мантикий заруриятдан иборат бўлишга даъво қила олмайди, деган фикрга олиб келади. Чунки белгининг бир қанча предметларда такрорланиши оддий бир мослиқдан иборат бўлиши, яъни тасодифий характеристига эга бўлиши ҳам мумкин.

Демак, тўлиқсиз индукция бўйича хulosанинг чиқаришга хос хусусиятлардан бири асослардан хulosанинг мантикан келиб чиқишнинг кучсиз бўлишидир.

Тўлиқсиз индукция учун характеристли бўлган бу камчилкни «тузатиш» учун бир қанча методологик талабларга риоя қилиш зарур. Бу маълум бир даражада хulosанинг чин бўлиши эҳтимолининг ортишига имконият яратади. Улар қуйидагилардан иборат:

1. Экстенсив методдан фойдаланиш, яъни ўрганилаётган предметлар сонини ошириш. Бу бир оз бўлса ҳам хulosанинг чин бўлиши эҳтимолини орттиради. Лекин бу ерда бир нарсани ҳисобга олиш зарур. Тажриба тугал бўлмаган, яъни синфнинг барча предметлари эмас, факат бир нечтаси ўрганиладиган бир шароитда кейинги ўтказиладиган тажрибалардан бирида аввалги тажрибалар натижаларига зид бўлган ҳолни кузатиш эҳтимолдан ҳоли эмас. Бунда ўрганилаётган ҳодисалар сонини кўпайтириш йўли билан кўзланган мақсадга эришишга уриниш кам самара беради. Тажрибани тугал қилишга эришиб бўлмайди, чунки билиш обьекти кўп ҳолларда очик тизимдан – ҳодисалар ва ҳолатлар сони амалда чексиз бўлган обьектдан иборат бўлади.

2. Тажриба натижаларининг сифат жиҳатидан хилма-хил бўлишига эришиш, яъни бир хил шароитда такрорланадиган белгиларнигина эмас, балки турли хил соҳалар, ҳолатларда такрорланадиган ўхшаш белгиларни ҳам қайд этиш муҳимдир.

3. Шунингдек, тажриба натижаларининг кучли бўлиши, «бехосдан» аниқланиши омиллари ҳам муҳим аҳамиятга эга.

4. Кейинги иккита методологик талаб тўлиқсиз индукцияда эмпирик материалларни танлаб олишни тақозо этади.

Дастлабки эмпирик материалларни кузатиш ва тажриба натижаларини танлаб олиш усулига кўра тўлиқсиз индук-

циянинг иккита тури: санаш орқали тўлиқсиз индукция (энумератив индукция) ва истисно қилиш орқали тўлиқсиз индукция (элиминатив индукция) ажратилиши мумкин.

**Санаш орқали тўлиқсиз индукция ёки оммабоп индукция** (энумератив индукция) индуктив йўл билан умумлаштиришнинг шундай турики, унда бир синфга мансуб предметларнинг бир қанчасида бирорта белгининг тақрорланишини кузатиш асосида, унинг шу синфга кирувчи барча предметларга хослиги ҳакида эҳтимолий тарздаги холоса чиқарилади.

Санаш орқали тўлиқсиз индукциянинг объектив асосини инсонларнинг кўп йиллик ҳаётий фаолияти, авлоддан авлодга ўтиб келаётган турмуш тажрибалари натижалари ташкил этади. Масалан, ёз жуда иссиқ келгандан, қиша қаттиқ совук бўлиши мумкинлиги, қалдирғочларнинг жануб томонга учб кетаётгани ҳавонинг совий бошлаганини билдириши ва шу каби холосалар инсонларнинг об-ҳавони узоқ йиллар давомида кузатишининг натижасидан иборат.

Кишиларнинг кундалик ҳаётий тажрибасига асослангани, соғлом ақл юритишга хос ҳусусиятларни ўзида мұжассамлантыргани учун ҳам холоса чиқаришнинг бу усулини оммабоп индукция деб аташади.

Оммабоп индукциянинг муҳим хислатларидан бири кузатилаётган ҳолларга зид бўлган ҳолнинг йўқлигига ишонч хосил қилишдир. Яъни бунда бирорта белгининг берилган синф предметларининг бир нечтасида тақрорланишини қайд этиш билан чекланмасдан, уларга зид бўлган ҳолнинг йўқлиги ҳам аникланади. Бу, одатда, оммабоп индукция асосида қатъий холосага келишдан олдин «Шошмай тур-чи, қани, яна бир текшириб кўрайлик!» деган фикрга суюниб иш қилишга ундаиди, «Етти ўлчаб, бир кесишиш»га чакиради. Ана шунинг учун ҳам оммабоп индукцияни ҳалқ донишмандлигининг намоён бўлиши турларидан бири, деб айтиш мумкин.

Оммабоп индукция асосланадиган белгиларнинг тақрорланиши ҳакиқатан ҳам кўп ҳолларда, индуктив холоса чиқаришнинг бошқа турларида бўлгани сингари, ҳодисаларнинг умумий ҳусусиятларини акс эттиради. Ана шунинг учун ҳам бу усул билан олинган холосанинг чин бўлиши эҳтимоли нисбатан юкорирок ҳисобланади ва унга таяниб кишилар ўз фаолияти йўналишларини, амалга ошириш механизмларини белгилайдилар.

Оммабоп индукциянинг энг оддий умумлашмаларисиз дех-кончилик, ҳалқ хунармандчилиги, оддий хўжалик ишларини ва шу кабиларни амалга ошириб бўлмайди. Масалан, Мирзо

Улубек номидаги ЎзМУ кутубхонасидаги китобларнинг қандай ахволда эканлигини билиш учун (хулосавий билим ҳосил қилиш учун) ундаги китобларнинг бир қисмини – турли қаватлардаги, турли бўлимлардаги, турли жавонлардаги китоблардан бир қанчасини олиб, текшириб кўриш кифоя. Худди шунингдек, Ўзбекистон Республикаси Олий Мажлисига сайловлар олдидан округлардаги депутатликка номзодлар, сиёсий партияларнинг мавқелари ҳакида сайловчиларнинг бир қисмининг фикрини билиш (масалан, сўроқ ўтказиш йўли билан) асосида муайян хулосаларга келиш мумкин. Бу мисолларда муҳокама оммабоп индукция шакли бўйича қурилган.

Кундалик ҳаётий тажриба, соғлом ақл илмий билишнинг бошланғич асоси сифатида унинг қўядиган дастлабки қадамларини, ҳаракат йўналишларини аниқлашга ёрдам беради. Хусусан, фан ўз тараққиётининг дастлабки босқичида эмпирик тадқиқотлар ўтказади: обьект устида ўтказаётган тажриба давомида тўплланган фактларни тасвирлайди, таснифлайди, такрорланиб турувчи хусусиятларни аниқлайди, индуктив умумлашмалар шаклидаги эмпирик қонуниятларни шакллантиради. Бу эса, ўз навбатида, ўрганилаётган обьект ҳакида турли хил гипотезалар қуришга, ҳодисаларни олдиндан кўришга, илмий башоратлар қилишга ёрдам беради.

Шуни айтиш керакки, оммабоп индукциянинг хулосаси билиш субъекти учун қулай фактларни санаб кўрсатишига асосланганлиги боис, у эҳтимолий, тахминий фикр бўлишдан юкорига ўта олмайди. У қўшимча текширишлар ўтказишни, мавжуд ҳолатлар ва ҳолларда предмет табиатининг ўзгаришини аниқлаштиришни тақозо этади. Чунки қулай ҳолларни, фактларни санаб кўрсатиш дастлабки индуктив умумлашмалар ҳосил қилишнинг зарурий шарти бўлса-да, ўз ҳолича етарли эмас.

Хусусан, бирорта белгининг бир туркум предметларда такрорланиши воқеанинг кечиши билан боғлиқ тасодифий ҳолат ҳам бўлиши мумкин. Албатта, зарурият билан боғланмаган, уни у ёки бу даражада ифода қилмайдиган тасодиф йўқ. Масалан, тажриба олиб борилаётган итга ёнида турган лампочка ёнгандан кейин овқат бериш бир неча марта такрорланса, бу итда шартли рефлекс ҳосил бўлишига олиб келади. Бунда лампочка билан овқат бериш ўртасидаги алоқа ўз ҳолича тасодифий деб олиб қаралиши мумкин. Лекин у итда шартли рефлекснинг ҳосил бўлиши билан бир тизимда олинганда заруриятни ифода этадиган такрорланиб турувчи ҳодисага айланади.

Бу ҳодиса ва умуман, бир жинсли предметларда такрорланиб турувчи барча ҳодисалар инсоннинг билиши жараёнида акл ёрдамида талқин қилинади, «қайта ишланади» ҳамда «Бу такрорланиш зарурият, конуниятнинг ифодаси бўлиши мумкин», деган тахминнинг яратилишига олиб келади. Умумий ҳолда ифодаланган бу тахмин билишнинг кейинги босқичида тўлиқсиз индукция ҳосил қилувчи умумлашманинг асосли бўлишини таъминлайдиган микдорий ва сифатий омилларнинг ўзаро таъсирининг кучайишига ва, демак, холосанинг ишончлилик даражасининг ортишига олиб келади. Бунда сифатий омил белги такрорланиб турувчи ҳодисалар мавжуд бўлган шароитнинг ўзгариб туришини тақозо этади. Ўзгариб турган шароитларда ҳодиса белгисининг такрорланиши унинг зарурий тавсифга эга эканлиги ҳақидаги ишончни ортиради. Ана шундай сифатий омил амал қилган шароитда микдорий омил ҳам, бир турдаги ҳолларнинг кўп бўлиши (улар қанча кўп бўлса, умумлаштириш натижаси шунча яхши бўлади) ҳолати ҳам мавжуд бўлса, холосанинг чин бўлиши эҳтимоли ортади.

Юкоридаги сайлов ҳақидаги мисолга қайтадиган бўлсак, сўроқ натижаларининг чин бўлиш эҳтимоли сифатий (респондентлар тасодифан эмас, балки аҳолининг қайси қатламига мансублиги, ёши, жинси ва шу кабилар ҳисобга олинган ҳолда ажратиб олинса) ва микдорий (сифатий ҳолат билан боғлиқ равишда респондентлар сони кўп бўлса) кўрсаткичлар ҳисобга олинган ҳолда ортади, деган холосага келиш мумкин. «Кузатиш шароитининг турли-туман бўлиши» (белги такрорланиб турувчи ҳодисалар шароитининг ўзгариб туриши) тушунчasi кузатиш обьектининг хусусиятига қараб турли хил нарсаларни: фазодаги, вактдаги, функциясидаги ва уларнинг аралашган ҳолатидаги хилма-хилликни ифода этиши мумкин. Турли хил варианtlарни ҳисобга олмаслик, кўпинча, оммабоп индукция холосасининг хато бўлишига олиб келади. Масалан, утопик социалист Роберт Оуэннинг у кишиларнинг ижтимоий гурӯхларининг эҳтиёжлари, уларнинг яшаш шароитлари, фаолият турларининг хусусиятларини ва бошқа қатор ижтимоий омилларни ҳисобга олмагани учун унинг Нью-Ланарк колониясида ўтказган социал эксперименти, кузатишлари натижаларини умумлаштириш асосида ҳосил қилган жамиятни социалистик асосда қайта куриш ҳақидаги холосаси хато бўлган.

Оммабоп индукция бўйича хато холоса кузатилаётган ҳолларга зид бўлган ҳолни ҳисобга олмаслик натижасида ҳам келиб чиқиши мумкин. Бу кўп учраган фактларни

тахлил қилишга берилиб кетиб, бошқа ҳолатларнинг мавжуд бўлишини унуган ҳолларда тез-тез учраб туради.

Шунингдек, оммабоп индукция зид ҳолатлар ҳақидаги фактларни қасдан яширган ёки фактларни аввалдан ўйлаб топиб қўйган хуоса учун тўплаган ҳолларда хато натижаларни беради.

Тўрли хил ғаройиб нарсаларга ишониш оқибатида ҳосил қилинадиган индуктив умумлашмалар, масалан, «кўз тегиши», «йўлни мушук кесиб ўтса, ишнинг юришмаслигиги», «тушда гўшт кўринса, яқин кишилардан бирининг касал бўлиб қолганлиги» ҳақидаги хуосалар ҳам кўпинча ҳақиқатга мос келмайди.

Шундай қилиб, оммабоп индукция бўйича олинадиган хуоса эҳтимолий тавсифга эга бўлади. Унинг чињлик дарражасини ошириш учун юқорида кўрсатиб ўтилган методологик талабларга риоя этиш зарур, ана шундагина у тўғри муҳокама юритишнинг самарали воситасига айланади.

## ИЛМИЙ ИНДУКЦИЯ

**Илмий индукция** эҳтимолий хуоса чиқаришнинг шундай турики, унинг асосларида бирорта белгининг бир синфга мансуб предметларнинг бир қанчасида такрорланиши қайд этилиши билан бир қаторда, у белгининг сабабий алоқаси ҳақида ҳам маълумот мужассамлашган бўлади ва улар хуосада берилган предметлар синфига нисбатан ҳосил қилинган фикрда ўз аксии топади.

Оммабоп индукциядан фарқли ўлароқ, илмий индукциядан бир синфга мансуб предметларда такрорланувчи белги шунчаки қайд этилиб қолмасдан, балки у ҳақида тўлароқ маълумотга эга бўлиш, унинг мавжуд бўлиши сабабини аниқлаш учун предметнинг бошқа белгилари билан бўлган алоқалари, хусусан, сабабий боғланишлари ўрганилади. Ана шунинг учун ҳам, яъни ҳодисаларнинг сабабини аниқлашга, уларни ифода этувчи конунларни очишга қаратилгани учун ҳам тўлиқсиз индукциянинг бу турини илмий индукция деб аташади.

Маълумки, илмий билиш фаннинг бош мақсади ўрганилаётган объектини тавсифлайдиган конунларни очиш орқали унинг (объекгнинг) табиатини, моҳиятини тушунтиришдан иборат. Бу эса, биринчи навбатда, ҳодисанинг (ёки унинг белгисининг) мавжуд бўлиш сабабини аниқлашни тақозо этади.

Шуни айтиш керакки, сабабий алоқадорлик ҳодисалар ўртасидаги умумий боғланишларнинг бошқа турлари (масалан, таркибий, функционал, генетик боғланишлар) каби ҳодисаларнинг табиатини белгилайди. Ана шунинг учун ҳам сабабий алоқадорликни ўрганиш ҳодисаларнинг

моҳиятини тушуниш, турли жараёнларни олдиндан кўриш, янгиликлар яратиш имконини беради.

Сабабий алоқадорликни аниқлаш анча мураккаб иш, чунки у борликда юкорида қайд этиб ўтилган ҳодисалар ўртасидаги умумий алоқадорликнинг бошқа турлари билан биргаликда мавжуд. Уни илмий билишда «тоза» ҳолда ажратишга ҳаммавақт ҳам осонликча эришиб бўлмайди. Бунинг учун сабабий алоқадорликнинг табиатини, хусусиятларини яхши билиш керак.

**Сабабият** (каузаллик) икки ҳодиса ўртасидаги зарурий алоқа бўлиб, муайян шароитда улардан бири (сабаб-ҳодиса) иккincinnини (оқибатни) келтириб чиқаради. Унинг муҳим хусусиятлари қўйидагилар: 1) алоқанинг умумийлиги; 2) вақтдаги изчиллиги, бирин-кетинлиги; 3) алоқанинг зарурий тавсифи; 4) сабаб ва оқибатнинг бир маъноли боғланишда бўлиши.

1.*Сабабий алоқаларнинг умумийлиги* деганда, оламда ҳеч бир ҳодисанинг сабабсиз мавжуд бўла олмаслиги тушунилади. У ҳар қандай ҳодисанинг ўз ҳолича, бошқа ҳодисалардан мустакил ҳолда вужудга кела олмаслигини, бошқа ҳодисалар билан бевосита ёки билвосита боғланиб кетганини, турли хил ҳодисалар таъсирида пайдо бўлиши, ўзгариши, йўқ бўлиши ҳамда ўз навбатида, бошқа ҳодисаларга таъсир ўтказишини билдиради. Борликдаги ҳар бир ҳодиса ўз сабабига эга бўлиб, уни эртами ёки кечми билиб олиш мумкин.

Турли хил алоқалар, мавжуд ҳолатлар орасида номаълум бўлиб қолаётган сабаб-ҳодисани топиш учун бошқа омиллар, хусусан, сабабий алоқада бўлган ҳодисаларнинг вақтдаги кетма-кетлиги, изчиллиги хисобга олиниши зарур.

2.*Сабабий алоқадорликда бўлган ҳодисаларнинг вақтдаги бирин-кетинлиги* деганда, сабаб-ҳодисанинг оқибат (натижа) ҳодисадан доимо олдин келиши назарда тутилади. Сабаб-ҳодиса билан оқибат-ҳодисанинг рўй бериши орасида турли муддат ўтиши мумкин. Баъзан оқибат (натижа)–сабаб-ҳодисадан бир зумдан кейин пайдо бўлиши мумкин. Масалан, ўқнинг отилиши билан у теккан обьектнинг заарланиши ўртасида ўтадиган вақт жуда қисқа, организмга тушган микроб билан у кўзғайдиган касалликнинг вужудга келиши ўртасида ўтадиган вақт узокрок (бир канча дақика, соат, кун) бўлади. Сабабий алоқадорлик ижтимоий ҳаётда (масалан, кишиларнинг ҳукукий онги билан уни шакллантиришга йўналтирилган хатти-харакатлар), геологияда (масалан, маълум бир жараёнлар таъсирида тоғларнинг пайдо бўлиши) ва бошқа шу каби соҳаларда анча кўп вақт давомида амалга ошади.

Сабаб-ҳодиса оқибат-ҳодисадан аввал келадиган бўлгани учун у билишда доимо оқибатдан олдин келадиган ҳодисалар орасидан қидирилади. Бунда оқибат билан бир вақтда ёки ундан кейин келадиган ҳодисалар истисно (элиминация) қилинади, яъни чикариб ташланади.

Сабаб ва оқибатнинг вақтдаги изчиллиги, биринкетинлиги ҳодисалар ўртасидаги сабабий алоқадорликни аниқлашнинг зарурий шарти, лекин ўз ҳолича кўзланган мақсадга эришиш учун етарли эмас. Олдинма-кетин келган ҳодисаларнинг ҳаммаси ҳам сабабий алоқадорликда бўлавермайди. Бу ҳолат ҳисобга олинмаса, «ундан кейин, демак, шу сабабга кўра», деб аталадиган хато (лотинча – post nos, ergo propter nos) рўй беради. Масалан, чақмоқ чакиш ҳодисаси момақалдиrokдан аввал келади. Аввал кишилар чақмоқ чакишни момақалдиrokнинг сабаби деб тушунганлар, ваҳоланки ҳакиқатда бундай эмас. Момақалдиrokнинг чақмоқдан кейин келишига сабаб товуш тезлигининг ёруглик тезлигидан камроқ бўлишидир. Аслида эса улар бир вақтда вужудга келади. Худди шу сингари, жиноят содир бўлишидан аввал у содир этилган жойда бўлган кишиларнинг ҳаммаси ҳам жиноятчи бўлавермайди.

3. Сабабий алоқадорликнинг зарурийлиги оқибатнинг факат уни вужудга келтирадиган сабабнинг мавжуд бўлганидагина пайдо бўлишини англатади. Сабаб-ҳодисанинг йўқлиги оқибат-ҳодисанинг ҳам юзага чиқмаслигини билдиради. Ана шунинг учун ҳам сабабий алоқадорликни аниқлашда оқибатдан аввал келадиган ҳодисалардан оқибат-ҳодисани келтириб чиқармайдиганлари олиб ташланади, яъни элиминация қилинади.

4. Сабабиятнинг бир маъноли алоқадорлик эканлиги муайян сабабнинг ўзига мувофиқ келадиган муайян оқибатни келтириб чикаришини ифода этади. Буни сабаб ва оқибат ўртасидаги алоқадорликдаги симметриянинг мавжудлиги, яъни сабаб-ҳодисанинг ўзгаришининг оқибат-ҳодисанинг ўзгаришига олиб келишини тасдиқлайди. Сабабиятнинг бу хусусияти уни аниқлаш жараёнида факат ўзаро биргаликда ўзгарувчи ҳодисаларни олиб қолиб, колганларини чиқариб юборишга ундейди.

Сабабий алоқадорликнинг биз кўриб чиқкан хусусиятларини ҳисобга олиш уни аниқлашни осонлаштиради.

Сабабий алоқадорлик мураккаб структурага эга. Хусусан, сабаб-ҳодиса турли хил шароитларда турли оқибатларни келтириб чиқариши (масалан, ҳаво намлигининг юқорилиги турли хил касалликларнинг сабаби бўлиши) ёки аксинча, бир оқибат турли шароитларда ҳар хил

сабаблар таъсирида пайдо бўлиши (бадан ҳароратининг кўтарилиши тумовнинг, буйрак касаллигининг, ичак саллигининг ва шу кабиларнинг оқибати бўлиши) мумкин.

Ана шунинг учун ҳам сабабий алоқадорликни аниқлаш эмпирик тадқиқотлар натижаларини самарали таҳлил қилишга имкон берувчи принципларни қўллашни тақозо этади. Улар сабабий алоқадорликда бўлган ҳодисаларни уларнинг борлиқдаги табиий мавжуд бўлиш шароитидан «ажратиб олиб», маҳсус билиш шароитларида ўрганишга имкон беради. Хусусан:

1.Оқибатдан аввал келган ҳодиса мураккаб таркибга эга, у a,b,c,d ва ҳоказо ҳолатлардан ташкил топган, деб ҳисобланади.

2.Мазкур ҳолатларнинг ҳар бири мустақил ҳолда мавжуд ва бошқалари билан ўзаро таъсирида бўлмайди, деб қаралади.

3.Кайд этилган ҳолатлар мавжуд бўлиши мумкин бўлган ҳолатларнинг тугал тўплами, деб олинади.

Бу принциплар билан бир қаторда сабабий алоқадорликни аниқлашнинг бошқа бир қанча методлари ҳам мавжуд. Улар мантиқда илмий индукция методлари, деб юритилади.

## ИЛМИЙ ИНДУКЦИЯ МЕТОДЛАРИ

**Ўхшашилик методи.** Унда ўрганилаётган ҳодисанинг сабаби ҳақидаги хulosса шу ҳодисанинг бир қанча кузатилаётган ҳолларини солиштириш, уларнинг ўхшаш томонини аниқлаш асосида ҳосил қилинади. Масалан, кимёвий таркиби, зичлиги, оғирлиги, катталиги турлича бўлган маятниклар узунлиги бир хил стерженларга – илгакларга илинтирилиб, ҳаракатга келтирилганда, бир хил тебраниш даврига эга бўлган. Бунда ҳодисанинг вужудга келиши кузатилаётган барча ҳолларда ундан аввал келаётган ҳолатларнинг факат биттасигина тақрорланади. Ана шунга таяниб, мазкур тақрорланувчи ҳолат кузатилаётган ҳодисанинг вужудга келишининг сабаби бўлса керак, деган тарзда эҳтимолий хulosса чиқарилади.

Ўхшашилик методи бўйича муҳокама юритиш шакли қуйидаги кўринишга эга:

Ҳоллар	Ҳодиса вужудга келишдан аввал мавжуд бўлган ҳолатлар	Ҳодиса
1	ABC	d
2	ДЕВ	d
3	ВСД	d

Эҳтимол, В ҳолат d ҳодисанинг сабабидир.

Демак, ўхшашлиқ методининг моҳиятини куйидагича ифодаласа бўлади:

*Агар ҳодисанинг кузатилаётган ҳоллари учун фақат битта ҳолатгина умумий бўлса, ана шу ҳолат мазкур ҳодисанинг сабабидир.*

Ўхшашлиқ методининг амалга ошиш механизми куйидаги мантиқий амалларни ишлатишни ўз ичига олади.

Биринчидан, ўрганилаётган ҳодисанинг таҳминий сабаблари ҳақида маълумотлар тўпланди. Бизнинг шаклда бу А, В, С, Д, Е ҳолатлари d ҳодисасидан аввал келиб, унинг пайдо бўлишига сабаб бўлувчи ҳолатлар сифатида олиб қаралган. Уни «А ёки В ёки С ёки Д ёки Е d ҳодисасини келтириб чиқаради» шаклидаги дизъюнктив ҳукм деб кабул қиласак бўлади.

Иккинчидан, мавжуд ҳолатлар ичидан кузатилаётган ҳодиса билан зарурий равишда боғланмаган, сабабий алоқадорликка хос белгиларга эга бўлмаган ҳолатлар чиқариб юборилади. Юқоридаги схемада d ҳодисаси биринчи ҳолда Д ва Е ҳолатлари, иккинчи ҳолда А ва С ҳолатлари, учинчи ҳолда А ва Е ҳолатлари бўлмаганда ҳам вужудга келяпти. Ана шунинг учун улар зарурий равишда боғланмаган ва демак, унинг сабаби бўла олмайдиган ҳолатлар сифатида муҳокамадан чиқариб юборилиши керак. Уни, «А ҳам С ҳам Д ҳам Е ҳам d ҳодисасининг сабаби эмас», деган кўринишдаги инкор ҳукмдан иборат, деб олишимиз мумкин.

Бу амалдан кейин ҳодисанинг асл сабаби бўлиши мумкин бўлган ҳолатлар доираси қисқаради.

Учинчидан, барча ҳоллар учун ўхшащ бўлган, ҳаммасида турғун равишида тақрорланадиган ҳолат ажратиб олинади. Бизнинг шаклда у В ҳолатидан иборат.

Айнан ана шу ҳолат кузатилган ҳолларда бошқа ўхшащ ҳолатлар бўлмагани учун, ҳодисанинг сабаби бўлса керак, деб тусмол килинади.

Юқорида содир этилган мантиқий амаллар натижаларини тўплаб, тартибга солсак, юритилган муҳокаманинг умумий шакли айирувчи-қатъий силлогизмнинг тасдиқ-инкор (tollendo ponens) модуси шаклида эканлигини кўрамиз:

А ёки В ёки С ёки Д ёки Е d ҳодисасини келтириб чиқаради.

А ҳам С ҳам Д ҳам Е ҳам d ҳодисасининг сабаби эмас.

Эҳтимол, В ҳолат d ҳодисанинг сабабидир.

Бунинг символик ифодаси куйидагича бўлади:

$p \vee q \vee r \vee s \vee t, \neg p, \neg r, \neg s, \neg t$

Шуни айтиш керакки, ўхшашик методидан фойдаланиб, ҳосил қилинган хуносанинг асосланганлик даражаси кўп омилларга, хусусан, кузатиш ва эксперимент ўтказилаётган шароитларнинг хилма-хиллиги, кўриб чиқилаётган ҳолларнинг микдори ва шу кабиларга боғлиқ. Агар ўхаш ҳолат кузатилаётган ҳоллар сони қанчалик кўп бўлса, у ҳолат турли хил шароитларда ҳар хил бошқа ҳолатлар билан турлича комплексларда олинса, унинг вужудга келаётган ҳодисанинг сабаби бўлиши эҳтимоли ортади.

Лекин шунга қарамасдан бу метод воситасида олинган хуносанинг чинлиги эҳтимолий характерга эгалигича қолаверади. Тўлиқсиз индукция учун характерли бўлган тажрибанинг тутал бўла олмаслиги мана шунда намоён бўлади. Хусусан, ҳодисадан аввал келадиган ҳолатларнинг барчасини аниқлаш имконияти бўлмагани учун ҳодисанинг асл сабаби бўлган ҳолат ана шу номаълум ҳолатлар ичida қолиб кетган бўлиши мумкин. Ана шунинг учун ҳам бизнинг мисолимиздаги барча кузатилган ҳолларда такрорланувчи В ҳолати бошқа ҳолатлар билан бир комплексда келадиган ёки ҳодисанинг асл сабаби бўлган номаълум X ҳолатига эргашиб юрадиган ҳолат бўлиши мумкин.

Ўхшашик методини қўллаш натижасида олинган хулоса ҳодисадан аввал келадиган барча ҳолатлар аниқланганда, яъни сабаб бўлиши эҳтимол қилинган ҳолатлар ёпиқ тизимни ташкил этганда, шунингдек, бу ҳолатлар ўзаро бир-бирига таъсир ўтказмайди, деб олиб қаралгандагина чин бўлиши ва аргументлаш жараёнида ишончли асос сифатида қўлланилиши мумкин.

Шунга қарамасдан ўхшашик методи ҳодисанинг сабабини у ҳакда турли гипотезалар куриш орқали аниқлашда муҳим аҳамиятга эга. Ундан илмий билишда жуда ҳам самарали фойдаланиш мумкин.

**Тафовут методи.** Бу метод фақат иккита ҳол-ҳодисанинг вужудга келган ва келмаган ҳолларини таққослаш асосида ҳодисанинг сабабини аниқлаш усули бўлиб, унда мавжуд ҳоллар бир-биридан фақат битта ҳолат билан фарқ қиласди: бирида у йўқ, иккинчисида – бор ва фақат ана шу ҳолат бор ҳолдагина ҳодиса юзага келади. Ана шунинг учун ҳам мазкур ҳолат кузатилаётган ҳодисанинг сабаби бўлса керак, деб тахмин қилинади, яъни эҳтимолий хулоса ҳосил қилинади. Унинг шакли кўйидагича:

Ҳоллар	Ҳодиса вужудга келишдан аввал мавжуд бўлган ҳолатлар	Ҳодиса
1	АСД	-
2	АВСД	d

Эҳтимол, В ҳолат d ҳодиса сабабидир.

Тафовут методидан билишнинг турли хил соҳаларида кенг фойдаланилади. Масалан, яхши ишламаётган корхоналар солиштирилиб, корхонанинг яхши ишламаслиги сабаби аникланади. Медицинада эса иккита ҳайвонлар гурухи – эксперимент ўтказилаётган ва назорат қилувчи гурухлар киёс қилиниб, эксперимент ўтказилаётган гурухда синалган препараторнинг самарадорлик даражаси аникланиши мумкин. Бунда ҳар иккала гурух бир хил шароитда сакланиб (A, C, D), эксперимент давомида битгасига В ҳолати қўшилади. Бу эса аввалги ҳолда йўқ бўлган d ҳодисасининг вужудга келишига сабабчи бўлади. Ана шунга асосланиб, «В ҳолати d ҳодисаси сабаби бўлиши мумкин», деган холосага келинади.

Демак, тафовут методига мувофиқ, ҳодиса вужудга келаётган ва вужудга келмаётган ҳоллар улардан аввал келаётган ҳолатларнинг биттасидагина фарқ қилиб, қолгандаридан ўҳаша бўлса, ана шу битта ҳолат кузатилаётган ҳодисанинг сабабидир.

Тафовут методининг амалга ошиш механизми куйидагича изчилликдадир.

Биринчидан, d ҳодисасининг сабаби бўлиши мумкин деб тахмин қилинадиган ҳолатлар аникланади. Бизнинг шаклда улар A, B, C, D лардан иборат бўлиб, дизъюнктив ҳукм кўринишида ифода қилинади:

«А ёки В ёки С ёки D ҳолати d ҳодисаси сабабидир».

Иккинчидан, мазкур дизъюнция аъзоларидан етарли асос принципига мувофиқ келмайдиганлари чиқариб ташланади, яни «А ҳам С ҳам D ҳам d сабаби эмас», деб ҳисобланади.

Учинчидан, ҳодисанинг сабаби бўлиши мумкин, деб тусмол қилинган ҳолатлар ичидан фақат биттаси олиб қолинади ва у ҳодисанинг ҳақиқий сабаби, деб ҳисобланади. Юкоридаги шаклда бу В ҳолатидир.

Демак, тафовут методи бўйича холоса чиқаришнинг мантиқий механизми ҳам айирувчи – қатъий силлогизмнинг тасдик-инкор (tollendo ponens) модуси шаклида экан. Уни куйидагича ёзиш мумкин:

А ёки В ёки С ёки D d ҳодисасини келтириб чиқаради.

А ҳам С ҳам D ҳам d ҳодисасининг сабаби эмас.

Эҳтимол, В ҳолат d ҳодисасининг сабабидир.

Унинг символик ифодаси куйидагича:

$$\frac{p \vee q \vee r \vee s, \neg p, \neg r, \neg s}{q}$$

Тафовут методи асосида мұхокама юритиш фақат ҳодисадан аввал келдиган ҳолатлар түпшами ёпиқ тизимни ташкил этганды ҳамда уларнинг барчаси аникланганда чин холоса беради. Эмпирик билиш босқичида буни амалга оширишнинг иложи йўқ. Лекин шунга қарамасдан, тафовут методи, мутахассислар фикрича, индуктив холоса чиқаришнинг энг ишончли холосавий билим берадиган воситаси ҳисобланади ва шунинг учун ҳам илмий билишда унга кўп мурожаат қилинади.

**Йўлдош ўзгаришлар методи.** Бу метод ҳодисадан аввал келаётган ҳолатлардан бирининг ўзгариши, қолган ҳолатлар ўзгармасдан қолганда, ҳодисанинг ўзгаришига олиб келиши кузатиладиган шароитларда қўлланилади.

Ўхшашлик ва тафовут методлари ҳолатлардан бирортасининг такрорланиши ёки йўқ бўлишини қайд этишга асосланган бўлиб, улар сабабий алоқада бўлган ҳодисаларни нейтраллаштириш ёки бошқалари билан алмаштириш иложи бўлган шароитларда қўлланилиши мумкин эди. Йўлдош ўзгаришлар методидан бундай вазиятларда фойдаланиб бўлмайди. Масалан, тушунча мазмунининг ўзгариши унинг ҳажмининг ўзгаришига таъсир кўрсатишини ўрганишда тушунчанинг мазмунини нейтраллаштириб, яъни уни тушунча ҳажми билан бўлган боғланишидан «кузиб» олиб бўлмайди. Худди шунингдек, атроф-муҳитнинг инсон организмига таъсирини тадқиқ этишда атроф-муҳитнинг таъсирини истисно қилиб бўлмайди, яъни тажрибадан чиқариб ташлаб бўлмайди. Бундай ҳолларда фақат йўлдош ўзгаришлар методидангина фойдаланиш мумкин. У аввал ва кейин келаётган ўзаро боғлиқ ҳодисалардаги йўлдош ўзгаришларни – бирининг ўзгариш интенсивлиги ва даражасининг иккинчи ҳодисадаги содир бўлаётган ўзгаришларга мувофиқлигини аниклашга имконият яратади.

Йўлдош ўзгаришлар методига мувофиқ, бир ҳолатнинг ўзгариши ҳодисанинг ўзгаришига ҳам олиб келса, шу ҳолат кузатилаётган ҳодиса ўзгаришининг сабабидир.

Йўлдош ўзгаришлар методи ёрдамида жуда кўп қонунлар, шу жумлидан, физикадаги газнинг харорати билан унинг зичлиги, тортишиш кучи билан масофа, иқтисодиётдаги талаб ва таклиф ўртасидаги боғланишлар ва шу кабилар ўрганилади.

Ҳодисадан аввал келаётган ҳолатларни А, В, С лар билан, бу ҳолатларнинг ўзгариши даражасини 1,2,..., n билан, ҳодисани d билан белгиласак, йўлдош ўзгаришлар методида мұхокама жараёнининг қуидаги шакл бўйича амалга ошишини кўрамиз:

Ҳоллар	Ҳодиса вужудга келишдан аввал мавжуд бўлган ҳолатлар	Ҳодиса
1	ABC <sup>1</sup>	d1
2	ABC <sup>2</sup>	d2
...	...	...
n	ABC <sup>n</sup>	d <sub>n</sub>

Эҳтимол, С ҳолат d ҳодиса сабабидир.

Масалан, Қуёшнинг дастлабки ҳолатдаги активлиги С<sup>1</sup>та тенг бўлганда, Ерда радиация даражасини d<sup>1</sup>деб олсак, Қуёш активлигининг С<sup>2</sup> даражасига кўтарилиши Ердаги радиация даражасининг ҳам d<sup>2</sup>тacha кўтарилишига олиб келади.

Йўлдош ўзгаришлар методининг қўлланиши маълум бир шарт-шароитларга риоя қилинши тақозо этади.

Биринчидан, ўрганилаётган ҳодисанинг сабаби бўлиши мумкин деб эҳтимол қилинган ҳолатлар аниқланиши керак. Бу ҳолатларни A, B, C лар деб ҳисобласак, «A ёки B ёки C ҳолат d ҳодисасини келтириб чиқаради», деган айирувчи хукм кўринишидаги фикр ҳосил бўлади.

Иккинчидан, юқоридаги ҳолатлар ичидан сабабий алоқадорликнинг бир маъноли бўлиши хусусиятига эга бўлиши, яъни конкрет ҳолатнинг ўзгариши ҳодисадаги конкрет ўзгаришга олиб келиши шартига мувофиқ келмайдиганлари чиқариб юборилиши (элиминация қилиниши) зарур. Юқоридаги шаклда А ва B ҳолатлари айнан шундай бўлиб, улар муҳокама жараёнидан чиқариб юборилиши керак.

Учинчидан, элиминациядан кейин қолган ягона ҳолат ажратиб олиниб, унинг ўзгариши ҳодисанинг ўзгаришига сабабидир, деган хulosага келинади. Бизнинг шаклда бундай ҳолат С бўлиб, унинг С<sup>1</sup>дан С<sup>n</sup>тacha бўлган ўзгариш интенсивлиги ҳодисанинг d<sup>1</sup>дан d<sup>n</sup>тacha бўлган ўзгариши интенсивлиги билан биргаликда кечяпти.

Йўлдош ўзгаришлар тўғри ва тескари йўналишларга (пропорционалликка) эга бўлиши мумкин.

Тўғри йўналишдаги (пропорционалликдаги) боғланиш деганда, ҳодисадан аввал келадиган ҳолатнинг ўзгариш интенсивлигининг ортиши ҳодисанинг ўзгариши интенсивлигининг ортишига олиб келадиган алоқадорлик назарда тутилади. Масалан, Қуёшдаги доғнинг катталashiши магнит бўронининг кучайишига олиб келади.

Тескари йўналишдаги (пропорционалликдаги) боғланиш деганда эса, ҳодисадан аввал келаётган ҳолатнинг интенсивлигининг ортиши ҳодисанинг ўзгариш интенсивлигининг камайи-

шига олиб келадиган алоқадорлик тушунилди. Масалан, тушунчанинг ҳажми кенгайтирилганда, унинг мазмуни тораяди.

Йўлдош ўзгаришлар методи бўйича индуктив хулюса чиқаришининг мантикий шакли айирувчи – қатъий силлогизмнинг тасдик-инкор (tollendo polens) модуси кўриннишида бўлади, яни:

А ёки В ёки С ҳолат d ни келтириб чиқаради.

А ҳам В ҳам d нинг сабаби эмас.

---

Эҳтимол, С ҳолат d ҳодиса сабабидир.

Символик ифодаси:

$$\underline{p \vee q \vee r, \neg p, \neg q}$$

r

Йўлдош ўзгаришлар методи бўйича олинадиган жулюсанинг чин бўлиши эҳтимолини, ишончлилик даражасини ортириш учун бир канча талабларга риоя этиш зарур. Хусусан, ҳодисанинг сабаби бўлиши мумкин, деб ҳисобланган ҳолатлар сони иложи борича кўпроқ бўлиши, улар ҳақида тўпланганди билан ундан аввалини келаётган ҳолат ўртасидаги алоқадорлик доимий, зарурий ва бир маъноли бўлиши керак.

Йўлдош ўзгаришлар методи ҳодисалар ўртасидаги сабабий алоқадорлик билан бир қаторда, функционал боғланишларни, масалан, ҳодисаларнинг микдорий кўрсаткичларининг ўзгаришлари ўртасидаги боғлиқликни аниқлашга ҳам имкон беради. Бунда ҳар бир ҳодисанинг сифати ўзгармайдиган оралиқда унинг учун хусусиятли бўлган ўзгаришлар интенсивлиги шкаласини ҳисобга олиш, яни микдорий ўзгаришларнинг берилган сифат ҳолати доирасидаги юқори ва қуий чегараларини назарда тутган ҳолда иш юритиш муҳим аҳамият касб этади. Чунки, чегаралар зонасида ва ундан ташқарида микдор ўзгаришлари сифат ўзгаришларига ўтади. Масалан, овқат керагича ейилганда, организм учун фойдали бўлади. Нормадан озгина ошгани учалик сезилмайди. Лекин жуда кўп овқат еб қўйилганда организмга зарар етади, ҳатто унинг ҳалок бўлишига олиб келади. Нормадан қам овқат ейиш ҳам организм учун заарли. Демак, овқат истеъмол қилишнинг суткалик нормаси сакланиши, яни ўзгаришлар интенсивлиги шкаласи ҳисобга олиниши зарур.

Йўлдош ўзгаришлар методи ҳодисаларнинг сабабий, функционал алоқаларини ўрганишда, юқорида кўрсатиб ўтилган шартларга амал қилганда, яхши самара беради.

**Қолдиклар методи.** Бу метод татбиқ этиладиган объект мураккаб ҳодисадан иборат бўлиб, биттасидан бошқа қисмларининг сабаблари аниқ бўлганда, ана шу қолган қисмни вужудга келтирувчи сабабни топиш мақсадида қўлланилади. Унинг муҳокама юритиш жараёнида амал килиш шакли қўйидагича:

Ҳоллар	Ҳодисадан аввал келиб, унинг айрим қисмларини вужудга келтирувчи ҳолатлар	Ҳодиса
1	ABC	x, y, z
2	A	x
3	B	y

Эҳтимол, С ҳолат з нинг сабабидир.

Қолдиклар методини қўллаш натижасида гелий, рубидий каби кимёвий элементлар, Нептун планетаси топилган ва бошқа турли соҳага оид кўп ҳодисалар аниқланган.

Бу методни қўллаганда муҳокама юритиш жараёнининг қандай кечишини Нептун планетасининг қашф этилиши мисолида кўриб чиқамиз. Уран планетасининг ҳаракатини кузатар эканлар, олимлар унинг ҳисоблаб чиқилгандан кўпроқ микдорда оғишган орбита бўйлаб ҳаракат килишини қайд этганигар. Маълумки, планетанинг оғишиш микдорининг бир қисми унга шу пайтгача маълум бўлган планеталарнинг таъсир ўтказиши билан боғлиқ. Қолган қисмининг эса бошқа бир куч таъсирида бўлаётганини бу ерда тушуниб олиш кишин эмас. Олимлар, шу пайтгача номаълум планета мавжуд бўлиб, ана шунинг таъсирида Уран планетасининг оғишиш микдори кўпаяётган бўлса керак, деган тахминий фикр билдиришган. Орадан маълум бир вақт ўтгандан кейин Леверье ҳисоблаш йўли билан янги планетанинг – Нептуннинг жойлашишини айтиб беради. Ниҳоят И.Галле 1846 йили янги куришган телескоп ёрдамида уни осмон сферасидан топади.

Агар Уран планетасига таъсир этувчи планеталарни A, B, C лар, Уран планетасининг умумий оғишиш микдорини ташкил этувчи қисмларини a, b, c, d билан белгилаган ҳолда, оғишишнинг а микдорини — А планетаси, в микдорини — В планетаси, с микдорини — С планетаси таъсири билан боғласак, унда d микдори «Қандайдир номаълум X планетаси мавжуд бўлиб, ана шунинг таъсирида вужудга келса керак», деган холосани ҳосил қилувчи муҳокаманинг амалга ошаётганини кўрамиз.

Унинг формуласи қўйидагича бўлади:

A, B, C лар a, b, c, d ларни келтириб чиқаради.

А а ни келтириб чиқаради.  
В в ни келтириб чиқаради.  
С с ни келтириб чиқаради.  
Эҳтимол, қандайdir X мавжуд бўлиб, у д ни келтириб чиқараётган бўлса керак.

Демак, қолдиқлар методи моҳиятини шундай ифодалаш мумкин: *агар ўрганилаётган мураккаб ҳодисани ташкил этувчи ҳодисанинг (ёки ҳодиса қисмининг) битта ҳолатдан бошқа ҳолатлар билан алоқаси зарурий тавсифга эга бўлмаса, ана шу қолдиқ ҳолат мазкур ҳодисанинг (ҳодиса қисмининг) сабаби бўлиши мумкин.*

Илмий индукциянинг бошқа методлари сингари қолдиқлар методи ҳам эҳтимолий билим олиш воситаси хисобланади. Чиқарилаётган холосанинг чин бўлиш эҳтимоли, биринчидан, ҳодисадан аввал келиб, унга таъсир ўтказаётган ҳолатлар ҳақидаги билимнинг қай даражада бўлиши, иккинчидан, ҳар бир ҳолат билан вужудга келаётган мураккаб ҳодиса ўртасидаги алоқадорлик зарурий тавсифга эга эканлигига аниқ ишонч ҳосил қилиш, учинчидан, конкрет ҳар бир ҳолат билан у сабаби бўлиб ҳисобланәётган ҳодиса қисми ўртасидаги алоқадорликнинг тасодифий эмаслигини аниқлаш ва шу каби омилларни ҳисобга олган ҳолда ортади.

Шундай қилиб, сабабий алоқадорликни аниқлашнинг биз кўриб чиқсан индуктив методлари ўз мантикий таркибига кўра етарли даражадаги мураккаб муҳокама юритиш усуслари бўлиб, уларда индуктив умумлаштириш дедуктив холоса чиқариш иштироқида амалга ошади. Хусусан, дедукция тасодифий ҳолатларни муҳокама жараёнидан чиқариб ташлаш (элиминация қилиш) йўли билан (айирувчи-қатъий силлогизмнинг tollendo ponens модуси асосида) индуктив умумлаштириш йўналишини белгилашга, унинг холосасининг асосланганлик, ишончлилик даражасининг ортишига ҳизмат қиласди.

## СТАТИСТИК УМУМЛАШТИРИШ

У тўлиқсиз индукциянинг алоҳида бир тури бўлиб, илмий индукция сингари, холоса чиқаришда элиминация қилиш усулига, яъни кераксиз ҳолатларни муҳокамадан чиқариб ташлаш йўли билан керакли ҳолатларни ажратиб олишга асосланади. У оммавий тусга эга, кенг кўламда содир бўлади-

ган ҳодисаларни ўрганишда қўлланилади. Масалан, у икти-  
садий ривожланиш кўрсаткичларини ўрганиш, туғилиш ва  
ўлиш ҳақидаги маълумотларни тўплаш, таҳлил қилиш ва  
шу каби ҳолларда муваффакиятли қўлланилади.

Оммавий тусдаги ҳодисаларни ўрганиш тасодифий бел-  
гилар, уларнинг мавжуд ҳодисаларда тақрорланиши, кўла-  
мини аниқлашга ёрдам беради ва шу тариқа сабабий  
алоқаларни ўрнатишни осонлаштиради.

Статистик умумлаштириш кўпроқ оммавий тусдаги ҳоди-  
саларнинг микдорига тегишли маълумотларни тўплаш ва  
таҳлил қилиш, умумлаштириш билан боғлиқ. Бундай мик-  
дорий маълумотлар ҳодисалар тараққиётининг нисбатан  
турғун тенденцияларини ўзида ифода қиласига ҳолда, улар-  
нинг тараққиёт йўналишларини белгилашга, стратегик ва  
тактик аҳамиятга молик вазифаларни ҳал этишини ташкил  
қилишга ёрдам беради. Масалан, у ахолига хизмат кўрса-  
тиш, турили хил касалликларнинг тарқалиши, қонунбузар-  
лик каби ҳодисаларнинг олдини олиш мақсадида профи-  
лактика ишларини амалга оширишга имкон беради.

Оммавий тусдаги ҳодисалар ҳақида уларни ённасига  
қараб чиқиши йўли билан эмас, балки айримларини ташиаб  
олиб ўрганиш асосида, уларга хос бўлган турғун белгилар,  
алоқалар, қонуниятларни мантиқан бутун синфига кўчириш  
орқали хулосалар ҳосил қилинади. Хулоса чиқариш бунда  
статистик умумлаштириш тарзида содир бўлади.

Статистик умумлаштириш – тўликсиз индукция бўйича  
хулоса чиқаришдан иборат бўлиб, унда асосларда ўрга-  
нилаётган ҳодисалар гурухида — намунада муайян белги-  
нинг частотаси ҳақидаги микдорий ахборот хулосада шу  
жинсдаги ҳодисаларнинг бутун синфига кўчирилади.

Статистик умумлаштиришда асосда қайд этилган мик-  
дорий маълумот ўз ичига қуйидагиларни олади: 1) оммавий  
тусдаги ҳодисаларнинг ўрганилаётган гурухи (намуна)ни  
ташкил этувчи ҳолларнинг умумий сони; 2) тадқиқотчини  
қизиқтираётган белгининг тақрорланаётган ҳоллари сони;  
3) шу белгининг пайдо бўлиш частотаси.

Статистик умумлаштиришнинг амалга ошиш шакини куриш  
учун қуйидаги шартли белгилардан фойдаланамиз:  $S$  – тадқиқ  
этилаётган ҳодисалар гурухи ёки намуна;  $P$  – тадқиқотчини  
қизиқтираётган белги;  $n$  – кузатилаётган ҳолларнинг (намуна  
элементларининг) умумий сони;  $m$ -р белгиси хос бўлган  
ҳодисалар (ҳоллар) сони;  $f(p)$  – р белгисининг частотаси;  $K$  –  
популяция, яни оммавий тусдаги ҳодисаларнинг бутун синфи  
(белги частотаси ёйиладиган ҳодисалар синфи).

$S$  – намунада р белгисининг пайдо бўлиши частотаси

$\frac{m}{n}$  га teng. Уни  $f(p) = \frac{m}{n}$  кўринишда ёзиш мумкин. Масалан, автомобиль аварияларининг 100 тадан 17 тасини ҳайдовчининг масти ҳолатда автомобилни бошқариши келтириб чиқаради, деб фараз қилайлик. Унда масти ҳолда ҳайдовчининг автомобилни бошқариши натижасида содир бўлган авария частотаси  $17/100$ ни, яъни  $17\%$  ни ташкил этади.

Умумий ҳолда ҳодисаларни статистик тасвирилашда р белгининг пайдо бўлиш частотаси Одан йиғача бўлган интервалдаги қийматни ташкил этади.

$$0 < f(p) < 1$$

Бунинг сабаби шундаки, статистик намунада ( $s$ ) р белгининг пайдо бўлган ҳоллари сони ( $m$ ) кузатилаётган элементлар умумий сонидан ( $n$ ) доимо кичик бўлади. Бунда,

$n > m$  бўлгани ҳамда  $f(p)$  қиймати  $\frac{m}{n}$  га teng бўлгани учун

у доимо 1 дан кичик, 0 дан катта бўлади.  $f(p) = 0$  ифодаси р белгисининг кузатилаётган ҳодисалардан бирортасига ҳам хос эмаслигини англаради. Ундан индуктив умумлаштириш асосида р белгиси бутун К синфига хос эмас, деган умумий инкор ҳукм шаклидаги хулоса чиқарилади.  $f(p) = 1$  ифодаси эса р белгисининг кузатилаётган ҳодисаларнинг ҳар бирига, яъни намунага хос умумий хусусият эканлигини билдиради. Уни умумлаштириш асосида, яъни р белгисини  $S$  дан – намунадан  $K$  га – бутун синфга кўчириш (генерализация қилиш) асосида, «р К синфининг ҳар бир ҳодисасига хосdir», деган умумий тасдик ҳукм ҳосил қилинади.

Юқорида таҳлил қилинган ҳоллардан келиб чиқиб, статистик умумлаштиришнинг умумий шаклини қуйидагича ифодаласа бўлади:

$$\begin{array}{c} K > S \\ S \subset K \end{array}$$

S f(p) га эга

K f(p) га эга

Бу ифода р белгисининг кузатилаётган ҳодисалар синфи – Sda f частотаси билан тақрорланишини билдиради. Бу ерда S – намуна K популяциянинг (предметлар бутун синфининг) ичига кирувчи кичик синф бўлиб, у доимо K дан кичик бўлади. Бундан келиб чиқадиган холоса шуки, р белгиси K популяциясида f частотаси билан учрайди.

Статистик умумлаштириш тўлиқсиз индукциянинг бир тури бўлгани учун унинг холосаси эҳтимолий тавсифга эга билим бўлади.

Холосанинг чин бўлиши эҳтимолининг қай даражадалиги ўрганилган намунанинг популяцияга нисбатан қандай микдорда бўлишига ҳамда репрезентативлигига, яъни популяцияни сифат жиҳатидан қандай гавдалантира олишига боғлиқ. Агар намунанинг хилма-хиллиги популяциянинг хилма-хиллигига қанча кўп мувофиқ келса, репрезентативлик шунча юқори даражада бўлади ва демак, холосанинг чин бўлиши эҳтимоли ортади. Бошқача айтганда, намунани ташкил этувчи элементлар популяциянинг (бутун синфининг) турли-туман соҳаларининг вакиллари бўлса, унинг барча томонлари, хусусиятларини қамраб олса, холосанинг чин фикрдан иборат бўлиш эҳтимоли ортади.

Демак, ўрганилаётган намунанинг статистик тасвири аниқ бўлиши ва белги частотасининг популяцияга кўчирилиши мантиқан асосланган бўлиши холосанинг чин фикрга яқин бўлишига, ундан билиш ва амалиётда самарали фойдаланишга имконият яратади.

Индуктив холоса чиқаришни таҳлил этишга якун ясар эканмиз, унинг дедукция билан бўлган алоқасини алоҳида таъкидлаб ўтиш зарур. Бу алоқадорлик худди анализ ва синтез ўртасидаги алоқадорлик каби зарурий тавсифга эга.

Фалсафа ва демак, мантиқ илми тараққиёти давомида айrim мутафаккирлар билишда дедукциянинг ролига юқори баҳо бериб, уни тадқиқ этишга алоҳида эътибор қаратган бўлса (масалан, Аристотель, Декарт), бошқалари индукциянинг имкониятларини юқори деб ҳисоблаганлар (Демокрит,

Сократ, Бэкон, Ж.С.Милль), бальзилари эса уларни ўзаро боғлиқ ҳолда олиб қарашга уринган (Галилей, Гегель). Бунинг ўз сабаби бор. Индукция ва дедукция билишнинг турли босқичларида, турли хил билиш вазифаларини ҳал этишда турлича аҳамиятга эга бўлади. Хусусан, билишнинг дастлабки босқичларида, айниқса, тажриба натижаларини умумлаштириш жараёнида индукцияга кўпроқ мурожаат қилинади. Ана шунинг учун Ф.Бэкон Янги даврда табиатшуносликнинг экспериментга асосланадиган йўналишлари ривожи учун индукция муҳим аҳамиятга эга, деб таъкидлаган. Билишнинг назарий босқичида, айниқса, аксиоматика қўлланиладиган ҳолларда, дедукцияга кўпроқ мурожаат қилинади. Математика ва манттика бундай ҳоллар кўп учрайди. Ўз пайтида Декарт буни яхши асослаган.

Лекин, шунга қарамасдан, билишнинг барча босқичлари, соҳалари, йўналишларида индуктив ва дедуктив хулоса чиқаришнинг ўзаро алоқадорлигини, бирининг иккинчисиз мавжуд бўла олмаслигини кузатиш мумкин. Хусусан, дедуктив хулоса чиқаришнинг асосларини индуктив йўл билан ҳосил қилинган умумий билимлар ташкил этади. Ўз навбатида, индукция хуносасининг чинлиги дедукция ёрдамида текширилади.

Индукция ва дедукциянинг объектив асосини борлиқдаги яккалик, жузъийлик ва умумийликнинг ўзаро алоқаси, уларнинг бирини иккинчиси орқали намоён бўлиши ташкил этади. Дедукцияда фикримиз умумийликдан жузъийлик ва яккаликка, индукцияда – яккалик ва жузъийликдан умумийликка қараб ҳаракатланади. Буни барча мутафаккирлар яхши тушунишган. Ана шунинг учун ҳам Аристотель дедукция назариясининг (силлогистик назариянинг) асосчиси сифатида индукциянинг билишдаги тутган ўрнини инкор этмаган. Худди шунингдек, Ф.Бэкон, Ж.С.Милль индуктив методнинг жиддий тадқиқотчилари сифатида билишда дедукциянинг ўз ўрнига эга эканлигини таъкидлашган.

Индукция ва дедукциянинг ўзаро алоқадорлигини биз илмий индукция методларининг қўлланилиши жараёнида кузатдик. Худди шундай, уни исботлаш ва рад этишда, илмий назарияларни куришда ва шу кабиларда ҳам кўришимиз мумкин.

## АНАЛОГИЯ

Аналогия (грек. – мослик, ўхшашлик) бавосита хulosса чиқаришнинг бир туридир. Дедуктив хulosса чиқарища фикр умумийликдан жузъийликка қараб, индукцияда жузъийликдан умумийликка қараб ҳаракатланса, аналогияда бир жузъий ҳолатдан бошқа жузъий ҳолатта қараб ҳаракатланади.

Аналогияда предметларнинг ўхшаш хоссаларига асосланаб хulosса чиқарилади. Табиат ва жамиятда объектив турли туманлик билан бир қаторда, объектив ўхшашлик ҳам мавжудdir. Улар инсон онгидага ўз ифодасини топади. Объектив реалликнинг турли соҳаларига оид қонун ва қоидалар тузилиши жиҳатидан ўхшаш бўлса, улар акс эттирган воқеликдаги турли нарса ва ҳодисалар ҳам маълум маънода ўхшаш бўлади.

Аналогия бўйича хulosса чиқариш объектив реалликнинг чексиз кўринишлари ҳамда унда мавжуд бўлган турли системаларнинг хоссалари, муносабатлари, таркибларидаги ўхшашликларга асосланади. Масалан, сайёralар, давлатлар, ижтимоий тузумлар мөхиятида ўхшашлик бор. Билишда муҳим ва номуҳим хоссалар ўхшашлиги асосида аналогия бўйича хulosса чиқарилади.

Аналогия воситасида бир предметдан (моделдан) бошқа предметга (прототипга) ахборот ўтказилади. Хulosса асослари моделга, хulosса прототипга тааллуқли бўлади. Масалан, қадимги грекларнинг «Дедал ва Икар» ағсанасида айтилишича, ота ва бола қулилардан озод бўлиш учун ўзларига қанот ясашади ва учеб кетишади. Бунда хulosса чиқариш қўйидаги кўринишида бўлади:

Куш тирик мавжудот, унинг қаноти бор, у учади.

Инсон ҳам тирик мавжудот, унинг қаноти йўқ, у учмайди.

Инсоннинг ҳам қаноти бўлса, у, эҳтимол, учади.

Аналогия бўйича хulosса чиқариш бошқа хulosса чиқарилар каби асослардан, хulosадан ва асослар ҳамда хulosса ўртасидаги мантикий алоқадан иборатdir. Унинг хulosаси эҳтимолий шаклда бўлиб, кейинги текширишларни талаб қиласди. Аник асослардан баъзан аник, баъзан эҳтимолий хulosса чиқади.

Аналогия ўзининг объектив асосига эга. Булар предметлар, уларнинг хоссалари ўргасидаги алоқалар ва муносабатлардир.

## ХУСУСИЯТЛАР ВА МУНОСАБАТЛАР АНАЛОГИЯСИ

Моделдан прототипга ўтказилаётган ахборотнинг табиатига кўра аналогиянинг икки тури фарқланади: хусусиятлар аналогияси ва муносабатлар аналогияси.

Хусусиятлар аналогиясида икки якка предмет ёки бир турдаги икки предметлар синфи ўхшаш белгиларига кўра ўзаро таққосланади. Ўхшаш белгиларга асосланиб, бирида мавжуд бўлган белгининг бошқасида ҳам бўлиши мумкинлиги ҳақида хulosса чиқарилади. Масалан, Ер ва Куёш қатор муҳим хоссаларига кўра ўхшашидир, яъни улар бир сайёralар тизимиға кирувчи осмон жисмлари дидир, иккиси ҳам ҳаракатда, кимёвий таркиби ҳам ўхшаш. Ана шу ўхшашликларга асосланиб олимлар Куёшда топилган янги элемент – гелий Ерда ҳам бўлса керак, деган хulosага келганлар. Аналогия йўли билан чиқарилган бу хulosанинг чинлиги кўп ўтмай тасдиқланди – Ерда ҳам гелий элементи топилди.

Бу мисолда икки предметнинг ўхшашлигига асосланиб, бирида мавжуд бўлган белгининг бошқасида ҳам борлиги ҳақида хulosса чиқарилди. Ўхшатилаётган предметларни А ва В ҳарфлари билан, белгиларни а, в, с ҳарфлари билан ифода қилсак, хусусиятлар аналогиясини қўйидаги формула орқали ифодалаш мумкин:

А предмет а, в, с, д белгиларга эга.

В предмет а, в, с белгиларга эга.

Эҳтимол, В предмет д белгига эгадир.

Бу аналогия бўйича хulosса чиқаришнинг типик шаклидир. Унда бир предмет ҳақидаги билим шунга ўхшаш бошқа предмет ҳақидаги билимдан хulosса шаклида келтириб чиқарилади.

Муносабатлар аналогиясида икки якка предмет ёки бир турдаги икки предметлар синфи ўртасидаги муносабатларнинг ўхшашлигига асосланилади. Икки турдаги ( $a R b$ ) ва ( $m R_1 n$ ) муносабатларни таққосласак, а  $m$  га,  $b$  н га ўхшаш эмас, лекин улар ўртасидаги  $R-R_1$  муносабатларнинг ўхшашлиги бизга хulosса чиқариш имконини беради. Масалан, И.Кеплер планеталар ҳаракатининг конунини очганда, самовий жисмларнинг ўзаро тортишиш кучини инсонлар ўртасидаги муҳаббатга таққослайди, шу асосда астрономияга тортишиш кучи тушунчасини киритади. Муносабатлар аналогиясининг формуласи қўйидагича:

$$F \vdash \frac{a R b}{m R_1 n}$$

Муносабатлар аналогиясида икки предметлар ўхшашлиги ҳақида эмас, икки предмет ўртасидаги муносабатни ўрганиш асосида бошқа икки предмет ўртасидаги муносабат ҳақида холоса чиқарилади.

Аналогияни турларга ажратганда холосанинг аниқлик даражасига ҳам эътибор берилади. Шу жиҳатдан аналогияни қатъий (аниқ), қатъий бўлмаган, ноаниқ ва хато аналогияга ажратамиз. Қатъий аналогиянинг ўзига хос хусусияти шундаки, кўчирилаётган ва ўхшатилаётган белгилар ўртасидаги алоқа зарурий бўлади. Аниқ фанларда, моделлаштиришда фикр қатъий аналогия шаклида юритилади.

Аналогия моделлаштириш методининг мантиқий асосини ташкил этади. Моделлаштиришда (конкрет ёки абстракт) обьектлар моделларда, яъни шартли образлар, шакллар, обьектнинг кичрайтирилган нусхаларида тадқиқ этилади.

Маълум сабабларга кўра текширилаётган обьектни табиий шароитларда ўрганиш қийин бўлганда ёки мумкин бўлмаганда моделлаштиришдан фойдаланилади. Бу ўз навбатида билиш жараёнини енгиллаштиради.

Моделларни уч турга бўлиш мумкин:

1. Табиий моделлар – ўрганилаётган обьект билан бир турда бўлади ва ундан факат ўлчамлари, жараёнларининг тезлиги ва баъзи ҳолларда ясалган материали билан фарқ қиласди.

2. Математик моделлар – прототип (асл нусха)дан жисмоний тузилиши билан фарқ қиласди, лекин прототип билан бир хил математик тасвирга эга бўлади.

3. Мантиқий математик моделлар – белгилардан иборат бўлиб, абстракт модель ҳисобланади ва тафаккур жараёнини ўрганишда кўлланилади.

Моделларнинг бу турларидан алоҳида-алоҳида ва биргаликда фойдаланилади.

Сўнгти вакъларда моделлаштириш кўпинча компьютер воситасида амалга оширилмоқда. Масалан, янги автомобилнинг модели компьютерда ясалиб, унинг ўлчамлари, турли афзаликлари математик моделлаштириш воситасида аниқланади.

Қатъий бўлмаган аналогияда ўхшашиб бўлган ва кўчирилаётган белги ўртасидаги зарурий алоқа эҳтимоллик даражасига эга бўлади. Ижтимоий, тарихий воқеаларни ўрганишда ва аниқ, табиий фанларда илмий тадқиқот ишлари олиб борилганда фикр юритиш қатъий бўлмаган аналогия тарзида бўлади. Масалан, немис олими Шпенглернинг таъкидлашича, жамият ҳам тирик организмлар каби тўртта ривожланиш боскичини босиб ўтади. Булар: пайдо бўлиш, ривожланиш, етуклиқ даври ва емирилиш даври.

Агар ёлгон ҳукмни 0 билан, чин ҳукмни 1 билан, хулосанинг эҳтимоллик даражасини  $P(a)$  билан белгиласак, қатъий аналогияда  $P(a)=1$ ; қатъий бўлмаган аналогияда  $1>P(a)>0$  бўлади.

Аналогия бўйича чиқариладиган хулосанинг аниқлик даражасини ошириш учун, яъни хулосанинг чин бўлиш эҳтимолини ошириш учун маълум шартларга риоя қилиш зарур. Булар қўйидагилардан иборат:

1. Таққослананаётган предметларнинг имкони борича кўпроқ ўхшаш белгилари аниқланиши лозим. Шунда хулосанинг чинлик даражаси, чин хулоса чиқариш имкони ортади.

2. Таққослананаётган предметларнинг ўхшаш белгилари предметлар учун муҳим белгилар бўлиши керак. Шунда хулоса чин фикрга яқинлашади.

3. Таққослананаётган предметларнинг кўчирилаётган белгиси билан бошқа белгилари зарурий алоқада бўлиши керак. Шунда хулосанинг ишонарли, аниқ бўлиш шартлари бажарилган бўлади.

4. Таққослананаётган предметларнинг кўчирилаётган белгиси билан ўхшаш белгилари бир турда бўлиши керак.

5. Таққослананаётган предметларнинг фарқ қилувчи белгиларининг микдори кам бўлиши ва бу белгилар зарурий, муҳим бўлмаслиги шарт. Агар предметлар муҳим, зарурий белгилари билан бир-биридан фарқ қилса, аналогиянинг хулосаси хато бўлади.

Юқоридаги қоидаларнинг бузилиши ёлғон аналогияга, яъни хато хулоса чиқишига сабаб бўлади. Ёлғон аналогияда хулосанинг чин бўлиш эҳтимоли 0 га teng:  $P(a)=0$ . Билиш жараёнида билиб ёки билмасдан ёлғон аналогияга йўл кўйилади. Турли хил иримларга ишониш (масалан, туз тўклиса, жанжал бўлади ва ҳоказо) ёлғон аналогияга якъол мисол бўлади.

Бадиий адабиётдан, халқ оғзаки ижодидан аналогиянинг барча турларига кўплаб мисоллар келтириш мумкин. Масалан: «Иигит сўзидан, йўлбарс изидан қайтмас» мақоли.

Аналогия, одатда, бошқа хулоса чиқариш турлари каби билиш методи сифатида муҳим аҳамиятга эгадир.

Билиш жараёни, одатда, объектив реалликдаги предмет ва ҳодисаларнинг ташки ва ички хоссаларини таққослаш, уларнинг узвий алоқасини аниқлашдан бошланади. Аналогияда таққослаш асосида ўхшаш, умумий ҳусусиятлар аниқланади, предметлар ва ҳодисалар ҳақидаги билимлар чуқурлаштирилади ва конкретлаштирилади. Табиий ва ижтимоий фанларда аналогия турли ҳодисалар ҳақида ҳар хил фаразларни, яъни гипотезаларни ҳосил қилиш ва баён этиш усули сифатида хизмат қилиди.

Маълумки, жуда кўп қонун-қоидалар дастлаб гипотеза шаклида баён қилинган бўлиб, унда хулоса чиқариш аналогия

тарзида амалта оширилган. Икки предмет ва ҳодисани таққослаш, уларнинг ўхшаш томонларини аниқлаш янги билимлар ҳосил қилиш имконини беради. Аналогиядан инсон билимини кенгайтириш воситаси сифатида кенг фойдаланилади.

Унинг хуросалари аниқ, эҳтимолдан холи бўлгандан, исботлаш жараёнида ишлатилади.

### **Машклар**

1.Куйидаги хулоса чиқаришлар таркибидағи асосларни, хуросаларни ҳамда хулоса чиқариш турини аниқланг:

1.1.«Миллий табиатимизга ҳос бўлган меҳр-оқибат, муруват, андиша, ор-номус, шарму ҳаё, ибо-иффат каби бетакрор фазилатлар ва ҳалқимизни кўп жиҳатдан ажратиб турган бағрикенглик, меҳмондўстлик, оккўнгиллик хусусиятлари ҳақида ҳам узоқ гапириш мумкин.

Демак, миллий мағкура концепциясини яратишда бу масалаларга ҳам эътибор қаратиш лозим» (И.Каримов).

1.2.Донишманд бакқолнинг дўконига ўхшайди: борини индамайгина кўрсатади - кўяди; нодон эса лашкар ноғорасининг ўзи: овози баланду ичи бўм-бўш ва ғарид (Саъдий).

1.3.Ўзбекистон Республикаси Олий Мажлиси депутатларининг баъзилари Ўзбекистон Қаҳрамонларидир, негаки Эркин Воҳидов Ўзбекистон Қаҳрамони ва Ўзбекистон Республикаси Олий Мажлиси депутати.

2.Куйидаги ҳукмларни айлантириш орқали бевосита хулоса чиқаринг:

2.1.Фалсафа – фикрда қамраб олинган давр (Гегель).

2.2.Баъзи талабалар грант бўйича таълим олишади.

2.3.Ҳеч бир тажриба тугал бўлолмайди.

2.4.Баъзи дарахтлар мевали эмас.

3.Куйидаги ҳукмларни алмаштириш орқали бевосита хулоса чиқаринг:

3.1.Мантиқ – фалсафий фан.

3.2.Ёлғонлиги азалдан маълум гапни ҳақиқат дейишдан ҳам ортиқ хаёсизлик йўқ. (Қобус).

3.3.Айрим кишилар мақтанишни яхши кўради.

4.Предикатга қарама-карши қўйиш орқали бевосита хулоса чиқаринг:

4.1.Кексайган одам ёшлик ўтида ёнолмайди (Ибн Сино).

4.2.Баъзи ноорганик бирикмалар сувда эрийди.

4.3.Ватанга муҳаббат ҳисси одамнинг қалбида табиий равишида туғилади (И.Каримов).

5.Мантиқий квадрат ёрдамида куйидаги ҳукмларга қарама-карши, жузъий қарама-карши, зид ва бўйсунувчи ҳукмларни ҳосил қилинг, уларнинг чин-хатолигини аниқланг:

5.1.Хар бир тушунча сўз ёрдамида ифода қилинади.

5.2.Гуруҳимиздаги ҳеч бир талаба ялқов эмас.

5.3.Моддий предметлар массага эга.

6.Қуида келтирилган мисолларда силлогизмнинг тўғри ёки нотўғри курилганини аникланг:

6.1.Баъзи китоблар ўкув кўлланмалардир.

Баъзи босма нашрлар китоблардир.

Баъзи босма нашрлар ўкув кўлланмалардир.

6.2.Ўзбекистон Ўрта Осиёда жойлашган.

Ўзбекистон – давлат.

Баъзи давлатлар Ўрта Осиёда жойлашган.

6.3. Конун – фуқаролар риоя этиши зарур норматив хужкат.

Йўрикнома – конун эмас.

Йўрикнома фуқаролар риоя этиши зарур бўлган норматив хужжат эмас.

7.Куидаги энтилемалардан тўла силлогизмни тикланг:

7.1.М. айбланувчи, демак, у ўзини ҳимоя қилиш ҳуқуқига эга.

7.2.Айбланувчи ўзини ҳимоя қилиш ҳуқуқига эга, М. эса – айбланувчи.

7.3.Айбланувчи ўзини ҳимоя қилиш ҳуқуқига эга, демак, М.ўзини ҳимоя қилиш ҳуқуқига эга.

8.Куидаги холоса чиқаришларнинг турларини ва модуларини аникланг:

8.1.Эрталаб кўп шудринг тушса, ҳаво яхши бўлади.

Эрталаб кўп шудринг тушди.

Демак, ҳаво яхши бўлади.

8.2.Тушунчалар ё якка, ё умумий бўлади.

«Ўзбекистон Республикаси» – якка тушунча.

Демак, у умумий тушунча эмас.

9.Куидаги дилемманинг турини аникланг:

Агар ҳукмда ифодаланган фикр предметга мувофиқ келса, у чин бўлади.

Агар ҳукмда ифодаланган фикр предметга мувофиқ келмаса, у хато бўлади.

Ҳукмда ифодаланган фикр предметга ё мувофиқ келади, ё мувофиқ келмайди.

Демак, ҳукмда ифода килинган фикр ё чин, ё хато бўлади.

10.Куидагиларда сабабий алокадорлик илмий индукциянинг қайси методи бўйича аникланганини кўрсатинг:

10.1.Моддий манфаатдорлик йўқ бўлган пайтда корхонада ишлаб чиқариш технологиясини такомиллаштиришга қизиқиш йўқ эди. Моддий манфаатдорлик яратилгач, корхонада ишлаб чиқариш технологиясини такомиллаштиришга қизиқиши ҳам пайдо бўлди. Бундан корхонада ишлаб чиқариш технологиясини такомиллаштиришга қизиқишининг пайдо бўлишига сабаб моддий манфаатдорликнинг яратилишидир, деган холосага келинди.

10.2.Пахта даласида гўзага бериладиган минерал ўғитнинг микдори ортиб бориши билан пахта ҳосилдорлиги ҳам орта борди. Бундан пахта ҳосилдорлигининг ортиб боришига сабаб гўзага бериладиган минерал ўғит микдорининг ортиб боришидир, деган холосага ҳосил килинди.

11.Куидаги ифодаларнинг қайсалари мулоҳазалар мантифи формулалари эканлигини аникланг. Формула эмасларида қандай камчиликлар борлигини кўрсатинг:

### 11.1. $\neg p$

11.2.  $(p \vee q) \wedge (r \rightarrow s)$

11.3.  $\neg(\neg p \vee q)$

11.4.  $p \rightarrow q \vee r$

11.5.  $(\neg p \vee q)$

11.6.  $(p \vee \neg q)$

12. Қўйидаги мулоҳазаларни асосланг:

12.1. Агар  $p \vee q$  ва  $p$  формулалари чин бўлса, унда  $\neg q$  формуласи ҳам чиндир.

12.2. Агар  $(p \wedge q) \rightarrow r$  ва  $p \wedge \neg r$  формулалари чин бўлса, унда  $\neg q$  формуласи ҳам чиндир.

13. Қўйидагиларнинг қайси бирининг айнан чин, қайсисининг айнан хато ва қайсисининг бажарилувчи формулалар эканини кўрсатинг ҳамда уларни НХЧС воситалари ёрдамида изохланг:

13.1.  $P \rightarrow P$

13.2.  $(P \wedge q \rightarrow P)$

13.3.  $P \wedge (q \vee r) \rightarrow (P \wedge q) \vee (P \vee r)$

13.4.  $(P \rightarrow q \wedge r) \rightarrow (P \vee r \rightarrow q)$

13.5.  $((P \rightarrow \neg q) \rightarrow \neg P)$

### *Такрорлаш учун саволлар*

1. Ҳулоса чиқариш нима?

2. Ҳулоса чиқаришнинг таркиби қандай?

3. Ҳулоса чиқаришнинг қандай турлари мавжуд?

4. Дедуктив ҳулоса чиқаришнинг асосий хусусиятлари нималардан иборат?

5. Бевосита ҳулоса чиқариш қандай шаклларда амалга ошади?

6. Оддий қатъий силлогизмнинг таркиби қандай?

7. Силлогизм фигуранлари ва модуслари қандай ҳосил бўлади?

8. Энтилема нима?

9. Мураккаб силлогизмлар нима?

10. Мулоҳазалар мантиғи деганда нимани тушунасиз?

11. Натурал ҳулоса чиқариш тизими қандай яратилиди?

12. Индуksия ва таҳриба ўзаро қандай алоқада?

13. Тўлиқ ва тўликсиз индуksияларнинг бир-биридан фарқи нимада?

14. Илмий индуksия нима?

15. Сабабий алоқадорликни аниқлашнинг қандай индуksив методлари мавжуд?

16. Аналогия бўйича ҳулоса чиқаришнинг асосий хусусиятлари нималардан иборат?

17. Аналогия ва моделлаштириш ўзаро қандай алоқада?

## АРГУМЕНТЛАШНИНГ МАНТИҚИЙ АСОСЛАРИ

Ватанимиз – Ўзбекистоннинг гуллаб-яшнаши, барқарор, мустаҳкам бўлиши маълум бир даражада ёшлиарнинг онгли, билимли, комил инсон бўлишларига боғлиқ. Бу ҳакда Президентимиз И. А. Каримов шундай деб таъкидлаган: «Комил инсон деганда биз, аввало, онги юксак, мустақил фикрлай оладиган, хулқ-автори билан ўзгаларга ибрат бўла оладиган, билимли, маърифатли кишиларни тушунамиз. Онгли, билимли одамларни олди-қочди гаплар билан алдаб бўлмайди. У ҳар бир нарсани ақл, мантиқ тарозисига солиб кўради. Ўз фикр-ўйи, хulosасини мантиқ асосида қурган киши етук одам бўлади»<sup>1</sup>.

Чукур таҳлилга, мантиққа асосланмаган бир ёқлама фикр одамларни чалгитади. Фақат баҳс-мунозара, таҳлилга асосланган тўғри хulosаларгина ҳақиқатни билишга йўл очади.

Баҳс, мунозара юритишнинг, чин фикрларни исботлай билишнинг, хато фикрларни рад этишининг ўзига хос конун-коидалари мавжуд. Бу коидаларни билиш ҳар бир инсонга, шу жумладан, талабаларга чин фикрни хато фикрдан ажратса билиш, тўғри тафаккурлаш маданиятини шакллантириш имконини беради.

## АРГУМЕНТЛАШ (ДАЛИЛЛАШ) ВА ИШОНЧ-ЭЪТИҚОДНИНГ ШАКЛЛАНИШИ

Мантиқ илмида исботлаш ва далиллаш тушунчалари ўзаро фарқланади. Далиллаш деб, бирор фикр, мулоҳазани ёки мулоҳазалар тизимини воқеликка бевосита мурожаат қилиш ўйли билан (кузатиш, тажриба-эксперимент ва ҳоказо асосида) ёки чинлиги аввалдан тасдиқланган бошқа мулоҳазалар ёрдамида асослаб беришга айтилади. Далиллаш бевосита ёки воситали бўлади. Бевосита далиллаш ҳиссий билиш, яъни кўриш, тажриба-эксперимент орқали амалга оширилади. Воситали далиллаш эса чинлиги аввалдан тасдиқланган бошқа мулоҳазаларга асосланади ва хulosса чиқариш қўринишида намоён бўлади. Далиллашнинг биринчи усули эмпирик, иккинчи усули назарий билимларга асосланади. Назарий ва эмпирик

<sup>1</sup> И.А. Каримов. Тарихий хотирасиз келажак йўқ. «Мулоқот», 1998, №5, 3-б.

билимларнинг чегараси нисбий бўлганлиги каби, далиллашнинг юкоридаги икки усулга ажратилиши ҳам нисбийдир.

Далиллашнинг хусусий кўриниши мантикий исботлашдир. **Мантикий исботлаш** деб, бирор фикр, мулоҳазанинг чинлигини чинлиги аввалдан тасдиқланган бошқа мулоҳазалар орқали асослашга айтилади. Исботлашдан мақсад бирор фикрнинг чинлигини аниқлаш бўлса, далиллашдан мақсад ҳам фикрнинг чинлигини аниқлаш, ҳам унинг аҳамиятини ва муайян фаолият учун кўллаш мумкинлигини кўрсатишдир. Исботлаш жараёнида кўлланиладиган чин мулоҳазалар (асослар) берилган фикрнинг чинлигини тасдиқлаш учун хизмат қилса, далиллаш, бундан ташқари, далиланаётган фикрнинг бошқа шу каби фикрлардан афзалроқ эканлигини асослаш учун ҳам хизмат қиласи. Далиллаш учун келтирилган аргументлар (асослар) исботлаш учун келтирилган аргументларга нисбатан ранг-баранг бўлади. Далиллаш шакллари билан исботлаш шакллари бир-бирига айнан мос тушмайди.

Исботлаш хulosи чиқариш кўринишида амалга ошади. Далиллаш кўпроқ сұхбат (диалог) кўринишида бўлиб, унинг иштирокчиларидан ҳар бири ўз фикрининг чинлигини исботлашга, ракибининг фикрини рад этишга ва тингловчиларниг ўзини ҳам фикр қилишга, ўз фикрларига ишонтиришга ҳаракат қиласи.

Далиллаш жараёнида реципиентларга (лот. – қабул қилувчи) тингловчиларга бирор фикрнинг тўғри ёки хатолиги асослаб берилади ва уларда шу фикрга нисбатан ишонч туйгуси шакллантирилади. Далилловчи шахснинг сўз санъатини қай даражада эгаллаганлиги, яъни нотиклик маҳорати тингловчиларда ишонч-эътиқоднинг шаклланишида муҳим роль ўйнайди.

Факtlар ва бошқа далилларга таяниб юритиладиган фикр юксак ишонтириш кучига эга бўлади, кишиларда ишонч-эътиқодни шакллантиради. Билишнинг мақсади илмий асосга эга бўлган эътиқодни яратишдан иборат. Далиллаш ва исботлаш ишонч-эътиқодни шакллантириш воситасидир.

Ишонч-эътиқод бу кишиларнинг хулк-атвори ва хатти-ҳарачатларини белтилаб берадиган қарашлари ва тасаввурларицир.

## **ИСБОТЛАШ ВА УНИНГ ТАРКИБИ. ИСБОТЛАШ ТУРЛАРИ**

Кишиларнинг амалий фаолиятдаги муваффақиятлари улар кўллаётган билимларнинг қай даражада чин бўлишига, яъни бу билимларнинг воқеликни қанчалик тўғри акс эттиришига боғлиқ. Хато фикрлар предметларнинг реал

алоқалари ва муносабатларини бузиб кўрсатади, билишда кўп чалкашликларга олиб келади. Шунинг учун ҳам билиш жараёнида ҳар бир фикрни тўғри куришга эришиш, унинг чинлигини далиллар билан кўрсата олиш, хато фикрларни эса рад қила билиш мухим ахамиятга эга.

Фикрнинг чинлигини тасдиқлаш учун уни ҳодисанинг (фактнинг) ўзи билан солиштириш мумкин. Лекин кўп ҳолларда билиш жараёнида натижаларнинг чинлиги уларни илгари вужудга келган билимлар билан боғлаш орқали аникланади. Буни амалга оширишнинг мантикий усули исботлашдир.<sup>1</sup>

Исботлаш бир ҳукмнинг чинлигини у билан боғланган бошқа чин ҳукмлар ёрдамида асослашдан иборат бўлган мантикий амалдир. Унинг таркиби уч элементдан ташкил топган: тезис, аргументлар (асослар), исботлаш усули – демонстрация.

Тезис – чинлиги асосланиши лозим бўлган ҳукм, у исботлашнинг марказий фигураси ҳисобланади; бутун дикқат-эътибор унинг чинлигини кўрсатишга қаратилади. Тезис бир мулоҳазанинг ўзидан, ёки мулоҳазалар тизимидан, ёки теоремалардан, ёки аниқ фактларни умумлаштириш натижаларидан, ёки ҳодисаларнинг сабабини кўрсатувчи мулоҳазалардан ва шу кабилардан иборат бўлади.

Аргументлар – тезиснинг чинлигини асослаш учун келтирилган ҳукмлар. Аргументлар бўлиб фактларни қайд қилувчи ҳукмлар, таърифлар, аксиомалар, теоремалар, конунлар ҳамда бошқа эмпирик ва назарий умумлашмалар хизмат қилади. Аргумент сифатида келтирилган фактлар, албатта, ўзаро боғланган ва тезиснинг моҳиятига алокадор бўлиши лозим.

Таърифлар ҳам чин ҳукмлар бўлиб, улардан аргумент сифатида фойдаланиш мумкин. Масалан, «Ҳаракат – бу ҳар қандай ўзгаришдан иборат», деган таъриф чин ҳукмдир.

Аксиомалар чинлиги ўз-ўзидан равшан бўлган, исботлашни талаб қилмайдиган фикрлардир. Инсон тажрибасида кўп марталаб такрорланганлиги учун ҳам уларни исботлаш зарур эмас.

Теоремалар ва конунларнинг чинлиги исботланган бўлади, уларни ҳеч иккимасдан аргумент қилиб олиш мумкин.

Исботлаш усули – демонстрация тезис билан аргументлар ўртасидаги мантикий алокадан иборат. У хулоса чиқариш шаклида бўлади, яъни тезис аргументлардан хулоса сифатида мантиқан келтириб чиқарилади.

Исботлашнинг икки тури мавжуд: бевосита исботлаш, бавосита исботлаш. Бевосита исботлашда тезиснинг чинлиги тўғридан-тўғри аргументлар билан асосланади, унда тезисга зид бўлган ҳукмлардан фойдаланилмайди. Тезис кўп ҳолларда якка ҳодисани ифода қилиб келади ва маълум

бир умумий билимдан, масалан, қонундан аргумент сифатида фойдаланилиб, унинг чинлиги асосланади. Масалан, «Ўзбекистон – мустақил давлатдир», деган ҳукм (тезис)нинг чинлиги «Ўзбекистоннинг мустақил давлат деб эълон қилиниши, унинг халқаро миқёсда эътироф этилиши» каби асослар ёрдамида исботланади.

Бавосита исботлашда эса тезиснинг чинлиги унга зид бўлган ҳукмнинг (антитетиснинг) хатолигини кўрсатиш орқали асосланади. Антитетис қандай шаклда ифодаланган бўлишига қараб апагогик исботлаш ва айирувчи исботлаш фарқ қилинади. Апагогик исботлашда тезис (а) ва антитетис ( $\bar{a}$ ) ўртасидаги муносабатга асосланилади. Масалан, «Материя ҳаракатсиз мавжуд эмас», деган ҳукмнинг чинлигини асослаш учун унга зид бўлган «Материя ҳаракатсиз мавжуд», деган ҳукм олинади.

Апагогик исботлашда антитетис топилиб (1-босқич), вақтинча чин деб қабул қилинади ва ундан маълум бир натижалар келтириб чиқарилади (2-босқич), сўнира бу натижаларнинг хатолиги кўрсатилади (3-босқич) ва демак, тезиснинг чинлиги исботланади. Масалан, «Материя ҳаракатсиз мавжуд», деган ҳукм чин бўлса, «Моддий предметлар структурасиз мавжуд», деган фикр (антитетисдан келиб чиқсан натижа) ҳам чин бўлади. Бизга маълумки, моддий предметлар таркибсиз (уни ташкил килувчи элементлар ва уларнинг ўзаро алоқасисиз) мавжуд эмас. Демак, «Материя ҳаракатсиз мавжуд», деган фикр хато, шу тариқа «Материя ҳаракатсиз мавжуд эмас», деган фикрнинг чинлиги асосланади.

Айирувчи исботлашда тезис соф айирувчи ҳукмнинг (кучли дизъюнкциянинг) бир аъзоси бўлиб, унинг чинлиги бошқа аъзоларининг (антитетиснинг) хатолигини кўрсатиш орқали асосланади. Масалан, “Жиноятни ё А, ё В, ё С шахслар содир этган”, деган фикр текширилиб, «Жиноятни В шахс ҳам, С шахс ҳам содир этмаган”лиги аниқланади ва шу тариқа «Жиноятни А шахс содир қилган», деган ҳукмнинг чинлиги асосланади. Бу мисолда айирувчи исботлаш айирувчи – қатъий силлогизмнинг инкор этиб, тасдиқловчи модуси бўйича **курилған**:

$$\frac{a \vee b \vee c; \quad \overline{b} \wedge c}{a}$$

Бунда барча муқобил варианtlар тўлиқ олингандагина хулоса чин бўлади, яъни тезис исботланади.

## РАДДИЯ, РАД ЭТИШ УСУЛЛАРИ

Раддия – исботни бузишга қаратилган мантиқий амалdir.

Бирорта фикрнинг чинлигини рад этиш айни пайтда унга зид бўлган фикрнинг хатолигини кўрсатишдан иборат бўлганинги учун раддияни исботлашнинг хусусий кўриниши, деб ҳисоблаш мумкин. Раддия ҳам исботлаш каби тезис (рад қилиниши лозим бўлган ҳукм), аргументлар (тезисни рад килувчи ҳукмлар) ва демонстрациядан (рад этиш усули) дан ташкил топган бўлади. Раддия бирорта масалани муҳокама қилиш, яъни баҳс, мунозара жараёнида учрайди. Баҳс катнашчиларидан бири маълум бир тезисни илгари суриб, уни химоя қиласа (пропонент), бошқаси унга карши чиқади (оппонент). Ҳал қилинмаган, мунозарали масалалар бўйича олиб бориладиган баҳслар полемика ҳисобланиб, унда қарама-карши тезислар асосланнибина қолмай, балки танқидий анализ ҳам қилинади.

Раддия уч хил усул билан амалга оширилади:

- 1) тезисни рад этиш;
- 2) аргументларни рад этиш;
- 3) демонстрацияни рад этиш.

### I. Тезисни рад этиши.

Тезисни рад этишнинг қуйидаги усуллари мавжуд:

1. Фактлар орқали рад этиш. Бу энг ишончли ва самарали усулдир. Бунда бўлиб ўтган воқеаларга, статистик маълумотларга асосланниб тезис рад этилади. Масалан, «Совет даврида Ўзбекистон тўлақонли мустақил республика бўлган», деган тезисни рад этиш, яъни унинг нотўғри эканлигини исботлаш учун тарихий фактларга асосланамиз. Ўша даврда республика раҳбарияти бирорта муҳим масалани Москванинг рухсатисиз ҳал қила олмаганлигига далиллар келтириб, тезисни рад этамиз.

2. Тезисдан келиб чиқадиган натижаларнинг хатолигини (ёки зиддиятли эканлигини) кўрсатиш орқали рад этиш. Бунда тезисдан келиб чиқадиган натижаларнинг чин эмаслиги асослаб берилади. Бу усул «бемаънилилкка олиб келиш», деб аталади. Рад этилаётган тезис вактинча чин деб тан олинади, ундан келиб чиқадиган натижалар аниқланиб, бу натижаларнинг ҳақиқатга зид, нотўғри эканлиги исботланади. Чин асосдан хато натижа келиб чиқмайди, акс ҳолда бу bemaynilik бўлади. «Бемаънилилкка олиб келиш» усулининг формуласи қуйидагича:

$$(a \rightarrow b) \rightarrow ((a \rightarrow b) \rightarrow a)$$

3. Тезисни антитетисни исботлаш орқали рад этиш. Рад этилаётган тезисга зид бўлган янги тезис (антитетис) олинади ва исботланади. Учинчиси истисно қонунига мувофик, антитетиснинг чинлигидан тезиснинг хатолиги келтириб чиқарилади. Масалан, Президентимиз И.А.Каримов «Тарихий хотирасиз келажак йўқ» номли мақоласида «Амир Темур буюк саркарда бўлған ва ёвузликлар килган», деган тезисни шундай рад этади: «Инсон бир пайтнинг ўзида ҳам бунёдкор, ҳам ёвуз бўлиши мумкин эмас. Не-не мадрасаю масжидлар, олий кошоналарни қурган, не-не олиму фузалоларнинг бошини силаган, Куръони каримни ёд билган инсон ёвуз бўлмайди. Конхўр одам «Куч – адолатда», дейиши мумкинми?»<sup>1</sup>

Дарҳақиқат, Соҳибқирон Амир Темур ҳомийлигига, унинг кўрсатмасига биноан яратилган боғлар, курилган иморатлар унинг бунёдкор шахс эканлигини яққол исботлайди.

## *II. Аргументларни рад этиш.*

Тезисни исботлаш учун оппонент томонидан келтирилган аргументлар танқид қилиниб, уларнинг хатолиги ёки тезисни исботлаш учун етарли эмаслиги аниқланади.

Аргументларнинг хатолиги тезиснинг ҳам хато эканлигини исботламайди, бунда тезис чин бўлиши ҳам мумкин:

$$\frac{p \rightarrow q, \quad p}{\neg q}$$

Аргументларни рад этиш орқали тезиснинг исботланмаганилиги асослаб берилади.

## *III. Исботлаш усулини танқид қилиши орқали рад этиши.*

Рад этишнинг бу усулида исботлашда йўл қўйилган хатолар аниқланади. Бунда рад этилаётган тезис чинлигининг унинг асослаш учун келтирилган аргументлардан бевосита келиб чиқмаслиги асослаб берилади. Исботлаш усулида йўл қўйилган хато аниқланганда тезис рад этилмайди, уни қайта исботлаш талаб қилинади.

Рад этишнинг юкорида кўрсатилган усуллари кўпинча биргаликда, бир-бирини тўлдирган ҳолда қўлланилади.

<sup>1</sup> И.А. Каримов. Тарихий хотирасиз келажак йўқ. “Мулокот”, 1998, №5, 8-б.

## **ИСБОТЛАШ ВА РАД ЭТИШ ҚОИДАЛАРИ, УЛАРНИ БУЗГАНДА КЕЛИБ ЧИҚАДИГАН МАНТИҚИЙ ХАТОЛАР**

Тезисга алоқадор қоидалар:

1. Тезис мантиқан аниқ ва равшан бўлиши керак. Бу қоида бузилса, исботлаш ёки рад этиш ўзининг аниқ предметига эга бўлмай қолади, уни амалга оширишга уриниш бехуда иш хисобланади.

2. Тезис исботлаш ёки рад этишнинг бошидан охиригача ўзгартирилмаслиги керак. Бу қоида бузилса, «тезисни алмаштириш» деган хато келиб чиқади.

Аргументларга нисбатан қоидалар:

1. Тезисни асослаш учун келтирилган аргументлар чин ҳукмлар бўлиши ва бир-бирига зид бўлмаслиги лозим.

2. Аргументлар тезисни асослаш учун етарли бўлиши керак.

3. Аргументлар тезисдан мустақил ҳолда чинлиги исботланган ҳукмлар бўлиши лозим.

Исботлаш усулининг қоидаси:

1. Тезис аргументлардан мантиқий тарзда келиб чиқадиган хulosса бўлиши лозим. Бунинг учун исботлаш ёки рад этишда хulosса чиқариш қоидаларига риоя қилиш зарур.

Исботлаш ва рад этиш қоидаларининг бузилиши мантиқий хатоларга олиб келади. Бу хатоликлар уч турга бўлинади:

I. Исботланаётган тезисга алоқадор хатоликлар:

1. Тезисни алмаштириш. Тезис исботлаш ёки рад этиш давомида ўзгармаслиги шарт, деган қоиданинг бузилиши тезиснинг алмаштирилишига сабаб бўлади. Тезис атайлаб ёки билмасдан бошқа тезис билан алмаштирилади ва бунда янги тезис исботланади ёки рад этилади. Тезис мазмунининг торайтирилиши ёки кенгайтирилиши ҳам баҳс жараёнида тезиснинг ўзгаришига олиб келади. Масалан, республикамиз тараққиёти учун миллий мафкура, миллий гоянинг аҳамияти тўғрисидаги тезисни исботлаш давомида умуман жамиятга мафкура керакми ёки йўқми, деган масалани исбот этишга ҳаракат қилинса, унда тезиснинг мазмуни кенгайиб кетади ва тезис алмашинади.

2. Инсоннинг шахсий сифатини баҳона қилиб тезисни алмаштириш. Баҳс жараёнида мавзудан четга чикиб, оппонентнинг шахсий, ижтимоий ҳаёти, яхши фазилатлари ёки камчиликлари хусусида фикр юритиб, шу асосда тезисни исботланган ёки рад этилган, деб таъкидлаш тезиснинг алмашинишига сабаб бўлади. Бундай хатога атайлаб йўл кўйилади. Тингловчиларнинг хис-туйгуларига таъсир қилиш орқали исботланмаган тезиснинг чин деб қабул қилинишига уриниш ҳам тезисни алмаштириш хисобланади.

3. Ортиқча ёки кам исботлашга уриниш натижасида тезиснинг алмашиниши. Фикр ортиқча исботланса, берилган тезис ўрнига ундан кучлироқ тезисни исботлашга ҳаракат килинади. Агар А ҳодисадан В келиб чиқса, лекин В ҳодисадан А келиб чиқмаса, унда А ҳодисани ифодаловчи тезис В ҳодисани ифодаловчи тезисдан кучлироқ бўлади. Масалан, «А шахс биринчи бўлиб жанжални бошламаган» деган тезис (В) ўрнига, «А шахс умуман жанжал бўлган ерда йўқ эди» деган тезисни (А) исботлашга ҳаракат қилинади. Иккинчи тезисни исботлаб бўлмайди, чунки А шахснинг жанжалда қатнашганлигини кўрган гувоҳлар бор.

## II. Аргумент (асос)ларга тааллукли хатолар:

1. Асосларнинг хатолиги. Тезис исботланганда ёки рад этилганда хато аргументларга чин деб асосланиш натижасида атайлаб ёки билмасдан мантикий хатога йўл кўйилади. Масалан, Қадимги грек фалласуфи Фалес ўз таълимотини ҳамма нарса сувдан пайдо бўлган, деган фикрга асосланиб яратган.

2. Асосларни аввалдан тахминлаш шаклидаги хато. Тезис исботланмаган аргументларга асослансанса, бундай аргументлар тезиснинг чинлигини исботламайди, балки тезиснинг чинлиги тахминланади, холос.

3. «Айланма исбот этиш» деб номланувчи хато. Тезиснинг чинлиги аргументлар орқали, аргументларнинг чинлиги тезис орқали исботлансанда мантикий хатога йўл кўйилади. Масалан, «Сўзнинг қудрати фикр билан ўлчанади», деган тезисни «Фикрнинг қудрати сўз билан ўлчанади», деб исботласак, юкорида айтилган хатога йўл кўйилади.

## III. Исботлаш усули (демонстрация) билан боғлиқ хатолар:

1. «Ёлғон (сохта) исботлаш». Агар тезис уни исботлаш учун келтирилган аргументлардан бевосита келиб чиқмаса, мантикий хатога йўл кўйилади. Бунда тезисга алоқадор бўлмаган аргументларга асосланилади. Масалан, «А шахс ёмон одам», деган тезис «Тунда ёмон одамларгина кўчада юради», «А шахс кўчада тунда юрибди» деган аргументлар билан асослансанда, фикр юзаки (сохта) исботланган бўлади.

2. Шартланган фикрдан шартланмаган фикрга ўтиш. Муайян вакт, муносабат доирасида чин бўлган (шартланган) фикрни, доимий, ўзгармас чин фикр деб қабул қилиш натижасида мантикий хатога йўл кўйилади.

3. Хулоса чиқариш қоидаларининг бузилиши билан боғлиқ бўлган хатолар:

а) дедуктив хулоса чиқаришда учраши мумкин бўлган мантикий хатолар. Бу ҳақда дедуктив хулоса чиқариш мавзусида батафсил маълумот берилган;

б) индуктив хулоса чиқаришда учраши мумкин бўлган мантикий хатолар. Булар «шошиб умумлаштириш» ва «ун-

дан кейин, демак, шунинг учун», деб аталувчи хатоликлардир. Масалан, бир-икки тарабанинг дарсга масъулиятсизлик билан муносабатда бўлишини умумлаштириб, «ҳамма тарабалар масъулиятсиз», деб таъкидлаш хатодир;

в) аналогияда учраши мумкин бўлган мантикий хатолар. Булар «ёлғон аналогия» билан боғлиқ хатолардир. Унда тасодифий белги зарурий деб олиниши, фақат биргина ўхшаш белгига асосланиши ёки мутлақо таққослаб бўлмайдиган ҳодисалар ўзаро таққосланиши натижасида фикрда чалкашликлар юзага келади.

Мантикий хатолар тафаккур қонунларини бузиш, хулоса чиқариш қоидаларига амал қилмаслик натижасида юзага келади. Мантиқ тарихида исботлаш жараённида атайлаб (қасддан) хатога йўл қўювчилар – софистлар деб, уларнинг таълимоти эса софизм (грек. – айёрлик) деб аталади. Фикр юритиш жараённида билмасдан мантикий хатога йўл қўйилса, паралогизм дейилади. Чинлигини ҳам, хатолигини ҳам бирдай исботлаш мумкин бўлган фикрлар эса парадокс деб аталади.

Баҳс юритиш санъати (эристика) ўзига хос қонун-қоидаларга амал қилишни талаб этади.

Буларга асосан қўйидагилар киради:

- заруриятсиз баҳслашмаслик;
- мавзусиз баҳс юритмаслик ва баҳс давомида мавзудан четга чикмаслик ёки мавзуни ўзгартирмаслик;
- баҳс мавзуси юзасидан ўзаро зид ёки қарама-қарши фикрлар бўлмаса, баҳсни тўхтатиш;
- мавзуни яхши биладиган, ақлли одамлар билангина баҳслашиш;
- баҳс юритишида мантикий қонун-қоидаларга амал қилиш, ўзининг ва муҳолифининг фикрларидан хулоса чиқара олиш, мантикий зиддиятларни аниқлаш ва бартараф этиш, асослар тўғри бўлса, исботлашнинг ҳам тўғрилигини эътироф этиш ва х.к.;
- бир баҳс доирасида баҳслашиш усуулларини араплаштириб юбормаслик.

Аргументлашнинг мантикий асосларини билиш ва баҳс юритиш қоидаларига амал қилиш тафаккур маданиятини юкори даражага кўтариш имконини беради.

### Машклар

1. Қўйидаги муҳокамаларни аргументлашнинг таркиби ва турлари нуқтаи назаридан таҳлил килинг:

1.1. Жамиятимиз, мамлакатимиз ўз олдига қўйган эзгу муддао ва вазифаларни аник-равшан белгилаб олмасдан туриб миллатимизнинг асрий анъана ва урф-

одатларини, ўзлигимизнинг асосий хусусиятларини мужассам этадиган милий мафкуруни шаклантириш мумкин эмас (И.Каримов).

1.2. Сокин кабинетларда туниладиган бир мафкуруни ўз-ўзидан ҳаётта, унинг барча қатламларига сингиб кетади, деб ўйлаш хом хаёдан бошқа нарса эмас.

Милий истиқлол мафкураси ҳалқимизга хос бўлган энг муқаддас туйфу ва тушунчаларнинг мужассам ифодаси бўлиши керак.

Мисол учун, Ватан туйғусини олайлик. Ватанга муҳаббат хисси одамнинг калбида табний равишда туғилади. Яъни инсон ўзлигини англагани, насл-насабини билгани сари юрагида Ватанга муҳаббат туйғуси илдиз отиб, юксала боради. Бу илдиз қанча чукур бўлса, туғилиб ўсган юртга муҳаббат хам шу кадар чексиз бўлади (И.Каримов).

1.3.Хали гелиоцентризм шарғаси йўқ замонда ал-Фарғоний, Ер энг кичик юлдуздан хам кичикдир, деган фикр билан майдонга чиқди ва унга асос қилиб, Ер радиуси Осмон радиусидан жуда озлигини айтди. (Ўзбекистонда ижтимоий-фалсафий фикрлар тарихидан лавҳалар /Академик М.М.Хайруллаев таҳрири остида. – Т.: „Ўзбекистон”, 1995, 34-бет).

2.Куйидаги мисолларнинг қайси бирининг бевосита исботлашга, қайсисининг билвосита исботлашга оид эканлигини аникланг:

2.1. Барча кишилар ўз табиатига кўра билим олишга интилади. Бунинг исботи куйидагича: одамлар хиссий қабуллаш хусусиятига эга; хиссиятларнинг фойдаси бўлиш-бўлмаслигидан қатъи назар, уларни ва айниқса, ҳаммадан кўпроқ кўриш сезгисини қадрлашади; чунки кўришни, айтиш мумкинки, бошқа сезгилардан афзалроқ деб биламиз; бу хатти-харакат содир килиш учун зарур бўлгандагина эмас, балки ҳеч нарса қилмоқчи эмас пайтимида хам шундайдир. Бунинг сабаби шундаки, кўриш бошқа сезгиларимизга караганда кўпроқ билишимизга туртки беради ва буюмлардаги кўп тафовутларни аниклади (Аристотель. Сочинения в 4-х т. Т.1, М., 1976, с.65).

2.2. Аварияя учраган самолётнинг сабабини ўрганиш жараёнида илгари суринган версиялар таҳлил қилиниб, бир қанчасининг хато эканлиги маълум бўлгач, иккита версия қолди: 1) самолёт техник жиҳатдан носоз; 2) экипаж хатога йўл кўйган. Кейинги текширишлар давомида самолётнинг техник жиҳатдан соуз эканлиги тасдикланди. Шу асосда самолётнинг аварияя учрашига сабаб экипажнинг хатога йўл кўйганлигидир, деган хуносага келинди.

2.3.Силлогизмнинг 2-фигурасида асослардан бири инкор ҳукм бўлиши керак. Бу қоиданинг чиңлиги куйидагича исботланади: ҳар иккала асосни хам тасдиқ ҳукм деб фараз қиласлик. У ҳолда асосларда предикат ўрнини эгаллаб турган ўрта термин иккаласида хам тўликсиз ҳажмда бўлиб қолиши мумкин. Бу эса силлогизм умумий қоидаларидан бирига, яъни ўрта термин ҳеч бўлмагандан бир асосда тўла ҳажмда бўлиши зарур, деган қоидага зид. Демак, силлогизм 2-фигураси асосларидан бири, албатта, инкор ҳукм бўлиши керак, чунки факат инкор ҳукмлардагина предикат доимо тўла ҳажмда бўлади.

3. Куйидаги мисолларда баён қилинган раддияларнинг таркиби ва турларини аникланг:

3.1.«Одам бўйининг кичиклиги сабабли Ернинг шарлиги сезильмайди. деган сўз тўғри эмас. Чунки одам бўйи баланд тоф қадар бўлса хам бир жойда туриб,

ер устига қараса-ю, жойдан жойга күчіб, ердаги бор турли ҳолатларни бир-бирига солиштириб қарай олмаса, үндай узун бўй ернинг шарлигини билишга ҳам, унинг чегарасини аниқлашга ҳам фойда келтирмайди» (Абу Райхон Беруний асарларидан олинган ўйлар ва хикматлар. Азиз Каюмов. Абу Райхон Беруний. Абу Али ибн Сино. Т., 1987, 233-бет).

3.2. Демокритнинг, атомлар сифатга эга эмас ва уларга эга бўла олмайди, деган фикрининг рад этилиши: «Иссиклик қаёдан пайдо бўлган ва у атомларга қандай ўтган: ахир атомлар дастлаб иссиликкка эга бўлмаган ва бир-бiri билан ўзаро тўқнашиб тургандা ҳам иссиликни келтириб чиқармаган. Ҳақиқатан ҳам улар аввал-бошданоқ иссиқ бўлганларида сифатта эга бўлур эди; агар иссиликкка эга бўлиб қолгандай бўлса, бу уларнинг ўз табиатига кўра бирорта куч таъсири остида бўлиши мумкинлигини билдиради. Лекин сиз ўзингиз, атомларга, улар бўлинмас бўлганлиги учун ҳар иккала хусусият хос эмас, деб айтапсиз». (Свидетельство Щуттарха. Фрагмент 216 // Лурье С.Я. Демокрит. Тексты. Перевод. Исследования. Л., 1970, с.256–257).

3.3. «Коммунистик жамият ва давлат тоталитарликка дарво қўлади. Бу асосий хатодир. Фақат илохий оламгина тоталитар бўлиши мумкин, инсон олами доимо жузъийдир. Коммунизм юясида инсон олами илохий оламга айланиб қолган» (Бердяев Н.А. Истоки и смысл русского коммунизма. М., 1990, с.125).

4. Кўйидаги исботлаш ва рад этиш ҳолларида қандай хатоларга йўл кўйилганлигини кўрсатинг:

4.1. Тафаккур табиатдан фарқли ўлароқ объектив қонуниятлар асосида ривожланмайди, чунки у турли хил хошиш-иродага эга ва шундан келиб чиқиб фаолият юритадиган инсонга хос хусусиятдир.

4.2. Бу киши, шубҳасиз, ичувчиидир: бурнига қаранг, қип-қизил.

4.3. XVI асрда Лувен университети профессори Фруадмон Коперникка қарши чиқади. «Ер, унинг фикрича, планета бўла олмайди, Куёш атрофида айланиши мумкин эмас, чунки Ернинг марказида дўзах жойлашган бўлиб, у осмондан иложи борича узокрокда туриши керак. Демак, Ер самовий фазо марказида бўлиши керак» (Кумпан Ф.История числа А. М., 1971, с.37).

4.4. «Антисфеннинг таъкидлашича, соғлом фикр юрита олиш даражасига етган киши, бошқалар изидан бориб, тўғри йўлдан чиқиб кетмаслиги учун мавжуд сўз бойлигини ўрганиши керак эмас» (Диоген Лаэртский. О жизни учениях и изречениях знаменитых философов. М., 1986, с.246).

4.5. Ўзи одамларни узок вақт тарбиялаш шакли бўлар экан, давлат, сўзсиз, ёшлар тарбияси тўғрисида қайғуради. Чунки мазкур тарбия воситасида келажакда унга таянч бўла оладиган кишилар шаклланади (К.Ясперс. Смысл и назначение истории. М., 1991, с.354).

5. Кўйидаги софизмларни мантикий таҳлил килинг:

5.1. Бир дарёга икки марта тушиб бўлмайди. Тушиб бораёттанингизда дарёдаги сув ўзгаради, демак, дарё ўзгаради, яни у аввалги дарё бўлмай қолади.

5.2. Ўтирган киши ўрнидан турди. У энди турган киши бўлиб қолди. Демак, ўтириш ҳам, туриш ҳам – бир нарса.

5.3. Чавандоз отдан тушиши мумкин эмас. Чунки отдан тушган киши чавандоз бўлмай қолади. Демак, отдан тушган киши чавандоз эмас, балки пиёдадир.

5.4. Мен кимнингдир портретини кўрдим. Унда кимнингдир гидиракни кашф килганилиги тасвирланган. Демак, мен гидирак ихтирочисининг портретини кўрдим.

6. Кўйидаги мантикий парадоксларни таҳлил қилинг:

6.1.«Алдоқчи» парадокси. Алдоқчи, «хозир мен билдирадиган мулоҳаза хато», деса, бир вактда у ҳам алдаётган, ҳам ростини гапираётган бўлади. Ҳакикатан ҳам, у ростини гапираётган бўлса, билдирилган мулоҳаза хато бўлади; агар алдаёттан бўлса, билдирилаёттан мулоҳазасининг ҳатолиги ҳакидаги фикр хато бўлади, яъни у мулоҳаза чин бўлади.

Эслатиб ўтамиз: кадимда «алдоқчи» парадокси фикрнинг икки хил маънога эга бўлишига мисол сифатида олиб қаралган. Ўрта асрларда эса «ҳал қилиб бўлмайдиган гаплар» қаторига кўшилган. Ҳозирги пайтда у «мантикий парадоксларнинг шохи» деб саналади. Мазкур парадоксни ечишининг ўнлааб вариантлари таклиф килинган, лекин ҳозиргача унинг негизида қандай муаммолар яшириниб ётганлиги сир бўлиб колмокда.

6.2. Эрамизгача V асрда яшаб, ижод қилган таникли мутафаккир-софист Протогор Еватл исмли шогирдига хукук асосларини ўргатади. Улар ўртасида қўйидагича келишув бўлган: Еватл устозига унинг сабоқ берганлиги учун ҳакни биринчи суд жараёнини ютиб чиқсан ҳолдагина тўлайди. Лекин ўқишини тутатгандан кейин Еватл суд жараёнларида катнашгани йўқ. Бу ҳол узок вакт давом этгач, устознинг тоқати тоқ бўлиб, ўз шогирдини судга беради. Бунда у: агар ютиб чиқсан, меҳнат ҳакимни суд карори бўйича оламан; агар шогирдим ютса, унда ўзаро келишувимизга мувофиқ Еватл ўзининг биринчи ютиб чиқсан суд жараёни бўлгани учун тўлашга мажбур, деб ўйлади.

Ўта қобилиятли бўлган Еватл устозига қўйидагича жавоб беради: ҳакикатан ҳам мен суд жараёнини ё ютаман, ё ютказаман. Агар ютсан, суд карори мени тўловдан озод қиласди; агар ютказсан, ўзаро келишувимизга биноан тўламайман.

Ишнинг бундай тус оғланлигидан боши котиб, Протагор ўзининг Еватл билан бўлган баҳсига «Тўловга оид қийинчиллик» асарини бағишлайди ва унда мазкур муаммонинг маҳсус тадқик килинишга лойик эканлигини алоҳида таъкидлайди. (Мисоллар «А.А.Ивин. Искусство правильно мыслить. М., 1990»дан олинган. 193 –196-бетлар).

7. Кўйидаги муҳокамаларда мантикий парадоксларнинг бор-йўқлигини аниқланг. Агар парадокс мавжуд, деб ҳисобласангиз, унинг келиб чиқиш сабабини топишга ҳаракат қилинг.

7.1. Қадимги грек файласуфи Сократ, «Мен ҳеч нарсани билмас эканлигимни биламан», деб айтган. Бу фикрда ички зиддият йўқми? Ахир «ҳеч нарсани билмас эканлиги»ни англаш ҳам билишдан иборат эмасми?

7.2. «Исботлашнинг йўқ эканлиги исботланди», деган мулоҳазада ички зиддият борга ўхшайди: бир томондан унда исботлашнинг йўқ эканлиги таъкидланади, иккинчи томондан эса, бу фикрнинг исботланганлиги маълум килинади ва бу билан исботлашнинг мавжудлиги тан олинади.

Қадимги дунёнинг таникли скептикларидан бири Секст Эмпирик унинг қўйидагича ечимини таклиф қиласди: «Бундан бошқа исботнинг мавжуд эмаслиги

исботланган». Бу ечим тўғрими? Ахир унда битта исботнинг борлиги айтпилган?!  
Факат бир марта кўлланиши мумкин бўлган исботни қандай тасавур килиш мумкин?  
(Мисоллар А.А.Ивинининг юкорида қўрсатилган китобидан олини. 200–201-бетлар).

8. Куйидаги баҳсни мантикий таҳлил килинг. «Маҳмуд Фазнавий  
Хоразмни эгаллаган (1017) йил. Беруний ва унинг ҳамкасби олим Абдусамад  
Аввалин подшоҳ ўз хузурига даъват килаётганини хабар килдилар.

Подшоҳ Махмуд Фазнавий Берунийнинг саломига жавобан бир бош  
ирғитган бўлди-да, Абдусамадни сўрқ килишда давом этди:

– Мусулмон динининг ашаддий душманлари кофир карматийларни  
мактаб, уларнинг худо йўлига зид, шариатта хилоф эътиқодини тарғиб этувчи  
китобни сен ёзганимисен?

– Мен, тақсир. Аммо карматийларнинг эътиқоди бу китобда тарғиб  
этилган эмас, фақат баён этилган, – деб жавоб килди Абдусамад. Унинг  
овозида паришонлик ва хавотир сезилиб турар эди.

– Исломга ихтилофли эътиқодни баён этимок, уни тарғиб этимок демакдир.

– Подшоҳ ҳазратлари, имларни ўрганмоқ ҳар бир мусулмон ва мусулмон  
аёлнинг вазифасидир, деганлар Расулиллоҳ, – одоб ва ёввошлик билан жавоб  
килди Абдусамад. – Ўзга эътиқодларни ўрганмоқ ва таҳлил этимок шариатта  
хилоф бўлмас, бу иш илим учун даркордир.

– Қатл этилсин бу кофир! – деб буюрди шоҳ.

Подшоҳ Берунийга юзланди ва ундан сўради:

– Карматийлар тўғрисидаги китобга сизнинг ҳам алоқанғиз бўлганми?

– Бўлган, подшоҳим. Мен бу китобнинг муаллифларидан биримен.

– Кофир карматийларнинг ислом динига душманликдан иборат  
эътиқодин не важдан тарғиб этадурсиз?

– Ҳар бир ҳалқ ва жамоа ўз эътиқодига эга бўлиш ҳукукига молик. Олимнинг  
вазифаси уларни чукур ўрганмоқ, ҳақикат қай бирига кўпроқ оид эканини аниқла-  
мокдир. Бу вазифанинг ижроси билан эътиқод тарғиби орасида фарқ кагтадир.

– Сизнинг бундай қажбаҳслигиниз бошингиз кесилишига боис бўлур,  
буни англаб етасизми?

– Тайдир бизга шундай кисматни насиб этган бўлса, унга ризо бўлмай  
не чорамиз бор.

Вазир турган жойида яна бир бор сесканиб тушди». (Азиз Қаюмов.  
Абу Райҳон Беруний. Абу Али ибн Сино. Т., 1987, 53–54 - бетлар).

#### *Такрорлаш учун саволлар*

1. Аргументлаш нима?
2. Ишонч-эътиқод қандай ҳосил бўлади?
3. Исботлаш қандай таркибга эга?
4. Исботлашнинг қандай усувлари мавжуд?
5. Рад этиш исботлаш билан қандай алоқада?
6. Рад этишининг қандай усувларини биласиз?
7. Исботлаш ва рад этиш кондаларини бузгандга қандай мантикий хатолар  
вужудга келади?
8. Паралогизм, софизм ва мантикий парадоксларнинг моҳияти нимада?
9. Баҳс нима? Баҳс, мунозара юритишнинг қандай умумий кондалари бор?

## **МУАММО. ГИПОТЕЗА. НАЗАРИЯ**

### **МУАММОЛИ ВАЗИЯТ ТУШУНЧАСИ**

Билишнинг мақсади қайд қилинган ҳодисаларнинг мөхиятини тушунтиришдан иборат. Буни ҳаммавақт ҳам мавжуд тасаввурлар, принциплар ёрдамида амалга ошириб бўлмайди. Билиш жараёнида маълум бир зиддиятлар, биринчи навбатда, мавжуд билимларимизнинг эришган даражаси билан янги билиш вазифаларини ҳал қилиш зарурияти ўргасида зиддият келиб чиқади, муаммоли вазият пайдо бўлади. Бундай зиддиятлар, айниқса, кундалик ҳаётимизда мураккаб вазифаларни ҳал қилишда, фанда эса туб бурилишлар даврида яққол намоён бўлади. Мана шундай вазият, масалан, табиатшуносликда XIX асрнинг охири ва XX асрнинг бошларида радиоактивлик ҳодисасининг қайд қилиниши, электроннинг кащф этилиши, нурланишнинг квант хусусиятга эгалигининг асосланиши ва шу каби кащфиётлар натижасида вужудга келган. Унинг мөхиятини табиатшуносликнинг, биринчи навбатда, физиканинг мавжуд қонунлари ва принципларининг янги қайд қилинган ҳодисаларни тушунтириш учун етарли эмаслигига, деб билмоқ зарур.

Шуни ҳам айтиш керакки, илмий билишда муаммоли вазиятни фан тараққиётининг ички эҳтиёжлари ҳам келтириб чиқариши мумкин. Масалан, ҳозирги пайтда фанда синергетика ғоялари ва методларини тушунтириш, математикада аксиоматиканинг имкониятлари ва қўлланиш соҳаларини аниқлаш билан боғлиқ бўлган вазифаларни ҳал қилиш зарурияти янги вазиятни яратади.

Демак, муаммоли вазият мавжуд илмий тасаввурлар билан қайд қилинган янги фактлар ўргасидаги зиддиятнинг пайдо бўлиши ёки ана шу илмий тасаввурларнинг ўзининг етарли даражада тизимга солинмаганлиги, яхлит бир тальимот сифатида асосланмаганлиги натижасидир.

Мана шундан келиб чиқиб, **муаммоли вазият** билиш тараққиётининг тури босқичлари ва бўғинларида олам ҳамда уни билиш ҳақидаги мавжуд тасаввурларни, билиш методи ва воситаларини ўзгариришнинг объектив заруриятидан иборат, дейиш мумкин.

## МУАММОНИ ҚЎЙИШ ВА ҲАЛ ҚИЛИШ

Муаммоли вазиятни таҳлил қилиш янги муаммони қўйишга олиб келади.

**Муаммо** – жавоби бевосита мавжуд билимда бўлмаган ва ечиш усули номаълум бўлган саволдир.

Шунинг учун ҳам муаммони қўйиш ва ҳал қилиш мавжуд билимларни қайта ишлаш, баъзи холларда эса, ҳатто, улар доирасидан четга чиқиши, янгича ечиш усули, методларини қидиришни тақозо этади. Қандай муаммоларни илгари суришни, уни муҳокама қилишнинг хусусиятини амалий фаолиятимиз ва билишимиз эҳтиёжлари белгилаб беради.

Муаммони муваффақиятли ҳал қилишнинг зарур шартларидан бири уни тўғри қўйиш ва аниқ баён қилишдан иборат. Тўғри қўйилган савол, В.Гейзенберг айтганидек, муаммони ечишнинг ярмидан кўпроғини ташкил этади.

Муаммони тўғри қўйиш учун муаммоли вазиятни аниқ тасаввур қилишнинг ўзи етарли эмас. Бунинг учун муаммони ҳал қилишнинг турли хил усуслари ва воситаларини ҳам олдиндан кўра билиш керак.

Муаммоларни қўйицда кишиларнинг ҳаётий тажрибаси, билимлари ва талантни муҳим аҳамиятга эга бўлади. Шунинг учун ҳам, одатда, кўп холларда янги муаммолар илмий билишнинг у ёки бу соҳасининг йирик мутахассислари, бой тажрибага эга ва чукур билимли олимлари томонидан илгари сурилади ҳамда улар баъзан узоқ йиллар давомида тадқик қилинади. Буни, масалан, миллий ғоя ва миллий мафкурани яратиш муаммосининг қўйилиши ва тадқиқ этилиши мисолида кўриш мумкин. Жаҳон тажрибасига мурожаат қилсан, «миллатнинг мафкураси бир эмас, балки бир неча авлоднинг умри давомида ишлаб чиқилиши ва такомилга эришувига гувоҳ бўлишимиз мумкин».<sup>1</sup>

Уни шакллантириш учун кучли истеъодд ва «ёрқин тафқур»га эга бўлган Конфуций, Махатма Ганди, Форобий, Баҳоуддин Нақшбанд каби буюк зотлар заҳмат чекканлар.<sup>2</sup>

Хозирги пайтда эса Президентимиз И.А.Каримов таъкидлаганидек, «Миллий ғоя, миллий мафкурани ишлаб чиқиши, уни шакллантириш учун ҳар қайси миллатнинг Энг илфор вакиллари, керак бўлса, мутафаккирлари, зиёлилари меҳнат қилиши лозим»<sup>3</sup>.

<sup>1</sup> И.А. Каримов. Миллий истиклол мафкураси – ҳалқ эътиқоди ва буюк келажакка ишончдир: «FIDOKOR» газетаси мухбири саволларига жавоблар.

- Т.: «Ўзбекистон». 2000. 21-б.

<sup>2</sup> Карап, ўша ерда.

<sup>3</sup> Ўша ерда, 21-б.

Муаммоли вазиятни таҳлил қилишга турли хил муносабатда ёндашиш мумкин бўлганлиги учун ҳам ҳал қилиниши лозим бўлган вазифа турли хил муаммолар тарзида баён қилиниши мумкин. Бунда баъзи муаммолар асосий вазифани ифода қилса, баъзилари бу вазифанинг айрим томонларини акс эттиради ва шунинг учун ҳам жузъий хусусиятга эга бўлади. Кўп ҳолларда бир-бири билан боғланиб кетган мана шундай жузъий муаммолар ҳал қилингандан кейингина асосий муаммони аникроқ баён қилиш ва ечиш имконияти вужудга келади.

Муаммоларни тўғри қўйиш ва баён қилиш уларни ечишдан кам аҳамиятга эга эмас. Муаммони тўғри қўйиш учун унинг илмий билиш тараққиётида тутган ўрни ва аҳамиятини тўғри баҳолаш, уни ҳал қилишнинг методларини топиш зарур. Бу амалда қўйилиши мумкин бўлган турли хил муаммолар ичидан энг муҳими ва тўғрисини танлаб олишни бициради. Муаммони танлаш маълум бир даражада тадқиқотнинг умумий йўналишини ва хусусиятларини белгилаб беради.

Охир-оқибатда кайси муаммони қўйиш амалий фаолиятимиз эҳтиёжларига боғлик. Чунки факат амалий фаолиятдагина кишиларнинг эҳтиёжлари ва мақсадлари билан уларни ҳал қилиш воситалари ўртасидаги зиддият яққол намоён бўлади, илмий изланиш предмети аниқланади ва шу асосда билиш олдига конкрет вазифалар қўйилади.

Илмий муаммо, одатда, маълум бир назария доирасида вужудга келади (Назария ҳақида бобнинг охирида кенгроқ маълумот берилади).

Назария кейинчалик илгари сурилиши мумкин бўлган муаммони умумий ҳолда белгилашга ва уни тўғри танлашга ёрдам беради. Шунингдек, ҳар бир муаммо маълум бир назария ёрдамида ҳал қилинади. Баъзи ҳолларда эса муаммо мавжуд назарияни модификация қилишни, муаммони ечишга мослаштиришни талаб киласди.

Муаммони ечиш учун дастлабки тайёргарлик ишлари қилинади. Улар қуйидагилардан иборат:

а) мавжуд назариялар доирасида тушунтириб бўлмайдиган факт ва ҳодисаларни аниқлаш;

б) муаммони ҳал қилиш гоялари ва методларини таҳлил қилиш ва уларга баҳо бериш;

в) муаммони ҳал қилиш турини, мақсадини, олинган натижани текшириш йўлларини белгилаш;

г) муаммонинг негизи билан уни ечиш учун илгари сурилган гоялар ўртасидаги алоканинг хусусиятларини кўрсатиш.

Бу дастлабки ишлар амалга оширилиб бўлгандан кейин муаммони ечишга бевосита киришилади.

Шуни алоҳида қайд қилиб ўтиш керакки, муаммонинг ечилиши нисбий хусусиятга эга. Бошқача айтганда, муаммонинг мутлақ тўла ечимини топиш қийин. Чунки ўрганилаётган ҳодисанинг барча томонларини қамраб олиб бўлмайди. Шунинг учун ҳам илмий изланиш давомида янги муаммолар вужудга келиши мумкин бўлиб, у мавжуд муаммони бошқача талқин қилишни тақозо этади. Бунга мисол қилиб И.Ньютон томонидан жисмларнинг ўзаро тортишиши муаммосининг қўйилишини кўрсатиш мумкин. Бутун олам тортишиш қонунини кашф қилиб, у фақат тортишувчи жисмлар ўртасидаги миқдорий алокаларнигина топганлигини уқтириб ўтган эди.

А.Эйнштейннинг нисбийлик назарияси жисмларнинг ўзаро тортишиши муаммосини бошқача талқин қиласди ва бу муаммо ҳақидаги тасаввурларимизни маълум бир дараҷада кенгайтиради.

Жисмларнинг ўзаро тортишишининг табиати, амалга ошиш механизми ҳозиргacha тўла очиб берилмаган. Бошқача айтганда, муаммо узил-кесил ҳал бўлмаган.

Баъзи ҳолларда муаммоларнинг ечимини узоқ вақтгача топиб бўлмайди. Масалан, рак касалининг сабабини ўрганиш билан боғлиқ муаммо ҳозиргacha тўла ҳал бўлмаган.

Бу, албатта, айрим муаммолар бутунлай ечимига эга эмас, деган фикрни билдирамайди, балки уларни мавжуд методлар, воситалар ёрдамида ечиб бўлмасликни кўрсатади, холос ва шу тариқа ечишнинг янги воситаларини қидириб топишга ундейди. Демак, муаммо ҳал қилинмагунча илмий изланиш давом этади.

## ГИПОТЕЗА

Муаммони ҳал этиш жараёнида маълум бир гипотезалар илгари сурилади ва асосланади.

**Гипотеза** – ўрганилаётган ҳодисанинг сабаблари ва хусусиятларини тушунтирадиган асосли тахмин тарзидаги билим шаклидир.

Гипотезани, авваламбор, билимларнинг мавжуд бўлиш шакли сифатида олиб қараш зарур. Чин, ишончли билимлар ҳосил бўлгунга қадар қўйилган муаммолар, масалалар ҳақидаги фикр-мулоҳазалар кузатиш, эксперимент натижаларини таҳлил қилиш ва умумлаштиришга асосланган бўлиб, улар турли хил тахминлар, фаразлар шаклида курилади ва мавжуд бўлади.

Масалан, Левкипп ва Демокритнинг жисмларнинг атомлардан ташкил топганлиги ҳақида билдирган фикрлари

дастлаб гипотетик шаклда бўлиб, энг оддий, кундалик таж-рибада минглаб марта кузатиладиган ҳодисалар: қаттиқ жисмнинг суюкликка айланиши, хиднинг тарқалиши ва шу кабиларни таҳлил қилишга асосланган, уларнинг сабабини тушунтиришга қаратилган. «Жисмлар майда, бўлинмас зар-рачалардан ташкил топмагандা бундай ҳодисалар бўлмас эди», деган фикр ўзининг маълум бир мантикий кучига эга.

Ходисанинг сабаби ҳакидаги фикр дастлаб, одатда, гипотеза шаклида вужудга келади ва шу маънода у билимларнинг мавжуд бўлишининг умумий мантикий шаклларидан бири ҳисобланади.

Гипотезани қуриш ўрганилаётган ҳодисани тушунтирадиган тахминий фикрларни илгари суришдан иборат бўлади. У қайд этилган фактлар, улар учун характерли бўлган қонуниятлар ҳакидаги хукмлар (мулоҳазалар) ёки хукмлар тизими тарзида бўлади. Уни ифода килувчи асосий гап мулоҳазалар системасини ҳосил килувчи элемент, деб ҳисобланади. Ана шу гап (мулоҳаза)да, одатда, гипотезанинг бош гояси акс этади. Мухокама жараёни унинг негизида, атрофида қурилади ва маълум бир ишчи гипотезалар – вақтингча қуриладиган, мўлжални тўғри олишга ёрдам берадиган тахминларнинг илгари сурилишига, улар ёрдамида ҳодисанинг янада чукурроқ тадқиқ килинишига олиб келади.

Гипотезаларни илгари суришнинг асосий мантикий во-ситаси эҳтимолий хulosаси чиқариш: аналогия, тўлиқсиз ин-дукция, турли кўринишдаги эҳтимолий силлогизмлар – энг камиди битта қоидаси бузилган, асосларидан бири эҳтимолий хукм бўлган силлогизмлар (шартли, айирувчи – қатъий, шартли – айирувчи силлогизмлар шаклларида) ҳисобланади.

Шунингдек, гипотеза баъзи ҳолларда қатъий хulosаси чиқариш шаклларида ҳамда турли хил хulosаси чиқариш усусларининг кўп қаватли мантикий қурилмаси тарзида ҳам шакллантирилиши мумкин.

Гипотезада илгари суриладиган мулоҳаза эмпирик ма-териалларни таҳлил қилиш, қайта ишлаш, тартибга кел-тириш, умумлаштириш, талқин этиш натижасида пайдо бўлади. Ана шунинг учун ҳам гипотеза – бу ҳар қандай тахмин эмас, балки маълум бир даражада асосланган, ўзининг муайян мантикий кучига эга мулоҳаза, фараздир.

Гипотеза қуришнинг мураккаб мантикий жараён экан-лигини қуйидаги мисол тасдиқлайди. Иссикликдвигателла-ри назарияси асосчиларидан бири француз инженери Сади Карно биринчи бўлиб факат иссиқликнинг қаттиқроқ қизи-

ган жисмдан совукрок жисмга ўтишидагина фойдали иш вужудга келиши ва аксинча, иссиқликни совук жисмдан қиздирилган жисмга бериш учун иш сарфланиши зарур, деган фикрни илгари сурган. Айни пайтда Карно шу даврда кенг тарқалган иссиқликнинг намоён бўлиш сабаби унинг таркибида алоҳида вазисиз суюклик – теплороднинг бўлишидир, деган фикрга таянувчи теплород концепциясини ҳам тўғри, деб ҳисоблаган. Теплородни сувга, ҳароратлар (температуралар) ўртасидаги фарқни – сув даражасига киёс қилиб, Карно, худди сув даражасининг пастга тушишида иш сув оғирлигининг унинг даражалари ўртасидаги фарқка бўлиниши билан ўлчангани каби, буғ машинасида иш, ишчи модданинг (сув, спирт ва бошқалар) табиатидан қатъи назар, теплород микдорининг ҳароратлар (температуралар) фарқига бўлиниши билан ўлчанди, деган хulosага келади. Бу иссиқлик машинаси иш ҳажмининг (микдорининг) иситгич ва совутгич ҳароратларининг қийматларига боғликлигини англатарди. «Карно принципи» кейинчалик термодинамиканинг иккинчи қонунининг яратилишига асос бўлган.

Келтирилган мисолда Сади Карнонинг гипотезани илгари сурища аналогияга асосланганлигини пайқаб олиш қийин эмас.<sup>1</sup>

Илгари сурилган гипотеза, албатта, асосланиши зарур. Бу босқичда гипотезадан маълум бир натижалар келтириб чиқарилади ва улар верификация қилинади, яъни уларнинг мавжуд фактларга (ёки бошқа ишончли билимларга) мувофиқлиги аникланади.

Бу ерда шуни унумаслик лозимки, гипотезани ишончили, чин билимга айлантириш учун унда илгари сурилган фикрларга етарли асос бўла оладиган микдордаги натижалар (гипотезанинг асосий foясидан келиб чиқадиган) йиғиндиси верификация қилиниши керак.

Гипотезанинг чинлигини асослашнинг бошқа усуслари ҳам мавжуд: 1) гипотезани дедуктив йўл билан чинлиги аввал исботланган билимлардан мантиқан келтириб чиқариш; 2) асоси ишончли билим бўлмаса, уни тасдиқлаш (бу кўпроқ асослари эҳтимолий хукм бўлган силлогизмлар воситасида қурилган гипотезаларга тегишли); 3) гипотезанинг асосларини ишончли билим олиш учун етарли бўлган микдорга етказиш (бу гипотеза тўлиқсиз индукция воситасида қурилган ҳолларга тегишли).

Гипотезани тасдиқлашнинг қандай кечишини тасаввур қилиш учун куйидаги мисолга мурожаат қиласиз.

Термодинамика асосчиларидан бири немис физиги Р.Клазиус юқорида биз қайд этиб ўтган “Карно принципи”ни

<sup>1</sup> Мисол. Сборник упражнений по логике: для вузов. З изд. перераб./под ред. А.С.Клевчени-Лен.: - Университетское, 1980., с. 214.

унга қылнгандан кўп ҳужумлардан ҳимоя қилган. Бу принципни тасдиқлаш мақсадида, унинг чинлигини интуитив равища мұқаррар деб ҳисоблаган постулатдан дедуктив йўл билан келтириб чиқаради. Бу постулатга мувофиқ иссиқлик ўз ҳолиға совукроқ жисмдан иссиқроқ жисмга ўта олмайди.<sup>1</sup> Бу ерда ургу айнан шу “ўз ҳолиға ўта олмасликка” берилади, чунки амалда “мажбуран” ўтиш ҳам (совитиш қурилмаларида, аралашмаларда ва бошқаларда) мавжуд бўлиб, у муайян компенсация қилувчи (ўрнини қопловчи) ҳолатнинг юзага келиши билан биргаликда кечади.

Гипотеза рад қилиниши ҳам мумкин. У гипотезадан келиб чиқадиган натижаларни фалсификация қилиш йўли билан аникланади. Мазкур мантикий жараён шартли-катъий силлогизмнинг инкор модуси тарзида кечади, яъни натижанинг хатолигини аниклашдан асоснинг хатолигини кўрсатишга ўтилади. Унинг символик ифодаси куйидагича:

$$((H \rightarrow P) \wedge \neg P) \rightarrow \neg H$$

Гипотезанинг натижаларини топа олмаслик, гарчи бу гипотезанинг мавқеини анча пасайтиrsa-да, лекин уни рад эта олмайди. Гипотезанинг чишлиги ундан келиб чиқадиган натижаларга зид бўлган ҳолатлар аникланғандагина узилкесил рад этилади. Масалан, Птоломейнинг Ернинг ҳаракатланмайдиган марказ эканлиги ҳақидаги гипотезаси Коперникнинг гелиоцентрик назарияси асосланадиган фактларга зид келганидан кейин рад этилди.

Шуни алоҳида таъкидлаш зарурки, ўрганилаётган ҳодиса ҳақида бир вақтнинг ўзида бир қанча гипотезалар илгари сурилиши мумкин. Масалан, ҳозирги пайтгача кушлар учайданда тўғри йўлни қандай топа олишини мавжуд гипотезалардан ҳеч бири тўлиқ тушунтира бера олмаган. Уларда турли хил фикрлар билдирилган: кушларни баъзилар магнит майдонига, бошқалар Күёшга, юлдузларга қараб мўлжал олишади, деб ҳисоблашган. Украина олимлари эса 1980 йилларнинг иккинчи ярмида кушлар ўз ҳаракати маршрутларини Ернинг гравитация майдонига асосланиб, шу маршрут давомида оғирлик кучининг ўзгаришини «ҳисоблаб» белгилашади, деган фикрни билдирганлар. Лекин ҳозиргача уларнинг бирортаси узилкесил тасдиқланмаган ҳам, рад этилмаган ҳам.<sup>2</sup>

Гипотеза тасдиқланмагунча ўзининг билишдаги аҳамиятини йўқотмайди. Рад этилса, ўрнига бошқа гипотеза

<sup>1</sup> Карап, ўша китоб, 220-б.

<sup>2</sup> Карап, ўша китоб, 208-б.

курилади ва бу ҳол то гипотезалардан бирортаси тасдиқланмагунча давом этади.

Илгари суриласётган гипотезалар турли хил даражада умумлашган бўлиши мумкин. Ана шунга мувофиқ ҳолда умумий ва жузъий гипотезаларни ажратиш мумкин.

**Умумий гипотеза** деб табиат, жамият, билиш ҳодисаларининг қонуниятлари ҳақида билдирилган асосли тахминга айтилади. Бунга мисол килиб нефть келиб чиқишининг органик ва ноорганик табиати ҳақидаги гипотезаларни, Ерда ҳаётнинг пайдо бўлиши, онгнинг келиб чиқиши, ижтимоий прогресс ҳақидаги фаразларни кўрсатиш мумкин. Умумий гипотезалар борликнинг муҳим қонуниятларини очишга имкон бергани учун илмий назария «куриш материаллари», деб ҳисобланади. Йисботлангач, бундай гипотезалар назарияларга айланадилар ва илмий тадқикотларнинг стратегик йўналишларини белгилаб берадилар.

**Жузъий (хусусий) гипотеза** айрим фактлар, конкрет предмет ва ҳодисаларнинг келиб чиқиши, хусусиятлари ҳақидаги билдирилган асосли тахминий фикрдан иборат. Конкрет жиноятнинг мотиви ҳақидаги суд версияси, археологик қазишларда топилган предметларнинг табиати, қайси даврларга оид эканлиги ҳақидаги тахминлар жузъий гипотезага мисол бўлади.

Мантиқда ишчи гипотезалар ҳам фарқ қилинади.

**Ишчи гипотеза** тадқиқотнинг дастлабки босқичида илгари суриладиган тахмин бўлиб, ўз олдига ўрганилаётган ҳодисанинг сабабини аниқлашни мақсад қилиб қўймайди; у фактат кузатиш ва эксперимент натижаларини тасвиrlашга, тартибга солишга ёрдам беради.

Шундай килиб, гипотеза фикрларимизнинг курилиши, биљимларимизнинг мавжуд бўлиш ва ривожланиши шаклидир.

## НАЗАРИЯ

«Назария» термини кенг маънода аклий билиш, тафаккурни англатади, уни амалиётдан фарқ қилувчи фаолият тури сифатида ифодалайди. Тор маънода эса назария маълум бир соҳага оид тасавурлар, тушунчалар, фоялар, гипотезаларни тизимга соладиган, предметни яхлит тарзда англашга имкон берадиган билим шаклини билдиради.

Назариянинг бундай талқини илмий билишда эмпириник ва назарий босқичларнинг фарқ қилиниши билан боғлик.

Эмпириник босқичда илмий фактлар тўпланади, ўрганилади, тизимга солиниб, турли хил жадваллар, шакллар, графиклар тузилади; муайян бир умумлашмалар, хусусан, эмпириник тушунчалар, фаразлар, эмпириник қонулар шаклланади.

Илмий билишнинг кейинги тараққиёти эмпирик билиш босқичида ҳосил қилинган, лекин бир-бiri билан бўлган алоқаси ҳали аниқланмаган билимлар ўртасида муносабатларни ўрнатиш, уларни умумлаштириш, шу асосда янги фундаментал тушунчалар, умумий қонунларни яратиш, илмий башоратлар қилиш билан узвий боғлиқ.

Билишнинг бу икки босқичи ўртасида зарурий алоқадорлик мавжуд. Ҳусусан, назарияни яратиш эмпирик билиш жараённида ҳосил қилинган предметнинг айrim томонлари, ҳусусиятларини акс эттирувчи тушунчалар, қонунлар, фаразлар ўртасида мантиқий алоқаларни ўрнатишга, предмет ҳақида яхлит тасаввур ҳосил қилишга, унинг моҳиятини тушунтиришга бўлган эҳтиёж билан белгиланади.

**Назария** маълум бир предмет соҳасига оид тушунчалар, қонунлар, гипотезалар, ғояларни системага солиб, у ҳақида яхлит тасаввур ҳосил қиласиган, янги фундаментал умумлашмалар яратишга олиб келадиган, шу соҳадаги ҳодисаларни тушунтириш, олдидан кўриш имконини берадиган ишончли билимдан иборат.

Илмий назария қуйидаги таркибий қисмлардан ташкил топади: 1) эмпирик асос: назарияга алоқадор фактлар, уларга мантиқий ишлов бериш натижалари; 2) бошланғич назарий асос: назариянинг асосий тушунчалари, постулатлари (аксиомалари), фундаментал қонунлар (принциплар); 3) назариянинг мантиқий аппарати: тушунчаларни ҳосил қилиш ва таърифлаш қоидалари, хулоса чиқариш (исботлаш) қоидалари; 4) олинган натижалар (хулосалар).

Илмий назария охир-окибатда реал тизимни, объектни акс эттиради, унинг табиатини тушунтиради ва шу маънода ўзининг эмпирик асосига эга. Лекин эмпирик асосининг мавжудлиги назариянинг барча тушунчалари ифода этадиган предмет ва белгиларнинг хиссий идрок қилиниши ёки назариянинг барча ҳолларда мавжуд ҳодисаларни, уларнинг реал ҳусусиятлари ва муносабатларини акс эттиришини англатмайди.

Назарияда борлик, асосан, моделлар ёрдамида идеаллашган ҳолда инъикос қилинади. Идеаллаштириш жараённида мавжуд объектлар ҳақидаги эмпирик билимга таянган ҳолда, ҳақиқатда мавжуд бўлмаган ва баъзан мавжуд бўлиши мумкин ҳам бўлмаган, лекин реал мавжуд предметларга маълум бир муносабатда ўхшаш объектлар ҳақидаги тушунчалар ҳосил қилинади. Масалан, механика ечимини қидирадиган кўп масалаларда жисмнинг шакли ва ўлчамлари (эни, бўйи, ҳажми ва шу кабилар) уччалик муҳим аҳамиятга эга эмас. Айни бир пайтда масса муҳим

аҳамиятга эга ва шунинг учун ҳам массаси бир нуқтага жамланган хаёлий жисм – моддий нуқта ҳосил қилинади.

Барча реал мавжуд жисмлар шаклга ва ўлчамларга эга, моддий нуқта эса идеал объект бўлиб, бавзи масалаларни ечишда реал жисмларнинг ўрнини босади, уларнинг назарий билишдаги эквиваленти бўлиб хизмат қиласди. Физикадаги мутлақ қаттиқ жисм, геометриядаги нуқта, текислик, тўғри чизик ва бошқа фанлардаги шу каби кўп тушунчалар идеал объектларни ифода қиласди.

Идеал объектлар ёрдамида предметнинг ҳиссий идрок этилмайдиган муҳим хусусиятлари, муносабатлари ўрганилади. Уларсиз назарий билиш ўз олдига қўядиган мақсадига эриша олмайди. Назарий билишнинг зарурий воситаси бўлганлиги учун уларни бавзан **назарий объектлар** деб ҳам аташади.

Назария идеал характерга эга бўлган тушунчалар, мулоҳазалар тизимидан – **концептуал тизимдан** иборат бўлиб, у реал объектнинг назарий моделини ифода қиласди. Масалан, механикадаги бошқа тизимлар таъсиридан ажратиб кўйилиб, ёпиқ тизим тарзида фикр қилинадиган механик тизим тушунчаси реал объектнинг назарий модели ҳисобланади. Унинг ёрдамида реал мавжуд бўлган механик тизимнинг ҳаракат қонунлари ўрганилади.

Назарий модельнинг идеал хусусиятга эга бўлган объектлари, уларни акс эттирувчи тушунчалар ўртасидаги алоқадорлик назариянинг фундаментал қонунлари, принципларида ўз ифодасини топади.

Мазкур қонунлар, принциплар бошланғич тушунчалар ва мулоҳазалар билан биргаликда назариянинг **концептуал ўзагини** ташкил этади. Масалан, классик механиканинг негизини ҳаракатнинг учта қонуни ҳамда улар билан боғлик бўлган фазо, масса, вакт, куч, тезлик, тезланиш тушунчалари ташкил этади. Классик термодинамиканинг асосини эса унинг учта муҳим қонуни ҳосил қиласди. Математик назарияларнинг концептуал ўзаги уларнинг асосий тушунчалари ва аксиомаларида ўз ифодасини топган.

Хар бир назария ўзининг тушунчаларини ҳосил қилиш, таърифлаш қоидаларига эга. Бунга мисол қилиб формаллашган тилни яратиш қоидалари (3-мавзуга қаранг), мулоҳазалар мантигини натурал хulosса чиқариш тизими сифатида қуриш қоидаларини (7-мавзуга қаранг) кўрсатиш мумкин. Худди шунингдек, ҳар қандай назария хulosалар тарзидаги ўз натижаларига эга.

Демак, илмий назариянинг таркибида унинг ҳар бир элементи ўз ўрнига эга.

Илмий назария билишда бир қанча муҳим вазифаларни бажаради.

Биринчидан, назарияда бирорта соҳага оид барча билимлар яхлит бир тизимга бирлаштирилади. Бундай тизимда, одатда, билимларнинг катта қисмини назариянинг нисбатан камроқ бўлган бошлангич тушунчаларидан келтириб чиқаришга ҳаракат қилишади. Улар математикада аксиомалар, табиатшуносликда гипотезалар, деб юритилади. Бундан кўзланган асосий мақсад – қайд этилган фактларни айрим бошлангич принциплар, гипотезаларнинг натижаси сифатида талқин этиш. Назарий тизимда ҳар бир факт, ҳар бир тушунча, ҳар бир қонун ёки фараз бошқаларига нисбатан ўз ўрнига эга бўлиши, ана шундан келиб чиқиб, талқин қилиниши (ёки қайта талқин қилиниши) зарур. Талқин этиш жараённида мавжуд назариялар ҳамда янгидан қурилаётган назариянинг элементларига мурожаат қилинади. Бу эса, бир томондан, мавжуд фактларнинг табиатини тўғри тушунишга ёрдам берса, иккичи томондан, бевосита эмгирик усул ёрдамида қайд этиб бўлмайдиган янги фактларни топишга имкон беради.

Иккинчидан, назарияни қуриш берилган соҳага оид билимларни аниқлаштириш, кенгайтириш ва чукурлаштиришга ёрдам беради. Бунинг сабаби шундаки, назариянинг бошлангич асослари – аксиомалар, постулатлар, қонунлар, принциплар, гипотезалар назариядаги бошқа илмий билимларга нисбатан мантиқан кучлироқ ҳисобланади. Ана шунинг учун ҳам назарияни қуриш мавжуд билимларни тартибга солишдан, яъни координация қилишдангина иборат бўлиб қолмайди. Бунда мантиқан кучли билимлардан мантиқан кучсиз билимлар келтириб чиқарилади, яъни субординация қилинади. У эса мазмунан чукурроқ бўлган тушунчалар, қонунлар, принципларга мурожаат қилишга, улар ёрдамида мавжуд тушунчаларни талқин этишга, янги фундаментал умумлашмалар ҳосил қилишга олиб келади. Масалан, Ньютоннинг ҳаракатнинг учта қонуни ҳамда бутун олам тортиши қонунига таянадиган классик механикаси Галилейнинг жисмларнинг эркин тушиши қонуни ва Кеплернинг планеталар ҳаракати қонунини тушунтириш ва аниқлаштириш имконини берди. Ҳусусан, Галилей қонунининг жисмнинг гравитация кути таъсирида ҳаракат қилишининг жузъий ҳолини ифода этиши маълум бўлди. Гравитация таъсиридан ташқарида, яъни Ер радиуси узунлигидан ортиқ бўлган масофада Галилей кашф этган қонун амал қилмайди. Худди шунингдек, Кеплернинг Қуёш системасида ҳаракат қилувчи планетанинг эллиптик орбита бўйича ҳаракат қилиши қонунининг бошқа планеталарнинг таъсирини ҳисобга олмаслиги ва ана шунинг учун ҳам унчалик аниқ эмаслиги маълум бўлди.

Учинчидан, назария ўрганилаётган ҳодисани илмий асосда тушунтира олади. Тўғри, бирорта ҳодисани тушунтириш учун, одатда, уни тавсифлайдиган қонунга мурожаат килишади. Лекин шуни ёддан чиқармаслик зарурки, фанда қонунлар ўз ҳолиша эмас, балки маълум бир назария таркибида мавжуд бўлади. Бунда эмпирик қонунлар маълум бир назарий қонунлардан келтириб чиқарилади. Ҳатто алоҳида олинганд назарий қонун ҳам ҳодисани тушунтириш учун етарли бўлмаслиги мумкин. Илмий тажриба шуни кўрсатадики, ҳодисанинг моҳиятини тушунтириш учун назариянинг барча ғоялари йиғиндиси, қонунлар жалб этилади.

Назариянинг илмий билишдаги алоҳида аҳамияти яна унинг янги, илгари кузатилмаган ҳодисаларнинг мавжудлигини олдиндан кўриш имконини беришидадир. Масалан, Максвеллнинг электромагнит назарияси радио тўлқинларининг мавжудлигини олдиндан айтиб берган. Бу тўлқинларни анча вақт ўтгандан кейин Г.Герц экспериментал йўл билан қайд этган. Худди шунингдек, Эйнштейннинг умумий нисбийлик назарияси гравитация майдонида ёруғлик нурининг офишини башорат қилган.

Тўртингидан, илмий назария ўзида ўрганилаётган предмет соҳасига оид барча билимлар ўртасида мантикий алоқаларни ўрнатгани, яхлит бир тизимда мужассамлантиргани ва умумлаштиргани учун унинг объектив ҳақиқатлик даражаси ва демак, ишончлилиги ортади.

Бешинчидан, назария муаммони қўйиш, гипотезаларни яратиш, қонунларни шакллантириш, ғояларни илгарни суриш ва асослашдан иборат билишининг узок ва машаққатли йўлини босиб ўтишининг натижаси бўлганлиги учун у билишга хос қонунларни аниклаш, уларни ўрганиш имконини беради.

Назарияни куриш мураккаб жараён бўлиб, кўп ҳолларда бир қанча олимларнинг ҳамкорлик қилишини тақозо этади.

Дастлабки босқичда назариянинг предмет соҳаси ва тадқиқот йўналиши аникланади. Амалий ҳаётимиз эҳтиёжлари, у билан узвий боғлиқ бўлган тадқиқот мақсади ва вазифалари бунда муҳим аҳамият касб этади. Шунингдек, предмет соҳаси ва тадқиқот аспектини аниклашда берилган соҳага оид билимларнинг кўлами, чукурлиги катта роль ўйнайди.

Назарияни қуришнинг кейинги зарурий босқичи бошланғич асосни аниклашдир. У ўрганилаётган соҳага оид энг асосий тушунчалар, аксиомалар, гипотезалар йиғиндисидан иборат бўлади. Назариянинг бошқа барча тушунчалари, гипотезалари ва қонунлари ана шу бошланғич асосдан дедуктив йўл билан келтириб

чиқарилади. Бунда, албатта, назариянинг барча тушунчалари – асосийлари ва келтириб чиқариладиганлари, янгидан ҳосил қилинадиганлари мухим foя (ёки foялар тизими) негизида бирлаштирилиши керак.

Табиийки, назария маълум бир метод ёрдамида, яъни методологик принциплар, усууларни кўллаш асосида курилади.

Курилган назария билишнинг кейинги босқичларида аниклаштирилади, янги фактик материаллар асосида мазмунан бойитилади, қайта талқин қилинади.

## НАЗАРИЯНИНГ ТУРЛАРИ

Илмий назариянинг жуда кўп турлари мавжуд. Уларни турли хил асосларга кўра таснифлаш (туркумлаш) мумкин. Ҳусусан, курилиш методига кўра назарияларни тўрт турга ажратиш мумкин: 1) тажриба билан иш кўрадиган фанларнинг мазмундор назариялари; 2) гипотетик-дедуктив (ёки яrim аксиоматик) назариялар; 3) аксиоматик назариялар; 4) формаллашган назариялар.

«Мазмундор» назарияларда маълум бир соҳага оид фактлар тизимга солинади, умумлаштирилади ва тушунтирилади. Улар асосан тажриба натижалари, эмпирик материалларга таянади, уларни таҳлил қиласи, тартибга солади ва умумлаштиради. Ана шунинг учун ҳам уларни «тажрибага таянувчи назариялар», деб атасади. «Мазмундор» деб аталишига сабаб, уларни математика ва мантиқдаги формаллашган назариялардан фарқ қилишdir. Мазмундор назарияларни соғ эмпирик назариялар деб бўлмайди. Улар факат эмпирик материалларгагина эмас, балки назарий конунларга ҳам таянади. Масалан, мазмундор, деб хисобланадиган Ч.Дарвиннинг эволюция назарияси, И.П.Павловнинг олий асаб фаолиятининг шартли рефлекторлик назарияси ва шу кабилар чуқур назарий foяларга суннади, улар ёрдамида тўпланган материалларни рационал усул билан англайди, қайта ишлайди ва тушунтиради.

Гипотетик-дедуктив назариялар табиатшуносликда учрайди. У турли хил мантикий кучга эга гипотезалар тизимидан иборат бўлиб, унда мантиқан кучлиларидан мантиқан кучсизроклари дедукция қилинади. Гипотетик-дедуктив тизимни гипотезалар занжири (иерархияси) тарзида олиб қараш мумкин. Бунда эмпирик асосдан узоклашган сари гипотезанинг кучи ортиб боради, чунки ҳар бир келтирилиб чиқарилган гипотеза ўзидан аввалги гипотезаларда мавжуд бўлган билимларни синтез қилиш натижаси сифатида гавдаланади.

Гипотетик-дедуктив назарияларнинг ўзига хос жихатларидан бири ундаги гипотезаларнинг даражалари бўйича

қатъий изчил жойлашишидир. Гипотезанинг даражаси қанчалик юқори бўлса, хуносаларни мантикий йўл билан келтириб чиқаришда унинг иштироки шунчалик кўп бўлади.

Назариянинг гипотетик-дедуктив модели эмпирик материалларни ишлашда кўп қулайликларга эга бўлиши билан бир қаторда айрим камчиликлардан ҳам холи эмас. Хусусан, бошлангич гипотезалар қандай танлаб олиниши керак, деган саволга ҳалигача аник, қатъий ҳолдаги жавоб йўқ.

**Аксиоматик тизимларда** назария элементларининг катта қисми кичкина бошлангич асосдан – асосий аксиомалардан дедуктив йўл билан келтирилиб чиқарилади. Аксиоматик назариялар асосан математикада курилади.

Аксиоматик метод биринчи марта Евклид томонидан элементар геометрияни қуришда муваффакиятли ишлатилган. Мазкур геометриянинг асосий аксиоматик тушунчалари «нукта», «тўғри чизик», «текислик» бўлиб, улар идеал фазовий объектлар сифатида олиб қаралган; геометриянинг ўзи эса физика фазонинг хусусиятларини ўрганувчи таълимот сифатида талқин қилинган. Евклид геометриясининг қолган барча тушунчалари улар ёрдамида ҳосил қилинган.

Кўйидаги мисолга мурожаат қиласлик: «Текисликдаги битта нуктадан баравар узокликда ётадиган нукталар тўпламига айлана дейилади», унда «айлана» тушунчаси «нукта ва текислик» тушунчалари ёрдамида ҳосил қилинган, яъни улардан дедукция қилинган.

Математиканинг тараққиёти давомида аксиоматик метод такомиллашиб борган, уни қўллаш мумкин бўлган соҳалар доираси кенгайган. Хусусан, аста-секин Евклид аксиомаларининг фақат геометрик объектларнигина эмас, балки бошқа математик ва ҳатто, физик объектларни ҳам тасвиrlаш учун ярокли эканлиги маълум бўлди. Масалан, нуктани ҳақиқий сонларнинг учтасининг тўплами, тўғри чизик ва текисликни, чизикли тенгламаларни билдиради, деб қабул қилинганда, мазкур ногеометрик объектлар хоссаларининг Евклид геометрияси аксиомалари талабларига жавоб бериши аниқланган.

Шуни айтиш керакки, аксиоматикага бундай абстракт тарзда ёндашишга маълум бир даражада Н.И.Лобачевский, Б.Риман ва бошқалар ноевклид геометрияларининг яратилиши яхши имконият яратди.

Хозирги замон математикасида абстракт аксиоматик тизимлар кенг қўлланилади. Бундай тизимларнинг муҳим хусусиятлари уларнинг ёпиқ тизимдан иборат бўлиши,

яни микдор жиҳатидан чекланган аксиомалар, тушунчалар, принциплардан ташкил топиши, улар каторига ихтиёрий равища, асосиз янги аксиомалар, тушунчаларни қўшиб бўймаслик; тизимларнинг мантиқан зиддиятсиз ва маълум бир даражада тўла бўлиши ва шу кабилардан иборат. Ана шунинг учун ҳам улар узоқ вақт давомида ўзининг барқарорлигини сақлайди, янги билим олишнинг ишончли воситаси бўлиб қолади.

Аксиоматика табиатшуносликда ҳам қўлланилади. Тажриба билан боғлиқ бўлганилиги ва шунинг учун ҳам зарурый равища эмпирик талқинга муҳтоҷ эканлиги сабабли табиатшуносликнинг фақат ўзагини ташкил этадиган тушунчаларнинг аксиомалаштириш мумкин.

Абстракт математик структуралар факат аксиоматик тизимлардагина эмас, балки формаллашган назарий тизимларда ҳам тасвирланиши ва тушунтирилиши мумкин.

**Формаллашган назариялар** мантиқда кенг қўлланилади. Бунга мисол қилиб мулоҳазалар мантифи, предикатлар мантифини кўрсатиш мумкин. Шунингдек, у математикада ҳам учрайди.

Назариянинг юкорида биз кўриб чиқкан турлари ва бошқалари назарий билишнинг муҳим воситалари сифатида фанда ниҳоятда қадрланади. Улар тафаккурнинг структураси ва қонуниятларини яхши билиб олишга имкон беради.

### **Машклар**

1. Кўйидаги мулоҳазани таҳлил қилиб, муаммонинг моҳияти, шаклланиши ва ечилиш усулини тушунтириб беринг:

«Бир масалани мен ўта муҳим деб хисоблайман. Тоталитаризмнинг у ёки бу шаклининг мавжуд бўлиши мукаррар, деган фикрни биз тез-тез эшитиб турамиз. Ўз ақли ва билими туфайли ўзларининг айтганларига жавоб бериши керак бўлганиларнинг кўпчилиги тоталитаризмдан кутулиб бўлмайди, деб таъкидлайдилар. Улар биздан кўйидагиларни сўрашади: наҳотки, биз демократия абадий бўлиши мумкин деб хисоблайдиган содда одамлармиз; наҳотки, унинг давлат тузилишининг ўткинчи шаклларидан бири эканлигини тушунмаймиз? Улар, демократия тоталитаризмга қарши курашда унинг методларидан фойдаланишига мажбур ва булинг оқибатида тоталитаризмга айланаб қолади, деб айтадилар. Бошқа ҳолларда улар, бизнинг индустрисал тизимимиз бундан бўёғига ижтимоий режалаштиришсиз мавжуд бўла олмайди, деб таъкидлайдилар ва бунда ижтимоий-иктисодий тизим зарурий тарзда ижтимоий турмушни ташкил этишининг тоталитар шаклларини қўллашни тақозо этади, деган хулоса чиқарадилар.

Бундай аргументлар тўғрига ўхшаб кўриниши мумкин. Лекин бундай масалаларни ҳал этишда эҳтимоллик (тўғрига ўхшаб кўриниши) ишончли маслаҳатчи бўла олмайди. Ҳақиқатда эса, бундай жузъий масалаларни мухокама қилишга, қандайдир бир ижтиомий фан бундай пайғамбарона узил-кесил башорат қилиши мумкинми, деган методологик саволга жавоб бермасдан туриб, киришиб бўлмайди. Келажак одамзод учун нима тайёрлаб кўйибди, деган саволга масъулиятсизларча билдирилган гайритабиий сўзлардан бошқа яна нималарни ҳам эшитишимиз мумкин, ахир?!

Мана, ижтиомий фанларнинг методи муаммоси қаерда пайдо бўлади! У қандайдир тарихий башоратни асослаш учун келтирган жузъий фактларни танқид қилишга қараганда фундаментлироқ бўлган масаладир». (К.Поппер. Открытое общество и его враги. М., 1992, с.31–32).

2. Куйидаги матнни мантикий таҳлил қилиш асосида гипотезанинг моҳиятини тушунтириб беринг:

«Атомнинг планетар тузилиши тўғрисидаги фараз унинг асосида қатор фактларни, хусусан, Менделеевнинг кимёвий элементлар даврий жадвалини тушунтириш мумкин бўлгандан кейинтина оддий тусмолдан гипотезага айланди. Унгача мазкур жадвал кимёвийнинг эмпирик қонуни бўлиб саналар эди. Менделеев кимёвий элементларни уларнинг атом оғирлигининг ортиб бориши ҳамда физика хоссаларининг ўзгарishi асосида жойлаштириди. Атомнинг планетар моделининг яратилиши кимёвий элементларнинг жадвалда жойлашишига физик маъно беришга ва талқин килишга олиб келди. Кимёвий элементнинг жадвалдаги тартиб ракамини унинг ядрисидаги мусбат зарядлари сонига teng эканлиги маълум бўлди» (Ю.В.Ивлев. Логика. М., 1998, с.241).

3. Куйидаги матнда илмий назариянинг қайси тури таркибининг шаклланиши ва ривожланиши ҳакида фикр билдирилаётганлигини топинг ва уни шарҳлаб беринг:

«Физика тафаккурнинг тараққий этиб борувчи системасидан иборат бўлиб, унинг негизи ўтказилган тажрибалар натижаларини индукция методлари ёрдамида умумлаштириш йўли билан эмас, балки эркин фикрлаш асосида яратилади. Тизимнинг чинлигини асослаш мавжуд аксиомалардан келиб чиқадиган теоремаларнинг ҳиссий тажрибада қўлланилишига таянади; бунда теорема ва тажрибанинг ўзаро муносабатини факат интуитив тарзда тушуниш мумкин. Мазкур тизимнинг эволюцияси унинг мантикий асослари соддатигининг тобора ортиб бориши йўналишида кечади. Максадга яқинлашиш учун биз мантикий асоснинг тажриба кўрсатмаларидан борган сари узоклашаётганини, асослар билан улардан келтирилиб чиқариладиган ҳамда ҳиссий тажрибалар билан доимо солишириб туриладиган теоремалар орасидаги фикр йўлининг узайиб ва қийинлашиб боришини тан олишимиз керак» (А.Эйнштейн. Физика и реальность. М., 1965, с.59).

1. Муаммоли вазият нима?
2. Муаммонинг асосий хусусиятлари нималардан иборат?
3. Муаммони тўғри кўйиш ва ҳал этишнинг қандай шартлари мавжуд?
4. Гипотезанинг моҳияти нимада ва унинг қандай турлари мавжуд?
5. Назариянинг таркиби қандай?
6. Назария билиш жараёнида қандай вазифаларни бажаради?
7. Назариянинг қандай турлари мавжуд?

### **АДАБИЁТЛАР**

1. Ўзбекистон Республикасининг Конституцияси. – Т.: “Ўзбекистон”, 1992.
2. Каримов И.А. Тарихий хотирависиз келажак йўқ. «Мулокот», 1998, №5.
3. Каримов И.А. Ўзбекистон XXI асрга интилоқда. – Т.: “Ўзбекистон”, 1999.
4. Каримов И.А. Озод ва обод Ватан, эркин ва фаровон ҳаёт – пировард мақсадимиз. – Т.: “Ўзбекистон”, 2000.
5. Каримов И.А. Миллий истиқлол мафкураси – ҳалқ ғътиқоди ва буюк келажакка ишончидир: “Fidokor” газетаси мухбири саволларига жавоблар. – Т.: “Ўзбекистон”, 2000.
6. Бочаров В.А., Маркин В. И. Основы логики. – М., 1994.
7. Войшвилло Е. К. Символическая логика: классическая и релевантная. – М., 1989.
8. Войшвилло Е. К. Понятие как форма мышления. – М., 1989.
9. Войшвилло Е. К., Дегтярев М. Г. Логика как часть теории познания и научной методологии. Кн. 1, 2. – М., 1994.
10. Войшвилло Е. К., Дегтярев М. Г. Логика. – М., 1999.
11. Гетманова А.Д. Логика. – М., 1995.
12. Ёкубов Т. Математик логика элементлари. – Т.: “Ўқитувчи”, 1983.
13. Ивлев Ю. В. Логика. Учебник для вузов. – М.: Логос, 1998.
14. Ивин А. А. Искусство правильно мыслить. – М., 1990.
15. Кириллов В. И., Старченко А. А. Логика. – М.: “Логос”, 1997.
16. Кондаков Н. И. Логический словарь -справочник. – М., 1976.
17. Логико – гносеологические идеи мыслителей Средней Азии. – Т.: “Фан”, 1981.
18. Логика и компьютер. Моделирование рассуждений и проверка правильности программ. – М.: “Наука”, 1990.
19. Логика: наука и искусство. – М., 1993.
20. Маковельский А. О. История логики. – М., 1967.
21. Малик Мурод. Ўзбек қадриялари. – Т.: “Чўлпон”, 1995.
22. Маркин В. И. Силлогистические теории в современной логике. – М. 1991.
23. Мустақиллик: илмий, изоҳли, оммабоп лугат. – Т.: “Шарқ”, 1999.
24. Мўминов И. М. Ўзбекистон ижтимоий-фалсафий тафаккури тарихидан. – Т.: “Фан”, 1993.

25. Попов П. С. История логики нового времени. –М., 1960.
- 26.Раҳимов И. Логикадан амалий машғулотлар ва методик тавсиялар. – Т.: “Ўқитувчи”, 1988.
- 27.Рузавин Г. И. Научная теория: логико - методологический анализ. – М., 1978.
- 28.Смирнова Е. Д. Основы логической семантики. – М., 1989.
- 29.Ибн Сина. Избранные философские произведения. – М., 1980.
- 30.Фалсафа. Комусий лугат– Т.: “Шарқ”, 2004.
31. Аль - Фараби. Логические трактаты, Алма-Ата, 1975.
32. Форобий ва унинг фалсафий рисолалари. М. Хайруллаев таҳрири остида. – Т.: “Фан”, 1969.
33. Хайруллаев М. Уйғониш даври ва Шарқ мутафаккири. – Т.: “Ўзбекистон”, 1981.
34. Хайруллаев М., Ҳақбердиев М. Мантиқ. – Т.: “Ўқитувчи”, 1993.
- 35.Шарипов М., Файзихўжаева Д. Мантиқ. Маъруза матнлари. – Т., 2000.
- 36.Ўзбекистон XXI асрга интилмоқда. – Т.: “Ўзбекистон”, 2000.
- 37.Ўзбекистонда ижтимоий-фалсафий фикрлар тарихидан лавҳалар. Академик М. Хайруллаев таҳрири остида. – Т.: “Ўзбекистон”, 1995.

## МУНДАРИЖА

<b>Кириш.....</b>	<b>3</b>
<b>Мантиқ илмининг предмети ва аҳамияти.....</b>	<b>5</b>
Тафаккур мантиқ илмининг ўрганиш обьекти .....	5
Тафаккур шакли ва тафаккур қонуни тушунчалари.....	9
Формал мантиқнинг предмети.....	11
Мантиқни ўрганишнинг аҳамияти.....	12
<b>Мантиқ фани ривожланишининг асосий босқичлари.....</b>	<b>16</b>
Кадимги дунёда мантиқ илмининг шаклланиши ва ривожланиши..	16
Ўрта асрларда мантиқ илмининг тараққиёти.....	22
Янги ва энг янги даврда мантиқ илми.....	31
<b>Мантиқ илми ва тил.....</b>	<b>46</b>
Тил – ахборот белгилари тизими.....	46
Табиий ва сунъий тиллар.....	47
Мантиқнинг формаллашган тили.....	49
<b>Формал мантиқнинг асосий қонунлари (принциплари).....</b>	<b>55</b>
Айният қонуни.....	57
Нозидлик қонуни.....	58
Етарли асос қонуни.....	61
<b>Тушунча.....</b>	<b>69</b>
Тушунча – тафаккурнинг мантикий шакли.....	69
Тушунчанинг мазмуни ва ҳажми.....	71
Тушунчанинг турлари.....	72
Тушунчалар ўргасидаги муносабатлар.....	74
Тушунчаларни чегаралаш ва умумлаштириш.....	76
Тушунчаларни бўлиш.....	78
Таснифлаш.....	80
Тушунчаларни таърифлаш (дефиниция).....	81
Таърифлашга ўхшаш мантикий усуслар.....	83
Синфлар устида амаллар.....	84
<b>Хукм (мулоҳаза).....</b>	<b>89</b>
Хукм – тафаккурнинг мантикий шакли.....	89
Оддий хукмлар.....	89
Мураккаб хукмлар.....	95
Хукмлар ўргасидаги муносабатлар.....	99
Савол ва жавоб.....	103
Норма ва хукм.....	107
<b>Хулоса чиқариш.....</b>	<b>111</b>
Хулоса чиқариш – тафаккурнинг мантикий шакли.....	111
Дедуктив хулоса чиқариш.....	112
Оддий қатъий силлогизм.....	117

<b>Силлогизм аксиомаси.....</b>	118
<b>Силлогизмнинг умумий қоидалари.....</b>	119
<b>Силлогизмнинг фигуralари ва модулари.....</b>	121
<b>Номукаммал силлогизмларни мукаммал силлогизм кўринишига келтириш.....</b>	125
<b>Энтилема (қискартирилган қатъий силлогизм).....</b>	129
<b>Мураккаб ва мураккаб қискартирилган силлогизмлар.....</b>	129
<b>Эпихейрема.....</b>	130
<b>Мураккаб ҳукмларга асосланган дедуктив хулоса чиқариш.....</b>	131
<b>Мулоҳазалар мантиғи.....</b>	137
<b>Предикатлар мантиғи.....</b>	144
<b>Индуктив хулоса чиқариш.....</b>	145
<b>Илмий индукция.....</b>	159
<b>Илмий индукция методлари.....</b>	162
<b>Статистик умумлаштириш.....</b>	170
<b>Аналогия.....</b>	175
<b>Хусусиятлар ва муносабатлар аналогияси.....</b>	176
<b>Аргументлашниң мантиқий асослари.....</b>	182
<b>Аргументлаш (далиллаш) ва ишонч-эътиқоднинг шаклланиши.....</b>	182
<b>Исботлаш ва унинг таркиби. Исботлаш турлари.....</b>	183
<b>Раддия, рад этиш усуслари.....</b>	186
<b>Исботлаш ва рад этиш қоидалари, уларни бузганда келиб чиқадиган мантиқий хатолар.....</b>	188
<b>Муаммо. Гипотеза. Назария.....</b>	195
<b>Муаммоли вазият тушунчаси.....</b>	195
<b>Муаммони қўйиш ва ҳал қилиш.....</b>	196
<b>Гипотеза.....</b>	198
<b>Назария.....</b>	202
<b>Назариянинг турлари.....</b>	207
<b>Адабиётлар.....</b>	211

## **Маматхон Шарипов, Дилбар Файзихўжаева**

### **МАНТИҚ**

*Ўқув дастурлари, дарсликлар ва ўқув қўлланмаларни  
қайта кўриб чиқши ва янгиларини яратиш бўйича  
Республика мувофиқлаштириши комиссияси томонидан  
ўқув қўлланма сифатида тавсия этилган*

Нашр учун масъул  
Таҳририят мудири  
Муҳаррирлар  
Мусаввир  
Мусахҳиҳа

*Н. Халилов  
М. Миркомилов  
Г. Усмонова,  
М. Йўлдошева  
Ю. Габзалилов  
Ф. Ортиқова*

**ИБ №4200**

Босишига 19.10.2004 йилда рухсат этилди. Бичими 84x108<sup>1/32</sup>.  
Офсет босма. Таймс гарнитураси. 11,34 шартли босма тобоқ.  
12,5 нашр тобоги. Адади 5000. 29-2004 рақамли шартнома.  
247 рақамли буюртма.

«ЎАЖБНТ» Маркази,  
700078, Тошкент, Мустақиллик майдони, 5

Ўзбекистон матбуот ва ахборот агентлигининг  
Faafur Fулом номидаги нашриёт-матбаа ижодий уйи.  
700129, Тошкент, Навоий кўчаси, 30//  
700128, Тошкент, Усмон Юсупов кўчаси, 86.

Ш26                    Шарипов М., Файзихўжаева Д.  
Мантиқ: Ўкув қўлланма /Масъул мұ-  
харрир: А.Ўтамуродов. – Т.: F.Фулом номи-  
даги нашриёт-матбаа ижодий уйи, 2004. – 216 б.  
Сарлавҳада: ЎзР Олий ва ўрта маҳсус таълим вазирлиги.

ББК 87.4я7